

# لعنة الذهب

رواية

شادي اسماعيل



دار  
المنشور

للمنشر والتوزيع

لعنة الذهب (رواية) .

للمؤلف: شادي إسماعيل

تصحيح لغوي: هدير محمود جودة .

الطبعة الأولى: يوليو ٢٠٢٠ .

دار العلوم للنشر والتوزيع .

المدير العام: حسام عثمان .

هاتف: ٠١١٤٤٧٦٤٠٠٠ - ٠١٠٦١١٦٠٩٨٨

الموقع الإلكتروني: [www.darelloom.com](http://www.darelloom.com)

البريد الإلكتروني: [daralloom@hotmail.com](mailto:daralloom@hotmail.com)

[Facebook.com/darelloom](https://www.facebook.com/darelloom)

Twitter: @darelloom

جميع الحقوق محفوظة

رقم الإيداع: ٨٨٠٤ / ٢٠٢٠

الترقيم الدولي: ٢ - ٦٧١ - ٣٨٠ - ٩٧٧ - ٩٧٨

دار  
العلوم  
للنشر والتوزيع

إن الآراء الواردة في هذا الكتاب لا تعبر بالضرورة عن رأي دار العلوم للنشر

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر .

---

لعنة الذهب

□

□

□ الإهداء

□

□

إلى الشخص الوحيد الذي أَمَنَ بي في حياتي ، خذله الوقت ليكون

معي ، لكن أبداً ما خذلني هو . . .

□ أبي

□

شادي إسماعيل



وقفت السيارة أمام المنزل، نزل منها رجلان الأول كان محمد والآخر كان الشيخ عابد، لم يكن شيخاً بالمعنى المتعارف عليه فهو حتى لم يطل ذقنه، شخص قصير القامة بدين، تستطيع أن تشعر بأنه ذو أهمية من خلال تلك النظرات الغريبة التي يلقيها دائماً على من حوله، صعد الشيخ عابد إلى المنزل وصار يلقي نفس النظرات المريبة على أركان السلم ودخل محمد إلى الشقة ولم يكن يفهم لماذا كل هذه النظرات التي يلقيها الشيخ عابد؟ ولكنه أيضاً لم يجرؤ على السؤال فهو كان يخشاه على الرغم من أنه لم يبد ذلك، دخل الشيخ عابد وجلس بالصالون الموجود يسار باب الشقة منتظراً الحاج فتحي الذي دخل محمد ليستدعيه، في أثناء انتظاره ظل يسير ذهاباً وإياباً متمتماً ببعض الكلمات الغير مفهومة وغير مسموعة في نفس الوقت ولكن تظهر من تحرك شفثيه، دخل الحاج فتحي ليقطع معزوفته الغير واضحة فنظر له بثبات وثقة، مد فتحي يده وصافحه لكنه شعر برعشة قد سرت في جسده حينما لمس يد عابد، جلس الحاج فتحي وقد تحفظ بعض الشيء من الشيخ بعد ذلك الموقف وجلس بجواره محمد وأمامهما جلس عابد ذو النظرات المريبة.

- ها يا حاج أو مرني .

قالها عابد بكل ثقة وكأنه سيحل المشكلة مهما بلغت صعوبتها :

- الأمر لله يا شيخ عابد الموضوع إن من كام يوم كدا كان فرح بنتي الصغيرة .

- نور .

قالها متسرعاً مبدياً بعض من مهاراته ليكسب ثقة الحاج فتحي، أكمل استعراض مهاراته بشيء من الفخر بعدما لمح الدهشة تعلق وجه الرجلان قائلاً :

- نور الصغيرة ونيهان الكبيرة وفي النص محمد .

صمت بعدما أنهى جلته وهدأ في مقعده معلنا انتصاره في الجولة الأولى، الحرب النفسية الأولى بين الدجال والزبون الجديد هي ما تحسم المعركة حتى النهاية ويجب أن يتصر بها الدجال كي تمهد له الطريق ليفعل ما يشاء دون أن يعترضه أحد "إن صدقك القلب فلن تُكذِّبكَ العين".

- أنت عرفت منين؟ سأله الحاج فتحي .

- كمل يا حاج وياريت بلاش أسئلة كثير أنا بس اللي أسأل .

" لا تترك لعدوك الفرصة ليتحقق منك وإلَّا تبين له خداعك " .

في فرح نور العيلة كلها كانت معزومة وكلنا كنا فرحانين وقعدنا نحضر للفرح واليوم كان ماشي كويس لحد ما رجعنا بالليل ونيهان بتعيين الذهب اللي كان معاها لاقيت بقيت دهبها مش موجود معرفتش أعمل إيه؟ لو اتصلت بالبوليس هتبقى فضيحة وفي نفس الوقت الذهب تمته غالي جداً لدرجة متخلىش أسكت وأعدي الموضوع، واحد قريبي اقترح عليا أشوف شيخ وهو اللي يقولي مين اللي خد الذهب فبعت محمد يسأل لحد ما وصلك، عايزك تقولي مين خده وليك مكافأة كبيرة .

- من غير مكافأة ولا حاجة يا حاج إن شاء الله هجيلك ابن الكلب اللي عمل كدا .

قالها عابد من باب الكرم لا أكثر، من داخله كان يطير فرحاً بما سيحصل عليه لو أعاد هذا الذهب .

خرجت نيهان من غرفتها لتتضم إلى والدها والشيخ عابد معهما محمد، نظر إليها عابد نظرة متفحصة حتى جلست بجوار الحاج فتحي فطلب منها أن تجلس إلى الكرسي المجاور لكرسيه ليستطيع أن يتحدث معها بشكل أوضح فقامت وجلست كما طلب بعد أن أعطاهما الوالد الإذن بنظرة من عينيه .

- إزيك يا نيهان؟

- الحمد لله تمام .

- قوليلي دهبك حد شافه من الموجودين يومها؟

- اه خرجته فرجت الناس كلها عليه وبعدين رجعته مكانه تاني .

- وحد شافك وأنت بترجميه؟

- لا لإني قفلت باب الأوضة قبل ما أعيته .

- تمام .

نظر عابد تجاه الحاج فتحي قائلاً :

- بص يا حاج الموضوع دا هيجتاج مني يومين وهكلمك .

- ماشي يا شيخ عابد يومين ثلاثة مش مهم المهم الذهب يرجع ، البت مقهورة  
من ساعة اللي حصل !

- متقلقش الذهب هيرجع هيرجع ولو في بطن الأرض .

قالها بكل ثقة ، هذا الوغد لم يكن يدرك ما ينتظره .

خرجت صرخة عالية من إحدى المباني المتهالكة التي تحارب من أجل الحفاظ  
على أرواح من سكنوها احتراماً منها لتلك السنين الطويلة التي قضياها سوياً  
ولولاها ما كانت تلك الجدران البالية لتقاوم تغيرات الزمن ، تلى الصرخة  
صوت طفلة خرجت لتوها إلى الحياة ولا تدري ماذا قد خبا لها ، من باب صرخ  
في اصحاب المنزل مراراً كي يبدلونه لكن أكثر ما فعلوه إن منوا عليه بطلاء  
جديد خرجت سيدة مسنة تحمل الطفلة على يدها لتناولها إلى أبيها ذاك الشاب

اليافع الذي حملها بين ذراعيه تنغمره فرحة لم يشعرُ بها من قبل، ظل يداعب الفتاة ويدللها وسط فرحة كل الحاضرين حتى سألته العجوز:

- هتسميها إيه يا فتحي؟

- مش عارف لسه يا ماما .

- مش عارف إيه يا بني أمال هناديلها نقولها إيه!! هاهاها .

لم يدرك الشاب حينها لما تذكر رحلاته إلى تركيا، في إحدى الزيارات كان يجلس في مطعم بأسطنبول عندما تقدمت تلك الفتاة إلى طاولته لتعرف طلبه، كانت رقيقة وجميلة إلى حد كبير ممّا حرك الفضول داخله ليعرف اسمها، أخبرته أن اسمها "نيهان" أعجب بالاسم رغم غرابته فسألها عن المعنى؟ قالت أنه يعني السر الخفي أو الكامن .

- ها يا بني هتسميها إيه؟

- نيهان .

- إيه!! نيهان ودا معناه إيه بقى؟

- يعني السر الخفي .

- السر الخفي!! يا بني سمي اسم نعرف نفهمه نيهان إيه بس .

- هو نيهان يا ماما خلاص، اسم حلو وبعدين أنا عايزها لما تكبر متكرررش مأساتي .

- اخص عليك يا فتحي .

- بهزر يا ست الكل .

- خلاص يا بني، نيهان نيهان، تترى في عزك يا حبيبي .



دخل فتحي إلى الغرفة وسمع في الطريق والدته تتمتم "جيل ما يعلم بيه إلا ربنا" نظر إلى زوجته في حب بينما همت إحدى السيدات بالخروج من الغرفة وهي تنظر إليهم نظرة تحمل الكثير من الحقد فوق شفاه مبتسمة بجث وأغلقت الباب ورائها، احتضن فتحي منال حضناً طويلاً يعبر عن امتنان كبير لتلك الهدية التي أهدته إياها.

- مجبك أوي!

- وأنا كمان يا حبيبي مجبك أوي.

- أقولك على حاجة، دائماً كنت بسمع إن الواحد لما بيجيله طفل، يبقى حاسس إنه أسعد واحد في الدنيا وكدا، أنا بقى كنت مستني اليوم دا عشان أجرب الإحساس اللي بيقلوا عليه، بس هتصدقيني لو قولتلك إنني بعد ما جربته اكتشفت إنه لسه اليوم اللي شوفتك فيه هو أسعد يوم في حياتي!

احتضنته منال في لهفة وفرح، تعانقا طويلاً حتى طرقت الجدة الباب فاعتدل بسرعة قبل أن تقتحم الغرفة مع ضحكة بريئة خرجت من منال، رغم مرور عامين على زواجهم لكن لا يزال ينجل أن تراه والدته في هذه الوضعية بحكم تربيته وهو الأمر الذي احترمه فيه منال وأيضاً والدته ولكن رغم ذلك لم يكفوا عن ضحكهم في كل مرة ينجل فيها.

الحياة لا تهبك على الدوام، فكما أعطته زوجة محبة مخلصه وحنونة لطالما وقفت بجواره وسانده في حياته وتجارته التي من خلالها أصبح من أكبر تجار المدينة المعروفين الذين ما أن تسمع الأذان أسمائهم حتى تحكي الألسن عن ثرواتهم ومهاراتهم، وهبه الله أيضاً أطفال ثلاث في تلك السنوات الخمس عشر الماضية، كان يعلم أن الحياة ستسلبه شيئاً يوماً ما، لكن ما لم يكن يعلمه أنها ستختار أجل ما لديه "منال"، لم ينجل تلك المرة وهو يحتضنها أمام كل العائلة لم ينجل وهو يبكي في حضور الجميع، كل ما كان يريد هو أن يسمع

صوتها من جديد، أن تبادلته الحظن الأول دون خجل، لكنه لم يسمع الصوت ولم تبادلته الحظن، كل ما سمعه صوت الأطباء في الغرفة ممزوجاً بصرخات بعض الأقرباء، كل ما احتضنه رجالاً حضروا في المساء لتعزيتته، انفض الجمع وخلي المنزل إلّا من ثلاثة أطفال خلفتهم الأم ورائها ولا يدري الوالد مصيرهم أو كيف سيتعامل معهم، قرر فتحي ألّا يتزوج من بعد "منال" وأن يبقى مخلصاً للسنوات التي قضياها معاً، تكفل بتربية الطفلين بمساعدة ابنته ذات الخمسة عشر عاماً "نيهان" تلك الفتاة التي لم يكن يدرك حينما قرر تسميتها أنها ستحمل كل معاني ذلك الاسم "السر الخفي" وليس فقط جمال نادلته.

\*\*\*\*\*

- اصححي يا بني كل دا نوم؟

- يا عم اقل النور وسييني أنا منمتش من إمبراح.

- أنت مش عندك شغل؟

- هي الساعة كام؟

- الساعة الثامنة صباحاً بتوقيت القاهرة يا أستاذ.

- يا نهار أسود أنا اتاخرت جداً.

يقوم منتفضاً من سريره متجهاً بسرعة إلى الحمام ومنه إلى الدولاب ليخرج بدلة (كحلي) كان قد أحضرها أمس ليرتديها في أول يوم له في الجريدة فهو مقتنع بأن الانطباع الأول يدوم مهما فعلت بعد ذلك، رغم أنه لا يملك الكثير من المال ورغم أنه أنفق نصف ثروته في هذه البدلة إلّا أنه أراد أن يترك انطباعاً جيداً عنه منذ اليوم الأول.

"أيمن الكردي" صحفي مبتدئ يبلغ من العمر ٣٥ عاماً خريج كلية الإعلام جامعة القاهرة بتقدير عام امتياز، منذ تخرجه يبحث عن فرصة عمل في أي

جريدة أو محطة إذاعية ولكن باءت كل محاولاته بالفشل واضطر أن يعمل في وظائف صغيرة كي يستطيع العيش حتى وجد صديقاً له فرصة في جريدة تابعة لوالد أحد أصدقائه، طلب منه توظيف أمين وهذا ما حدث واليوم هو أول يوم عمل له، لم ينم منذ البارحة ظل ساهراً طوال الليل يحلم بالمستقبل الجديد وكيف ستغير الوظيفة حياته ليست حياته وحده بل وحياة "أميرة" حب الجامعة الذي استمر وبرغم تلك الظروف السوداء إلا أنها لم تتخل عنه حتى بعد أن تركها لكي لا يظلمها عادت إليه مرة أخرى ولأنه تعذب في انفصالهم وافق على الفور أن تعود علاقتهم.

نزل أمين من البيت مسرعاً وهو يسمع ضحكات صديقه الساخرة منه، عند مدخل العمارة أوقف تاكسي مردداً: "أنا هفلس قبل ما أشتغل يوم واحد".

- رمسيس يا أسطى؟

- اتفضل يا أستاذ.

بعد ساعة أو أقل بعشر دقائق وقف التاكسي أمام مبنى ضخيم يعبر عن هيبته لكنه لا يتم بأي شكل من الأشكال عن النشاط الذي يدب فيه من الداخل، نزل أمين من التاكسي مسرعاً ووقف أمام باب الأسانسير منتظراً هبوطه فأخبره العامل بأنه معطل "اللعنة على الأسانسيرات وعمال الصيانة" انجبه إلى السلم وهو يتمتم بتلك الجملة وصل إلى مكتب السكرتيرة ليقف أمام فتاة شقراء ذات عيون عسلية لاهتأ يحاول التحدث فيخرج صوته متهدجاً:

- ممكن . . . أقابل . . . رئيس . . . التحرير . . .

- مين حضرتك؟

- أمين . . . أمين الكردي . . .

- اتفضل هو بلغنا حضرتك تدخل أول ما توصل . . .

- شكراً .
- أوصلته السكرتيرة إلى باب المكتب بعد أن أبلغت رئيس التحرير على الهاتف بأنه قد وصل ، تركته أمام الباب يحاول هندمة بدلته ، طرق الباب ودخل :
- صباح الخير يا فندم .
- إزيك يا أيمن تعالى . . . ساعتك كام؟
- تسعة ونص يا فندم .
- وأنت ميعادك كام؟! .
- الساعة تسعة .
- افكر إن النهارده أول يوم شغل ليك معانا! مكنتش أحب إن دي تكون البداية .
- أنا آسف يا فندم بس . . .
- مش بقبل أعتذر يا أيمن عموماً أنا هعديها المرة دي ، بس دي أول وآخر مرة مفهوم .
- مفهوم يا فندم .
- ضغط رئيس التحرير على زر فدخلت السكرتيرة :
- تحت أمرك يا ريس .
- خدي أيمن لقسم الفن وخلي شاكر يعرفه الشغل ماشي إزاي . .
- حاضر يا ريس .
- تغيرت ملامح أيمن بعد سماع كلام رئيس التحرير .

- بس يا فندم أنا مش بفهم في الفن أصلًا، أنا كان نفسي أبقى صحفي تحقيقات أو أتكلم عن قضايا الناس في الشارع .

ضحك رئيس التحرير وقام من مكانه وربت على كتف أيمن قائلاً :

- بص يا بطل مفيش حد بينزل المعركة من غير تدريب وأنت لسه جديد في الشغلانة والأقسام اللي أنت عايزها دي ضرب نار وأنا مينفعش أرميك فيها على طول، اتقل يا أيمن، اتقل واتعلم هتوصل .  
- حاضر يا فندم .

- أثبت كفاءة وأنا هخليك تنزل الشارع لحد ما تقولي كفاية .

- إن شاء الله هكون عند حسن ظنك يا فندم .

- يلا يا بطل روح ادرب عشان تعرف تحارب .

- عن إذنك يا فندم .

يخرج أيمن من المكتب متمنًا "أوفر أوي الراجل دا" سار خلف السكرتيرة التي سمعته ولكنها اكتفت بابتسامة بسيطة، وصلا إلى مكتب علقت على بابها لافتة كتب عليها بخط عريض "قسم الفن" الغرفة تحتوي على خمس مكاتب صغيرة لكن لا يوجد سوى أربعة موظفين ثلاثة رجال وسيدة دون بذل مجهود عرف مكتبه، قدمت له السكرتيرة الأستاذ شاعر وتركتهم معًا عائدة إلى مكتبها، لاحظ شاعر ارتباك أيمن وخجله فسحبه من ذراعه متوجها إلى المكاتب .

- تعالى يا أيمن أعرفك على الزميلة .

توقف ونظر إلى أيمن، قال بسخرية :

- أوعي تكون من اللي يبجبوا الرسميات أستاذ وبه وكدا .

رد أيمن بابتسامة :

- لا عادي يا شاكر أنا كمان مش بحب الرسميات وبعدين إحنا زُملة .

- حبيبي يا أيمن أيوا كدا تعالى بقى أعرفك عليهم .

في الخامسة مساءً خرج أيمن من مقر الجريدة كان متشفي تغمره الفرحة ، ظل يتطلع إلى البناية الخاصة بالجريدة في ذهول ورهبة مردداً في نفسه :

"أنا بجلم ولا دي حقيقة ، أخيراً اشتغلت في المكان اللي كنت بعدي عليه كل يوم و بجلم بس أدخل أقابل حدّ فيه ، بس أنت لازم تثبت نفسك يا أيمن وتعرض كل اللي فات من عمرك والبهدة والقرف اللي عيشت فيهم من يوم ما تخرجت " .

أفاقه صوت الهاتف فنظر إلى المتصل وابتسم وهو يجيب :

- كنت لسه هكلمك .

- (ابتسامة ساخرة) ما أنا عارفه على طول بسبقك أصلاً .

- ودي أحلى حاجة فيك أصلاً .

- أحلى حاجة فيا؟!!

- هاهاهاها ، لا لا لا مقصدش أنا أقصد إنك فهماني دائماً عشان كدا بتسبقيني

وتعملي الحاجة قبل ما أعملها .

- أممم ماشي يا سيدي ، المهم أنت فين دلوقتي؟

- لسه خارج من الجرنال .

- أيوا يا عم ، قولني بقي عملت إيه النهارده؟

- بصي يا ستي .

استمرت المكاملة لمدة ساعة ونصف كاملة كان أيمن خلالها قد قرر العودة إلى المنزل سيراً على الأقدام ونظراً لسعادته الشديدة لم يشعر بالوقت ولا المجهود .

\*\*\*\*\*

استقبل الحاج فتحى تليفوناً من الشيخ عابد يفيد بضرورة حضوره ومعه نيهان وطفل صغير من أقاربهم ذهب على الفور إلى القرية التي يسكن فيها، قرية يظهر عليها كل معالم الدجل والشعوذة وسداجة أهلها وقف محمد أمام بيت الشيخ عابد ونزل والده ونيهان معهم الطفل الصغير استقبلهما عابد استقبال الفاتحين كأى شخص مصري عادي يستقبل ضيوفاً في بيته وكأنه نَسِيَ بأنه دجال، أدخلهم إلى "حجرة الكشف" كما يطلق عليها وهي على عكس ما اعتدنا في الأفلام والسينمات غرفة عادية تماماً لا يوجد بها سوى بعض الأوراق والأحجبة فقط هذا ما يميزها عدا ذلك فهو صالون معتاد لاستقبال الضيوف يوجد في أي منزل، عابد كان يدرك بأن طقوس السحر والدجل المعتاد رؤيتها في الأفلام قد أصبحت "موضة قديمة" لذلك طور من أسلوبه وجعل الرعب يعتمد على الطلاسم والتعاويذ التي يتلوها مستغنياً عن إحياءات الإضاءة والديكور البالية منذ زمن بعيد .

جلس الحاج فتحى وبجواره نيهان وأمامهما جلس عابد يجاوره محمد بينما جلس الطفل الصغير على كرسي جانبي :

- إزيك يا حاج؟

- الحمد لله يا شيخ عابد .

- أتمنى يكون المشوار سهل عليك .

- اه مش بعيد، المهم طمئني عملت إيه؟

- خير بإذن الله ، كله خير تشربوا إليه الأول؟
- ولا حاجة تسلم .
- لا والله لازم تشربوا حاجة ، أنتوا في بيتي .
- خليننا نخلص الأول يا شيخ عابد وبعدين نشوف موضوع الأكل والشرب .
- ماشي يا حاج زي ما تحب .
- بدأ عابد في تحضير الجلسة بقراءة بعض التعاويذ الخاصة ، بعد قليل بدأ الجميع يشعر بشيء غريب في الغرفة وتظهر عليهم علامات القلق ، ابتسم عابد خفية وأكمل تعاويذه ثم نظر إلى نيهان وسألها :
- نيهان يا بنتي أنت فعلاً موافقة على اللي هيحصل دلوقتي دا؟
- هو إيه اللي هيحصل يا شيخ عابد؟
- لا اللي هيحصل عمرك ما تتخيليه ، موافقة؟
- أنا عايزة أعرف دهبي فين بس؟
- يعني موافقة؟
- موافقة
- يبقى على خيرة الله .

كتب عابد حروف غير مفهومة وغير متناسقة على يد كلاً من نيهان والحاج فتحي ومحمد حتى لا يدخل أحد من الجن الحاضر إلى أجسادهم فهي رموز تحصين وإغلاق للجسد كما ادعى عابد ، اقترب من الطفل وابتسم ابتسامة أرعبت المسكين أكثر ، بدأ يرسم بعض الطلاسم على وجهه ويديه والطفل يرتعد بين أنامله ، شد عابد على يد الطفل بعد أن انتهى من آخر طلسم ثم شرع



في قراءة التعاويذ الخاصة بكل طلسم مرسوم على وجه الطفل ويده وبعد خمس دقائق بدأ الطفل في الانحناء إلى الأمام حتى أصبحت رأسه بين قدميه تمامًا، لم يفهم أحد من الحاضرين ما يحدث حتى عابد نفسه ارتبك، من المفترض أن يظل الطفل في مكانه ويبدأ عابد بطرح الأسئلة عليه ويجاوبه الطفل ولكن تحت سيطرته وبعد الانتهاء يعيده إلى وعيه، عابد الآن يدرك بأنه لم يعد يسيطر على الطفل ولكنه أيضًا يحاول السيطرة على الموقف أمام الحاضرين فقال بلغة امرأة:

- اعدل نفسك ورد على الأسئلة اللي هسألهاك .

- هاهاهاهاها .

لم يردُ الطفل إلَّا بتلك الضحكة التي هدمت ما تبقى لديه من أعصاب، صرخ في وجه الطفل الذي لم يعد طفلًا!

- أأأأ أنت مين؟

- هاهاهاهاها مش عارفني يا عابد؟

- لا هعرفك منين!!!

في هذه اللحظة رفع الطفل وجهه أو صاحب الصوت هو من أجبره على رفع وجهه ليرى الحاضرين مشهد بشع جعلهم يتراجعون إلى الخلف في فزع، تحولت عين الطفل إلى اللون الأبيض وأنفه تنزف دمًا، جثا عابد على ركبتيه حتى أصبحت عينه في عين ذلك الشيء الذي تكلم ثانية .

- مش قولتلك بطل وساخة وإلَّا هتشوفني .

- أ . . . أ . . . أنا معملتش حاجة، معملتش حاجة .

- أومال اللي كنت عايز تعمله أنت وخدامك الوسخ دا إيه؟

- أنا باكل عيش ومش بأذي حد .

- والبريئة اللي كنت ناوي تخلي الحيوان بتاعك يقول اسمها دلوقتي مكتتش هتأذيها .

- أنا آسف والله مش هعمل كدا تاني .

- خلاص يا عابد أنا نفذت وعدي خدامك بقوا تحت أمري ومش هيسمعوك تاني ولا هتعرف تطلبهم يا وسخ .

- لا لا ، سيبهم وأنا مش هعمل حاجة تاني .

في تلك اللحظة كان الطفل يعود إلى وعيه ويحرك رأسه بكل براءة وكأنه يستيقظ من النوم بعد أن خرج هذا الشيء من جسده تاركًا عابد متحسراً على خدامه وعلى نهاية حياته، بعد لحظات أفاق الجميع من صدمتهم، اقترب الحاج فتحني من عابد جاذباً إيّاه من قميصه وصرخ في وجهه :

- إيه اللي حصل دا؟

- متصدقوش دا كداب، كداب والله .

- هو برضو اللي كداب يا وسخ (لكمه لكمة قوية) أومال كنت بتأسفله ليه؟

- أ... نا .

هوت لكمة أخرى على فم عابد، جذبه الوالد من قميصه وخرج من باب البيت إلى الشارع ليفضحه على مرئى ومسمع من الجميع ويخبرهم بكذب ذلك الدجال وهو يكيل له اللكمات في كل مكان في جسده، تركه صريعاً على الأرض مغادراً هو ومن معه في السيارة ليكمل الناس فيه ضرباً ثاراً لم فعله فيهم وتهديداته التي كان يهددهم بها لتنفيذ أوامره وربما رغباته الجنسية في بعض الأحيان .

\*\*\*\*\*

مرت ستة أشهر منذ أن تمَّ تعيينه في الجريدة ولا يستطيع الإنكار بأنه تعلم هنا الكثير لم يكن ليتعلمه في مكان آخر ولكنه ما زال يشعر بأن هناك شيئاً ينقصه، هذا ليس مكانه، لم يحلم يوماً أن يجلس على هذا المكتب ليتحرى عن أخبار الراقصات أو ينزل ليطارد الممثلين والمغنيين لاهثاً وراءهم لعمل لقاء صحفي معهم، شيئاً ما بداخله يشعره بأنه ولد من أجل الدفاع عن قضية وليس لبيع الوهم للبشر، داخله يشعر بأنه لا يقل دناءة عن تجار المخدرات أو مخرجي الأفلام الساقطة وهو الذي طالما لعن الاثنين ولكنها الحقيقة فثلاثتهم يبيعون الوهم والخدر ولكن الآخرين يعاقبون أما هو فينال مكاناً محترماً وسط الطبقة الراقية، إنها سخرية القدر المعتادة في مجتمعنا هو أيضاً يبيع الوهم فما الاستفادة التي قدمها للناس عندما علموا بأن الراقصة (ص) تستعد لبدأ استعراضات فيلمها الجديد أو أن المطرب (ع) قد أطلق أول ألبوماته وماذا سيستفيد الناس لمعرفة نوم الأكلة المفضلة للفنانة (أ) ما هذا العبث.

أفاقه من تلك المحاكمة الضميرية صوت شاكر .

- الرئيس عايزك تغطي أخبار حفلة سمير النهارده .

- ماشي هي الساعة كام الحفلة؟

- أنت مش متابع ولا إيه؟ قالها ضاحكاً .

- أتابع إيه يا عم بلاش وجع دماغ .

- على رأيك عموماً هي الساعة ١٠ في الإستاد .

- تمام، يلا سلام .

- سلام .

غادر المكتب وترجل حتّى وصل إلى ميدان طلعت باشا حرب، كم يعشق "وسط البلد" يشعر فيها بالراحة النفسية وهذا ما يحتاجه الآن بعدما كان قاسياً

على نفسه في المحاكمة الضميرية، شعر بصوت كأنه يكمل المحاكمة، يظهر الصوت في دور المحامي مدافعاً عنه، لا توجد طريقة أخرى للوصول إلى الهدف النبيل الذي تسعى إليه سوى تلك الطريق، اقتنع الضمير بعض الشيء بدفاع المتهم، ذهب إلى الحفلة وغطى أخبارها وشعر بارتياح ضميره أكثر بعدما رأى هذا الكم من المغيبيين في الأجيال الصاعدة، قرر أنهم لا يستحقوا كل ذلك العناء الذي يشعر به، لكنه عاد ليحدث نفسه بأن أغلبهم من أصحاب الطبقات الراقية فسعر التذكرة مائتي جنيه وهذا ثمن لن يدفعه شاب من العشوائيات أو من متوسطي الحال فعاد الضمير يؤرقه ثانية، اطمئن على الصور التي التقطها المصور وعاد إلى المنزل، أتم مقالته عن الحفلة وأرسلها عبر الإيميل لتيتم نشرها في عدد الصباح وأغلق الحاسوب ونام.

الساعة ٣:٣٣ فجرًا.

صدى صوت يتردد في مكان فارغ يملأه الضباب.

- أيمن، أيمن، أنت المنقذ.

قام من نومه مفزوعاً لا يدري هل هذا كابوس أم ماذا؟ وما هذا المكان وذلك الصوت الذي يناديه؟ كل ما استطاع معرفته أنه صوت أنثوي، نظر في الساعة وجدها تشير إلى ٣:٣٣ انقبض قلبه فطالما أمن بنظرية الغرب عن هذا الوقت تحديداً وأنها ساعة الشيطان، حاول النوم لكنه لم يستطع، نهض من سريره بعد سماع آذان الفجر توضأ وصلّ فشعر ببعض الهدوء والسكينة "السلام دائماً في الصلاة" توجه إلى المطبخ وأعد فنجان قهوته ثم ذهب إلى الطاولة الصغيرة الموجودة في جانب المطبخ ليجلس لكنه وقف مصدوماً عندما رأى رزمة من الأوراق الفارغة المعدة للطباعة بجوارها قلم ومكتوباً على الصفحة الأولى بخط عريض: "لتكن الطيبة هدفاً لك".

\*\*\*\*\*

بعد مرور شهر . . .

دخل محمد إلى الكافيه الذي اعتاد الجلوس فيه دائماً وجلس على الطاولة الأخيرة التي يستطيع من خلالها أن يكشف المكان كله هي طاولته المفضلة فهو يتمتع في بعض الأحيان بحكم عادة جلوسه وحيداً أغلب الوقت يتمتع بمراقبة الناس ومشاهدة تعبيراتهم أثناء الحديث فيما بينهم، لا يستطيع التخلص من هذه العادة رغم أنها أوقعت في حرج يوماً ما عندما كان يتنصت إلى حديث أناس في الطاولة المجاورة لكنه نسي بصره على طاولة أخرى كان يجلس عليها فتأتين فلاحظت إحداهن نظراته الطويلة فقامت ووبخته، لم يستطع أن يجد مبرراً حينها فسمع التوبيخ وضحك بعد انصرافها، أخذ رشقة من فنجان قهوته الذي أحضره النادل بمجرد دخوله فهو من الزبائن الذين يطلق عليهم (أصحاب مكان) بالمعنى الحرفي وأيضاً هو لا يغير طلبه فنجان القهوة مع "شيشة خوخ" فالقهوة لها حيد خاص لديه كأغلب أفراد المجتمع الشرقي، بينما يستمتع بقهوته وينظر في اللا شيء سمع صوتاً ينادي عليه، نظر صوب مصدر الصوت فوجده محمود صديقه وبجواره شخصاً غريب لا يعرفه يجلسان على طاولة في أول الكافيه، أتى محمود لتحيته فقام بدوره ليرحب به، دعاه ليشاركهما نفس الطاولة وافق محمد بعد إلحاح شديد منه، عرفه على الشخص الجالس معه على أنه مصطفى زميله منذ الدراسة والآن هو شريكه في العمل أيضاً وعرفه إلى صديقه وهو يوبخه لعدم سؤاله عليه فبرر محمد ذلك بأنه منهمك في بعض الأعمال هذه الفترة وإن الحياة تأخذ كل فرد بمن حوله وبعض تلك العبارات التي تجيدها كمصريين للخروج من تلك المواقف السخيفة، مرت حوالي الساعة تقريباً والثلاثة يتناوبون الحديث عن أعمالهم وحياتهم كذلك لم ينسوا أن يطلبوا حجارة جديدة للأرجيلة وثلاث فناجين من القهوة، اعتذر محمود ليقوم بإجراء مكالمة وانصرف، تبعه مصطفى ببصره حتى اختفى تماماً ونظر إلى محمد الذي كان ينفث دخان الأرجيلة من رئتيه .

- لاقتبوا الذهب ولا لسه؟

وقعت الجملة كالصاعقة على محمد، وجمدت ملاحظه بعد أن أردف مصطفى .

- ذهب نيهان أختك لاقيته ولا لسه؟

بعد هذه الجملة أدرك محمد بأنه يجلس أمام شخصاً يعرفه جيداً ولكن محمود لم يترك مجالاً للحديث أكثر من ذلك فقد أتى مسرعاً ليخبر مصطفى بأن عليهم الذهاب حالاً، استئذانا محمد وغادرا على الفور، ظل محمد في حيرته بعد هذه الجملة التي قالها مصطفى والتي تعني معرفته أمور كثيرة عن محمد وعائلته ولكن من أين عرف؟!!

طلب الشيك ثم غادر وهو يفكر طوال الطريق من أين عرف مصطفى تلك القصة؟!!

\*\*\*\*\*

ذهب أيمن إلى مكتب رئيس التحرير الذي طلب حضوره منذ قليل طرق الباب ودخل .

- إزيك يا أيمن؟

- تمام يا ريس ، حضرتك طلبتني .

- اه كنت عايزك في مأمورية جديدة .

- تحت أمرك يا ريس .

- بص يا أيمن أنت ولد موهوب وأثبت كفاءة الفترة اللي فاتت عشان كذا أنا قررت إنك تبدأ تنزل في حاجات أهم .

- شكراً يا ريس على الثقة الكبيرة دي ، يا ترى هنزل فين؟

- هو مش بعيد عن الفن برضو .
- تغير وجه أيمن فضحك رئيس التحرير وأكمل قائلاً :
- استنى بس متزعلش بسرعة كدا أنا قصدي إنها حاجة فنية برضو بس أرقى ،  
أنا قررت إن أنت اللي تغطي البعثة الأثرية وأعمالها في الأقصر .
- ابتسم أيمن بعد هذا الخبر شاكرًا رئيس التحرير :
- أخيراً، تسلم يا ريس .
- يلا روح جهز نفسك وأعمل حسابك هتقعد فترة حلوة هناك وهيكون معاك  
شاكر وحسن المصور أنا سامع إن الموضوع كبير والمقبرة عظيمة .
- حاضر يا ريس وأوعد سعادتك هبهرك إن شاء الله .
- ضحك رئيس التحرير مُعجبًا بحماسة !
- أمّا نشوف يا سيدي .
- عن إذتك يا ريس .
- خرج من المكتب وقلبه يكاد يطير من السعادة، أخيراً سيكتب عن موضوع  
هادف، أخيراً سيبتعد عن بيع الوهم والهراء للناس، ذهب مسرعاً إلى قسم  
الفن ليرتب مع شاكر أمر السفر ثم عاد إلى المنزل ليعد حقايبه فالسفر غداً  
صباحاً .
- الضباب يملأ المكان ولكنه استطاع أن يرى خيالان، لم يستطع في البداية تحديد  
هل هما رجلاَن أم رجل وأمرأة أم امرأتان لكن سرعان ما استطاع أن يحدد ذلك  
بعدما سمع حديثهما .
- ليه مش عايزة تسمعي الكلام؟

- أنت مين؟
- مش لازم تعرفي أنا مين .
- طب هسمع كلامك ليه؟
- عشان مأذيكيش .
- عايز إيه مني؟
- تنسي موضوع الذهب خالص ومتدوريش عليه .
- بس دا حقي .
- لو عايزة تحمي نفسك متدوريش عليه وإلّا هيكون هلاكك .
- اختفى الخيالان ونهض أمين مفزوعاً ليجد نفسه على سريره لم يستوعب ما حدث ومن هؤلاء الأشخاص؟ وما الذهب الذي يتحدثون عنه؟ نظر في ساعته فوجدها تشير إلى ٣:٣٣ يا الله كم تمنى أن تتقدم هذه الساعة أو تتأخر ولو دقيقة واحدة فقط حتى لا يرى ذلك الرقم المرعب، نهض من سريره توجه إلى المطبخ ليشرّب وعندما أضاء النور تجمد في مكانه، وجد الورقة الأولى بجوار الورق أما الورقة الثانية فمكتوباً عليها: " لا تتأخر فالطيبة صارت هدفك " .
- اتصل محمد بزميله محمود وأخبره أنه يريد أن يقابله هو ومصطفى اليوم في المساء فطلب منه محمود تأجيل الموعد لارتباطات سفره وأنه سيتصل به حالماً يعود، طلب منه محمد رقم مصطفى فأعطاه إليه وأنهى المكالمة، اتصل بمصطفى مجدداً معه ميعاد اليوم في نفس الكافية، حضر مصطفى صافح محمد وجلس الاثنان، بدأ محمد الحديث:
- أنت عرفت موضوع الذهب منين؟



- مش مهم منين . المهم لاقيته ولا لسه؟
- لا ملقيتوش ومش هعرف ألاقيه باين كدا .
- طب واللي يخليك تلاقيه؟
- محدش هيعرف يجيبه خلاص زمان اللي خده باعه .
- لا متبعش لسه واللي خده محتفظ بيه لحد دلوقتي .
- اندهش محمد من كلام مصطفى ومن الثقة التي يتحدث بها فسأله :
- أنت عارف كل دا منين؟ وإزاي؟
- ياعم ملكش فيه أنت مش عايز الذهب وخلص .
- اه .
- خلاص الكلام مش هينفع هنا أنا لازم أشوف أبوك وأختك .
- إشمعنا؟
- أنت بتسأل كثير عموماً هقولك ، الذهب لما اتسرق اتعمل عليه طلسم إن محدش يعرف يشوفه غير صاحبه عشان كدا محدش هيعرف يشوفه غير أختك مهما كانت قوة الشيخ اللي معاك فهمت .
- أنت دجال؟
- ضحك مصطفى ساخراً!
- دجال!! دجال إيه ياعم محمد كل الحكاية إنني لما بقابل الشخص اللي قدامي بعرف حاجات عن حياته ، تقدر تسميها طاقة روحية أو موهبة ربنا ادهاني .
- طب ودي هتخليك تجيب الذهب؟

## لعنة الذهب

- الذهب محدش هيجيبه غير أختك، أنا بس هعرفها الطريق .

- خلاص اتفقنا، نتقابل بكرة هنا وأخذك معايا البيت .

- خلاص تمام .

طلب محمد الشيك ودفع الحساب دون اعتراض من مصطفى وغادر الاثنان كلا في طريقه، أسلوب مصطفى وطريقته كم تُرح بال محمد فهو يقول بأنه ليس دجالاً وفي نفس الوقت لم يسمع عن طاقة روحية تستطيع أن تربك عالم الذي تقابله فكيف عرف إذا؟

\*\*\*\*\*

الأقصر ٢٠١٩ :

وصل أيمن وشاكر إلى الأقصر، نزلا في فندق قريب من الضفة الغربية لنهر النيل الفندق كان من المستوى الفاخر كما أنه القصر الوحيد الذي يطل على الضفة الغربية للنيل وكان كل واحداً منهم يُقيم في غرفة مستقلة دخل كلًا منهم ليأخذ حماماً يزيل به تعب السفر بعد ذلك هبطاً إلى اللوبي ليجلسا معاً بعض الوقت .

- جميلة الأقصر .

قالها أيمن ليقطع الصمت الذي طال وكلًا منهم سارحاً في منظر النيل

- الأقصر من أجل المدن في العالم أنا سافرت بلاد كتير عشان أعطي مهرجانات فنية بس فعلاً بلدنا فيها مدن متلاقيهاش برا، أنت أول مرة تيجي الأقصر؟

- للأسف اه .

- لا أنت بقى سيبك من اللي شوفته وأنت في التاكسي دا وأنا الصبح هوريك الأقصر بجد وكدا كدا البعثة لسه هتوصل بكرة بالليل يعني مش هيبداوا غير بعد بكرة .

- خلاص تمام ننزل بكرة .
- أنا هطلع أنا مش هتنام؟
- لا شوية كدا .
- تمام تصبح على خير .
- وأنت من أهل الخير .
- صعد شاكر إلى غرفته بينما بقى هو ، ترجل أيمن خارج الفندق ليرى منظر النيل  
عن قرب أخرج هاتفه واتصل بأميرة التي لم يحدثها منذ الصباح .
- وحشتيني !
- يا سلام عشان كدا مش معبرني من الصبح؟
- هو أنا أقدر يا جميل أنا بس كنت برتب حاجتي وبعدين كنت بتفق أنا وشاكر  
هنعمل إي خلاص بقى متزعلش .
- ماشي هعديهاالك ، أنت كمان وحشتني .
- أيوا كدا يا قمر .
- حلوة الأقصر؟
- خيال برغم إنني لسه ملقتهاش بس بلد تخطفك أول ما تدخلها .
- واو يا بختك .
- يا ستي هبقى أجيبك هنا بعد الجواز نقضي يومين .
- وعد؟
- وعد .

أنهى أيمن المكاملة بعد نصف ساعة ، صعد إلى الغرفة لينم وفي أثناء صعوده على السلم رأى منقوشاً على الحائط عبارة : " طيبة تُرحب بك " لم يهتم وأكمل إلى الغرفة ، دخل وخلع ملابسه ونام .

في الصباح تقابل أيمن وشاكر في اللوبي ، خرجا ليجوبا المدينة ، كان شاكر هو المرشد لتلك الرحلة أخذ يحدّثه عن معالم الأقصر التي ستظل شهادة على عظمة المصري القديم وحضارته التي ساد بها العالم لآلاف السنين .

- أنت عارف يا أيمن إن الأقصر فيها ١٤ معبد من أهم معابد مصر وأهم الآثار اللي لسه لحد دلوقتي بتدل على عظمة مصر في التاريخ القديم .

- أنا أعرف إن الأقصر بلد سياحية لكن بصراحة عمري ما قرأت عن آثارها .

- يا راجل دا أنت فايتك كثير جداً ، الأقصر زمان يا أيمن كان اسمها طيبة وكانت بتعتبر مدينة الموتى في الأسر القديمة بعد كدا في الأسرة الـ ١١ جيه جدك متوتحتب الأول وخلاها العاصمة لمصر بعد ما حصل فوزى في إهناسيا اللي كانت عاصمة في الأسرتين ٩ و ١٠ فترة عصر الاضمحلال الأول ، هنا بقى في الضفة الغربية اللي إحنا فيها دلوقتي هتلاقي وادي الملوك ووادي الملكات وجنهم دير المدينة اللي كان بيعيش فيها العمال اللي بنوا كل دا وعندك معابد جنائزية أهمها معبد الرامسيوم بتاع رمسيس الثاني وعندك معبد الجميلة حتشبوت في الدير البحري دا كله في الغرب اللي كانوا بيسموه أرض الأموات .

- طب والضفة الشرقية؟

- الضفة الشرقية دي بقى يا سيدي أرض الحياة ، فظيعة ، عندك بهو الأعمدة بالكرنك مثلاً ، البهو دا شاف تعديلات كثير من حتشبوت لتحتمس التالت لرمسيس الثاني وغيرهم كثير وجانبه بقى معبد الأقصر بتاع رمسيس الثاني

وكان على شماله معبد الكرنك ويربط بينهم طريق اسمه طريق الكباش أو طريق الإله .

- البلدي فيها حاجات جميلة كثير أوي أنا معرفهاش .

- هتعرفها كلها اليومين دول وعلى يدي متقلتش .

- طب هنبداً منين النهارده؟

- من وادي الملوك طبعاً .

عاد الاثنين إلى الفندق بعد حوالي ٨ ساعات من الاستكشاف والشغف الذي كان يملأ أيمى فتاريخ مصر القديمة لم يكن يشغله قبل اليوم لكن اكتشف في الأقصر إن مصر لديها من العظمة ما يجب أن يعرفه المصريين أكثر، نحن دائماً ما نردد مصر أم الحضارة ومصر أعظم أمة في التاريخ وأحفاد الفراعنة لكن أغلب المصريين لا يعرفون عن الحضارة المصرية أكثر من كلمة حضارة عظيمة، لا يعرفون سر عظمتها وهو واحد من هؤلاء الذين يسرون في هذه النقطة بمبدأ " هذا ما وجدنا عليه آباءنا " لا يعرف أي شيء ولكنه فقط يعرف أنها حضارة عظيمة، صعد كلا منهم إلى غرفته ليستريح بعد مجهود اليوم الشاق ويستعد ليوم غد، أثناء صعوده لمح على الجدار عبارة: " طيبة جميلة أليس كذلك " هذه المرة توقّف أمام العبارة ما كل هذه العبارات عن طيبة التي تظهر أمامه فجأة، بحث عن النقش الذي رآه أمس فلم يجده، بدأ يشعر بالريبة حيال هذا الأمر التقط صورة للعبارة تأمينا لاختفائها مثل سبقتها، صعد إلى الغرفة وأغلق أبواب خالعا ثيابه ونام ولكن بعد نصف ساعة من محاولات النوم الفاشلة قرر النهوض ليشرب فنجانا من القهوة كانت الأفكار تهاجم عقله بضراوة من الذي يكتب تلك العبارات على الورق في منزله والآن على الجدار في الفندق، أفرغ القهوة في فنجانها، ذهب ليجلس على الطاولة أمام البلكون، شرد فكره في روعة المنظر لكن سرعان ما عاد يفكر في أمر العبارات، بقى على هذه الحال

ثلاث ساعات حتى قرر التخلص من هذه الأفكار التي ليس لها تفسير مؤقتاً ليخلد إلى النوم الآن فعداً سيبدأ مع البعثة رحلة استكشاف جديدة للأقصر التي عشقها منذ الوهلة الأولى ويجب أن يكون بكامل تركيزه .

\*\*\*\*\*

تقابل مصطفى ومحمد في الميعاد المتفق عليه وانطلقا إلى بيت محمد كي يقابل مصطفى نيهان والحاج فتحي ويساعدهم في إيجاد الذهب كما ادعى ، دخل مصطفى إلى الصالون وجلس منتظراً نيهان والحاج فتحي الذي خرج بعد أن أنهى صلاته .

- السلام عليكم .

- وعليكم السلام إزي حضرتك يا حاج؟

- الحمد لله إزيك أنت يا بني ، محمد حكالي على اللي حصل بينكم وعايذ أعرف تفاصيل أكثر .

- زي ما محمد قال لحضرتك أنا كل اللي هقدر أعمله إني أساعد نيهان فإنها تلاقى الذهب ؛ لأن محدش هيعرف يرجعه غيرها .

- وأنت بتشتغل إيه يا مصطفى؟

- أنا أصلاً خريج آداب وبشتغل في شركة استيراد وتصدير كبيرة بس ربنا اداني هبة روحانية إني أعالج الناس وأقدر كمان أشوف تاريخ اللي قدامي من يوم ما اتولد .

- وبشتغل في الموضوع دا على طول؟

- لا يا حاج بس لو لاقيت حد محتاج المساعدة بساعده .

- مقابل إيه؟

- ولا حاجة لوجه الله .
- هو في حد بيععمل كدا اليومين دول يا بني دا الناس بقيت عايزة تموت بعض عشان الفلوس .
- يا حاج اللي ربنا بيديله حاجة زي دي لازم يستخدمها في الخير ومايخدش منها فلوس وإلا هتروح منه ومش هيعرف يعمل بيها حاجة .
- ربنا يوفقك يا بني وتقدر تساعدنا دي نيهان من ساعة الموضوع دا وهي قافلة على نفسها ومش بتكلم حد وحالها اتبدل خالص .
- إن شاء الله خير .
- يارب .
- نظر مصطفى إلى نيهان نظرة متأملة وبدأ يتمتم ببعض الكلمات لم يسمع منها شيء ولكن بعد دقائق بدأت نيهان ترتعد وتنظر إليه في غضب ومصطفى يبادلها نفس النظرة ولكن الحاج فتحي ومحمد لا يفهما شيئاً ، بعد عشر دقائق توقف مصطفى وعادت نيهان إلى طبيعتها اعتدل مصطفى في جلسته ونظر إلى الحاج فتحي ومحمد .
- اللي تاعب نيهان مش ضياع الذهب ، هي صحيح زعلانه على الذهب لكن اللي تاعبها سحر معمولها من زمان وهو اللي مشقلب حياتها .
- صُعب الحاج فتحي بعد ما سمعه ورد باستغراب .
- سحر!! إحنا محدش بيكرهنا ولا عمرنا أذينا حد مين اللي هيعمل كدا؟  
وهيعمل كدا ليه؟
- يا حاج اللي عاملها السحر دا واحدة قريبة منها وعملته عشان الغيرة .
- يا نهار أسود مين بنت الكلب دي؟

- ثواني يا حاج وهقولك .

نظر مصطفى إلى نيهان مرة أخرى وبدأ يقرأ بعض الكلمات الغريبة التي تحمل بعض آيات القرآن، بدأ يحدث شخصاً ما يُعتقد أنه الجن الموكل بتنفيذ السحر ويأمره بسماع الكلام والامثال له، طلب ورقة وقلم أحضرهما محمد وأعطاهم لمصطفى الذي وضعهم في يد نيهان وطلب من الجن أن يحضر ويجاوب على كل ما سيسأله كتابتا .

- أنت مين؟

.....

- بقولك أنت مين؟

.....

- هتكتب وتقول أنت مين ولا أخليك تقول بالعافية!

.....

- ماشي براحتك .

قرأ مصطفى بعض التعاويذ وبدأ وكأنه يعذبه وأصبحت نيهان تصرخ تحت يدهُ الموضوعه على رأسها في ألم شديد .

- أنت مين؟

- حارس موكل بحراسة السحر اللي معمولها .

- مين عاملها السحر؟

- واحدة .

- مين؟



- مش هقدر أقول .

- ماشي .

عاد مصطفى ليقرأ تعاويذ غريبة مرة أخرى فانتفض جسم نيهان بشدة وبدأت تصرخ من جديد أو ربما هذا الجن هو من كان يصرخ من خلالها فكتب مسرعاً:

- خلاص هقول .

- قول .

- جارتها هي اللي عملت كدا .

صدم الحاج فتحي عندما رأى الاسم على الورقة " هويدا " .

نظر مصطفى إلى الوالد سائلاً:

- مين هويدا دي؟

- دي جارتنا بس هتعمل كدا ليه؟

كرر مصطفى السؤال الذي قاله الحاج فتحي على الجن الحاضر فكتب:

- عشان أبوهم رفض يتجوزها زمان .

صدمة جديدة تصدم الحاج فتحي الذي لم يستطع أن يستوعب أنه يمكن للأقرباء أن يكونوا بهذا الشر، طلب مصطفى من الجن الخروج من جسد نيهان وإلا أحرقه ولكنه رفض فعاد مصطفى وطلب منه الإسلام مقابل أن يعيش فرض من جديد، قرأ مصطفى بعض التعاويذ عليه فبدأ بالصراخ ولكنه كان عنيداً، بعد نصف ساعة انتهى كل شيء وعادت نيهان إلى طبيعتها ولكنها لا تتذكر شيئاً مما حدث، ظن الحاج فتحي بأن السحر قد زال لكن مصطفى

فاجأه بأن خادم السحر قد هرب ولم يتمكن منه وأن نيهان في خطر أكثر الآن؛ لأن الخادم سيخبر الساحر المكلف بعمل السحر بكل ما حدث هنا ولا بد أنه سيحدد السحر بسحر أقوى مما كان موجود لذلك لا بد أن يستعدوا، استأذن للانصراف والعودة غداً للبدء في البحث عن الذهب.

عاد مصطفى في مساء اليوم التالي ومعه بعض أشياء سيستخدمها في الجلسة التي سيقوم بها الآن لنيهان جلس هو والحاج فتحي ونيهان معهم محمد، بدأ مصطفى بكتابة طلاس على بعض الأوراق ووضع المسك على يديه ثم طلب من نيهان ذلك في تصرف غريب بالنسبة للحاضرين وطلب من نيهان أن تمسك بالورقة والقلم لتسجل ما ستره أثناء رحلتها التي سيرسلها إليها الآن، بعد بعض القراءات من مصطفى بدأت نيهان تُغمض عينيها ببطء وثقلت رأسها إلى الخلف ولم يعد هناك شيئاً منها متصللاً بعالمنا سوى يديها التي تحركها في خفة وهي تكتب وكأنها ترى وربما أفضل مما كانت تكتب أيام دراستها ظلت نيهان في غيبوبتها لمدة ربع ساعة تقريباً لم يُفَيِّقْها أحد فقط الحاضرين يتابعون كتابتها على الورق والغريب أنها تكتب بسرعة فائقة ونظام شديد لم تُخطئ السطور ولا النقاط مما جعل الحاج فتحي ومحمد يقفا مذهوشان مما يحدث ولكن مصطفى وكان هذا الموقف يحدث معه يومياً بعد الربع ساعة فاقت نيهان من تلقاء نفسها وأيضاً لم تتذكر شيئاً فأخذ مصطفى الورقة التي كتبها ليقرأها وكان الآتي:

"أنا دلوقتي في أوضة ضلمة كل اللي حواليا سواد بس رجليا ماشية لوحدها، أنا مش عارفة راحة فين، مكان غريب عمري ما شوفته قبل كدا، ريحة المكان بتقول إنه مكان قديم لكن مفيش أي حاجة مميزة أقدر أوصفها أنا ماشية دلوقتي في الضلمة.

بقالي كتير ماشية بس موصلتش لحاجة والضلمة لسه زي ما هي قربت أتعب وحاسة إنني مش هكمل الطريق.

في نور ظهر من بعيد همشي لحد ما أوصله أكيد هلاقي عنده حاجة تعرفني أنا فين .

أنا قربت أوصل للنور اللي كنت شايفاه في واحدة عجوزة قاعدة هناك أنا عرفاهما بشوفها على طول في أحلامي بس هي قاعدة حزينة زي ما بتظهرلي دايماً سألتها أنا فين بس مجاوبتش وكأنها رافضة تتكلم معايا لكن شاورتلي على اتجاه النور فسببتها ومشيت ناحية النور .

وصلت للنور خلاص بس النور جاي من باب وفي راجل واقف هناك ملامحه بتقول إنه شاب في الثلاثين أبيض وطويل خد إيدي ومشى بيأ عدينا باب كان جاي منه النور سابني بعد الباب واختفى .

الباب دخلني لشارع أنا عرفاه رجليا لسه بتمشيني من غير ما أعرف أنا رايحة فين مشيت في الشارع وأنا عارفه كل حته فيه أنا دخلت الشارع دا قبل كدا هو في قرية تقريباً لأن الشارع كل بيوته قديمة والأرض ترايبية فضلت ماشية لحد ما وصلت لمحل معين ورجلي وقفت ولاقيتني بلف عشان أقف قدام باب المحل بالظبط وبعدين قرأت اليافاطة اللي على المحل أنا فعلماً عرفاه، أنا طالعة البيت اللي فوق المحل بيت قديم جداً وضيق بس مش غريب عليا فجأة اتفتح باب شقة ودخلت برضو مش عارفة أنا بعمل إيه هنا؟ فضلت ماشية لحد ما وصلت لأوضة ولاقتني بنزل على ركبي وبيص على حاجة غريبة في هنا صندوق شكله قديم أوي .

لاقيت كيس أسود كبير لسه معرفش فيه إيه بس هفتحه عشان أعرف .

انتهت الكتابة إلى هنا لم يفهم الحاج فتحي ولا نيهان شيئاً ولكن مصطفى أخبرهم بأن هذا الوصف هو وصف المكان المخبأ به الذهب وأنهم يجب أن يتعرفوا على هذا الوصف لكي يذهبوا ويحضروا الذهب، قرأ الحاج فتحي

---

### لعنة الذهب

---

الوصف من جديد هو ومحمد الذي أكد أنه منزل عمه في منطقة عين شمس، طلب منهم مصطفى ضرورة الذهاب إلى هناك لإحضار الذهب، الموقف ليس بتلك البساطة بالنسبة لهم فإذا وجدوا الذهب هناك سيكون موقفاً صعباً وإذا لم يجده سيكون أصعب ولكن الوالد اتخذ القرار بالذهاب فحالة ابنته أصعب من كل ذلك الآن.

## الفصل الثاني

انتهى الساحر من قص حلمه على أصدقائه الذين عكث ضحكاتهم وسخروا منه وتعجبوا كيف يكون هناك ساحراً جباناً، رأى الساحر أنهم لا بد أن يخافوا من انتقامها فهم لم يروا الحقد في عيونها كما رآه هو، طلب منه الأصدقاء أن يهدأ وينام قليلاً وإلاً يطلبهم إلاً لأمر مهم ثم تركوه وانصرفوا.

بعد نصف ساعة وصلت السيارة التي تنقل الحاج فتحي ونيهان أمامهم محمد ومصطفى وصلت إلى منزل قديم ومتهالك نزل من السيارة الأربعة ليجدوا في استقبالهم الحاج صلاح رجل قصير وبدين أصلع الرأس وهو الشقيق الأصغر للحاج فتحي وبمجرد ما رأت نيهان الياقظة فوق المحل أدركت بأنه المحل الذي رآته في الرحلة التي أرسلها إليها مصطفى صعد خمستهم إلى المنزل ورحبت بهم زوجة عمهم وأثناء دخولهم ألقى مصطفى نظرة على المكان قدمت لهم زوجة العم الحاجة فريدة الشاي، بدأ الحاج فتحي حديثه:

- بص يا صلاح في موضوع عاوز أكلمك فيه بس .

- قول يا حاج .

- بصراحة مش عارف أجبهالك إزاي .

- خير يا حاج قلتني؟

- بص يا صلاح الموضوع باختصار، يوم الفرح ذهب نيهان اتسرق ومصطفى عمل جلسه لنيهان عشان يعرف مكان الذهب والورق أهو واصفه فيه بيتك لكن أنا والله يا صلاح معرفش إزاي .

صدم الحاج صلاح من كلام شقيقه وعلت وجهه الدهشة والاستياء بنفس الوقت ولم يعرف كيف يتهمه ويتهم أبنائه بتلك التهمة البشعة ولكن بفكر رجل حكيم قرر أن يجاريه للنهاية :

- ولا يهملك يا حاج شوف إنتوا عاوزين إيه وإحنا تحت أمركم أهم حاجة مصلحة البنت .

- ربنا يخليك يا صلاح، أنا مش عارف أودي وشي منك فين والله .

- مفيش حاجة يا حاج فتحي، المفروض هنعمل إيه دلوقتي؟

هنا تحدث مصطفى قائلاً :

- بص يا حاج صلاح المفروض على كلام نيهان الذهب موجود في صندوق قديم في أوضة من الأوض هنا فهل أنت عندك حاجة زي كدا؟  
نظر الحاج صلاح إليه بتعجب! :

- اه عندي بس أنتوا عرفتوا مينين دا أنا نفسي قربت أنساه؟

- هو مش إحنا اللي عرفنا يا حاج الورقة أهي وفيها تفاصيل البيت اللي كتبته نيهان، أمسك الحاج صلاح بالورقة وقرائها ثم أخذهم إلى الغرفة وفتح لهم الصندوق ولكن المفاجأة التي أدهشتهم جميعاً أنهم لم يجدوا شيئاً بداخله، كان الصندوق فارغاً تماماً، نظر الحاج فتحي باستغراب لمصطفى وسأله ما معنى الورقة التي كتبته نيهان إذا كان لا يوجد شيء بداخل الصندوق؟ لم يجد رداً، استاذن مصطفى الحاج صلاح والحاج فتحي في إقامة جلسة لنيهان لمعرفة كيف حدث ذلك الأمر أو ما معنى الورقة إذا لم يكن هذا هو المكان المقصود، وافق الحاج صلاح على إقامة الجلسة وكذلك شقيقه الحاج فتحي، بدأ مصطفى تحضير الجلسة كعادته بكتابة الطلاسم على بعض الأوراق وعطر يديه بالمسك وكذلك يد نيهان كما فعل في المرة الأولى بعد تلاوة التعاويذ المعتادة بدأت الطلاسم في العمل وبدأت معها نيهان تغلق تدريجياً عينيها ولم يعد مرتبطاً بعالمنا سوى يديها كالعادة، نظرا لتواجد الحاج صلاح لأول مرة فكان مندهشاً نفس اندهاشة محمد والحاج فتحي عندما وجد نيهان تكتب بسرعة فائقة دون أن تخطي السطور أو تنسى النقاط ولكن بعد دقائق اندهش الجميع بما فيهم مصطفى، بدأت نيهان بالاختناق وبدأ وكأنها لا تستطيع التنفس تماماً، طلب محمد من مصطفى إفاقتها ولكنه رفض فربما ما تراه أهم ممّا يحدث الآن، بعد عشر دقائق بدأت تنفس مرة أخرى بهدوء ولكن الغريب أنها لم تمتنع عن الكتابة خلال المدة التي تنفست فيها بصعوبة، بعد انتظام النفس اندهش الجميع

مرة أخرى حيث بدأت نيهان تكتب باللغة الهيروغليفية بنفس السرعة والدقة، ابتسم مصطفى ابتسامة لم يلاحظها أحد، بعد كتابة عشر سطور كاملة من اللغة الهيروغليفية فاقت نيهان بهدوء وكالعادة لم تكن تذكر شيئاً، أخذ مصطفى الورقة ليقرأها:

"نفس المكان ونفس الريحة، الدنيا ضلّمة مش شايفة حاجة، رجليا بتمشييني اتجاه أنا مش عارفاه، قابلت الست العجوزة تاني بردو مش عاوزه تتكلم معايا حاولت أسالها أنا فين مجاوبتش طلبت منها تدلني على الطريق، كل اللي عملته إنها نزلت عينها في الأرض وبرغم إن الدنيا ضلّمة لكن عينها واضحة جداً أنا لازم أكمل لحد ما أوصل للنور تاني . . .

بقالي كثير ماشية مقابلتش حد لكن نفس شعاع النور ظهر تاني كان لازم أمشي لحد ما أوصله . . .

وصلت للمكان اللي جاي منه النور قابلني نفس الشاب لكن المرادي متحركش من مكانه، شاورلي اتجاه الباب بس كان حزين جداً . . .

الباب بيودي لمكان غريب، أرض كلها صحرا وحجارة كثير الناس تقريبا مش لابسين هدم، ظهر قدامي مبنى بعيد مشيت لحد هناك اكتشفت إنه معبد مصري قديم، قابلت شخص قصير وأقرع عرفني بنفسه على إنه كاهن معبد أون، طلب مني أنقل النصوص المكتوبة على جدار معين من جدران المعبد شاورلي عليه ونداني بسيدة الشمال مش فاهمة ليه بيندهلي كده؟ روحت للجدار، بدأت أكتب اللي منقوش عليه بس طبعا مش قادرة أفهم ولا كلمة .

أنا دلوقتي خلصت كتابة نقوش الجدار لكن الكاهن شاورلي أمشي بسرعة بس مش فاهمة ليه .



إلى هنا انتهت اللغة العربية في كتابات نيهان، وجد مصطفى نفسه أمام عدداً من الأسطر باللغة الهيروغليفية وهو ما لم يستطع تفسيرها بمفرده لذلك قرر البحث عن من يحل طلاسم هذه اللغة.

\*\*\*\*\*

الأقصر ٢٠١٩:

نزل أيمن وشاكر من الفندق متجهين إلى موقع البعثة الموجود بجوار وادي الملكات غرب ضفة النيل وبمجرد وصولهم سألاً على الأستاذ مصطفى عامر رئيس البعثة الذي بدوره رحب بهم وطلب منهم أن يستريحاً حتى يقوم بالإشراف على أعمال الحفر ويعطي كل عامل دوره ويأتي ليتحدث معهم، جلس أيمن وشاكر يتناولان الحديث عن عظمة مصر القديمة وكيف أنها سادت العالم لفترة تحطت الخمسة آلاف عام وكيف خبيّ نور هذه الحضارة الآن ولم يتبقَ منها سوى بعض الحجارة والتماثيل والتي رغم عظمتها لكنها تدل على أن المصري القديم توصل لعلوم أعظم وأروع من هذه التماثيل والحجارة التي وصلت إلينا، للأسف بقيت أغلب هذه العلوم مدفونة معه ولم تتوصل إليها إلى الآن، بعد نصف ساعة عاد إليهم عامر ورافقهم الجلسة وبدأ شاكر الحديث سألًا:

- إيه الاكتشاف اللي إحنا مستنينه يا فندم .

- إحنا لسه مش عارفين بالضبط إيه اللي داخل المقبرة أو هي تعود للملك مين، واحد من رجال الشرطة بالصدفة اكتشف مجموعة من اللصوص بتحاول تقوم بأعمال حفر في المنطقة ولما سألهم عرف إنهم بيدوروا على آثار بعد ما اتأكدوا عن طريق أحد الشيوخ إن في مقبرة في المكان دا .

سأل أيمن بتعجب! :

- وهو الشيخ يمكن يعرف حاجة زي دي من غير ما يحفر؟

رد عامر ضاحكاً! :

- بص يا أستاذ أيمن هو علمياً إحنا بننكر دا بس عملياً همأ بيشتغلوا بالطريقة دي وبينجحوا فيها وساعات يقولوا إن دور الشيخ دا مش بس إنه يعرفهم مكان المقبرة لا كمان لازم يكون مشرف على فتح المقبرة لأن هو اللي بيكون متواصل مع خدام المقبرة وبيعرف طلباتهم .

- طب يا فندم حضرتك شايف إن دا كلام علمي .

- نظرياً يا أيمن إحنا مش بنعلن دا بس ، بينا وبين بعض ، إحنا مش بنقدر نثبت إن نظريتهم غلط لإنهم نجحوا في فتح كذا مقبرة بالطريقة دي وقدرنا يعرفوا مكان المقبرة من غير أجهزة حديثة أو أي حاجة كل اللي استخدموه هو قوة الشيخ في معرفة المكان وفتح المكان .

- بس يا فندم حاجة زي دي خطر جداً .

- طبعاً خطر وخطر من اتجاهين الأول هو خطر على آثارنا اللي هتوقع في إيد ناس من أصحاب حلم الثراء السريع وتقريباً دا حلم أغلب الناس في مصر خصوصاً أهل الصعيد هنا عارف يا أيمن إحنا لو عملنا إحصائية هتلاقي إن الصعيد في نسبة ٩٠٪ من بيوته سكانه حافرين تحته أملماً في العثور على الآثار دا طبعاً غير اللي بيحفروا في الصحراء .

- هو في أخطر من كذا يا فندم؟ أقصد يعني إيه هو الاتجاه الثاني .

- طبعاً في أخطر يا أيمن وهو الناس دي نفسها متعرفش إنها بتأذي نفسها وبتعرض حياتها وحياة اللي حوالها للخطر أو الموت سواء إنه بيتقى معرض لانهبان البيت فوqe أو انهيار البيوت اللي حوالها أو ممكن بعد ما يعدي كل دا

يعرض نفسه لخطر أكبر وهو خطر الدجال أو طلبات الخادم للمقبرة زي ما يقولوا:

- إزاي يافندم، هو بيكون ليه طلبات؟

- على حد علمهم والشائع إن الخادم بيكون ليه طلبات يعني في قصة حقيقية حصلت: "في مجموعة اكتشفت مقبرة تحت بيتهم وكان الشيخ اللي معاهم مغربي قال للراجل إن الخادم مش هيسمحلهم بفتح المقبرة إلّا بدم واحد من أولاده ومرات الراجل وافقت وفعلاً دبحوا الولد لكن مقدروش يأخذوا اللي في المقبرة واتقبض عليهم والشيخ هرب لبلده".

- مش ممكن يا فندم، هو في كدا؟ في واحدة ممكن توافق على دبح ابنها؟

- الفلوس بتعمي يا أيمن والذهب لما توقف على بابه الشيطان بيتملك منك أكثر من أي وقت، نفسياً متقدرش تحكم إذا كانت ساعتها في وعيها ولا لأبس أنا بحكم شغلي أقدر أقولك إن الناس دي بتكون تحت سيطرة الشيطان اللي بيتملكهم أول ما بيوقفوا على باب المقبرة.

- دا موضوع كبير أوي يا فندم.

- هو مش موضوع كبير لكنه خطير جداً وللأسف مش قادرين نحكم السيطرة على موضوع البحث عن الآثار في مصر نظراً لأسباب كثير.

- دا عايز مقال لوحده يا فندم.

- ياريت، فعلاً الناس محتاجة توعية أكثر في المجال دا، شطارتك بقى تتبنى القضية دي أنت وزمايلك في الإعلام وإحنا تحت أمركوا في أي معلومات.

- إن شاء الله هيكون في بيينا تعاون في الموضوع دا بعد ما نرجع القاهرة يا فندم.

- إن شاء الله.

استأذنتهم عامر ليتفقد أعمال الحفر وطلب منه شاكر وأمين السماح لهم بتفقد الموقع وتصوير بعض الأماكن فيه فوافق بكل ترحيب، أثناء تفقدهم الموقع شرد أمين بفكره في الصحراء وابتعد عن الموقع قليلاً، سار بمفرده وبعد قليل رأى عن بعد عجوز جالسة على إحدى الصخور ويبدوا عليها الحزن، ذهب ليقدم لها المساعدة ويسألها ما سبب تواجدها في هذا المكان ولكن بمجرد وصوله لم يجد أحداً، ظل ينظر حوله لكنه لم يجد أثر لأي مخلوق، نظر خلفه فوجد أنه ابتعد كثيراً عن الموقع شعر بالخوف فركض حتى وصل إلى هناك لكنه لم يخبر أحد بما رآه واعتبر أنها محض تهيؤات الصحراء المزعومة منذ القدم ولم يفكر في الأمر كثيراً، واصل العمال الحفر حتى دخل عليهم الليل فأمر عامر الجميع بالتوقف واستكمال العمل صباح الغد، غادر الجميع الموقع وعاد شاكر وأمين إلى الفندق ليستريحاً قليلاً من تعب اليوم، صعد أمين إلى غرفته خلع ثيابه واستحم وعندما خرج فتح الثلاجة وتناول إحدى زجاجات المياه الغازية، ذهب ليجلس على الطاولة أمام النافذة ويستمتع بروعة المنظر من الأعلى لكنه صُعق عندما رأى رزمة الورق التي كانت على طاولته في شقته بالقاهرة أمامه الآن على طاولة الغرفة بالأقصر ووجد الورقتين السابقتين بجوار الورق ومكتوباً على الورقة الثالثة " لا تخرج عن القطيع فالصحراء موحشة " شعر بالخوف حيال تلك الرسائل فالأمر نخطى حدود المصادفة، من يملك القدرة ليأتي بهذه الأوراق من القاهرة إلى الأقصر ويدخلها إلى غرفته كما أنه لا يوجد من يعلم بأمر ما جرى له في الصحراء إذا فالأمر خارج عن حدود البشر، حاول أن يجنب خوفه قليلاً ويفكر في ربط الأحداث بالرسائل الموجودة في الثلاث ورقات فأمسك ورقة وقلم وكتب الرسالة الأولى: " لتكن الطيبة هدفاً لك " الرسالة الثانية: " لا تتأخر فالطيبة صارت هدفك " الرسالة الثالثة كانت النقش الذي وجدته على جدار الفندق واختفى: " طيبة ترحب بك " والنقش الآخر الذي صورته وهو الرسالة الرابعة: " الطيبة جميلة أليس كذلك؟ " والآن الرسالة الخامسة: " لا تخرج عن القطيع فالصحراء موحشة " كتب أمين الرسائل أسفل

بعضها وبدأ يفكر الآن هو يدرك أنها رسائل متصلة من شخصاً واحد ويَدْرُ إلى ذهنه أن الطيبة هنا ليس المقصود بها الصفة أو العمل الطيب بل هي شيئاً آخر ولكن ما هو؟ فكر قليلاً وتذكر حواراه مع شاكر والذي ذكر فيه أن الأقصر قديماً كانت تعرف باسم: "طيبة" إذا فالطيبة المقصودة في الرسائل هي مدينة الأقصر حاول وضع الأقصر مكان كلمة طيبة في الرسائل فوجدها مناسبة للنص ففي الرسالة الأولى كان الشخص الغامض يطلب منه أن تكون الأقصر هدفاً له وبعدها بيومين علم بسفره إلى الأقصر من رئيس التحرير وعندما عاد إلى المنزل وجد الرسالة الثانية والتي تفيد بالألّا يتأخر فالأقصر صارت هدفه بالفعل الآن والرسالة على جدار الفندق تفيد بأن الأقصر ترحب به وبعدها زار بعض الأماكن في الأقصر عاد ليجد هذا الشخص يسأله في الرسالة بأن الأقصر جميلة أليس كذلك والآن في الرسالة الخامسة يذكر الموقف الذي حدث له في الصحراء هو الآن يعرف معنى الرسائل ولكن من صاحب تلك الرسائل والذي أتى بالأوراق من القاهرة إلى الأقصر؟ هذا هو السؤال الأهم فمعرفة شفرة الرسائل ليست معضلة ولكن ما المغزى من كل هذه الرسائل وماذا يريد صاحب الرسائل أن يوصل له؟ هو بالطبع يريد أن يدفعه إلى أمر لم يكشف بعد ولكن ما هو؟ تصارعت الأفكار برأسه دون جدوى فلم يصل إلى شيء منطقي وظل طوال أربع ساعات لم يتحرك فيهم أبداً لكن لم يتمكن من الوصول إلى أي خيط يوصله لحقيقة صاحب الرسائل، فجأةً خطرت إليه فكرة إذا كان صاحب الرسائل يراقبه فلا بد أن يكون معه دائماً وكل هذه المواقف لم يكن معه فيها أحد عدا موقف زيارته للأقصر مساءً كان معه شاكر باستثناء هذه الزيارة لم يكن معه أحد وآخرهم موقف الصحراء اليوم، فكر لماذا لا تكون العجوز التي رآها اليوم هي صاحبة الرسائل؟ أُرعبتهُ الفكرة كثيراً وزاد رعبه عندما بدأ يشعر بمنطقيتها فما هو الأكثر رعباً من أن يتبعك شخص ليس من عالم البشر؟ بدأ يتلفت حوله وشعر بأن هناك من يراقبه وسيطرت عليه الفكرة حتى أنه لم يستطع النوم ليلتها نهائياً وظل جالساً على الطاولة مضيقاً أنوار

الغرفة بالكامل وليفتعل بعض الضوضاء فتح التلفاز ليشعر ببعض الونس في الغرفة .

في الثامنة صباحًا تقابل أيمن وشاكر في اللوبي ، لاحظ شاكر الإجهاد على أيمن فسأله عن حالته أكد له الأخير أنه على ما يرام ، خرجا من الفندق متوجهان إلى موقع العمل ولكن قبل خروجهم طلب أيمن من شاكر أن ينتظره حتى يحضر الكاميرا فقد نساها في الغرفة ، في طريقه وجد على الجدار عبارة : " تذكر لا تخرج عن القطيع فالصحراء موحشة للغاية " توقف أمام الرسالة قليلاً ، شعر ببعض الخوف لكنه صورها بهاتفه فهو يعلم بأنها ستختفي بمجرد ابتعاده عنها ، احضر الكاميرا والتي نظرة ليتأكد من أن النقش لم يعد له أثر بالفعل ، خرج هو وشاكر في طريقهم إلى الموقع .

\*\*\*\*\*

" عين حورس هي حاميتك ، أوزوريس إله القرابين هو حارسك ، سيهزم كل أعدائك وكل أعدائك هم جزء منك " .

كانت تلك الكلمات ترجمة الأسطر التي كتبتها نيهان في الورقة كما أخبرهم مصطفى ، لم يفهم أحداً منهم ما المقصود من هذه الكلمات وما علاقتها بالذهب الذي يبحثون عنه لكن مصطفى اقترح أن يتعدوا عن التفكير في أمر هذه الكلمات وما تعنيه جانباً وأن يهتموا بقضيتهم الرئيسية وهي البحث عن الذهب الخاص بنيهان وافقه الجميع الرأي وعادوا يفكرون في الخطوة التالية ، قرر مصطفى بأنه لا بد من إقامة جلسة أخرى ولكن لا بد من تركيز نيهان هذه المرة على هدفها ففي بعض الأحيان يحاول الجان خداعهم وربما الطلاس الموجودة على الذهب هي التي تضللهم فلا بد من إصرار وعزيمة أقوى لدى نيهان واتفق الجميع على إقامة الجلسة غداً نظراً لتأخر الوقت ، غادر مصطفى المنزل ودخل الجميع ليخلدوا إلى النوم .

الساعة ٣٣ : ٣ فجرًا .

- لسه مش عايزة تسمعي الكلام؟

- أنت مين؟

- مش لازم تعرفي أنا مين .

- طب هسمع كلامك ليه؟

- عشان ماذكيش .

- عايز مني إيه؟

- تنسي موضوع الذهب دا خالص ومتدوريش عليه .

- بس دا حقي .

- لو عايزة تحمي نفسك متدوريش عليه وإلّا هيكون هلاكك .

قامت نيهان من النوم مفزوعة بعد هذا الكابوس الذي يراودها منذ يومين ولكنها لا تفهم من يحدثها ولماذا يريد لها أن تبعد عن البحث عن ذهبها المفقود، قامت من فراشها وذهبت لتتوضأ ثم صلت الفجر فشعرت ببعض السكينة "السلام دائماً في الصلاة" عادت إلى سريرها قرأت بعض آيات القرآن ونامت وهي تتلوها بعدما اطمأنت نفسها قليلاً

في الصباح شعرت نيهان بضيق في التنفس وكان الروح تسحب منها، كل ذرة فيها تختنق، أنه الموت أو بدأ لها كذلك لم تستطع النهوض أو الصراخ فقط أغشي عليها، مرت حوالي نصف ساعة حتى استعادت وعيها من تلقاء نفسها ولم تشعر بأي شيء، في منتصف النهار وبينما هي جالسة مع والدها يتحدثان وإذا بها تشعر بنفس الحالة مرة أخرى، هب الوالد واقفاً في محاولة لإنقاذ ابنته ولكن لم يستطع فعل أي شيء وسقطت بين يديه مغشياً عليها حاول إفاقتها

لكنه لم ينجح اتصل بأحد الأطباء المقربين له والذي أتى على الفور ولكن بالفحص لم يتبين وجود أعراض لأي مرض ورجح الطبيب أنها ربما تكون حالة ناتجة عن الحزن أو التفكير في أمر ما، طمأنه الطبيب وأخبره بأنها فقط تحتاج إلى الراحة، بعدما غادر الطب عاد الوالد وجلس بجوار ابنته ونظر لها في أسى، هذه الفتاة تعاني منذ بداية حياتها وحتى الآن بشيء يفتقد للمعدل والمنطقية في نفس الوقت، تذكر موعد مصطفى فاتصل به لإلغاء الموعد والاعتذار منه على أن يحدد موعد آخر بعد تحسن حالة نيهان لكن قبل أن يخبر مصطفى عن أي شيء وجدته يعلم بما حدث ويخبره بأن ابنته في خطر كبير ويطلب منه السماح بالزيارة الآن، وافق الوالد رغم تعجبه الشديد من معرفة مصطفى ومما قاله، بعد نصف ساعة كان مصطفى في منزل الحاج فتحي الذي خرج ليقابله والحزن بادياً على وجهه لم أصاب ابنته، حاول مصطفى طمأنته وطلب أن يرى نيهان، خرجت نيهان وهي تكاد أن تسقط من شدة الإعياء وجلست على الأريكة المواجهة لمصطفى الذي تحول وجهه عند رؤيتها بهذه الحالة، بدأ مصطفى الحديث قائلاً:

- حاسة بيايه يا نيهان؟

- ألم شديد في راسي، بحس كان فيه حاجة بتتحرك في دماغي وبعدها بدوخ ويغم عليا.

- الألم دا من امتي؟

- من الصبح حوالي الساعة ستة كدا لكن اختفى شوية قبل ما يرجع ثاني المغرب.

- جالك فجأة ولا تدريجي؟

- لا مرة واحدة أنا كنت كويسة قبل ما أنام لكن صحيت عشان أشرب وفجأة وأنا قايمة من على السرير بدأت أحس بالألم دا في راسي لحد ما أغم عليا.



نظر مصطفى إلى الحاج فتحي مؤكداً له بأن نيهان تعاني أعراض سحر شديد قد دخل جسدها في الصباح سأله الوالد نوع السحر ومدى ضرره عليها؟ فأخبره مصطفى بأنه سحر قوي وإن كل ما تشعر به في رأسها من أثر الدخان الذي يبيته الجان فيه، بدأ مصطفى بقراءة بعض الآيات والطلاسم مجتمعين معاً على رأس نيهان التي كانت تجاهد الإغماء وبعد خمس دقائق بدأت عيون نيهان تتحول إلى اللون الأبيض تماماً وأصبحت بقوة غير طبيعية ممّا أثار دهشة الحاج فتحي ومحمد، بدأت نيهان في محاولة الشجار مع مصطفى ولكنه كان مسيطراً على الموقف أصبحت نيهان تتلوي كاسير يحاول فك الإصفاة ولكن لا يستطيع، بدأت نظراتها تتحول من الشر إلى الاستعطاف فعلم مصطفى أنه قد تمكن من هذا الذي يسكن بداخلها فبدأ باستجوابه كعادته:

- مين اللي باعتك؟

- مش هتكلم . . .

- كلكوا بتقولوا كدا وفي الآخر بتتكلموا، إتكلم بالذوق أحسن بدل ما أعذبك .

- مش هتقدر تعملي حاجة أنا اللي هعذبها وهموتها .

- أنت داخل جسمها ليه؟

- عشان أعذبها وأخنقها، أخليها متعرفش تعمل حاجة في حياتها .

- وهي أذتك أو أذت حد من قبيلتك في حاجة؟

- لا بس سيدي طلب مني كدا وأنا لازم أنفذ أمره وإلا هيموت عيالي .

- ومين سيدك؟ إتكلم متخافش .

- مقدرش أتكلم هيأذيني زي ما أذى الجن اللي هرب منك قبلي .

---

لعنة الذهب

---

- ما هو هربِ عشان معرفش يوقف قصادي . . .
- لا هربِ عشان جبان بس أنا مش ههرب . . .
- هاهاهاها وأنت هتعرف توقف قصادي بقي . . .
- أيوا أنا ملك في قبيلتي وتحت إيدي ناس كثير مش هتقدر تعمل حاجة أنت  
وخدمك معانا . . .
- يعني أنت ملك في قبيلتك؟
- أيوا عشان كدا مش هتقدر عليا . . .
- طب ينفع تبقي ملك وأعمل فيك اللي أنا عامله دا؟ أنا مكتفك وأنت مش  
عارف تتحرك أهو . . .
- أنا مش مكتف أنا بس بتكلم معاك عشان أنت عايز تتكلم . . .
- طب حاول تقوم كدا أو تعمل أي حاجة . . .
- حاول الجن القيام بجسد نيهان لكنه لم يستطع فبدأ بالصراخ بكلمات فارسية  
على ما يبدو أو ربما سنسكريتية لكنها كلمات غير مفهومة لأحد وتحدث  
مصطفى إليه ثانية . . .
- متحركتش ليه؟ في حد مانعك . . .
- لا بس أنت عايزها حرب وهي اللي هتتاذي خليك فاكر . . .
- متقدرش تأذيها . . .
- لا هقدر وأنت مش هتعرف تمنعني . . .
- وهتاذيها لإزاي؟

- بطرق كثير، هخليها متعرفش تأكل ولا تشرب عشان في حد من خُدامي هيسيطر على بطنها، هخليها تحس إنها مخنوقة دايماً عشان الدخان اللي هملي بيه راسها وكمان هخلي ريحة جسمها يشمها اللي في العالم السفلي ويشتهوها مش هخليها توقف على رجليها ثاني

ارتعد الحاج فتحي وكاد أن يبكي بعدما سمع هذا الكلام الذي لا يعرف سببه ولا سبب هذا الحقد الرهيب وليس من بشري بل من عالم آخر!

- طب خيلنا نتفق إنك مش هتعرف تعمل حاجة من دي .

- هاهاهاها أنا أصلًا بعمل دا من زمان بس الجبان الخاين لما أنت جيت سابك وهرب عشان كدا جيت بنفسك أكمل اللي كنت مكلفه بيه .

- أنت مين وراك؟

- مش هقول ولا هتكلم .

قرأ مصطفى تعويذات وطلاسم على راس نيهان التي بدأت تتلوى تحت يديه كالثعبان ومصطفى يقرأ بصوت عال ومحمد والجن يحاول تشتيته بالاستعطاف تارة وبالسخرية تارة أخرى لكنّه مستمر في القراءة، بدأت نيهان تنزف من أنفها، لم يتوقف رَغْم خوف الحاج فتحي وطلبه التوقف فأشار إليه بيده دون أن يلتفت بأن يصمت فاستجاب لإشارته في خضوع تام ليكمل مصطفى لمدة ربع ساعة كاملة لم يتوقف نهائيًا حتى نظر مصطفى في عين نيهان متحديًا والجن .

- هتخرج ولا لسه عايز تتعذب أكثر .

- مش هخرج متحاولش ومتفتكرش إن اللي معاك هيحموك عشان أنا هدمرك أنت كمان .

- هاهاهاها هنشوف .

أكمل مصطفى قراءة التعاويذ من جديد بصوت أكثر قوة وحدة والجن يصرخ كمن تحرقه النار، أمر مصطفى أحد خدامه بسجن الجن وهو ما لم يفهمه أحد ونظر إلى عيون نيهان متحدياً الجن .

- عرفت مين فينا اللي مش هيقدر على الثاني ، أديك بقيت سجين زي الكلب وأقدر أعدمك دلوقتي .

- مش هتعرف أنا ملك قبيلة وهما مش هيسيوك .

- لما نشوف هيسيووني ولا لأ بس أنا عندي ليك حل ، أنت ممكن تكفر عن كل دا وتقولي مين اللي باعتك وتأسلم وأنا أسبيك .

- مش هقول لإني لو قولت هيقتل عيالي .

- مش هيقدر يعملك حاجة أنا هحميك .

- مش هتعرف تحميني لأنه أقوى منك بكثير وإلا مكنش هيعرف يسيطر عليا أنا وقبيلتي .

- طب ما أنا سيطرت عليك وحبستك أهو عادي قول متخافش .

- هو ساحر جارتها بتتعامل معاه وهي اللي طلبت منه يعمل سحر ليها بكل اللي قولته ، هي بتكرها جداً وبتحقد عليها ولما أنت جيت والجان هرب منك راح بلغه فبععتني عشان أتولى تجديد السحر بنفسي .

- تمام دلوقتي أنا بعرض عليك الإسلام أنت وقبيلتك وإنك تكون مسلم وتعمل في الخير ومتشتغلش مع سحرة ثاني .

- مش هينفع أنا يهودي .

- وإيه المشكلة إنك تبقى مسلم وتبقى في الطريق الصحيح .

- مش هينفع . . .
- خلاص في الحالة دي لازم تموت عشان متأذيش مسلمين ثاني . . .
- لا أنا ممكن أديك العهد إنني مأذيهاش . . .
- ولا تأذي غيرها من جنس البشر . . .
- موافق . . .
- بعد أن نطق الجن العهد أمره مصطفى بالانصراف وإعادة نيهان لوعيتها، فتحت نيهان عينيها وكأنها كانت في نوم هادئ ولا تدري شيئاً مما حدث، سألتها مصطفى عن حالتها فأخبرته أنها لم تعد تشعر بأي شيء، فرح الحاج فتحي كثيراً وأثنى على مصطفى لتخليصهم من هذه الكارثة التي كادت أن تقتل ابنته ولكن محمد سأله ساخراً .
- إيه ياعم الفيلم دا؟ أنا حاسس إنني كنت بتفرج على ظابط أمن دولة وجاسوس إسرائيلي . . .
- رد مصطفى ضاحكاً:
- ما هو الجن يا محمد عالم زينا فيهم المسلم والمسيحي واليهودي والملحد كمان وأنا لما بتكلم مع حد فيهم مش برضى أقتله على طول لازم أدعيه للإسلام الأول عشان يفيدنا أكثر في مواجهة السحرة الله يلعنهم .
- أنا كنت فاكِر إن أنت بتطلعهم دي يعني بتخرجهم من الجسم لكن متعرفش تعملهم حاجة، لاقيتك بتحقق وتسجن وبتقتل وكمان بتدعيه للإسلام إزاي كل دا؟

- مش أنا اللي بسجنه أنا قولتلك أنهم مجتمع زينا بالظبط، عندهم سجن ومحكمة وإعدام، أمّا دعوة الجن للإسلام فدا مذكور في القرآن مش كلام من دماغي ..

- تمام إحنا بقى دلوقتي هنعمل إيه في حوار الذهب؟

- معتقدش إن نيهان حالتها تسمح نعمل جلسة النهارده بعد اللي حصل ، المهم دلوقتي إن موضوع جارتها كدا متقلش ودا هيبقى فيه خطر على حياتها جامد .

رد الحاج فتحي :

- لا سييلي أنا موضوع جارتها بنت الكلب دي أنا هتصرف فيه .

- تمام أنا عامة حصبتها من أي حاجة ممكن يحاول الكلب اللي جارتها بتروحه يعملها مؤقتاً فمتقلش .

- تسلّم يا مصطفى وإن شاء الله بكره نعمل جلسة الذهب .

- إن شاء الله سلام عليكم .

- مع السلامة يا مصطفى .

غادر مصطفى تاركًا الحاج فتحي في حيرة من أمره فبعد إن كان موضوع الذهب هو ما يشغله صار قلقًا الآن أكثر على حياة ابنته التي لا يعلم سبب كره هويدا لها بهذا الشكل المميت هل تفعل كل ذلك لأنه رفضها في الماضي حقًا؟ أم أن هناك سببًا آخر؟ احتضن نيهان بقوة وقبل رأسها وهي تدمع ، لا تعرف ماذا ينتظرها في الغد .

\*\*\*\*\*

الأقصر ٢٠١٩ :

وصل أيمن وشاكر إلى الموقع، لاحظَ شاكر أن أيمن ليس كعادته فهو صامت منذ أن ركبا السيارة، وهو كان دائماً ما يلقي الأسئلة على كل ما يراه ولكنه صامت حتى الآن لم يتفوه بكلمة ويبدو أنه في عالم آخر، بالفعل كان أيمن في عالم آخر كما توقع شاكر فهو شارد الفكر في أمر الرسائل والعجوز التي رآها في الصحراء أمس "الصحراء موحشة، موحشة للغاية" ردد العبارة بهذا الشكل في عقله وشيئاً ما بداخله أخبره بأن تكرر التحذير يعني أنه يتوجب عليه الذهاب أو هكذا نفعل دائماً طبقاً لنظرية الممنوع مرغوب لذلك قرر الذهاب إلى نفس المكان اليوم .

- أيمن أنت كويس .

- اه يا شاكر مفيش حاجة أنا بس منمشش كويس إمبراح .

- طب تحب تروح وأكمل أنا؟

- لا عادي مفيش حاجة أنا تمام، هو أستاذ عامر فين؟

- لسه مش ظاهر هتلاقيه مع العمال في مكان هنا ولا هنا .

- تمام أنا هتمشي شوية .

سار أيمن باتجاه المكان الذي ذهب إليه أمس ولكنه كان يتقدم خطوة ويتراجع خطوتين فرغم شغفه لمعرفة حقيقة ما يطارده إلا أنه كان مرعوباً مما قد ينتظره في وسط هذه الرمال، قرر التغلب على خوفه استمر بالسير حتى وصل إلى هناك، لم يجد شيئاً ولم ير السيدة العجوز ظل واقفاً في مكانه مندهشاً وهو يصرخ " أنت فين؟ أنا موجود في الصحرا لوحدي أهو؟ " لم يتلق أي رد شعر بأنه مجنون يقف في صحراء يصرخ في الفضاء سئم المشهد فعاود أدراجه بخيبة أمل كبيرة، وجد شاكر وعامر جالسان تحت مظلته التي يستريح تحتها أثناء

إدارة أعمال الموقع ذهب وجلس بجانبهم ، رحب به عامر لكنه لاحظ هو الآخر أن أيمن ليس على ما يرام وطلب منه الراحة والعودة للفندق إذا كان بحاجة لذلك لكن أيمن شكره وقال لا داعي لذلك مجرد إرهاق من السهر ثم سأله :

- هي الصحراء اللي ورا الموقع دي تبع إيه؟

- بص يا أيمن هو المكان دا لحد ما إحنا قاعدين وبتكلم دلوقتي مش تابع لهيئة الآثار فغالبًا بيكون ملك أهالي أو ملك الجيش وإحنا لو لاقينا المقبرة بتتضم ساعتها المنطقة دي للهيئة وبتبقى منطقة أثرية .

- طب هو ممكن لو فيه مقبرة هنا يبقى في مقبرة جنبها؟

- ممكن جداً بالعكس دا اللي بيحصل غالبًا؛ لأن أغلب المقابر في عصر الدولة القديمة كان الملك بيدفن حوالين مقبرته الخدم بتوعه فبتلاقي مقبرة الملك جنبها مقابر كتير عشان الخدم كانوا بيعتقدوا أنهم ممكن يكسبوا استعطاف الملك فيأخذهم معاه عشان يخدمه في رحلته مع رع وبكدا يبقى الخادم ضمن الحياة في العالم الآخر، كمان في الدولة الوسطى عشان يحافظوا على المقابر من السرقة في ملوك دفنوا في مقبرة بتكون داخل المعبد عشان تبقى في حماية الكهنة فممكن المقبرة نكتشفها ونلاقي حوالها بقايا معبد أو نلاقي المعبد كامل .

- تمام شكرًا يا فندم .

فكر أيمن في كلام عامر وذهب إلى التفكير في لعنة الفراعنة هل هي حقيقة أم خيال فرما المكان الذي ذهب إليه أمس وربما هذه السيدة إحدى خدم الملك ومدفونة بجواره، هداً بتفكيره قليلاً وسأل نفسه ماذا عن الرسائل التي جاءت في القاهرة ولم يكن زار المكان بعد؟ اللعنة بدأت تَجُنْ، خطرت له فكرة "بالأمس ذهب إلى هذا المكان فجاءته رسالة واليوم حذره هذا الشخص من الذهاب ولكنه ذهب وإذا كان الشخص يراقبه فلا بد أنه سيبيعت له رسالة جديدة" هب مع نهاية هذه النقطة مستأذناً عامر وشاكر بأنه متعب ويجب أن



يذهب إلى الفندق ليستريح وانطلق قبل أن يسمع ردهم راكضاً إلى أسرع سيارة أجرة تقفه إلى الفندق، صعد إدراج الفندق مسرعاً ودخل الغرفة، نظر على الطاولة ولكن تغير وجهه عندما رأى الأوراق كما هي لا يوجد رسائل جديدة " يا غيبي ممكن تكون على الجدار تحت " نزل سريعاً ووقف أمام الجدار، لم يجد أي شيء فظل يصرخ " يعني إيه؟ أنت فين؟ سأله أحد العاملين إذا كان يوجد ما يشتكي منه؟ شعر أيمن بالخرج فصعد إلى الغرفة دون أن ينطق بكلمة واحدة .

دخل وأغلق الباب بهدوء وهو لا يستوعب ما وصل إليه وشعر بأن عليه أن ينام فقد انهارت أعصابه تماماً بدل ثيابه وخلد إلى النوم .

" ضباب يغلف المكان يقترّب أكثر فيكتشف أنه في صحراء قاحلة وبعض أشخاص يقومون بأعمال حفر في الأرض بكل جهدهم، يذهب واحد منهم ويعود ومعه شخص ليخبرهم بعد نزوله أن يواصلوا الحفر وعاد وهو ينظر في ورقة يحملها في يده وتبدوا عليه مظاهر الدهشة " .

يقوم أيمن من حلمه الغريب، نظر على النافذة فوجد الليل قد أسدل ستائره على سماء المدينة، نظر إلى الساعة وجدها تشير إلى الثامنة والنصف، نهض من سريره ودلف إلى الحمام استحجم وخرج وفتح الثلاجة وتناول إحدى زجاجات المياه الغازية وطل من الثرثرة ليتنسم هواء الأقصر البديع وألقى نظرة على الطاولة فوجد ما ينتظره الورق تبدل والرسالة الجديدة قد أتت تفحص الرسالة لكنه لم يفهم شيئاً ممّا كتب فقد كتبت بالهير وغيليفية انزعج أكثر ولكن قرر أن يترجمها الآن ارتدى ثيابه وأخذ الورقة ثم اتصل بشاكر في غرفته وطلب منه أن يقابله في اللوبي نزل وانتظر شاكر الذي جاء بعد خمس دقائق فهو لم يكن بدل ثيابه بعد واستفسر عن سر نزول أيمن المفاجيء؟ طلب منه أيمن أن يذهب معه إلى أستاذ عامر، شاكر أخبره بأنه متعب طوال اليوم ولن يستطيع الذهاب معه والأفضل أن يأجل الأمر للغد عندما يقابلانه في الموقع رفض أيمن وتركه ذاهباً

إلى عامر بمفرده، لم تمض نصف ساعة حتى وصل أمين إلى الفندق الذي ينزل فيه عامر وطلب من موظف الاستقبال أن يبلغه بحضوره فرد عامر بأنه سينزل لاستقباله في غضون دقائق جلس أمين في اللوبي وطلب فنجاناً من القهوة ثم جلس منتظراً عامر وفي عقله تدور أفكار كثيرة فربما ترجمة هذه الرسالة توصله إلى الشخص الذي يراقبه أو حتى معرفة الأمر الذي يريد هذا الشخص أن يوصله إليه، بالفعل لم تمر عشر دقائق حتى وصل عامر ورحب بأمين ثم سأل متعجباً .

- أتمنى يكون الأمر خير .

- إن شاء الله يا فندم، أستاذ عامر حضرتك ممكن ترجمي الرسالة دي .

أخرج أمين الورقة من جيبه وأعطها إلى عامر الذي بدأ يتفحصها وتغير وجهه قبل أن يسأله :

- أنت جيبت الورقة دي مينين؟

- لا دا موضوع طويل أحكيه لحضرتك بعدين هو إيه اللي مكتوب فيها بالظبط .

- بصراحة هو اللي مكتوب كلام غريب زي ما يكون كلام تعويذة لحماية مقبرة أو مكان أثري إحنا بنشوف كلام زي دا كتير في شغلنا .

- ممكن حضرتك ترجمها لي بالظبط؟

- ممكن طبعا بص يا سيدي مكتوب " لن تترك أمت كل من كان بقلبه خطيئة، احفظ نفسك من الشر ولا تزعج صاحب المقبرة، لن يفتح الباب إلا لسيدة الشمال تلك التي لا يحمل قلبها خطيئة وتعرفها كمت " .

- نعم!! وإيه المقصود بدأ بقى؟

- زي ما قولتلك دي بتكون تحذيرات بتتحط على باب مقبرة أو باب شيء  
بيكون المصري القديم خايف اللصوص يوصلوله بس الغريب هنا هو أنه محدد  
أن الباب ممكن شخص واحد بس اللي يفتحه وهو سيدة الشمال اللي أنا مش  
عارف هي مين بصراحة .

- ومين أمت دي بقى؟

- أمت دي آلهة في العالم الآخر كانت وظيفتها أنها تأكل المتوفي لو قلبه طلع  
مش صالح في الميزان ، وكانت آلهة مفترسة جداً .

- يعني المقصود هنا أن اللي يحاول يفتح الباب غير سيدة الشمال هيموت عن  
طريق أمت دي .

- بالظبط كدا بس قولني بقى أنت لاقيت الورقة دي فين؟

- بص يا فندم وأنا في القاهرة . . .

حدث صوت دوي مفاجئ، هلع الحاضرين بما فيهم أيمن وعامر وهبوا لتفقد  
مكان الصوت، لإحدى السيارات ارتطمت بسور الفندق بعد أن فقد السائق  
وعيه دون سبب وعلى الفور التقط أيمن بعض الصور للحادث بطبيعته  
كصحفي، نظر أيمن على لوحات السيارة فقرأ "ل ص ٢٠١٤" التقط صورة  
للوحة من الإمام وعند التقاط صورة اللوحات من الخلف وجد شعار غريب  
على الزجاج الخلفي فالشعار كان عبارة عن تمساح بعرض الزجاج، عاد ليجد  
السيد عامر في حالة صعبة لم يفهم سببها ولكن ربما كان من النوع الذي لا  
يتحمل رؤية تلك المناظر، واسه على الحادث وطلب منه الابتعاد إذا كان لا  
يستطيع رؤية المنظر البشع للجنة بعد أن نقلت الإسعاف اللجنة إلى المستشفى  
استاذن أيمن بالمغادرة على موعد الالتقاء غدًا في الموقع، صعد عامر إلى غرفته  
وكان لا يزال متأثرًا بالحادث وأجرى اتصالًا هاتفيًا مع شخص يُدعى "أ.أ"  
جلس بعدها ولم يستطع النوم من جراء هذا الحادث الذي أثر فيه كثيرًا، عاد

أُمن إلى الفندق وحاول الاتصال بشاكر ليخبره بما حدث لكنه كان في نوم عميق فأرسل الصور وتغطية الحدث كاملة عن طريق الإيميل لتنتشر في عدد الصباح وعاد ليفكر في أمر الورقة التي ترجمها له عامر ليضعه في حيرة أكبر فإذا كانت هذه الرسالة عبارة عن تحذير للمصوص مقبرة ما فما علاقته هو بالأمر كالعادة التفكير لا يوصله لشيء وليس عليه سوى الانتظار حتى تأتي الرسالة الجديدة لتشرح له الأمر .

\*\*\*\*\*

دخل مصطفى إلى الصالون، جلس وأشعل سيجارته وناول محمد واحدة هو الآخر منتظرين الحاج فتحي وبصحبه نيهان فاستغل محمد الفرصة وتحدث إليه قليلاً:

- قولي يا مصطفى هو أنت ممكن تعرف كل حاجة عن أي حد؟
- كل حاجة فانت في حياته اه لكن الجاي لا مقدرش لأن دا علم الغيب ومحدث يقدر يعرفه .
- تمام لكن الماضي تقدر تعرفه صح؟
- صح بتسأل ليه؟
- يعني لو قولتلك اسم بنت دلوقتي ممكن تقولي هي بتعمل إيه في حياتها؟
- أكيد طبعا بس محتاج اسم الام واسمها هي وأقولك كل حاجة أنت عايزها .
- إسطا يا معلم دا أنت ولا أمن الدولة هاهاهاها .
- الموضوع مش بالبساطة دي يا محمد أنا أكيد مش هقولك أسرارها لكن لو عايز تعرف بتخونك أو بتحبك مثلاً الحاجات دي وإجابتي هتبقى اه أو لا بس لكن غير كدا مش مسموح .

- تمام خليها بعدين بقى لما نازل تحت لوحنا .  
- زي ما تحب .

دخل الحاج فتحى ونيهان إلى الغرفة وجلسا بعد الترحيب بمصطفى ، سأل عن حالة نيهان واطمئن بأنها مستقرة منذ الأمس وبدأت نيهان استعدادها لبدء الجلسة فشرع مصطفى على الفور في تحضير أدواته التي سيستخدمها في الجلسة وبدأ بكتابة الطلاسم على الورق وقرأت التعاويذ لتعمل الطلاسم وتغمض نيهان عينيها وتذهب في رحلتها المعتادة وتبقى يديها في عالمنا لتسجل ما تراه في العالم الذي تدخل إليه .

أنا في أوضتي لكن لوحدي في دوشة برا فتحت الباب وخرجت لاقيت في دوشة وهيصة والعيلة كلها متجمعة وأنا كمان قاعدة جنب حد فيهم شوية ودخلت أوضتي مش أنا اللي بتكلم لكن أنا في الزمن دا دخلت أوضتي وطلعت ذهبي وبفرجه للبنات والستات اللي قاعدين كانوا مبهورين بيه اللمعة باينة في عيون ناس منهم دخلت الأوضة وعينت الذهب تاني الشقة فضيت كلهم نزلوا حتى أنا كنت معاهم لحظة واحدة في صوت باب بيتفتح دا باب الشقة في حد داخل دي بنت طويلة ورفيعة بشرتها بيضة مش قادرة أحدد ملاحظها دخلت واتسحبت لحد أوضتي بتفتح الدولار بتاعي وبتدور على حاجة بس مش عارفة إيه هي قلبت الدولار خرجت علبة إيه دا دا ذهبي !! خدته من العلبة ورجعت العلبة في الدولار ورتبت الدولار زي ما كان لفت الذهب في بلوزة من شنطة هدمها اللي في الأوضة الثانية وعانت البلوزة في الشنطة تاني وقلت الباب ومشيت .

كلهم رجعوا تاني فرحانين وبيضحكوا هما دلوقتي بياكلوا، خلصوا أكل وبدأوا يروحوا واحد ورا الثاني البنت مروحه هي وأختها في عربية أبوهم

مشيت وخذت الذهب، الست العجوزة ظهرت عند باب أوضتي وزعلانة  
جداً مش عارفة ليه؟

فجأة المكان اتغير وبقيت في أوضة معرفهاش البنث ظهرت في الأوضة عمالة  
تعيط ومش عارفة تعمل إيه، هي مكتتش عايزة تسرق الذهب بس في حد  
معها هو اللي عمل كدا أختها متعرفش لحد دلوقتي ولا أبوها .

انتهت نيهان من الكتابة واستعادت وعيها مرة أخرى وقرأ الجميع ما كتبتة فسأل  
الحاج فتحي من تكون هذه الفتاة؟ فرد محمد بتلقائية :

- رضوى!! دي أوصاف رضوى .

- صح يا محمد فعلاً دي أوصافها بس إزاي؟

سأل الحاج فتحي هذا السؤال وصمت في انتظار إجابة لكن لم يجذرداً .

- قولي يا مصطفى أنا كتبت في الورقة إن رضوى مكانتش عايزة تعمل كدا وإن  
في حد معها هو اللي عمل كدا يعني إيه الكلام دا؟

- بصي يا نيهان بكل بساطة رضوى مكانتش في وعيها لما خدت الذهب هي  
معها جن مسيطر عليها هو اللي عمل كدا، هي لما روحت فاقت بس كانت  
اتورطت خلاص .

- يعني إيه جن مسيطر عليها والكلام دا أنا مش مصدقة الموضوع دا إيه اللي  
أنت بتقوله دا يا مصطفى؟

- دي الحقيقة يا نيهان اللي مع رضوى بيقدر يسيطر عليها في أوقات كثير وهي  
عارفة دا لكن مش بتقول لحد وخايفة في نفس الوقت أنها توقع في مشكلة كبيرة  
لكن للأسف هي وقعت خلاص في المشكلة، عشان كدا أنا شايف أننا نساعدنا  
أحسن ما نهاجها .

- بس هي زمانها باعت الذهب يا مصطفى على حسب كلام نيهان اللي كتبتة يعني الموضوع خرج من أيديها .

- لا يا حاج لسه مايعتش الذهب عشان كدا لازم نتحرك بسرعة جداً هي رضوى ساكنة فين؟

- في الشرقية .

- تمام يبقى لازم نتحرك الصبح إن شاء الله ، صحيح هي تقربلكوا إيه؟

- أبوها يبقى ابن عمي .

- خلاص هنروح بكرة إن شاء الله امتي؟

- ممكن الساعة ١١ الصبح إن شاء الله .

- تمام سلام عليكم .

- مع السلامة يا مصطفى .

نزل مصطفى إلى الشارع والابتسامة تملو وجهه وأشعل سيجارته وأجري اتصالاً هاتفياً في الطريق عبر فيه عن سعادته البالغة لما يحدث هذه الأيام وطمن محدثه بأن الأمور تسير كما رتب لها منذ البداية .

\*\*\*\*\*

الأقصر ٢٠١٩ :

في الصباح استيقظ أيمن على صوت الهاتف فوجد الساعة تشير إلى التاسعة والنصف ووجد المتصل رئيس التحرير يبلغه بأن الخبر الذي أرسله بالأمس لن ينشر فتعجب أيمن من موقف رئيس التحرير فالخبر بسيط ولا يوجد ما يمنع نشره فسأله رئيس التحرير :

- أنت عرفت بيانات صاحب العربية؟
- لا بس ممكن أجيها لحضرتك في ثانية .
- متجهليش يا أيمن أنا اللي ممكن أقولها لك لو حبيت .
- مين يا ريس؟
- اللي مات في العربية يا أيمن يبقى محمود المعداوي .
- مين؟!؟!!
- نزل الاسم على أيمن كالصاعقة ولم يستطع التحدث لمدة دقيقة حتى فاق من غيبوبته .
- حضرتك تقصد محمود المعداوي رجل الأعمال الكبير .
- هو في غيره ممكن يتمنع النشر عشان خاطره في حادثة عادية زي دي .
- بس دا مات يا ريس مين اللي منع النشر .
- معرفش بس النائب العام أصدر قرار بمنع النشر في الحادثة بعد ما انحولت لجناية مش قضاء وقدر .
- تمام يا ريس أنا هحاول أعرف التفاصيل وأبعثها لحضرتك .
- متحاولش تعرف حاجة يا أيمن وأبعد عن الموضوع دا نهائي ومش عايزك تقرب منه أبداً سامعني؟
- هو في إيه يا ريس؟
- مفيش يا أيمن وياريت تنفذ اللي بقوله مفهوم؟
- مفهوم يا ريس .



- واعمل حسابك أنت هترجع القاهرة بكرة وشاكر هيكمل هناك لوحده عشان عايزك معايا هنا .

- بس يا ريس .

- من غير بس يا أيمن بكرة الصبح تكون في مكنتي وتكلمني أول ما ترجع القاهرة أنا حجزتلك طائرة الساعة ٨ بالليل النهارده جهز نفسك .

- أنا مش فاهم حاجة يا ريس .

- قولتلك مش لازم تفهم كل حاجة يا أيمن نفذ وبس .

- حاضر يا ريس بكرة هكون في مكنتك إن شاء الله .

- مع السلامة يا أيمن .

- سلام يا ريس .

أغلق أيمن الهاتف وقذفه بعنف اعتراضاً على ما يحدث من قرار منع النشر وقرار عودته إلى القاهرة وشعرَ بداخله أن هناك ربط بين القرارين ولكن لم يفهم ما هو بعد وتذكر الصور التي التقطها بعد الحادث قام وتفحص الصور وصدم عندما وجد صور لوحات ألسيارة فكانت اللوحة تشير إلى " ج ا ٥٥٥٥ " ما الذي يعنيه هذا؟ هو يتذكر تماماً أن اللوحات كانت " ل ص ٢٠١٤ " تفحص صورة الزجاج الخلفي فوجد الصورة تشير إلى وجود نسر أخضر يغطي نصف الزجاج بالكامل ، الصور تبدلت هو متأكد من ذلك فالصورة على الزجاج كانت لتمساح أخضر كبير فتح جهاز اللاب توب الخاص به وفتح الإيميل ليطاق الصور التي أرسلها بالأمس للجريدة فوجد نفس الصور على هاتفه كاد أن يجن كيف تبدلت الصور؟ أم أنها هكذا من البداية وهو من رآها خطأ؟ لم يعد يدري أيهما الحقيقي؟ ظل جالساً أمام اللاب توب لم يتحرك وفتح محرك البحث وكتب محمود المعداوي فخرجت له أخبار

وعناوين كثيرة ولكن لا يوجد خبر واحد عن وفاته!! هل يعني ذلك أن النائب العام منع نشر خبر وفاته أيضاً؟ لماذا إذًا؟ ما الدافع وراء إخفاء وفاته؟ وإذا كانت وفاته مؤثرة إلى هذا الحد فمن قتل المداوي؟ ولماذا قتله؟ أسئلة كثيرة لا يعرف إجابتها ولكن لا بد أن يعرف الإجابة حتى يعرف من وراء منع النشر ووراء استدعائه إلى القاهرة أيضاً، وقعت عينه على أحد الروابط ومكتوب فوقها عنوان: "المداوي يزور الأقصر" وجد وقت النشر منذ 5 دقائق تعجب من العنوان ومن وقت النشر فتح الرابط فوجد ما صدمه بالفعل صور اللوحات التي صورها وبالأسفل صورة التمساح على الزجاج الخلفي ومعها صورة لوجه المداوي الذي تملأه الدماء ولكن هذه الصورة لم يلتقطها هو! فرك عينيه ليتأكد من يقظته واستمر بالنزول أسفل الصفحة فوجد مكتوباً: "تُوفِّي اليوم رجل الأعمال محمود المداوي أثر حادث أليم أمام فندق (...). بمدينة الأقصر وحتى الآن لم يعرف سبب الحادث وكان رجل الأعمال في طريقه لزيارة صديقه الأثري المعروف السيد عامر" بقلم أيمن الكردي، صُغِقَ أيمن عندما قرأ تفاصيل الخبر وصُغِقَ مرة أخرى عندما وجد الخبر منشوراً باسمه هو لم يكتب ذلك الخبر ولم ينشر أية أخبار عن المداوي ولم يكن من الأساس يعرف بأن المداوي على صلة بعامر خرج أيمن من الصفحة سريعاً وكتب في محرك البحث " وفاة محمود المداوي" لم يجد أي خبر يشير إلى وفاته كيف ذلك وهو كان في صفحة تشير إلى الخبر حاول البحث عن الصفحة لم يجدها دخل إلى سجل التاريخ الخاص بالمتصفح وضغط على الصفحة فوجد أن الصفحة غير موجودة لم يستوعب الأمر حتى الآن، هناك من يتلاعب به لفظ كل الشئام البذيئة التي سمعها طول حياته وبدأ يسير في الغرفة ذهاباً وإياباً بغضب، من هذا الذي يتلاعب به؟ نظر في الساعة وجدها العاشرة والنصف اتصل بشاكر فلم يجده في الغرفة وصل إلى فكرة وجدها عقلانية وهي أنه أياً كان من يتلاعب به فهو الآن يعرف بأن عامر على علاقة بمحمود المداوي وربما هذا يفسر سبب انهياره بالأمس ولكن لماذا لم يصارحه البارحة بعلاقتهم وجعل الأمر يبدو

وكانه لا يعرفه تمامًا؟ إذا فكل الخيوط تبدأ وتنتهي عند عامر لا بد من مقابلته الآن، ارتدي ملابسك ونزل إلى الشارع واستقل سيارة أجرة من أمام باب الفندق متوجهاً إلى الموقع عندما وصل إلى هناك لم يجد عامر ولكنه وجد شاكر الذي هروا إليه عندما رآه من بعيد ولما اقترب منه سأله :

- إيه بيني كلمتك كثير مكنتش بترد كل دا نوم؟

- نوم إيه يا شاكر!! أنا صاحي من الساعة ٨ الصبح .

- إيه! أمال مكنتش بترد ليه؟

- بيني أنت مكلمتنش أصلاً بقولك الرئيس مصحيني من الصبح ومن ساعتها منمتمش المهم عامر فين؟

- لسه مجاش واحتمال مي جيش النهارده .

- كنت متوقع دا .

- صحيح الرئيس قالك إنك هتنزل القاهرة النهارده .

- اه قالي الصبح ، أنت إيه رأيك؟

- مش عارف بس هو بيقول إنه محتاجك هناك في أخبار كثير محتاجة متابعة .

- لما نشوف إياك مروحش أقعد زي قلتي على المكتب .

ترك أيمن شاكر وسار بمفرده بعض الوقت حتى وجد قدمه تسحبه إلى المكان الذي رأى فيه العجوز من قبل سار حتى وجد صخرة فجلس عليها متمنياً ظهورها مرة أخرى ليعلم ما يحدث مرت عشر دقائق كاملة ولكن دون جدوى فقرر العودة إلى الموقع ولكن في أثناء نهوضه فوجيء بعاصفة ترابية حدثت من اللا شيء وظهرت العجوز جالسة كعادتها متأملة لا تنظر صوبه ولكن تنظر في

الصحراء الفارغة حاول التقرب منها لكن العاصفة كانت تشتد فقرر أن يتكلم معها من بعيد فسألها :

- إيه اللي بيحصل ! أنا مش فاهم حاجة أنت مين وعايضة مني إيه؟

- سيدة الشمال تعرف كل شيء . . .

- سيدة الشمال مين؟ وأنا إيه دخلي بالقصة دي؟

- الموت للصوص . . .

- أنا مش فاهم منك حاجة . . .

- أمت كانت البداية . . .

- يا ستي فهميني طيب أنا مالي بكل دا؟

- أنت المنقذ الآن . . .

- منقذ إيه ومين؟

فجأة اختفى كل شيء السيدة العجوز والعاصفة، عادت الصحراء إلى هدوئها لكن عقل أيمن كانت تدور فيه أعتى العواصف من الفكر الذي قارب على الجنون، عاد مهرولاً وأخبر شاكراً بأنه سيعود إلى الفندق لترتيب أموره قبل السفر وتركه دون أن ينتظر الرد، عاد سريعاً إلى الفندق وصعد إلى غرفته، أخرج كل الرسائل الموجودة معه ومن ضمنهم الورقة التي ترجها له عامر وبدأ يربط الأحداث بين الرسائل كلام السيدة العجوز والرسالة المترجمة من قبل عامر، السيدة العجوز قالت بأن سيدة الشمال هي التي تعرف كل شيء ولكن هو لا يعرف تحديداً من هي سيدة الشمال ثانياً قالت بأن أمت كانت البداية وفي الرسالة المترجمة ذكر عامر في حديثه أن سيدة الشمال هي التي سيفتح لها الباب وأمت ستأكل اللصوص إذا بما أنه لا يعرف من تكون سيدة الشمال فليبدأ

بأمت ولكن من هي أمت على حسب حديث عامر فإنها ملتهمة الشخص السيء في العالم الآخر لكنه يحتاج لمعرفة المزيد فتح اللاب توب ودخل إلى محرك البحث وكتب: "أمت عند المصري القديم" لم يجد نتائج، حاول مرة أخرى بعنوان: "أمت في العالم الآخر عند المصري القديم" بدأ يشعر باليأس اتصل بصديق له في الجريدة مهتماً بالتاريخ القديم وسأله إن كان يعرف أية معلومات عن أمت تلك، استغرب صديقه ولكنه أخبره بما يريد دهش أمين ممّا سمع وطلب منه إرسال هذه المعلومات مكتوبة عبر الإيميل فأخبره أنه كان قد سبق وكتب عنها موضوعاً وسوف يرسله إليه في خلال دقائق شكره أمين وأغلق الهاتف وظل ينظر إلى الإيميل منتظراً الرسالة التي وصلت بالفعل بعد خمس دقائق كان مقالاً مكتوباً من قبل بعنوان: "الآلهة المصرية في العالم الآخر" بدأ أمين قراءة المقال بتركيز شديد،

أمت أو عميمت الاسم بالهيراوغليفية



وتقرأ هنا من اليسار إلى اليمين "أكلة الموتى" هي كائن خرافي يظهر في الميثولوجيا والأساطير المصرية القديمة، كانت مزيجاً بين رأس تمساح وجسد أسد وفرس نهر وحسب معتقدات المصريين القدماء تنتظر أمت في منزل آله الموت أوزوريس بالعالم السفلي (دوات) قدوم الموتى. وهناك تتم محاكمتهم ووزن قلب كل منهم، فإن كان القلب نقياً أي أخف من ريشة العدل والنظام (ماعت)، مر المرأ بسلام وأعطى ثوباً أيضاً جميلاً وحديقة يعيش فيها هو وزوجته يأكلون من وأرها. وإن كان قلب المرء مثقلاً بالذنوب والأعمال السيئة يُلقى القلب إلى "أمت" تلتهمه، فيمحق صاحبه تماماً من العالم ويختفي من الوجود.

عادةً ما يُترجم اسم أمت على أنه يعني آكلة الموتى، إلّا أنه قد يعني أيضاً أكلة العظام الباردة، كما عُرفت أيضاً بالقباب كثيرة منها أكلة القلوب وعظمة الموت وأكلة الملايين وقد تنطق "أمت"، ويعتقد البعض بسبب التسمية الأخيرة إن الإله أمحيج الذي يحمل ذات اللقب لم يكن إلّا شكلاً من أشكال أمت. ربط بعض العلماء بين أمت والألهة أيبة التي لديها شكل فرس نهر، نظراً للتشابه بينهما في الهيئة ودورهما بمحاربة الشر.

كانت تُصوّر أمت في الغالب على أنها وحش هجين يُمثّل دجماً بين ثلاثة حيوانات مختلفة، حيث كان لها رأس تمساح، فيما قُسم جسدها وأطرافها إلى قسمين: الأمامي من أسد أو نمr والخلفي من فرس نهر. وقد مثلت بالتحاد هذه الحيوانات المرعبة أكثر مخلوق مرعب أمكن للقدماء المصريين تصوّره. إلّا أنها كانت قادرة في الآن ذاته على اتّخاذ هيئة بشرية عندما تريد ذلك.

لم يعبد المصريون القدماء أمت قطّ ولم تعتبر أبداً آلهة حقيقية. بل على العكس من ذلك كانت تُمثّل للقدماء المصريين أسوأ مخاوفهم وكوابيسهم، وكانت سبباً لتذكيرهم دائماً بالعيش والتصرّف وفق مبادئ ماعت، ومع أن أمت سُمّيت شيطانية أو عفريتة إلّا أنها كانت في الواقع قوة تحارب للخير ولتطبيق القانون والعدالة وهي لا تتصرّف من تلقاء نفسها، إنما تتبّع وتنفذ أوامر الآلهة فقط لتعاقب الأرواح التي عصت.

بحسب مصادر الميثولوجيا والأساطير المصرية القديمة وتحديدًا قصص كتاب الموتى، توجد عدة روايات حول دور أمت ومهمتها. يفيد أحد الأقوال وفق عدد من المصادر إلى أنها تعيش في بركة من النار، تُلقَى فيها أرواح المخطئين، حيث تُحمي البحيرة بدلاً من التهام الأرواح، ويعتقد بعض الباحثين لذلك أنها مرتبطة بالآلهة سخمت، لأن هذه الأخرى كانت تُحمي البحيرة أيضاً كما كانت لها هيئة أسد شبيهة بامت، كما تقول رواية أخرى أن أمت كانت تأكل الأشخاص المخطئين أنفسهم بعد محاكمتهم فيبقون للأبد مأسورين داخل

معدتها، وأما القول الأكثر رواجاً وقبولاً فهو إن أمت تعيش تحت موازين العدالة في قاعة الحقيقتين بمنزل إله الموت والحياة الثانية أوزوريس حيث تقبع تنتظر أرواح الموتى العابرة إلى العالم السفلي دوات يصطحب إله الموت أنوبيس المعروف بـ "موصل الأرواح" أرواح الموتى إلى القاعة وهناك تتم محاسبتهم، فيتولى أنوبيس دور المحامي الذي يدافع عن الموتى، ويأخذ تحوت إله الحكمة دور النائب العام، فيما يكون إصدار الحكم والبث فيه من نصيب أوزوريس الذي يتربع على عرشه ينتظر ومعه إيزيس ونيفتيس عند بداية المحاكمة يستحوب أوزوريس الرجل الذي يريد العبور إلى العالم السفلي، حتى يعترف بخطايا وذنوبه، ويُسمح له بالدفاع عن نفسه لمحاولة تبرير خطاياهُ أو تخفيف عقوبته ومن الضروري لكي يستطيع الرجل العبور أن يكون قد حظى بمراسم دفن خاصة، وتحت تلاوة وحماية تعاويذ محددة. بعد ذلك وإصدار الحكم يقوم أنوبيس بوضع قلب الرجل على ميزان ذو كفتين تقابله على الكفة الأخرى ريشة من غطاء رأس آلهة الحقيقة والعدالة والقانون "ماعت" ويحكم عليه حسب موازنة قلبه مع الريشة حيث يتولى "تحوت" تفحص النتيجة، لم يكن من الضروري أن يكون الرجل مثالياً جداً لكي يعبر بل فقط أن لا يكون كثير المعاصي إلى حد غير مقبول، فإن نجح وكان قلبه أخف من الريشة يعبر إلى العالم السفلي دوات حيث يحظى بحياة رغيدة في حقول القصب المعروفة بارو، لكن إن كان قلب الرجل محملاً بالكثير من الخطايا والذنوب، ومالت إلى جانبه كفة الميزان فستظهر "أمت" من تحت موازين العدالة وتنقض عليه لتلتهمه دون رحمة، فيموت الميتة الثانية كما كان يُسميها قدماء المصريين، فيختفي من الوجود وتبقى روحه تتعذب للأبد.

أنهى أمين قراءة المقال وكتب على ورقة بجواره (أمت رأس تمساح ومقدمة الجسد على شكل أسد ونهايته على شكل فرس النهر، أكلة الموتى أو لحوم البشر أو ملتهمة الأرواح).

كان هذا ما يريده أيمن من المقال بالكامل هو الآن يعرف تفاصيل أمت ودورها عند المصري القديم وبهذه الأوصاف استطاع أن يربط بينها وبين صورة التمساح على سيارة محمود المعداوي ولكن هذا يعني بأن المعداوي كان أحد المتورطين في فتح باب المقبرة طبقاً للقاعدة أنه لكي يقابل أمت لا بد أن يكون قد خالف تحذير باب المقبرة، شعر ببعض الارتياح لوصوله إلى هذه النقطة فهو الآن يعرف على الأقل ما سبب وجود الصور فكلمة لص على اللوحات كانت تقصد المعداوي شخصياً والتمساح رمز لأمت ولكن تبقى بعد الأسئلة ما علاقته هو بكل ذلك؟ والسؤال الآخر لماذا اختلفت الصور؟ وكيف؟ نظر إلى الساعة فوجدها تشير إلى الخامسة، أعد حقيبته ونزل ليغادر الفندق وأثناء نزوله لمح على الجدار عبارة: "أراك قريباً فالرأس هنا" التقط صورة للجدار وأكمل طريقه إلى المطار ولكن كان يدرك بأن عودته ستفتح أبواباً جديدة في هذه القضية التي لم تتضح بعد.



## الفصل الثالث

موكب مكون من عشر عربات تجرها الخيول، فوق إحدى العربات كان يقف رجلاً مهيباً يتضح من هيئته أنه ذو منصب كبير، كان يرتدي لباساً أبيضاً ترصعه حلقة ذهبية عند مقدمة الرأس ويضع معصماً ذهبياً في اليد، فوق رأسه كان يرتدي خوذة مصنوعة من الذهب الخالص، فجأة صهل الفرس الذي كان يجرعته وركض بسرعة كبيرة، حاول السيطرة على الفرس لكن لم يستطع، ركضت باقي العربات في محاولة للحاق به، حاول الرجل التمسك بالعربة لكنه لم يستطع المقاومة وسقط من فوق العربة.

تل بسطة :

كانت " بوسطه " أو " باستيت " بالمصرية القديمة مركزاً دينياً هاماً وإحدى عواصم مصر القديمة ونظرا لموقعها على مدخل مصر الشرقي فقد واجهت أفواج القادمين من الشرق عبر سيناء وعاصرت العديد من الفاتحين والغزاة وقد تشرّفت بأنها كانت معبراً ومقرّاً مؤقتاً للسيدة مريم العذراء ووليدها المسيح " عليهما السلام " عند قدومهما إلى مصر، توجد خارج مدينة الزقازيق أطلال مدينة " بوياسيتيس " وهي واحدة من أكبر المدن القديمة في مصر وتُعرف الآن باسم " تل بسطة " والمعودة العظيمة لتلك المدينة القديمة " بوياسيتيس " كانت القطة الرشيقة الآلهة باستيت آلهة الحب والخصوبة .

ويقال أن المهرجانات التي أقيمت على شرفها قد جذبت أكثر من ٧٠٠,٠٠٠ من المحتفلين في العصور القديمة، كانوا يفدون إلى بوياسيتيس ويغنون ويرقصون ويحتفلون بهذه الآلهة، ويستهلكون كميات كبيرة من النبيذ ويقدمون قرابين للآلهة . وقد صارت بوياسيتيس عاصمة للبلاد حوالي عام ٩٤٥ ق . م في عهد الملك شيشنق الأول مؤسس الأسرة الثانية والعشرين، وخُرِبَت المدينة بعد ذلك على يد الفرس حوالي عام ٣٥٠ ق . م .

وكان معبد الإلهة باستيت هو جوهرة بوياسيتيس المعمارية، وكان يقع بين قناتين تحيط به الأشجار ونطوقه المدينة التي كانت مبنية على مستوى أعلى من مستوى المعبد، ممّا كان يسمح برؤية المعبد بوضوح من المدينة؛ لأنه كان يقع أسفلها على مستوى أقل ارتفاعاً .

بدأ تشييد معبد باستيت في عهد الملك خوفو والملك خفرع من الأسرة الرابعة . وقام الملوك الفراعنة من بعدهما من الأسر السابعة عشر والثامنة عشر والتاسعة عشر والأسرة الثانية والعشرين بوضع إبنيتهم وإضافاتهم على المعبد على مدى حوالي ١٧٠٠ سنة .

وقد كتب المؤرخ هيرودوت أنه وبالرغم من وجود معابد أخرى أكبر وأعظم شأنًا وأعلى تكلفة، فإنه لا يوجد واحد من هذه المعابد يسر الناظر برؤياه أكثر من معبد باستيت في مدينة بوباستيس وقد أصبح المعبد الآن كومة من الأنقاض.

أما أكثر المواقع التي تستحق الزيارة في بوباستيس اليوم فهي مقبرة أو جبانة القطط، حيث تم العثور على العديد من التماثيل البرونزية لقطط وذلك في سلسلة من القاعات اكتشفت تحت الأرض.

\*\*\*\*\*

وصل محمد والحاج فتحي ونيهان معهم مصطفى إلى الزقازيق لتتقف السيارة أمام منزل الحاج مدحت والد رضوى وابن عم الحاج فتحي ولكن مصطفى قرر عدم الصعود حتى لا يوتر المشهد وأخبرهم أنه يتتظروهم على القهوة الموجودة على ناصية الشارع، المنزل يظهر عليه علامات ثراء صاحبه وهو الذي جعل الجميع عندما وجدوا اسم رضوى في الورق لم يفهموا ما السبب وراء سرقتها للذهب فوالدها من أغنى أغنياء الشرقية ورجل يعرف بالاحترام بين أهل بلده كما أنه يساعد الجميع فما الذي يجعل ابنته تسرق ولكن السبب الذي ذكره مصطفى ربما يكون هو السبب الوحيد المقتنع والمنطقي، تمنى الحاج فتحي أن يصدق توقع مصطفى هذه المرة فالأمر سيكون محرجاً إلى حد كبير إذا حدث ما حدث في منزل الحاج صلاح ومن ناحية أخرى يريد لهذا الكابوس أن ينتهي وتستعيد ابنته من جديد فنيهان لم تعد كما كانت منذ هذا الحادث، رحب الحاج مدحت بهم وصعدوا إلى المنزل وعندما دخلوا إلى البيت لم تكن رضوى أو رغدة أختها موجودتان فسأل عليهم الحاج فتحي فأخبره والدهم بأنهم في الجامعة فطلب منه الحاج فتحي الاتصال برضوى وأخبارها بالحضور لأمر مهم استغرب مدحت من كلام الحاج فتحي وطلب منه أن يستريح أولاً وسوف تأتي البنات على موعد الغداء ولكن الحاج فتحي طلب منه الاتصال برضوى لأمر

ضرورى وأيضاً لو يستطيع أن يجلس معها بمفرده، بدأ مدحت يشعر بالقلق وشعر أن هناك أمر غير مريح ولكنه نفذ كل ما قاله الحاج فتحي ودخلا إلى الغرفة بمفردهم ليفهم ما يدور في منزله وسر الزيارة التي يبدو أنها تحمل معها المصائب:

- خير يا أبو محمد .

- خير إن شاء الله يا مدحت .

- قلقتني في حاجة مش مريحاني في كلامك .

- بص يا مدحت إحنا طول عمرنا أخوات وولادي هما ولادك وولادك ولادي .

- في إيه يا فتحي يا خويا؟

- دهب نيهان اتسرق يوم فرح أختها يا مدحت .

- أنت بتقول إيه؟ إزاي يا فتحي؟

- دا اللي حصل وللأسف مكنش في حد غريب .

- لا حول ولا قوة إلا بالله!

قالها مدحت متأثراً ولكن بعد لحظات رفع رأسه ونظر للحاج فتحي في ذهول!:

- هو أنت شاكك في بناتي يا أبو محمد؟

- أنا مش شاكك فيكوا طبعاً يا مدحت أنا عارف تربيتك وعارف بناتك لكن أنا بدور في بيت كل حد كان موجود أنا عارف إنه موقف سخيف لكن حط نفسك مكاني يا مدحت .

- لا حول ولا قوة إلا بالله، مقدر موقفك يا فتحي، بس اشمعنا رضوى؟

ارتبك الحاج فتحي قليلاً ولكنه رد بتمالك أعصاب:

- لا عادي، أي بنت بس أنا قولت رضوى أخف أنت عارف رغبة مش سهل تسيب صحابها وتيجي غير إني ليا معزة عند رضوى أكثر لما تعرف إني هنا هتيجي على طول.

استطاع الخروج من حرج الموقف بكل حنكة وهدوء بقيت الخطوة الأهم وهي حضور رضوى والتأكد من كلام مصطفى، عادا وانضما إلى الحضور وتحدثا بكل هدوء ولكن من الداخل كانت النار والقلق يأكلان الجميع أبا قلماً على بناته والآخر تائهاً لا يدري كيف يسترد حق ابنته وابنته لا تدري مصيرها، موقف مهيب لا يتمنى أحد أن يوضع فيه ولو لدقائق، مضت نصف ساعة حتى أتت رضوى فرحبت بالحاضرين وأخبرها الحاج فتحي أنه يريد التحدث معها في أمر خاص، استاذن مدحت ودخلا الغرفة ومعهم نيهان تاركين محمد ومدحت يتحدثون في أمور تذيب حدة الموقف لا أكثر:

- إزيك يا رضوى؟

- الحمد لله يا عمو تمام.

- رضوى أنت عارفه إن ذهب نيهان اتسرق يوم الفرح؟

- إيه!! حضرتك بتقول إيه يا عمو إزاي ومين اللي عمل كذا؟

استغربت نيهان والحاج فتحي رد فعل رضوى فهي تبدو وكأنها لم تكن تعلم بالفعل، تردد الحاج فتحي ولكن لم يعد هناك مجالاً للتراجع لا بد أن يتهم رضوى اتهاماً صريحاً:

- رضوى أنت مشوفتيش الذهب فعلاً ومكتيش تعرفي إنه اتسرق؟

- أنت قصدك إيه يا عمو؟ قصدك إن أنا اللي سرقته؟

- أنا بسألك يا رضوى .

- والله يا عمو معرفش حاجة عن الموضوع دا والله والله معرفش عنه حاجة فعلاً .

انهارت رضوى بالبكاء تماماً وبدأت تصرخ ممأ جعل الحاج فتحي في موقف صعب ومن داخله كان يشعر بصدق رضوى ولكنه قرر الصمود قليلاً على طريقة المحققين فرمى تنهار بعد ثواني وتعترف .

- رضوى في ناس شافوك وأنت بتاخدي الذهب وبتخبيه في شنطتك .

- أنت بتقول إيه يا عمو ناس مين دول؟ هاتهم قدامي وأنا أواجههم وأقولهم قدامك إني مخدمت حاجة، أنا هعمل كدا ليه؟ وحتى لو هعمل هيبقى معاكوا إنتوا!! حضرتك عارف إنتوا إيه بالنسبة لي عمري ما أفكر لأذي حد فيكوا بالذات أنت يا نيهان، أنت مش عارفة أنا مجبك قد إيه؟

تأكد الحاج فتحي من صدق رضوى تماماً فقرر إنهاء هذه المسرحية الهزلية فوراً، احتضن رضوى وأخبرها بأنه كان يثق ببراءتها ولكنه يفعل ذلك مع كل العائلة حتى يستطيع كشف السارق الحقيقي بقيا ربع ساعة حتى هدئت رضوى تماماً وتفهمت الموقف واعتذر لها الحاج فتحي عن اتهامها وخرجها يضحكان حتى يذيبا غضب واستياء والدها الذي ما إن رآهم حتى هب واقفاً ليطمئن على ما حدث فأخبرت الحاج فتحي بأن الأمور على ما يرام وطلب منه أن يقبل اعتذاره على ذلك الموقف السخيف فرد متفهماً الموقف وأنه لو في مكانه لفعل أكثر من ذلك، استأذنا مدحت للمغادرة وعادا إلى السيارة وعطف محمد على القهوة ليأخذ مصطفي معهم وقال ساخرًا! :

- اركب يا حمادة اركب كل يوم نخرجنا مع واحد .

- قصدك إيه!! مطلعتش هي؟
- لا يا أخويا مطلعتش هي ، هنعمل إيه يا فيلسوف عصرك وزمانك دلوقتي؟
- مش عارف؟ وبعدين أنا مالي هو أنا اللي بوصف .
- يا شيخ اتبيل عاملي فيها شيخ وأنت شيخ ، بلاش أقولك عشان الحاج قاعد .
- سارت السيارة ربع ساعة قبل أن يطلب مصطفى من محمد التوقف على جانب الطريق فتفاجأ محمد وسأل عن السبب فأخبره مصطفى بأنه يجب أن يقوم بعمل جلسة لنيهان الآن فتعجب الجميع .
- لازم نيهان تعمل الجلسة حالاً .
- هنا يا مصطفى أنت مجنون؟ إحنا في الشارع .
- ياعم هو أنا محضر أرواح!! أما أنت عارف الموضوع كله إنها بتكتب اللي شافته في ورقة من غير كلام .
- إيه يا نيهان يا بنتي هتقدري عملي دا هنا؟
- مفيش مشكلة يا بابا لو هنوصل للحاجةز
- لمح محمد عسكري يقترب من السيارة و أتى ليخبره بأن عليه أن يتحرك؛ لأن هذه منطقة أثرية وهو لا يحمل تصريحاً للدخول أو الوقوف فرد الحاج فتحي سريعاً بأن ابنته مريضة يطمئنوا عليها ويرحلوا من فورهم فأخبره العسكري أن يرحلوا سريعاً بمجرد الاطمئنان عليها فأجابا بأنهم سيرحلون في خلال عشر دقائق .
- يلا يا نيهان أمسكي الورقة أهي هات قلم يا محمد .
- خدي يا نيهان القلم أهو .

قرأ مصطفى الطلاسم وبدأت نيهان غيبوبتها من جديد ولكن مرت خمس دقائق ولم تكتب شيئاً ولم يفهم أحد السبب فهي دائماً تكتب مباشرة بمجرد أن تغمض عينيها لأنها تكتب كل ما ترى مهما كان صغيراً أو تافهاً لكن كل ما تفعله الآن أنها تهز رأسها وكأنها توافق شخصاً ما على كلامه، شعر مصطفى بالقلق ولكن قبل أن يتدخل بدأت يد نيهان تتحرك على الورقة فهدأ في جلسته مرة أخرى ومرت خمس دقائق أخرى لمح محمد في المرأة العسكري قادماً من جديد فأخبرهم أن ينهوا هذه الجلسة سريعاً ونزل ليقابله في محاولة لكسب بعض الوقت، لا زالت يد نيهان تكتب بالهيروغليفية ابتسم مصطفى ابتسامة خبيثة لم يلاحظها الحاج فتحي ولكن نيهان نظرت تجاهه وهي مغمضة العينين وتحولت ملاحظها لتعبر عن غضب شديد أيضاً مصطفى بادلها نظرة تحمل الكثير من الحقد والغضب وبدأ في إفاقة نيهان سريعاً لكنها لا تستجيب له وتكمل كتابتها حاول مصطفى انتزاع القلم ولكنها كانت تبعد يده وتكمل الكتابة في إصرار شديد، اندهش الحاج فتحي من تصرفاته ولكنه أخبره بأن هناك من يسيطر عليها ولا بد أن تستعيد وعيها الآن ولكن قبل أن يحاول مرة أخرى فاقت نيهان من نفسها فاستراح مصطفى في جلسته زافراً غضبه وهلمه خارج صدره وشعر بالارتياح، عاد محمد وانطلق بالسيارة سريعاً بعد أن مل من الحوار مع حارس المنطقة الأثرية، في الطريق حاول مصطفى قراءة كتابات نيهان لكنه لم يفهم شيئاً بسبب الهيروغليفية فصورها وأرسلها إلى صديقه ليترجمها له، بعد نصف ساعة وصلته رسالة بها الترجمة ولكن بعدها بدقائق رسالة أخرى تخبره بضرورة اللقاء اليوم في نفس المكان.

\*\*\*\*\*

في مكتب رئيس التحرير جلس أيمن حوالي نصف ساعة يسمع أسباب استبعاده من تغطية الأحداث في الأقصر لكنه لم يفهم حتى الآن السبب الحقيقي فكلام رئيس التحرير عن أهميته هنا ودوره الأسطوري الذي كان يجب العودة من



أجله لم يقنعه نهائياً وهذا ما شعر به رئيس التحرير ولكنه غض الطرف عنه واستمر في الحديث وخرج أيمن من المكتب غاضباً وذهب إلى مكتبه تصفح بعض الأوراق على المكتب لم يجد شيئاً مهماً ولكن في وسط الأوراق وجد ظرفاً مكتوباً عليه " أمت تشتاق إلى فريستها " فتح الظرف سريعاً فوجد صور لوحات سيارة المعداوي " ل ص ٢٠١٤ " وصورة جثة المعداوي وصورة الزجاج الخلفي مرسوماً عليه رأس التمساح وصورة لفتت انتباهه أكثر من الباقين لأول مرة يراها لأربعة أشخاص لكن يبدو أن الصورة قد التقطت من ظهورهم حتى أنها لا تظهر رؤوسهم فقط خلفية لأشخاص ويبدو أنهم في صحراء مما يظهر في المنظر في خلفية الصورة ولكن هناك علامة دائرية على ظهر أحدهم ، أمعن أيمن النظر في الصورة محاولاً الوصول إلى شيء ولكن كل ما استطاع فهمه أنه ربما يكون الشخص ذو الدائرة هو محمود المعداوي ولكنه ارتعب من الفكرة فذلك يعني أن هناك أربعة أشخاص آخرين والرسالة على الظرف تقول بأن أمت تشتاق إلى فريستها مما يعني صحة كلامه هناك فريسة جديدة من هؤلاء الأربعة الباقين نهض سريعاً وسأل عامل البوفية عما إذا كان رأى أحد يدخل المكتب أجابه بالنفي فسأله عن الشخص الذي أحضر الظرف أجابه بأن حارس المبنى هو الذي أحضره صباحاً وأخبره بأن يضعه على مكتبه ، تركه أيمن وهوول إلى الحارس وسأله عن الظرف ومن سلمه له فقال له بأن رجلاً جاء إليه صباحاً وهو يتناول الإفطار على عربة الفول القريبة من المبنى وسلمه الظرف ومبلغ خمسون جنيهاً وطلب منه إيصاله لأيمن سأل أيمن عن أوصافه لكن الحارس لم يستطع التذكر متعللاً بأنها كانت السابعة صباحاً ولم يكن في كامل وعيه بعد ، لم يصل أيمن لشيء ويبدو أن الشخص الذي أوصل الظرف حرص على أن يقابل الحارس بعيداً عن الكاميرات فقابله على عربة الفول ، صعد أيمن إلى المبنى أعاد الصور إلى الظرف وأخذها ودخل إلى مكتب رئيس التحرير واستأذنه في المغادرة فهو متعباً من رحلة الأقصر فوافق رئيس التحرير في محاولة لتغطية سبب عودته المفاجأة من الأقصر فهو يعلم أن أيمن لم ولن

يقتنع بأسبابه الكاذبة أبداً عاد أمين إلى المنزل وضع الظرف على الطاولة التي أصبحت مليئة بالأوراق والرسائل وخلع ثيابه ودخل إلى الحمام كل ذلك ولم تفارقه صورة جثة المعداوي الفارقة بالدماء ولا فكرة احتمالية وصول أربعة صور أخرى شبيهة لها في غضون أيام تُرى ما عساه أن يفعل هل يبلغ الشرطة ولكن ماذا قد يقول لهم لن يقتنع أحد بفكرة اللوحات أو التماسح على الزجاج خاصة بأن السيارة الحقيقية لم تطابق لوحاتها أو صورة زجاجها هذه الصور ليس معه دليلاً حقيقياً سوى صورة جثة المعداوي، اه ترى ماذا فعلت أيها الرجل لتموت تلك الميتة؟ ومن يريد أن يقتل شركائك؟ وماذا فعلتم له؟ من هم شركائك بالأساس وكم تبقى لهم على قيد الحياة؟ الماء يتخلل جسده بسرعة ولكن ليس أسرع من أفكار عقله التي ستوصله إلى الجنون حتماً عمماً قريب خرج من الحمام حضر فنجاناً من القهوة ليسكن ألم رأسه قليلاً وجلس على الطاولة وافتش الورق كاملاً والصور أخرج مذكرته التي كان يرتب فيها الأحداث بالأقصر وبدأ بترتيب الأحداث من جديد.

- أولًا الأحلام، الحلم الأول لشخصين يتحدثان رجل وامرأة لكنه لم يعرف هويتهم، الحلم الثاني لأربعة أشخاص يحفرون في أرض صحراء إذاً فهو لاء هم الأشخاص في الصورة.

- ثانياً الرسائل التي تفيد ذهابه إلى الأقصر والرسائل التي وجدها هناك لم تعد تفيد الآن فقد انتهت مرحلتها لم يبقَ لغزاً سوى رسالتين الرسالة المترجمة لسيدة الشمال التي سيفتح لها الباب ورسالة أراك قريباً فالرأس هنا إذا فالمرسل يطلب منه العودة إلى الأقصر ولكن لماذا ومن هو الرأس الموجود هناك؟ وضع هاتان الرسالتان إلى جواره وعليهما علامة استفهام كبيرة.

- ثالثاً الصور أتى إلى الصورة التي بها الأربعة أشخاص ونظر إليها طويلاً محاولاً التفكير في أي شيء يوصله لحل هذا اللغز ونطق بصوت مسموع "لازم أعرف أنت مت إزاي وليه عشان أعرف الباقيين وعلاقتهم بك إيه؟ بس إزاي هعرف

طريقة موتك والنشر ممنوع في القضية؟ إزاي؟ أممممم " نظر إلى رسالة " أراك قريباً فالرأس هنا " وعرف أن الرأس هي لغز موت المعداوي ويجب أن يعود ليعرف حل هذا اللغز لربما يستطيع من خلاله التوصل إلى هوية الثلاثة الآخرين وإنقاذهم من الموت، اتصل برئيس التحرير وطلب منه إذن بالغياب لمدة يومان لظروف مرضية وافق رئيس التحرير على مضمض ولم يستطع الرفض فأيمن لم يغب يوماً واحداً منذ أن تم تعيينه وهذه أول إجازة له فلا يستطيع الرفض، أغلق أيمن الهاتف واتصل بشركة طيران وطلب تذكرة على رحلة الصباح للأقصر وبالفعل حجز تذكرة الثامنة صباحاً ولكنه قرر أن تكون هذه المهمة سرية ولا يعرف أحداً عنها حتى شاكر الموجود هناك يجب أن لا يراه نهائياً، ملمم أوراقه بترتيبها وحضر حقييته وخلد إلى النوم كي يستطيع الاستيقاظ مبكراً غداً فالرحلة هذه المرة أطول وأكثر إثارة من سابقتها .

\*\*\*\*\*

الأقصر ٢٠١٩ :

وصل أيمن إلى الأقصر وذهب إلى المستشفى العام وحاول أن يجد سائق الإسعاف الذي قابله ليلة الحادث لكنه لم يجده فسأل عن بيانات السائقين الذين نقلوا جثة محمود المعداوي لكن وجد رد فعل غريب من العاملين فكلما سأل أحدهم تهرب من الحديث معه أو أخبره بأنه لا يعرف شيئاً وأتى إليه فرد الأمن طالباً منه الخروج من المستشفى فوراً رضخ أيمن للأمر وشعر بأن رحلته لن تجدي نفعاً لكن أثناء وقوفه أمام باب المستشفى أتاه عاملاً وطلب منها مقابلته على ناصية الشارع بعد خمس دقائق وعلى الفور انطلق أيمن إلى ناصية الشارع وانتظر الخمس دقائق وبالفعل حضر الرجل وقبل أن يتحدث طلب من أيمن مبلغ ٥٠٠ جنيه فأعطاها له أيمن واطمئن بأنه سيحصل على ما يريد أيأ كان فسأله :

- أنت تعرف إيه اللي حصل لمحمود المعداوي يوم الحادثة؟
- بص يا بيه إني هجولك على كل حاجة، ليتها كانت الدنيا مجلوبة الإسعاف أول ما جت كان معاها حكومة ياما ورتب يا بيه وفضوا عنبر بحاله مع أنه كان ميت بس فضوله عنبر ودخلوه فيه ومنعوا أي حد يهوب ناحية العنبر غير اللي يطلبوه بالاسم .
- ها وبعدين إيه اللي حصل؟
- بعديها جاه الدكتور علي وكتب التحجير بس سلمه للمأمور شخصياً، بس بعديها بنص ساعة حصلت حاجة غريبة .
- إيه اللي حصل؟
- المأمور طلب مجله من المستشفى لمصر وطلب من مدير المستشفى إنه يلغي أي بيانات تجول أن المعداوي بيه دخل المستشفى من أساسه وجت العربية لمجلته من غير ما حد يدرا باللي حصل خالص .
- والدكتور علي فين دلوقتي ممكن أقابله؟
- تجايل مين يا باشا الدكتور علي سافر مع الحالة ومن يومها معاودش .
- طب والاتنين بتوع الإسعاف فين؟
- محدش في البلد يعرف عنهم حاجة من يومها بس الناس بتجول إنهم سافروا هما كمان .
- هو هيسفر البلد كلها كلها عشان حادثة؟
- دا اللي محدش فاهموا بس أصلًا البلد كلتها نسيت إن كان فيه حادثة من أساسه أنا إكديبه جولتلك كل اللي أعرفه بس أنت مشوفتنيش سلاموا عليكوا .

غادر العامل مبتعداً ليركه في حيرة أصعب ممّا كان عليها قبل هذا الكم من المعلومات الغامضة والمربية، إذاً من مصلحته عدم معرفة زيارة المعداوي للأقصر؟ وأين كان متجهاً ليلة الحادث؟ تذكر شيئاً الرسالة على الإنترنت تقول بأن المعداوي كان في زيارة للسيد عامر إذاً هذا سبب قرب الحادث من الفندق فالمعداوي كان في طريقه للسيد عامر بالتالي فالرأس ليست لغز موت المعداوي الرأس هي عامر، لكن كيف سيقلبه ومن المفترض أنه في القاهرة ولا أحد يعلم بمجيئه إلى الأقصر فكر قليلاً ورأى أنه من الأفضل عدم الاقتراب إليه الآن فرمما يكون هو سبب إبتعاده عن الأقصر من البداية وصاحب قرار عودته للقاهرة، قرر أيمن أن يذهب إلى أي فندق ولكن فضل اختيار فندق من الفنادق الرخيصة حتى لا يتقابل ولو صدفة مع أي فرد من أفراد الموقع وبالفعل سأل بعض أهل البلد وأخبروه على مكان فندق رخيص ونزل به صعد إلى الغرفة وجلس محاولاً ترتيب أفكاره من جديد نظراً للمعلومات الجديدة ليعرف من أين سيبدأ الخطوة القادمة وبدأ يفكر بهدوء، إذاً كان عامر على علاقة بالمعداوي فرمما يكون أحد الأفراد الخمسة في الصورة وهو احتمال كبير ولكن لماذا فعل كل هذا لعدم معرفة موت المعداوي أو ربما قتله في الأقصر تحديداً؟ هل كانت مقابلة مشبوهة؟ بالتأكيد مشبوهة وإلّا ما كان ليفعل كل هذه التأمينات لضمان سرية الحادث ولكن السؤال الأخطر ما سلطة عامر لياخذ من أجله قراراً بمنع النشر في الحادث وأيضاً يحضر المأمور شخصياً لموقع الحادث والمستشفى؟ سؤالاً آخر أين سيارة المعداوي وكيف تبدلت اللوحات وتبدلت الخلفية على الزجاج؟ ربما كان هذا أهم سؤال فإذا كان المعداوي بهذه السلطة المعروفة عنه أو عرفت عنه بعد ما حدث في وفاته فمن يستطيع الوصول إلى سيارته بهذه السهولة؟ لا بد أن يجد إجابات على كل هذه الأسئلة ولكن من أين يبدأ هذا ما لا يعرفه، تعب أيمن من التفكير فقرر أراحة عقله وشغل التلفاز وأثناء التنقل بين المحطات وجد خبر عاجل على إحدى القنوات جعله يقفز من مكانه كالمجنون " وفاة رجل الأعمال المعروف محمود المعداوي صباح اليوم في مستشفى الرحمة أثر أزمة قلبية

مفاجأة أودت بحياته في الحال وتنعي أسرة القناة الفقيد وتتمنى لأهله الصبر والسلوان " نظر إلى لوجو القناة فعرف أنها إحدى قنوات المعداوي والمستشفى أيضاً ملكاً له، صُعق من الخبر، المعداوي ميتاً منذ ثلاثة أيام هنا في الأقصر في حادث أو بالأحرى في جريمة قتل فكيف مات في مستشفى الرحمة بالقاهرة؟ فكر قليلاً النائب العام لم يأمر بمنع النشر؛ لأنه لم تكن هناك قضية من البداية وفي الأساس لم يكن هناك صحفياً في مكان الحادث غيره كيف لم يتنبه لهذه النقطة من قبل؟! إذاً فقرار منع النشر كان له هو ولم يكن من النائب العام كان من...؟ نعم أنه عامر كل الخيوط تبدأ وتنتهي به إذاً البداية من عند عامر ولكن كيف ستكون؟

قرر أمين العودة إلى القاهرة وبداية الخطوة الثانية من هناك ولكن قبل عودته لا زالت هناك معلومة لا بد أن يحاول الوصول إليها أولاً رغم صعوبتها، يجب أن يعرف كيف تبدلت لوحات السيارة وخلفية الزجاج ومن بدلهم بعد الحادث؟ عليه أن يذهب إلى قسم الشرطة فلا بد أن تكون السيارة هناك أو ربما تمنى ذلك وإلاً تكون السيارة قد اختفت مثل صاحبها، شعر بالخطر عندما تذكر كل ما حدث من إجراءات لإخفاء وجود المعداوي وموته في الأقصر فربما يختفي هو أيضاً إذا شعر أحد بوجوده ومحاولاته لفتح القضية من جديد أخرج هاتفه واتصل بأميرة وأبلغها أنه في الأقصر وسيعود غداً لم يزد عن ذلك حتى لا تقلق وذكر لها اسم الفندق في وسط الكلام دون أن يشعرها بأنه يحدد موقعه خوفاً من محاولة التخلص منه هو فقط ذكر لها ما يساعدها في البحث عنه لو اختفى، اطمئن قليلاً بعد تلك المكالمة فهو على الأقل ضمن العثور عليه إذا حدث وإن قُتل أو اختفى، وصل أمين إلى مقر قسم الشرطة الذي لا يبعد كثيراً عن الفندق الذي يقيم فيه وكان حذراً من أن يلحظ أحداً وجوده اقترب من القسم ثم تحدث إلى العسكري الواقف على المدخل:

- صباح الفل يا دفعة .

- صباح الخير يا أستاذ.

- بقولك يا دفعة والنيبي أنا عربيتي مختفية بقالها شهر أو أكثر ومبلغ عنها ومفيش لحس ولا خبر متعرفش حد والنيبي يشوفلنا الموضوع دا ويقولني أخره إيه وليه الخلاوة .

- عليك وعلى الأمين سعيد، دا أحسن واحد هنا بيخلص مصالح بس هو حراج شوية .

- لا عادي يا دفعة الخير كتير قولني بس أوصله إزاي؟

- هو في الجسم جوا وهيروح كمان شوية استناه النيحة الثانية وأنا لما يخرج هشاورله عليك وابعتهولك .

- تسلّم يا دفعة امسك .

أخرج أيمن من جيبه خمسون جنيهاً وأعطائها إلى العسكري نظير هذه المعلومة وذهب إلى الجهة المقابلة للقسم منتظراً الأمين سعيد، مرت حوالي نصف ساعة حتى خرج ثم لمحّه أيمن واقفاً مع العسكري وبعدها سار متجهاً ناحيته فتأكد أنه هو الأمين سعيد رجل أربعيني عريض الكتفين طويل ذو بشرة سمراء مهتماً بمنظره تدرك فور رؤيتك له بأنه يعمل في الشرطة أو أنه بطل في إحدى الألعاب القتالية فجسمانه قوي إلى حدّ بعيد، اقترب منه الأمين سعيد .

- أنت مين؟

- أنا أيمن الكردي .

- أهلاً وسهلاً أوامر .

- كنت عايز أسأل على عربيتي هي مختفية من فترة ومفيش أخبار عنها .

- وعربيتك نمرها إيه؟

صمت أيمن للحظات ثم حاول اختيار اللوحة الصحيحة فهو لا يدري أيهم الحقيقية لكن قرر أن يعطيه رقم اللوحات الأخيرة الموجودة في الصور التي أرسلت إلى الجريدة .

- ج أ . ٥٥٥٥

- أنت قولتلي اسمك إيه؟

- أيمن الكردي؟ في حاجة ولا إيه؟

- لا أنا بسأل بس ، إديني عشر دقائق وراجعلك متتحركش .

- حاضر .

ابتعد الأمين سعيد وراقبه أيمن بتوتر حتى اختفى ، لم يكن أيمن مطمئناً من أحوار الذي دار بينه وبين الأمين سعيد فهو لم يطلب منه المال أو يجدهه على الأقل قبل أن يقوم بعمله وحتى أنه لم يسأل عن مواصفات السيارة وقد لاحظ تغير وجهه عندما عرف رقم اللوحات شيئاً ما في داخله يخبره بأن عليه الرحيل الآن وبسرعة ، عاد الأمين سعيد ومعه ثلاثة أفراد إلى المكان الذي ترك فيه أيمن ولكن لم يجده غضب كثيراً وطلب من الرجال أن يبحثوا عنه في كل مكان ويحضروه سريعاً ، كان أيمن يراقبهم من بعيد وتأكد من أن سعيد على صلة بالذي يريد إخفاء موت المداوي هرول مبتعداً حتى وصل إلى الفندق وصعد إلى الغرفة جمع حقيبته سريعاً خرج من الفندق واستقل سيارة أجرة إلى المطار وحاول الحجز على أي طائرة تقلع فوراً لكنه لم يجد فحجز في رحلة ستقلع طائرتها بعد ساعة من الآن دخل إلى صالة الانتظار جلس بعد أن فقد كل أعصابه ولم يعد يستطيع الوقوف على قدميه رن هاتفه فجأة فزع لوهلة ثم أمسك الهاتف فوجد المتصل رئيس التحرير شعر بالخوف أكثر لا بد أنهم يريدون معرفة موقعه من رئيس التحرير تردد قليلاً قبل أن يقرر الرد على الاتصال أخذ نفساً عميقاً ثم رد :



- أيوا يا ريس .  
- إزيك يا أيمن؟  
- تمام الحمد لله يا ريس حضرتك عامل إيه؟  
- الحمد لله أنت فين بيني؟  
- انزعج أيمن من السؤال ولكنه قرر التعامل بهدوء وكأنه في منزله في القاهرة .  
- أنا في البيت يا ريس في حاجة ولا إيه؟  
- لا أنا بس بظمن عليك ، أشوفك بكره في المكتب؟  
- اه إن شاء الله يا ريس .

زفر أيمن بعد أن انتهت المكالمة وكأن جبلاً قد أزيح من على صدره ولكنه في خطر من الآن وصاعداً حتى رئيس التحرير قد يكون يعمل لحساب عامر أو مؤكداً أنه يعمل لحساب عامر بعد ذلك الاتصال ، رن هاتفه مرة أخرى ففزع ثانية لكنها كانت رسالة :

" بص على اللوحة اللي فوقك رحلات المغادرة شوف الأرقام الموجودة في أول رحلة ، ميعاد الوصول ، ميعاد المغادرة ، رقم الرحلة حطهم جنب بعض بالترتيب دا هيطلعلك رقم تليفون اتصل عليه بس من تليفون ثاني عشان تليفونك مترقب " .

نظر أيمن إلى اللوحة فوجد الأرقام تشير إلى ٣٥ : ٢٣ : ٠٥ : ٠١ ورقم الرحلة ٢٢٣ . كتب الرقم في مذكرته وظل ينظر إلى الرقم قليلاً بذهول ويتسأل في نفسه من صاحب الرسالة وماذا يريد؟ رفع أيمن رأسه ليتأكد من أنه قد كتب الأرقام صحيحة ولكنه هب مفزوعاً من مكانه الأرقام مسحت من على اللوحة!! يوجد أرقام غريبة لم يراها في المرة الأولى الأمر لم يعد سهلاً هناك شيئاً كبيراً

يحدث أكبر منه بكثير يشعر كأنه داخل فيلم أمريكي ضخمة الإنتاج ذو مؤلف عبقرى فما يحدث ليس طبيعياً ولا منطقياً سوى في أفلام هوليوود .

\*\*\*\*\*

- الولد دا لازم يوقف عند حده يا عدلي .

- حاضر يا فندم .

- لازم تفهم إنى لحد دلوقتى بهزر معاه ومش عايز أأذيه لكن لو مشالش موضوع المعداوي من دماغه هيجصله حاجات هو مش قدها وأنت عارف إحنا مبنهزرش .

- يا فندم أيمن ولد كويس ومش بتاع مشاكل وأنا هتفاهم معاه لما يجي متقلقش ساعدتك .

- هو فاكر إن سعيد معرفش يجيبه لكن أنا سببته يهرب عشان يفضل خايف يمكن يعقل ويشيل الموضوع من دماغه .

- متقلقش ساعدتك كله هيقى تمام .

- هو حر .

أغلق الهاتف في وجه رئيس التحرير الذي كان حزيناً على مصير أيمن لو لم يبعد عن قضية المعداوي وفي نفس الوقت يشعر بأنه السبب لأنه من أرسله إلى تلك المأمورية التي وضعت حياته في خطر من ليلة الحادث ، هو يعرف أن أيمن عنيد علاوة على أن ضميره لا زال ينبض ولم يمت بعد فلن يستطيع التغافل عن قضية المعداوي بهذه السهولة حتى لو عرف أن الثمن حياته " مسكين الولد دا هيروح بلاش " قالها في نفسه بحزن حقيقي فعدي رغم أنه يبيع أي شيء مقابل مكاسبه إلا أن ضميره لم يمت بعد لدرجة أن يقتل شخصاً أو يتحمل ذنب قتله فهو لا زال لديه بعضاً من الإنسانية فمعادلته الغربية تبجح له التجارة في الآثار

الرشوة أو حتى عمل بعض المصائد لزملائه قديماً كي يصعد على حسابهم لكن لا تبيح له أن يقتل شخصاً أو أن يعذبه منق غير مفهوم قائم علي إراحة الضمير فقط لا أكثر ولكنه معجباً به ويعمل دائماً على تسكين ضميره ببعض مسكنات تذكره بالفقر الذي عناه قديماً والمشوار الطويل الذي سلكه للعبور إلى ذلك الكرسي المشوار الذي تدلل فيه لكل غالي ورخيص بعد هذه الحبوب المسكنة يهدأ ضميره تماماً ويرضي عن أعماله القذرة .

وصل أيمن إلى القاهرة وداحله شغف كبير ليتصل بصاحب الرسالة ولكنه كان قلقاً في نفس الوقت فهو لا يعلم ما ينتظره خلف هذه المكالمة وما العالم المقبل عليه ، بداخله شيئاً يدفعه للاتصال وآخر يحذره من عواقب الاتصال ولكن حينما وصل إلى منزله كان قد قرر أن يخوض المغامرة فربما يكون لهذا الشخص علاقة بما يحدث في قضية المعداوي لذلك مر على أحد محلات بيع الهواتف المحمولة واشتري هاتفاً وشريحة اتصال جديدة ولم يسجلها باسمه حتى لا يستطيع أحد تعقبها ثم صعد إلى منزله حوالي الثامنة مساءً، أدخل الشريحة في الهاتف ثم كتب الرقم الموجود في الورقة وانتظر الرد من الجهة الأخرى ولكن لم يأتيه أي رد لخمس مرات متتالية فقرر عدم معاودة الاتصال واستاء من تلك اللعبة القذرة ومن الشخص الذي يحركه كعرائس الماريونيت جلس على الطاولة وأمامه لوح خشبي قد علق عليه أوراق وصور تخص القضية من بدايتها إلى ما انتهت إليه الأحداث وبدأ يفكر في كيفية الوصول إلى السيد عامر ومواجهته بكل هذه الأحداث وهل سينكرها أم سيعترف بالخطر الموجود وبأن المعداوي قد قتل ولم يميت ميتة طبيعية؟ قاربت الساعة على العاشرة والنصف حينما رن هاتفه الجديد فوجد رقماً غريباً يتصل به تعجب قليلاً فمن يعرف هذا الرقم ولكن بمنطقية فلا بد أن يكون صاحب الرسالة لذلك جاوب على الاتصال مسرعاً :

-ألو .

- إزيك يا أيمن؟

- مين معايا؟

- يا راجل بقولك إزيك تقولي مين معايا!!

- أنت مين؟ وعايز إيه؟

- أنا مين دي لسه بدري عليها عشان تعرفها لكن عايز إيه هقولك أنا عايز إيه بالظبط لكن واحدة واحدة .

- يعني إيه؟

- يعني مش هتعرف كل حاجة مرة واحدة الصبر يا أيمن ، الصبر هو اللي بيخلي الإنسان يوصل للي هو عايزه وكمان هو اللي بيخلي الإنسان يستحمل قسم الفن اللي بيكره عمي ويستحمل رئيس التحرير وسخافته اه بالمناسبة متثقش فيه لأنه واطي جداً .

- أنت مين وعرفت تفاصيل حياتي إزاي؟

- تصدق عيب عليك ، يعني يا راجل قدرت أوصل لموبايلك وأبعتلك رسالة وأمسحها بعد ما قرأها .

نظر أيمن على هاتفه القديم فوجد أن الرسالة قد محيت بالفعل ولم يعد لها أثر .

أكمل الطرف الآخر حديثه :

- وكمان غيرتلك أرقام اللوحة في المطار عشان أوصلك للرقم بتاعي من غير أصحابك اللي بيراقبوك ما يعرفوا ولسه بتسأل عرفت التفصييلة التافهة دي إزاي .

- عندك حق سؤال غبي بس برضو معرفتش أنت عايز إيه؟

- عايزك تبقي أشهر صحفي في مصر ، شوفت بقى بجبك قد إيه؟

- وأنت تعرفني مين عشان تحبني أو تكرهني؟

-تاني يا أيمن! بص أنت صحيح متعرفنيش لكن أنا أعرفك كويس وعارف قد إيه أنت إنسان محترم وصاحب مبادئ عكس رئيس التحرير بتاعك وعارف إنك تستحق تكون صاحب الخبطة الصحفية الكبيرة اللي هديهالك... مش بتقولوا عليها خبطة صحفية برضو؟

- وإيه هي الخبطة الصحفية دي بقى؟

-هقولك بس كل حاجة في وقتها ، صحيح أنت وصلتلك الصور وشوفتها مش كدا؟

-اه بس مفهمتش أنت باعتهم ليه؟

- لا فهمت وإلأ مكنتش سافرت الأقصر مخصوص ودورت على عامل الإسعاف وقابلت سعيد.

- أنت عرفت كل دا إزاي؟

-أيون!!

- معلش يا سيدي أعذرني أصل مش بتراقب كل يوم.

- ماشي يا سيدي ، المهم أنا مش عايزك تثق في أي حد بعد النهارده غيري أنا وأنت ودا اللي خلاني أكلمك قبل الميعاد اللي كنت محده في الخطة ، حياتك بقيت في خطر يا أيمن وخطر حقيقي لازم تأخذ بالك من كل حركة وكل كلمة بتقولها وكل شحص بتتعامل معاه في قضية المداوي وياريت تمشي مع الرسائل والعلامات اللي بتجيلك ومتحاولش تغامر عشان أعرف أساعدك وأساعد نفسي .

- أنت إليه علاقتك بقضية المعداوي؟ أنت اللي قتلتها؟
- أنا مبتتلش حد يا أيمن هو أجله خلص وهو اللي حدده بايده مع عميمت أكيد أنت عرفت هي مين وبتعمل إيه؟
- اه بس اللي عرفته إن عميمت موجودة في العالم الآخر في اعتقاد المصري القديم مش في الحياة وكمان دي كانت أسطورة مش حقيقة .
- الأساطير ممكن تكون حقيقة لو حاولت تلعب مع صاحبها يا أيمن والمعداوي مكشش عارف هو بيلعب مع مين عشان كدا خد جزائه .
- والمطلوب مني دلوقتي إيه؟
- ولا حاجة خلي بالك من نفسك وركز كويس مع العلامات اللي هتقابلك ، أنت زورت تل بسطة قبل كدا .
- لا إشمعنا؟
- هتعجبك أوي مدينة جميلة مع إنها صغيرة بس فيها معبد كان من أجمل معابد مصر ، سلام يا أيمن .
- لو احتاجتك تاني أكلمك على نفس الرقم؟
- لا أنا معرف وهو صلك لما تحتاجني سلام .
- سلام .

انتهت المكالمة الغربية التي أكدت لأيمن كل مخاوفه على حياته وإن هناك من يراقبه ويريد منه الابتعاد عن القضية وهناك من يساعده لحل لغزا ما أو كشف سرا غير معروف بعد لكنه لم يعرف الطرفان شخصياً أو يحدد هويتهم ، فكر قليلاً في كلام الشخص الذي كان يحادثه ثم تذكر آخر جملة قالها له عن تل بسطة ، هل هذه علامة يجب إتباعها؟ هل عليه الذهاب إلى تل بسطة ولكن متى

اليوم أم غداً أم بعد غد؟ هو لا يدري ولم يعدّ يحتمل كل هذا التفكير عقله سينفجر عما قريب .

\*\*\*\*\*

وصل مصطفى إلى المكان المتفق عليه ولكن لم يجد أحداً فجلس منتظراً صديقه الذي ترجم له الرسالة الأخيرة وطلب منه الحضور مرت عشر دقائق وحضر صديقه وكان يبدو عصيباً وغاضباً حتى أنه لم يلق التحية عليه وسأله بعنف شديد :

- إيه اللي حصل النهارده في الشرقية؟

- محصلش حاجة ما أنا بعملك الرسالة وأنت ترجمتها .

- ما هو عشان بعلمي الرسالة وأنا ترجمتها بسألك إيه اللي حصل؟ ومن غير لف ودوران .

- مفيش هي كتبت الرسالة زي عاداتها بس مكتبتش غير اللي بعتهولك مفيش حاجة عربي خالص كله بالهيروغليفي مقدرتش أفهم غير لما أنت ترجمتها .

- يا غبي اللي بعتهولك دا مش ترجمة الرسالة الحقيقية .

- نعم !! آمال دا إيه؟

- دا اللي المفروض سعادتك تقوله ليهم لكن الترجمة الحقيقية بتقول إن حضرتك مكتتش مسيطر عليها خالص وإن في حد دخل سيطر عليها وأنت معرفتش تعمل حاجة صح؟

نظر مصطفى إليه بدهشة وأحنى رأسه إلى الأرض ولم يجد رداً على سؤال صديقه :

- هي الرسالة مكتوب فيها إيه؟

- أحسنلك متعرفش اللي مكتوب فيها وياريت تركز في شغلك يا بيه وتاني مرة الموضوع دالو اتكرر أنت عارف هيحصلك إيه؟
- مش هيتكرر تاني صدقني كل الحكاية إني كنت متفاجئ والأرواح في المكان كانت أقوى مني مكتش عارف أستعيد سيطرتي عليها .
- أنا شكلي غلطت لما اختارتك .
- لا أوعدك مش هتكرر تاني .
- يكون أحسنلك اتفضل ، اه ومتروحش هناك غير لما أقولك .
- طب أقولهم إيه؟
- بلغهم إنك مسافر لأهلك في البلد عشان أبوك تعبان .
- حاضر بس ليه؟
- اتفضل مع السلامة .
- ما أن انصرف مصطفى من المكان حتى قام صديقه هذا بإجراء مكاملة لمدة دقيقتين مع طرف آخر .
- مصطفى لازم ياخذ إجازة شوية .
- حصل إيه؟
- أبوه تعبان ومحتاج يشوفه .
- انتهت المكاملة وبعدها طلب الطرف الآخر من أحد الرجال متابعة مصطفى ومراقبته أينما ذهب .

\*\*\*\*\*



في التاسعة مساءً دخل محمد إلى المنزل فوجد والده جالساً على الأريكة بجواره نيهان يضحكان سويًا فرحب بهم .

- ما تضحكوني معاكوأ .

- مفيش أختك كانت بتفكرني بموقف حصل بينها هي وأمك الله يرحمها .

- الله يرحمها يا حاج .

- تعالى يا محمد يا بني عايزك في حاجة .

قالها الحاج فتحى وهو متجهماً إلى غرفته وتبعه محمد من فوره .

- اقل الباب عشان أختك متسمعناش .

- خير يا حاج قلقتني؟

- هات المصحف دا وتعالى يا محمد .

- المصحف !! أنا كبرت على شرب الخشيش يا حاج .

- هاهاها ياض هات المصحف وتعالى متخافش أنا عارف إنك بتشرب سجاير بس .

حمل محمد المصحف الذي كان موضوعاً على الكومود واتجه ناحية والده الذي طلب منه أن يتوضأ ويأتي سريعاً، بعد الوضوء توجه إلى والده ووقف أمامه في تعجب !:

- في إيه يا حاج؟

- حظ إيدك على المصحف يا محمد .

- أهو يا حاج .

- احلف إن لو جرالي حاجة هتاخذ بالك من أخواتك وحتافظ عليهم .
- بعد الشر عنك يا حاج .
- محمد اعمل اللي بقولك عليه من غير مناودة يا بني .
- حاضر يا حاج .
- أقسم بالله هخلي بالي من أخواتي طول حياتي ومحدث هيقدر يلمس منهم شعرة واحدة .
- أنا عارف إنك أطيب إنسان في الدنيا بس عشان أكون مستريح احلف يا محمد إنك مش هتظلمهم في الميراث .
- إيه !! يا حاج أنت عارف أن آخر حاجة بفكر فيها الفلوس ولو طلبوا أكثر من الميراث هديهم .
- عارف يا بني بس أنا بربى ذمتي قدام ربنا ، ريحني يا حبيبي .
- أقسم بالله ما هظلم أخواتي في الميراث أو غير الميراث .
- وإنك مش هتسيب حق أختك أبداً مهما كان .
- مش هسيبه يا حاج والله العظيم مش هسيبه .
- وضع محمد المصحف في مكانه ، عاد فاحتضن والده حتى بكى بكاء هستيرياً وكذلك الوالد لم يتمالك دموعه فانسابت من عينيه .
- أنت ليه يا حاج بتقلقني عليك بس ، ربنا يطولنا في عمرك وميحرمناش منك أبداً .
- يا بني أنا خلاص ، رجل برآ و رجل جواً وكان لازم أريح ضميري وأبري ذمتي قدام ربنا ، محدش عارف ساعته هتبقى امتي .

قبل محمد يد والده ودموعه تنهمر، شعر بغصة في قلبه لمجرد التفكي، لم يفكر قبل ذلك اليوم ولو للحظة بأن والده قد يموت، شعر بنوع جديد من الخوف لأول مرة يعرفه، خوف الفقد.

في الصباح استيقظت نيهان تشعر بشيء من السعادة وهو أمر نادرًا ما يحدث هذه الأيام، نهضت لتحضّر وجبة الإفطار، بعد أن انتهت دخلت إلى غرفة والدها لتوقظه، وقفت أمام السرير تتأمل الوجه الذي تخطى الخمسين ولكنه لا زال يحتفظ ببرائته، كانت تشعر في بعض الأحيان أنها زوجته وفي أحيانًا أخرى بأنها أمه ربما ولد ذلك الشعور من المواقف التي جمعتهم بعد وفاة والدتها فهو يعتمد عليها في كل كبيرة وصغيرة كما أنه يشاركها الرأي فيما يخص تجارته كما كان يفعل مع والدتها، بابا، بابا، لا توجد استجابة لندائها، يا حاج فتحي، أيضًا ليس هناك رد، تسلل الخوف إليها، بابا، لمسة جيئة وهي تتنادى عليه لكن لا تجد استجابة، زاد الخوف داخلها، هزت جسده بعنف، بابا، بابا، بابا رد عليا، رد عليا، قضي الأمر، لا لا لا بابا، عزف الحزن على أوتار قلبها لحنه الأخير، بابا متسبينش أنا ماليش غيرك، رد عليا عشان خاطري، عزف كما لم يعزف من قبل، يا بابا رد عليا أبوس إيدك رد، أوعى تسييني لوحدي، مقطوعة الموت، لن تؤثر في قلبك إلا مرة واحدة فقط وإن رانت إلى مسامعك بعدها ألف مرة، مرة واحدة لشخص واحد.

مر شهر على وفاة الحاج فتحي ونيهان حالتها النفسية سيئة جدًا بدأت تتحدث مع أشخاص لا يراهم غيرها، صارت منعزلة تمامًا عن الباقين وتجلس بمفردها لمدة ساعات طويلة أخوتها في كدر كبير بسببها، قرر محمد أن يذهب بها إلى أحد الأطباء النفسيين وبالفعل حَجَز لها موعد عند طبيب النفسي، في اليوم التالي دخلت نيهان إلى غرفة الكشف ولم تكن تعرف كيف تسير عملية الكشف النفسي أو التشخيص فهي لم تزر عيادة طبيب نفسي من قبل.

جلست على الكرسي المقابل للدكتور الذي رحب بها وحاول تلطيف الجو قليلاً:

- عاملة إيه يا نيهان؟

- تمام الحمد لله .

- أنت خريجة إيه؟

- تجارة بتقدير جيد جداً .

- شاطرة جداً ما شاء الله .

- ميرسي .

- اشتغلتي قبل كدا؟

- اه كنت بشتغل في شركة بس سيبتها .

- ليه سبتها؟

- من ساعة اللي حصل وأنا مش عايزة أعمل أي حاجة .

- إيه اللي حصل؟

- اللي حصل مينفعش يتقال لأن أنا نفسي مش فاهمة هو إيه ولا بيحصل ليه!

- بس الحياة مش سودا أوي كدا .

- لا الحياة مش سودا، بس برضو مش بمبي الحياة مرة أسود ومرة أبيض .

- وساعات بتكون رمادي .

- أنت فيلسوفة كمان، بس إذا كنتي عارفه دا ليه محاولتيش تتغلب على الأسود .

- وتوصلي للأبيض؟

- عشان مكنش مجرد لون لحياتي أسود أو أبيض أو رمادي، كان هو حياتي، الحاجة الوحيدة اللي مقوياني في الدنيا دي، هو اللي كان بيلون الأسود يخليه أبيض، كان بيحميني من كل حاجة وأي حاجة.

- هو مين، حبييك؟

- حبيبي وعمري كله، بس مش حبيبي زي ما حضرتك فاهم هو أبويا الله يرحمه.

- الله يرحمه مات امتي؟

- من حوالي شهر، كان أصعب يوم مر علياً، اليوم اللي انتهت معاه حياتي كلها.

- بس يا نيهان كل واحد فينا بيمر بحاجات صعبة كثير، وبنخسر ناس بنحبهم جداً، صحيح بنتهز شوية لكن بنقوم ونكمل تاني، ليه محاولتيش تتغلب علي حزنك وتكملي طريقك؟

- أنا اللي خلاني أبطل أعمل أي حاجة مش موت بابا بس، صحيح كلامي كدا دلوقتي لكن، قبل موت بابا أنا حاولت أعمل زي ما أنت بتقول كدا دلوقتي، أقف على رجلي، واعتبر أن أي حاجة حصلت كانت كابوس وحش، وخلص لكن، لما مات، اكتشفت قد إيه هو كان شايل عني كثير قد إيه أنا في حاجات مكتتش أعرف إنه بيعدها عني عشان متأذنيش حسيت إنني، وحيدة، ماليش زهر، اتوجعت جامد من الإحساس، بالفقد كل ما أحاول أنغلب على وجعي وأتعامل مع العالم الخارجي بحس بالوحدة أكثر، بالفقد أكثر، بحس إنني محتاجه أكثر وأكثر، محتاجة أقوله وحشتني، محتاجة أقوله إن الدنيا وحشة أوي، وإن العالم وأنا لوحدي غير وأنت معايا، أنت كنت حاميني من حاجات كثير، أنت وحشتني أوي.

انهارت نيهان وبكت كثيراً حاول الطبيب تهدئتها وطلب منها أن تغادر على أن يكملوا الجلسة بعد غداً وكتب لها بعض العقاقير وأمرها أن تنتظم عليها جيداً أو مات رأسها في إيجاب وغادرت العيادة وبداخلها شيء يشعر ببعض الراحة بعد ما قالته وكان سحابة انقشعت عن صدرها المليء بالعثرات والخيبات والفقدان والخذلان.

## الفصل الرابع

فتح الباب ليجد امرأة شديدة الجمال تقف أمامه، انبهر بجمالها طلب منها الدخول، بعد أن دخلت المرأة لاحظت نظراته المفتونة بها فأخبرته بأنها لا تمنع في أن تضاجع ساحراً عظيماً مثله، لكن لا بد أن يثبت قوته، سألها كيف يثبت لها ذلك؟ قالت بأنها تملك نبيذاً من نوع خاص لا يستطيع رجلاً مقاومته فإذا استطاع هو أن يشرب منه كأساً واحداً ولم يطلب المزيد سيحصل عليها، سخر الساحر منها ومن نبيذها وأحضر كأسه، تجرع الكأس، تعجب لطعم النبيذ فهو لم يذق في حلاوته من قبل، طلب منها كأس آخر، أخبرته بأنه إذا حصل على الكأس الثانية فلن يحصل على جسدها وسينفذ طلبها، وافق الساحر تحت خمرت النبيذ، ملأت كأسه من جديد، بينما كان يتجرع كأسه طلبت منه الفتاة أن يستمع إلى حكاية من حكايتها، وافق الساحر على أن تملأ كأسه ثالثاً، كان يشرب مستمتعاً بالنبيذ بينما كانت تروي له المرأة حكاية يعرفها الساحر جيداً.

"عين حورس هي حاميتك، أوزوريس إله القرايين هو حارسك، سيهزم كل أعدائك وكل أعدائك هم جزء منك".

كانت هذه الكلمات جزء من الرسالة التي أرسلها مصطفى إلى صديقه لكن هناك جزء آخر لم يستطع ترجمته أو تكوين جمل مفهومة منه وكانت تحتوي على بعض العلامات في وسط الحروف ليس لها أي ترجمة أو دلالات وهي طريقة كان يستخدمها المصري القديم في السحر بحيث كان يضيف التعاويذ في منتصف الكلمات فلا يستطيع القارئ أن يكون جملة مفهومة أو نص واضح وهذا ما كان يقلق مترجم الرسالة فهذه العلامات تعني بأن سره قد انكشف من قبل قوي معينة تحاول تضليله أو استخدام السحر ضده لإيقاف ما يفعله وهذا ما يتضح في التهديد الصريح الذي كتب في الجزء الآخر من الرسالة ولكن كيف يواجه تلك القوي؟ وهل سيقدر على مواجهتها بالفعل؟ طرحت هذه الأسئلة في رأسه لتشعره بالخوف من مواجهة هذه القوي أو من تنفيذها للتهديد الموجود في الرسالة.

\*\*\*\*\*

قامت نيهان من نومها تشعر وكان شيئاً يقطع في أمعائها ظلت تصرخ طويلاً وعلى الفور أخذها محمد إلى المستشفى وهناك أجروا لها بعض الفحوصات لكن لم يظهر شيئاً في التقارير يفيد سبب الألم الذي تعانيه قرر الطبيب أن يعطيها بعض المسكنات حتى يتوصلوا إلى سبب الألم، بقيت على هذه الحال لمدة يومين عانت فيهم من ألم شديد ونزيف متكرر، لا زال الأطباء عاجزون عن معرفة السبب، قررت أن تعود إلى المنزل وتتناول المسكنات في سريرها أفضل من المستشفى وفي أثناء طريق عودتهم اتصل محمد بـ مصطفى وطلب منه الحضور فوراً، وصلا إلى المنزل ليجدا مصطفى منتظرهم بالأسفل فصعدا معاً، دخلت نيهان إلى غرفتها وجلس مصطفى ومحمد إلى الصالون ليناقشا الأمر.



- نيهان تعبانة بقالها يومين والدكاترة مش عارفين السبب تقدر تعرف إيه السبب؟

- مهحاول، بس غريبة إن الدكاترة معروفش السبب!!

- أنا حاسس إن الموضوع مش عضوي وإن فيه حد عاملها حاجة تفتكر الست دي ممكن تكون عملت حاجة تانية؟

- مش بعيد إنها تكون عملت كدا، ناديلها ونشوف بعد الكشف إيه السبب .

- ماشي .

نهض محمد ليحضر نيهان ثم عاد ليخبره أنها ستأتي بعد قليل، نظر محمد إلى مصطفى في قلق واضح ظمأنه الأخير بأن الأمور ستكون على ما يرام وأنه سيفعل كل شيء لتعود نيهان إلى ما كانت عليه، دخلت نيهان إلى الغرفة فهب محمد لمساعدتها على السير، أجلسها على الأريكة ممددة القدمين كما طلب مصطفى وغطائها بغطاء طويل يستر جسدها، تنحى جانباً ليبدأ مصطفى جلسة الفحص، جلس مصطفى أمامها وأخبرهم بأنه سيحضر أحد أطباء الجن عليه ليفحصها وسوف يرحل حينما ينتهي ولا يجب أن يتحدث معه أحد منهم إلا لو سأل هو عن شيء فيجيبوه، رفع مصطفى يديه اليمنى إلى أعلى وبدأ بقراءة بعض آيات القرآن وبعدها أنزل يده وتحدث إلى نيهان بصوت غريب ولكنه هادئ وسألها:

- ماذا تشعرين؟

- وجع جامد في معدتي كان بطني بتقطع .

- هل تشعرني بألم في أسفل الظهر؟

- اه بقالها فترة .

هل حدث لكى نزيف أكثر من المعتاد أثناء دورتك الشهرية هذه المرة؟

- اه .

- حسناً لا تقلقى ، العلاج الاستحمام بماء مقروء ومطفى فيه حديد محمى ودهن الجسد بالزيت المقروء ورش جدران البيت بماء مقروء والعلاج من العارض سيقوم به مصطفى ، وللنزيف اقرأى سورة هود - آية ٤٤ : " وَقِيلَ يَا أَرْضُ ابْلَعِي مَاءَكَ وَيَا سَمَاءُ أَفْلَعِي وَغِيضَ الْمَاءِ وَقُضِيَ الْأَمْرُ " ٧٠ مرة على ماء وأشربيه ينقطع من يومها بأمر الله ، السلام عليكم .

بعد ثواني رفع مصطفى رأسه ورحل طيب الجان فسل مصطفى نيهان عن الفحص فأخبرته بما حدث وصمت مصطفى لبرهة وكان أحداً يحده وهو يهز رأسه في تفهم لما يقول محدثه وبعدها نظر إلى محمد وأخبره بأن الطبيب يقول أنه تعاني من سحر النزيف وهو سحر شديد الخطورة يكون مكانه الرحم الهدف منه إصابتها بالمعقم أو على أقل تقدير عدم الإنجاب لفترة أو إنجاب أطفال مشوهة وفي حالة نيهان الواضح أن الهدف إصابتها بالمعقم ويجب إخراج خادمة السحر فوراً من جسدها .

- لحظة بقى عشان أنا مش فاهم ولا مصدق أي حاجة من اللي أنت بتقوله دا خالص .

- ليه يا محمد إيه الغريب؟

- نعم يا خويا يعني كل دا عادي إن واحد يلبسك ويكشف عليها ويكتبلك الدوا وكمان أنت جاي تقولي إن فيه جنية جواها هتعملها عقم كل دا عادي ، وبعدين يعني إيه طيب من الجن إيه التخريف دا؟

- دا مش تخريف يا محمد دا حقيقي الجن فيهم مسلمين كثير يبساعدوا الناس وبرضو عندهم علوم كثير بيدرسوها يعني عندهم دكاترة زينا بالظبط ولو مش مصدقني اسأل أي حد بيّفهم في الموضوع دا .

- لا لا لا الموضوع كدا وسع على الآخر .

- يا محمد خليه يشوف شغله عشان أبقي كويسة دي أهم حاجة عندي دلوقتي بالجن بقي بالنبي آدمين مش مهم ، هنعمل إيه دلوقتي يا مصطفى؟

- أنا هعمل جلسة أطلع فيها خادم السحر وبعدها هتمشي على الوصفة اللي قال عليها الدكتور عبد الله .

- دكتور عبد الله اه هاهاها .

قالها محمد في سخرية فنظر إليه مصطفى نظرة غاضبة فرد محمد :

- ما هو أنت كلامك مش منطقي عايزني أقولك ايه!!؟

- بص يا محمد لو فضلت تستهتر بيهم مش هيساعدونا ثاني وأختك هتفضل تعبانة تمام .

- خلاص يا عم حقا علينا ، حقا علينا يا دكتور عبد الله .

نظر مصطفى إلى نيهان وطلب منها الاستعداد للجلسة ؛ لأنها ستكون قوية جداً وعلى عكس الجلسات الأخرى التي تكنب فيها وربما تعاني بعض الألم ؛ لأن الخادمة ستقاوم كأمر طبيعي وربما يضطر لإخراجها بالعنف إذا لزم الأمر ، بدأ مصطفى بقراءة بعض آيات القرآن .

بدأت نيهان تنتفض تحت يديه الموضوعه فوق رأسها وبدأت تحاول الفكاك من قبضته لكنه كان يقبض على رأسها بقوة شديدة ظل قابضاً على رأسها ويرتل القرآن ويأمر الساكن بداخله أن ينطق على لسانها دون أن يأذيها وبالفعل بعد

خمس دقائق بدأ يخرج صوت من نيهان غير صوتها صوتاً يشبه الحشرة غير مفهوم ما تقوله فتوقف مصطفى عن لتلاوة وبدأ يتحدث مع الصوت :

- أنت مين؟

.....-

- بقولك أنت مين؟

- هممممم

- انطق بدل ما أخليك تتكلم غصب عنك ، أنت مين؟

- هممممممم ابعده عني .

خرج الصوت مرعباً وقوياً لكن مصطفى لم يهتز وبدأ يصرخ في وجهه!

- أنت مين ومين باعتك؟

- هممممم مش هقولك أي حاجة .

- لا هتقول مثقلقش ويا تتعذب وتتحرق يا تأسلم وتبقى كويس وتوب .

- هاهاهاهاها شاطر أنت يا مصطفى .

- هنشوف مين اللي هيضحك في الآخر .

- أكيد أنا ، إنتوا البشر أضعف منا بكتير هاهاهاها .

- لا إحنا أقوى منكوا بكتير لأن معانا ربنا .

- هاهاهاها مش قولتلك ضعيف حتى قوتك اللي بتتفاخر بيها مش ملكك .

- ربنا عرفنا إنكوا بتملكوا ميزة واحدة عننا وهي إنكوا بتشوفونا وإحنا مبندرش نشوفكوا لكن أانا حاجات تعوضنا عن دا وهي القرآن والصلاة

القرآن اللي بيرعبك ويمجرك لما تسمعوا والصلاة اللي بتمنعك توصلنا أنت وفصيلك .

- ما نخلينا نتقابل راجل لراجل ونشوف مين يكسب .

- أنا مش هطول معاك كثير ، ودلوقتي هتقولي مين باعتك ولا لأ؟

- لا مش هقول ومش هتاخذ مني كلمة واحدة .

- أنت اللي اختارت براحتك بقى ، بِسْمِ اللّٰهِ الرَّحْمٰنِ الرَّحِیْمِ  
ظل مصطفى يردد آيات من القرآن الكريم ويعيدها مراراً وتكراراً .

- هاهاها أنت فاكرايني مطلع كدا ، طيب أوي يا مصطفى .

لم يلتفت مصطفى لكلام الجان وأكمل القراءة بصوت أقوى وأعلى يزلزل  
الجبَل ، عشر دقائق أخرى ومصطفى يتلو الآيات والجن لا زال متحدثاً :

- خلصت يا مصطفى ولا لسه لو خلصت قولني عشان أمشي هاهاهاهاها .

بدأ جسد نيهان يتنفض بشدة رهيبة ويخرج صوت زججة عالية منها ومصطفى  
متواصل في القراءة لا يهدأ ويرفع من صوته كلما رأى جسد نيهان ينكمش  
ويرى الخوف في عينيها هو خوف الجن وليس خوفها وتوقف عند هذا الحد  
وتحدث إليه :

- إيه رأيك لسه فاكرا نفسك الأقوى؟

- الال . . . ق . . . و . . . ي دددايماً .

خرج صوته بصعوبة يكاد لا يسمع ولكنه لا زال عنيداً فقرر مصطفى التخلص  
منه وإحراقه .

- كفاية ، هخرج بس سييني أعيش .

- لا مش هتعيش خلاص هحرقك يا كافر .

ظل الجن يصرخ راجياً مصطفى أن يرحمه ويتركه يرحل في سلام لكن مصطفى رفض ذلك وأكمل في تلاوة آيات الحرق . . . . .

انتهى مصطفى من التلاوة ومعه انتهى عذاب نيهان تماماً واختفى الجن بلا رجعة رويداً رويداً بدأت نيهان تستعيد وعيها وعلى الفور احتضنها محمد وهي تبكي على الحال التي وصلت إليها ، حمداً لله على سلامتها وطلب مصطفى من نيهان أن تحافظ على الصلاة والأذكار في الصباح والمساء وطلب منهم السماح له بالمغادرة لارتباطه بمواعيد هامة شكره محمد كثيراً وعبر عن امتنانه لوجوده وقت الخطر دائماً .

\*\*\*\*\*

ضباب كثيف يغطي المكان ولكنه أشبه بالمقابر هناك امرأة واقفة لا تظهر ملامحها ترتدي لباس أبيض ناصع يشبه لباس الزفاف وأمامها مجلس سيدة عجوز واضحة الملامح مألوفة الوجه .

- أنا بشوفك دائماً في أحلامي أنت مين؟

- أنا هي أنت .

- إزاي!! أنا صغيرة وأنت كبيرة جداً في السن .

- أنا الروح الطيبة اللي جواك .

- طب ليه دائماً حزينة؟

- عشان أنا الظلم اللي بتحسبه من العالم أنا الخذلان اللي شوفتبه في كل مرة كنتي بتتقي في حد فيهم وأنا الوجد اللي بتحسبه لما يبسيك حد بتحببه أنا الحزن الساكن روحك .

- أنتِ ليه كنتي بترفضي تتكلمي معايا قبل كدا؟

- الموت .

- الموت !! مش فاهمة .

- كل ما بشوفك بشوف الموت ، الموت بيتبع الإنسان من يوم ما يتولد بيمشي جنبه زي ضله لحد ما يجي وقت يقطع الطريق ، يوقف في وش صاحبه ساعتها بيشوف الحقيقة الكاملة .

- حقيقة إيه؟

- إن الموت طول عمره كان جنبه مبيفصلش بينهم غير خطوة واحدة ، الخطوة اللي هيقطعها الموت عشان يوقف قدامه وإن الموت هو الحقيقة الوحيدة الثابتة في حياته لكنه كان رافض الاعتراف بيها ، بس أنتِ حالتك مختلفة .

- مختلفة !! إزاي يعني؟

- الموت دائماً بيمشي جنب الإنسان لكن أنتِ بتمشي للموت أنتِ اللي بتحاولي توصليله مش هو ، طريقك كله دم بصي على فستانك كدا .

نظرت الفتاة إلى فستانها فإذا به قد أصبح لونه أحمر تماماً من كثرة الدماء ، ظهر الفزع في عينيها وأردفت السيدة العجوز :

- رجليك ماشية في الوحل وإيدك بتجمع الجثامين من كل مكان .

شعرت الفتاة بأن قدميها تغرس في طيناً كثيف لا تستطيع رفعها منه وإذا بيديها يخرج من راحتيها ثعبانان كبيران ويلتفان على ذراعيها بقوة يكادا أن يعصرهما صرخت الفتاة محاولة الاستغاثة بالسيدة العجوز لكنها لم تتحرك والفتاة مستمرة فالاستنجاد بها .

- الحقييني اعلمي أي حاجة بس خلصيني منهم .

- طريقك اختارتيه ومفيش هروب .

قام أيمن من النوم مفزوعاً لم يستوعب ما رأى واعتدل لينزل من السرير فشعر بلزوجة في قدميه فنظر عليهما فإذا بهما وقد امتلأتا بالطين الطري وكأنه خارجاً من الحقل لتوه صُعق من المشهد هل ما رآه كان حقيقياً وليس حُلماً؟ أضاء النور فإذا بملابسه ملطخة بالدماء ويديه أيضاً تسيل منها الدماء صرخ وهو يهرول إلى الحمام خلع ثيابه وبدأ يغسل يديه من آثار الدماء ولكنه لم يجد أي جرح فيهما فمن أين أتت الدماء إذًا؟ جفف أيمن يديه وعند خروجه من الحمام وجد السيدة العجوز جالسة عى سريره نظراً إلى بعضهما نظرة طويلة يملئها الرعب وقالت بصوت مفزع :

- نيهــان .

قام أيمن من نومه لكن هذه المرة كان كل شيء طبيعياً وفي مكانه نظر إلى قدميه فلم يجد شيئاً ملابسه نظيفة ويديه ليست ملطخة بالدماء حمد الله أنه كان يلحم ولكن من هي نيهان تلك التي يذكر اسمها في كل حلم؟ وكيف يصل إليها؟ شيئاً ما يخبره بأنها على علاقة بقضية المداوي اللعنة على تلك القضية التي فتحت عليه أبواب الجحيم لم يذق النوم من ليلة الحادث يعيش كابوساً حقيقياً في النوم واليقظة حياته لم تعد كما هي من ليلتها، أشعل سيجارة ونهض وأطل من النافذة ليشم بعض الهواء، كان يزفر النفس الأخير من سيجارته عندما رأى خمسة كلاب مجتمعين حول قطة صغيرة بيضاء ويحاولون التهامها وهي تحاول الفرار منهم ولكن كل محاولاتها باءت بالفشل واستطاعوا في النهاية التغلب عليها ولم تستطع سوى أن تطلق الصرخة الأخيرة وهي تفارق الحياة بين أنيابهم لكنها نظرت فجأة إلى أيمن نظرة كلها رجاء وتوسل لإنقاذها انزعج من المشهد قليلاً وأغلق النافذة وكان شيئاً لم يكن .



"الحياة لا تعطي كل شيء لا بد أن تأخذ مقابل دائماً، الحياة أعطت المعداوي كل شيء ولم تأخذ منه شيء، أعطته المال والصحة والأبناء لم يكن ينقصه شيئاً ولكن يبدو أنه لم يكن راضياً عن ذلك وطمع في المزيد أو أنه فعل منكرًا عاقبه أحدهم عليه، في النهاية المعداوي مات ضحية فعلًا أو ارتكبه في حق نفسه أو في حق أحدًا ما استحق أن تسلب من أجله حياته بأكملها هكذا يكون انتقام الحياة عندما تعطيك دون مقابل ولا تحترم عطاياها فتسلبك كل ما أعطتك أو تسلب حياتك نفسها، لم يفهم المعداوي ذلك ولا من معه ظنوا بأن الحياة ستغدق عليهم أكثر إذا ما عثوا في الأرض فسادًا" كتب أيمن تلك الكلمات في مذكرته تعليقًا على موت المعداوي ولكنه لا يزال حائرًا في لغز مقتله يريد أن يعرف لماذا قتل ما الشيء الذي طمع فيه أو الإثم الذي ارتكبه استحق موته؟ عند هذه النقطة كان التاكسي قد وصل أمام باب الجريدة فنزل أيمن وصعد إلى المبنى وبداخله سناريوهات عديدة لمقابلة رئيس التحرير الذي لم يعد يفهم ماذا يكيد له ولكنه متيقنًا من أن الحماسة بعينها هي أن يثق فيه مرة أخرى بعد كل ما حدث، دخل أيمن إلى مكتب السكرتيرة التي رحبت به ترحيبًا مبالغًا فيه وظلت تسأل عن حالته الصحية وأين كان طيلة اليومين رد بفتور وطلب منها أن تدخله إلى رئيس التحرير فأبلغته أنه يستطيع الدخول فوراً فَرئيس التحرير طلب دخوله فور وصوله مباشرة علامة أخرى تدعو للقلق بدأ يشعر وكأنه في وكر الثعابين، دق أيمن الباب ودخل بعد سماع الإذن:

- صباح الخير يا ريس .

- أهلاً صباح الخير يا أيمن عامل إليه يا بطل؟

- تمام الحمد لله يا ريس .

- إليه بيني ٣ أيام معرفش عنك حاجة غير المكاملة اللي كلمتهالك .

- والله يا ريس كنت تعبان شوية بس .

صمت رئيس التحرير لحظة فتيقن أيمن أنه يعلم بكذبه، حاول إلقاء حجر في المياه الراكدة .

- أنت إيه رأيك يا ريس في موت المعداوي أصل وأنا في البيت بقلب في التلفزيون شوفت خبر وفاته يقولوا إنه مات في المستشفى بتاعته اللي جنبنا دي .

- اه اه شوفت الخبر بس أنت عايز رأيي في إيه؟

- يعني يا ريس حضرتك قبلها بكام يوم قولتلي إن اللي مات في العربية في الأقصر مش هنا كان المعداوي وكمان قولتلي إن النائب العام طلع أمر بمنع النشر في القضية، أأ هي فين القضية يا ريس؟

- عايز تقول إيه يا أيمن؟

- عايز أعرف إزاي المعداوي مات في الأقصر في عربيته والنائب العام طلع أمر بمنع النشر في نفس الوقت اللي المعداوي بذات ذاته مات في بيته بأزمة قلبية ونقله على مستشفى الرحمة اللي هنا في القاهرة فسر هالي يا ريس .

نظر رئيس التحرير إلى أيمن وفهم شكه بأن له علاقة بشيء ما حول القضية فقرر مصارحته وكشف الورق أمامه فنهض من جلسته وجلس في الكرسي المقابل لأيمن ونظر إليه نظرة أبوية بعض الشيء وقال :

- بص يا أيمن أنت صحفي شاطر وأنا مقدر كفاءتك بس لازم تشيل الموضوع دا من دماغك وتنسى الحادثة دي تماماً .

- لحساب مين يا ريس؟

- قصدك إيه يا أيمن؟

- قصدي لحساب مين القضية تتقفل وموت المعداوي يتحول من حادثة لأزمة قلبية ولحساب مين حضرتك بتطلب مني أنسى الموضوع؟
- أيمن ألزم حدودك أنت كدا بتغلط وأنا مسمحلکش .
- أنا آسف يا ريس بس مش هقدر أنسى ولا هقدر أشيل الموضوع من دماغي بلغهم كدا .
- أنت مش قد اللي هيحصل يا أيمن اسمع الكلام .
- خلاص يا ريس معدتش وقته أنا فعلاً مش هبعد عن القضية دي .
- أنت حر يا أيمن أنا حذرتك عشان أريح ضميري .
- تمام يا ريس بس يا ترى ارتاح؟

لم ينطق رئيس التحرير ونظر إلى الأرض فابتسم أيمن بسخرية وتركه وخرج من المكتب لكنه لم يذهب إلى مكتبه بل هبط إلى الشارع وظل هائماً لا يعرف إلى أين يتجه ولا يفكر في أي شيء تماماً كل ما يحاول فعله هو تصفية ذهنه من الأحداث التي تمر به ليعرف بعدها كيف يتصرف فهو الآن مهدد تهديد صريح ومباشر وبكل وقاحة يبدو أن الشخص الذي حدثه في الهاتف مُحققاً في كل ما قاله يجب أن يتصل به فوراً ولكن ربما اتصاله يكون مخاطرة ليس وقتها كما أخبره، إذاً عليه الانتظار حتى يتصل ويا ليته يكون الآن، رن هاتفه فوجد أميرة هي المتصلة لكنه لم يجاب على الاتصال ليس وقتها هناك ما هو أهم فحياته في خطر حقيقي وهو مكتوف الأيدي لا يعرف من يواجهه ولا قوانين المعركة على الأقل حتى يستطيع القتال، وصل أيمن إلى منزله حوالي الثانية عشر ظهراً وظل ينظر إلى هاتفه الجديد على صاحب الرسائل يتصل به لكن ليس هناك أي جديد نهض بعد ساعة وأعد فنجاناً من القهوة وبدأ بمشاهدة برامج كرتونية على التلفاز لم يعد يريد التفكير في أي شيء وبعد مرور حوالي ساعتين وبينما كان

في غفوته سمع صوت رنين هاتفه القديم فتح عينيه ببطء فوجد المتصل رقم غير معروف فكر لثواني وقرر الرد:

-ألو.

-إزيك يا أيمن؟

-أنت!! بتكلمني هنا إزاي؟

- مش مهم اسمعني كويس أنا هبعثلك فيديو فيه فضايح المعداوي وشركائه كلهم كمان شوية حافظ على الفيديو دا كويس ومتخافش يا أيمن محدش هيقدر يعملك حاجة طول ما الفيديو دا معاك؛ لأن لو حصلك حاجة الفيديو دا هيبقى تريند على اليوتيوب والسوشيال ميديا بعدها بثواني.

-فيديو إيه؟

- هتفهم لما تشوفه، أوعى تخاف يا أيمن سلام.

-سلام.

اطمئن أيمن كثيراً بعد تلك المكالمة فالآن أصبح لديه سلاحاً يقاتل به أو يساوم به على حياته وازدادت ثقته في هذا الشخص كثيراً وتأكد أنه يعمل على حمايته بالفعل، بعد عشر دقائق وصل الفيديو إلى هاتف أيمن القديم فتح الفيديو سريعاً ورأى ما لا يمكن أن يتوقعه.

\*\*\*\*\*

العاشرة والنصف مساءً:

الباب يدق بشدة خبطات متلاحقة، ينهض مصطفى ليفتح الباب بسرعة ليجد أمامه امرأة في الثلاثينات ذات طول متوسط ولكن جسدها تملأه أنوثة طاغية.

تصرخ من أسفل العباءة التي ترتديها، وجهها شديد البياض تضع مكياجاً بسيطاً يجعلها أجمل، تفحصها جيداً قبل أن يسألها:

- أنت مين يا ست أنت؟

- الحقني يا شيخ مصطفى .

- ألحقك من إيه وأنت أصلًا تعرفيني مين؟

- أنا يسر عايشة بعديك بكام شارع، هو إحنا هنتكلم على الباب كدا .

- ادخلي يا ستي .

دخلت الفتاة إلى المنزل وبدأت تتعامل وكأنها قد أتت إلى هنا عشرات المرات جلست على الأريكة دون استئذان ونظرت إليه :

- أنت هتفضل واقف يا شيخ مصطفى .

- أنا برضو مش فاهم أنت جاية هنا ليه؟

- أنا هقولك يا خويا، أنا اسمي يسر زي ما قولتلك وعايشة بعديك بكام شارع كنت متجوزة وعايشة في أمان الله لحد ما في يوم حصل اللي حصل ومن يومها وأنا حياتي اتشقلبت .

- وإيه اللي حصل بقي؟

- اللي حصل ميتحكيش أنا كنت نائمة يا خويا وفجأة لاقيت حاجة عمالة بتتحرك في الأوضة، خيال طويل أنا في الأول افكرته حرامي صحيت جوزي الله يحجمه مطرح ما راح قام ملقاش حاجة رجع قالي اتحمدي يا ولية واتغطي كويس، بعدها بنص ساعة رجع الخيال تاني وفضل يتحرك في الأوضة بيني وبينك أنا خوفت بس برضو خوفت اصحبي المدعوق دا تاني فخبيت وشي بالغطا ونمت والصبح وأنا واقفة في المطبخ فجأة أغم عليا فوقت لاقيت نفسي في

السريـر قالولي إنهم لما حاولوا يفوقوني كنت بصـرخ فيهم بصوت غريب وعيني مقلوبة ومن يومها وأنا بتجيلي الحالة دي وبهدل الدنيا، الناس كلها طلـعوا عليا إنني ملبوسة ويوم ورا الثاني الواطي جوزي بدل ما يوقف جنبي رمانـي وخذ العيال وبقيت لوحدي يغم عليا وأفوق ألاقـي نفسي في حـتة ثانية غير اللي كنت فيها جبت شيوخ كثير لكن محدش قدر يعملـي حاجة لحد ما ولاد الحلال دلوني عليك .

- طب وإيه اللي جايبك متأخر أوي كدا مستنتيش للصبح ليه؟

- ما أنا كنت هجيلك الصبح يا خويا لكن الحالة رجعتلي من شوية وأول ما فوقت قولت لازم أجيلك حالاً .

- طب استنـيني هنا خمسة وراجـعك .

- ماشي .

دخل مصطفى إلى غرفته محاولاً التفكير في أمرها هل يطردها بهدوء؟ لكنها فتاة جميلة ووحيدة ربما يستطيع الاستفادة من الموقف أكثر، ماذا أن شعر أحداً بوجودها هنا؟ مجرد حالة يعالجها ولن يشك أحد في الأمر، استقر مصطفى على أن يستغل الفتاة لتلبية رغباته تحت مسمى تخليصها من الجن، الجن الذي كان واقفاً على باب الغرفة يصفق له على شيطانية تفكيره، خرج مصطفى إلى الفتاة فوجدتها قد خلعت الوشاح من على رأسها فأكسبها شعرها جمالاً فوق جمالها، تيقنت الفكرة في رأسه أكثر نظر إليها وقال :

- أنت جاية عشان أساعدك مش كدا؟

- اه أمال أنا جاية ألعب يا خويا .

- طيب مستعدة تنفذي اللي هيطلبوه .

- مفيش مشاكل قولـي بس هما عايزين إيه؟

- طيب بصي اللي عليك جن عاشق وعشان يخرج شارط إنه ينام معاك .  
- يامصيتي أنت بتقول إيه يا جدع أنت !!  
- مش أنا اللي بقول دا شرطه عشان يسيبك في حالك .  
نهضت الفتاة من مكانها وبدأت بارتداء الوشاح مستنكرة طلب مصطفى الذي  
شعر بأن الفرصة ستضيع فتعلق في يديها محاولاً إقناعها :  
- اسمعي بس الموضوع كله عشر دقائق وهتبقى زي الفل بعدها .  
- أنا كنت فاكرة إنني جاية لشيخ هيعالجني بالقرآن أو هيكون محترم مش هيقولي  
نامي مع عفريت .  
- يا بنتي افهمي كل شيخ وليه طريقة وكل عفريت وليه شروط .  
- كله إلّا الشرف يا خويا محلتناش غيره .  
- يا بنتي هو حد هيعرف حاجة أنت هتخشي عشر دقائق جوا وبعدها  
هتخرجي زي الفل .  
- يعني أنت شايف إن دا الحل الوحيد .  
- اه والله لو في حل تاني كنت عملته .  
- محدش هيعرف حاجة ها .  
- محدش خالص .  
ارتاح مصطفى بعد أن وافقت يسر على تنفيذ طلبه وبدأ في تهيآت الأجواء في  
غرفة النوم وعاد للفتاة ليخبرها بأن الطقوس جاهزة وعليها البدء الآن قامت  
الفتاة ودلقت إلى غرفة النوم ووقفت أمام السرير والتفتت إليه قائلة :  
- هو المقروض إيه اللي هيحصل ؟

- ولا حاجة هو يحضر عليا وهينام معاك عن طريقي عشر دقائق وبعدين تقومي زي الفل .

- أنت متأكد .

- اه طبعاً اطلعي أنتي على السرير على ما حضره عليا .

- طيب .

صعدت الفتاة إلى السرير وبدأ مصطفى ينطق كلمات غير مفهومة محاولاً إقناعها بأنه يحضر الجن فعلاً وبعد ذلك بدأ يغير صوته بحرفية قائلاً :

- أخيراً وافقتي .

- اعمل اللي أنت عايزه خيلنا نخلص .

- مش بالسرعة دي يا حلوة .

- يعني إيه؟!!

- قومي ارقصيلي الأول .

- أنت مجنون .

- ما هو أنت لو مرقصيتش هعذبك كل يوم ومش هخرج طول حياتك .

ابتسمت الفتاة ابتسامة خبيثة وهي تنهض لتنفيذ طلب مصطفى أو الجن كما يُدعى، بدأت تتمايل أمامه بجسدها شبه العاري بعد أن خلعت عباءتها وأصبحت بقميص النوم الأسود، بعد عشر دقائق حملها مصطفى إلى السرير، مارس الجنس معها كالشور الهائج لمدة ربع ساعة متواصلة حتى دفعته من فوقها بصعوبة بالغة من كثرة الإعياء والاشمئزاز فهي تشعر بأن حيواناً يضاجعها وليس بشراً، استلقى مصطفى بجوارها منتشي، تنقياً الفتاة بجوار السرير، بعد خمس دقائق دخل مصطفى إلى الحمام وعندما عاد وجد ما لم يكن يتوقعه رجلاً



يجلس على كرسيًا بجوار السرير واضعاً قدمه اليسرى على اليمى ويشرب  
سيجارته في سعادة بالغة صُقع مصطفى عندما رأى الرجل وقال في فزع:

- أنت بتعمل إيه هنا؟

- مفاجأة مش كدا؟ كنت فاكر إني مش هعرف أوصلك يا مصطفى!!

- أنت عارف أنا ممكن أعمل فيك إيه؟

- هتعمل إيه هتنام معايا أنا كمان هاهاهاها .

- أنا ممكن أأذيك وأنت عارف .

- لا مش هتعرف تعمل حاجة معايا وأنت عارف .

- بسم . . .

- يا مصطفى أنا عارف وأنت عارف إن معدتش معاك حد منهم فبلاش  
الشويتين دول . . .

- أنت عرفت مينين؟

- هو أنا مقولتكش!!

يقرب الرجل من مصطفى هامسًا في أذنه:

- أصل أنا اللي سحبتهم وأنا كمان اللي بعثلك يسر .

اعتدل الرجل مرة أخرى في وقفته وقال بصوت عال وهو يشعل سيجارة  
أخرى:

- اه بالمناسبة مسمهاش يسر دا اسم الشهرة لكن اسمها الحقيقي شيماء كان  
نفسها تبقي ممثلة بس ربنا موفقهاش فبقيت شمال هاهاها بس الشهادة لله البت  
لبستهالك صح كانت تستحق تبقى فنانة بجد .

- لبيستني إيه!! أنت بتتكلم عن إيه؟

- عشان أنا عارف إنك وسخ وبتصور كل واحدة بتجيك هنا من ساعة ما بتدخل لحد ما بتخرج، هي بقى كان دورها إنها تبين إن أنت اللي عايزها تعمل كدا وختلك تريل زي العيال الصغيرة وأنت بتقنعها عشان تنام معاها بس إيه يا مصطفى دا، أنت حيوان أوي البت قرفت منك في ربع ساعة يا شيخ.

- أنت مش هتعرف تعمل أي حاجة والتسجيل هم...

- التسجيل دا واللي قبله كلهم معايا أصل وأنت بتاخذ حمامك أنا كنت باخد الهارد اللي عليه تسجيلات الكاميرات اللي أنت زارعها عشان تذل النسوان اللي نمت معاهم وشيماء خدته ومشيت.

لم يعد مصطفى قادراً على التحدث فقد النطق تماماً من هول ما يسمع كل أسرارهِ أصبحت في يد ألد أعدائه وهذا ما عرفه حتى الآن ولا يعلم ماذا يجباً له بعد، جلس الرجل على الكرسي وطلب من مصطفى أن يرتدي ثيابه ويجلس ليتحدثا كيف ستجري الأمور.

- بص يا مصطفى أنت حياتك بقيت في إيدي ولازم تنفذ اللي هطلبه منك وتجاوب علي كل أسئلتي.

- وإن معملتش كدا؟

- تبقى غيبي وتستاهل إن الناس كلها تشوف مسلسل وسختك حلقة كل يوم دا أنا هكسب من وراك مكاسب يا مصطفى مش قادر أقولك، ها قولت إيه؟

- وأنت عايز تعرف إيه؟

- عايز أعرف إيه اللي حصل لنيهان؟

\*\*\*\*\*

بمجرد وصول الفيديو إلى هاتف أمين كان قد وصل إلى شخصاً آخر على الجهة المقابلة الشخص الذي يراقبه دائماً وبمجرد أن وصل إليه الفيديو قام بالاتصال بشخص ما وأخبره بأن هناك مستجدات لا بد أن يراها بنفسه، تلقى المراقب أمر بالحضور فوراً ومعه المستجدات التي وصلته وبالفعل بعد أقل من ساعة كان قد وصل إلى الشخص المطلوب وسلمه فلاش ميموري عليه الفيديو الذي أنزله من على هاتف أمين، هذا الشخص لم يكن سوى عامر الذي استلم الفلاش ميموري وطلب من المراقب الذهاب ومتابعة مراقبة أمين وإطلاعه على المستجدات أولاً بأول، خرج المراقب وشغل عامر جهاز اللاب توب الخاص به ووضع الميموري وشغل مقطع الفيديو بعد عشر دقائق انتهى الفيديو وأيضاً انتهت معه كل ذرة من أعصابه، لم يصدق ما رآه كيف وصل ذلك الفيديو إلى أمين؟ الفيديو كان تسجيلًا لاجتماعه مع المعداوي وشخصاً آخر يُدعى حماد كانوا الثلاثة في مكان كفيلاً مهجورة مجتمعين حول طاولة وأمامهم بعض الأوراق، لم يستوعب عامر المفاجأة بعد أعاد تشغيل الفيديو من جديد ليتأكد من الأحداث والأشخاص الموجودين في الفيديو.

- (عامر) الخرابط دي مش هنقدر نفهمها إلّا لو عملنا المكتوب في ورقة الدليل .

- (حماد) وإيه اللي مكتوب فيها يا باشا؟

- (عامر) مكتوب إنه لازم نجمع أربع أشياء من أربع أماكن موجودين في الخريطة المرسومة في الدليل والأربع حاجات دول هما اللي هيكونوا مفتاح الخريطة عشان نعرف مكان المقبرة .

- (المعداوي) وإيه هي الحاجات دي؟

- (عامر) مرسوم هنا ٣ رسومات وهما " معبد - عين حورس - قرص الشمس المجنح " دي رموز موجودة في كل حطة لكن المطلوب تجميع الرموز من الأماكن دي بالتحديد .

- (حماد) سهلة يا باشا نجمعهم .
- (عامر) مش بالسهولة دي يا حماد الدليل بيقول إن اللي هتجمعهم واحدة لقبها سيدة الشمال يعني هتيجي من شمال مصر وبيقول إن الست دي ليها مواصفات خاصة غير إنهم مش هيكونوا ملموسين بالأيد
- (المعداوي) يعني إيه بالروح مثلاً؟
- (عامر) بالظبط يا معداوي بالروح ، البنت أو الست دي هتوصل للرموز عن طريق اتصال روحاني مش جسدي .
- (المعداوي) والست دي مواصفاتها إيه بقي إن شاء الله !!
- (عامر) الدليل مكتوب فيه إنها عزباء متزوجة عذراء تبحث عن حقها الضائع وتطلب المساعدة .
- (المعداوي) نعم !! أنت أكيد بتهزر يا عامر؟
- (عامر) لا مبهرش يا معداوي دا اللي مكتوب .
- (حماد) طب وبعدين يا باشا هنحل اللغز دا إزاي؟
- (عامر) أمال أنا مجمعكوا ليه ماهو عشان نفكر سوا .
- (حماد) أنا بصراحة يا باشا مش فاهم حاجة من المكتوب دا خالص وعشان كذا جبتلك الخريطة والدليل أول ما لاقيتهم على طول .
- (المعداوي) طب وتفتكر لو فهمنا اللغز هنعرف نوصل للست دي؟
- (عامر) أكيد أو على الأقل هنعرف بلدها أو نقرب من أي حاجة توصلنا ليها .

انتهى المقطع إلى هنا ولكن هذا المقطع ليس سوى عشر دقائق فقط من المقابلة التي استمرت لأكثر من ساعة ونصف فكر عامر قليلاً وبدأت تتضح له فكرة أن من أرسل الفيديو إلى أيمن كان يقصد إيصاله إليه هو شخصياً إذًا فهو يعرف بأنه من يراقب أيمن ويعرف شخصيته جيداً لأنه لو أراد أن يحمي أيمن فقط دون أي نية أخرى لكان أرسل إليه الفيديو كاملاً ولكن هذا المقطع المقصود به هو نفسه وليس أيمن، من هذا الشخص الذي تجرأ ووصل إلى عرينه وصوره؟ هل له علاقة بموت المعداوي؟ أم أن حادثة المعداوي كانت صدفة قدرية لا أكثر؟ أسئلة كثيرة قفزت إلى عقله بتسارع وتضارب شديدين لكنه لم ولن يستطع الإجابة على أيًا منها الآن قبل أن يجد هذا الشخص، رفع السيد عامر سماعة الهاتف وطلب شخصاً بعينه للحضور فوراً إلى فيلته وأجرى اتصالاً آخر لكنه لم يتلقِ ردًا من الطرف الآخر.

\*\*\*\*\*

في فيلته الفاخرة جلس عامر منتظراً وصول أحدهم ويجري اتصالاً بشخص لا يرد فيزيد غضبه مع كل مكالمة غير مجابة، حضر الرجل فأدخله الحارس فور وصوله ليجلس أمام عامر مرتعداً:

- مساء الخير يا باشا .

- إتاخرت ليه يا حماد؟

- والله يا باشا أنا سببت اللي في إيدي وجيت أول ما كلمتني، خير يا باشا؟

- مش خير يا حماد، مش خير خالص .

- إيه اللي حصل بس يا باشا؟

- فيه حد بيدور وراانا يا حماد؟

- حد مين ويدور وراانا ليه؟

- ما ذا اللي جايبك عشانه، هو مين يعرف الموضوع دا غيري أنا وأنت  
والمعداوي يا حماد؟

- محدش يا باشا .

أنت كنت فين الفترة اللي فاتت؟

- أنا مركز في شغلي اليومين دول عشان داخل على صفقة كبيرة .

- حد بعتلك حاجة أو حاول يتواصل معاك بخصوص الموضوع إياه .

- لا محدش بعتلي حاجة أو كلمني ، ما تفهمني فيه إيه يا عامر بيه؟!

- أنا وأنت والمعداوي متصور لنا فيديو بتتفق فيه هنعمل إيه عشان نجيب  
البنط .

هب حماد واقفاً من مكانه في خوف! :

- يا نهار أسود، أنت بتقول إيه يا باشا .

- اهدي وأقعد يا حماد، أنت مكنتش تعرف حاجة عن الفيديو؟

- فيديو، فيديو إيه؟! أنت شاكك فيا يا باشا؟ طب وأنا هعمل كدا ليه؟  
وإزاي؟ وبعدين إحنا كنا بتتقابل عند المعداوي يبقى هصوره في قلب بيته  
إزاي؟

- شعر عامر بأن حماد يقول الحقيقة فأخرجه من دائرة المشتبه بهم :

- يبقى مفيش غير الكلب مصطفى أنا قولت للمعداوي الواد دا طماع ومالوش  
أمان مصدقنيش .

- مين مصطفى دا يا باشا؟

- الواد الدجال اللي المعداوي كان جايه .

- بس توصل إنه يقتله يا باشا؟
- الواد دا أتوقع منه أي حاجة، دا كان حاله فلوس وأنا كنت بستغرب هو ليه بيدفعله .
- طب والعمل دلوقتي يا باشا؟
- المشكلة دلوقتي إن الفيديو مبقاش مع الواد بس، الفيديو بقى مع صحفي ومش أي صحفي، أنا عارفه كويس مبيسكتش ومبيخافش من حد .
- طب ما تشتريه يا ريس .
- أنت غيبي، بقولك مبيخافش يبقى أكيد مش للبيع، المهم دلوقتي اختفي أنت اليومين دول ومتخليش حد يوصلك لحد ما أكلمك تاني ومتحاولش تتصل بيا قبل ما أكلمك .
- أمرك يا باشا .
- خرج حماد من الفيلا بسيارته ولكن في طريق عودته رن هاتفه برسالة جديدة:  
"قابلني في شقتك القديمة، ياريت محدش يعرف عشان مش هيكون في مصلحتك".

\*\*\*\*\*

"انتحار شخص في شقته بالحبة القاتلة والسبب مجهول".

تمَّ العثور اليوم على جثة أحد الأشخاص ويدعى مصطفى محمد ٣٠ عاماً بعد أن وجد متحرراً داخل شقته في إحدى المناطق العشوائية بالقاهرة وذكرت التقارير بأن الانتحار تمَّ عن طريق تناول المتحرر لحبة الغلال القاتلة المعروفة علمياً بفوسفيد الألمنيوم ولم يعرف إلى الآن دوافع الانتحار ويجب الإشارة إلى أن المتحرر كان يقيم في الشقة بمفرده وكان معروفاً بين الناس بالشيخ مصطفى

اعتقاداً منهم بأنه يملك كرامات ويعالجهم من السحر والأعمال، وجد نقش على الجدار في غرفة نوم المنتحر يمثل جزء من محاكمة الموتى عند المصريين القدماء وبجواره كتبت بالهيروغليفية عبارة: " قلبك لم يكن صالحاً فالتهمتك أمت " فهل نحن أمام عملية انتحار أم أنها لعنة الفراغنة؟ أم جريمة قتل من نوع جديد؟ تنتظر تحقيقات رجال المباحث والنيابة للتأكد من نوع الحادث .

كان رجال المباحث والمعمل الجنائي يملئون شقة مصطفى الذي وجد منتحراً منذ ساعات عندما اضطر الجيران لكسر باب الشقة بعد أن فاحت منها رائحة عفنة ، وجدت الجثة في غرفة النوم على السرير وبجوارها كوب من الشاي على الطاولة الملاصقة للسرير ، المنزل لا يدل على وجود أي شيء مريب كانت هذه بعض المعلومات السريعة التي أبلغها معاون المباحث إلى الرائد عصام رئيس المباحث فور وصوله إلى مكان الحادث بدأ يتفقد الشقة بنفسه محاولاً ملاحظة أي شيء مريب لكنه لم يجد شيئاً حتى دخل إلى غرفة مقابلة لغرفة النوم فوجد الجدار مرسوماً عليه منظرًا غريباً ولكنه رسم بدقة بالغة تجعله جزء من مقبرة فرعونية حقيقية فنادى على أحد معاونيه :

- حسام بيه .

- أوامر معاليك؟

- إيه دا يا حسام؟

- دا رسم لقيناه أول ما جينا سعادتك وبالبحت عن أصل المنظر عرفنا إنه نقش من كتاب الموتى والمشهد دا جزء من حاجة اسمها محاكمة الموتى اسمه وزن القلب واللي جنبه دا رسم لمعبد فرعوني .

- محاكمة الموتى ووزن القلب ومعبد!! يعني إيه بقى الكلام دا؟

- مش عارف سعادتك لسه موصلناش للهدف من الرسمة وليه رسمها قبل ما يموت .



- مين اللي قالك إن هو اللي رسمها؟
- أكيد هو يا فندم إحنا ملقناش أي أثر لاقتحام في الشقة أو أي حاجة تدل إنه كان معاه حد قبل الوفاة .
- تقرير المعمل الجنائي هيجي امتي؟
- قدامه ساعة يا فندم .
- تمام أول ما يجي نجيهولي .
- تحت أمرك .
- خدت بالك من العبارة دي : " قلبك لم يكن صالحًا فالتهمتكَ أمت " ، هو الواد دا كان بيشتغل إيه؟
- بيقولوا إنه كان شيخ بيعالج الناس من السحر والكلام الفاضي دا يا فندم .
- دجال يعني ، طب كويس والله إن إحنا خلصنا منه ، أعمممممم طب روح أنت يا حسام ولما التقرير يوصل هاتيهولي .
- تمام سعادتك .

ظل عصام يطلع على المنظر المرسوم على الجدار ولم يفهم لما قد يرسم دجال صورة محاكمة للموتى من أيام الفراعنة ولم يفهم معنى العبارة الموجودة بجوار الرسم وما علاقة المعبد بالرسم ، ربما كانت تلك إحدى طقوس السحر التي كان يقوم بها؟ ولكن إذا كان يقف في غرفة الطقوس فلا بد أن يجد شيئاً آخر هنا يدل على هذه الطقوس ظل يبحث في الغرفة فلم يجد أي شيء ، نظر إلى السقف فلاحظ وجود ثقب في زاوية الجدار فرجع بصره إلى الزاوية الأخرى فوجد نفس الثقب " الواد دا كان حاطط كاميرات مراقبة " قالها في نفسه وخرج إلى الصالة فوجد ثقب أيضاً في زاويتين من زوايا السقف فتأكد أنها كانت تحمل كاميرات مراقبة دخل إلى غرفة النوم فلم يجد أي دليل لوجود

كاميرات مراقبة حاول العثور على الجهاز الخاص بالكاميرات لكنه لم يجد سوى الشاشة فقط، نادى على أحد العساكر الواقفين وطلب منه إحضار الجيران واحداً بعد الآخر لاستجوابهم، أتى العسكري بأحد الأفراد رجلاً مسن أدخله ليقف أمام عصام الذي أمره بالانصراف:

- اسمك إيه يا حاج؟

- اسمي محمود يا باشا .

- كام سنة يا حاج محمود؟

- ٥٥ سنة .

- بتشتغل إيه؟

- فرد أمن في مول في أكتوبر يا باشا .

- أنت اللي بلغت عن الحادثة مش كدا؟

- اه يا باشا .

- احكي لي بقى إيه اللي حصل؟

- مفيش أنا كنت راجع من الشغل وأنا معدي من جنب الشقة شमित ريحة وحشة جداً فقولت جايز فيه قطة ميتة على السلم ولا حاجة لكن لما طلعت فوق وبجكي لمراتي قالتلي إن الريحة من إمبراح وهما شمينها .

- لحظة بس ، هو أنت كنت فين قبلها؟ يعني إمبراح دا أنت كنت فين؟

- كنت في الشغل ، أصل أنا شغلي خمس أيام وبرجع خميس وجمعة بس عشان المشوار بعيد فبيات في سكن تبع الشغل وأنزل يومين الإجازة .

- وأنت سايب عيالك ميتشوفهمش غير ٨ أيام في الشهر؟

- أكل العيش يا باشا هنعمل إيه؟ لو قعدت أفصل شغل على مزاجي مش هلاقي عيال عشان أقعد معاها .

- تمام كمل .

- بس يا باشا قولتلها وليه مخبطوش على الشيخ مصطفى سألتوه قالتلي إنهم خبطوا ومحدش رد بييني وبينك يا باشا أنا كنت راجع تعبان فمخبطش في دماغي ونمت لكن وأنا نازل بالليل على القهوة الريحة كانت فظيعة قعدت أخبط جامد لكن محدش فتح قولى يمكن مسافر .

- هو كان متعود يسافر كثير؟

- هو كان غالباً بيسافر من وقت للتاني لأبوه في البلد عشان تعبان فيروح يشوفه ويرجع .

- تمام وبعدين؟

- وأنا تحت حكيت لجاري اللي بيقعد معايا على القهوة عن الموضوع دا وإنني لازم أكلم الشيخ مصطفى يمكن تكون قطة ماتت جوا ولا حاجة قالي إن الشيخ مصطفى مظهرش بقاله أربع أيام قلقت أول ما قالي كدا ولما سألته إزاي؟ قالي محدش يعرف عنه حاجة وبيكلموه مبردش بدأت أحس بحاجة غلط طلبت منه يقوم معايا ونكسر باب الشقة فالأول رفض .

- وبعدين طلعت معاك؟ ولا طلعت لوحدك؟

- لا طلعت معايا هو والحاج إبراهيم صاحب القهوة أصل كانوا بيعبوه أوي أول ما طلعتنا كسرنا الباب مكناش عارفين نتنفس من الريحة وبعدين دخلنا الأوضة وشوفنا الجثة فاتصلت بيكوا بس دا كل اللي حصل يا باشا .

- ملاحظتش حاجة غريبة أول ما دخلت يا حاج محمود؟

- حاجة زي إيه يا باشا؟

- يعني باب الشقة كان متطفش أو حد حاول يفتحه بالعافية، فيه حاجة في الشقة متغيرة عن العادي كدا يعني .

- لا باب الشقة كان سليم زي ما هو، والشقة محدش لمس فيها حاجة إحنا أول ما دخلنا ولاقينا الجثة اتصلت بيكوا وحضراتكوا جيتوا على طول يا باشا .

- ماشي يا عم محمود اتفضل أنت .

- حاضر يا باشا .

- هات اللي بعده يا بني .

استمرت التحريات والأسئلة لمدة ساعة ونصف والكل يردد نفس الكلام كل ما أستطاع عصام تلخيصه هو محبة الناس لمصطفى ومساعدته لهم وبأنه رجل صالح وهذا يضع علامة استفهام كبيرة حول موته فما الذي يجعل شاب في مقتبل العمر محبوباً من الجميع أن ينتحر؟ دخل حسام إليه حاملاً تقرير الطب الشرعي والمعمل الجنائي الذي أكد عدم وجود بصمات لأشخاص غريبة في الشقة وعدم وجود أي علامات اقتحام في النوافذ بينما أكد التقرير المبدئي للطب الشرعي أن سبب الوفاة هبوط حاد في الدورة الدموية نتج عنه توقف عضلة القلب بسبب تناول قرص من فوسفيد الألمنيوم المعروف لدى عامة الناس بـ "حبة الغلة" ولا يوجد أي شبهة جنائية، حدسه يخبره بأنها جريمة قتل ولكن كل التقارير وأقوال الجيران تؤكد بأنه انتحار وليس أمامه سوى أن يغلط القضية على ذلك ويحولها إلى النيابة لتتخذ قرأها .

نزل عصام من الشقة وركب سيارته عائداً إلى القسم وفي أثناء الطريق رن هاتفه فوجد المتصل أحد أصدقائه وزميله في العمل فرد:

- سيف باشا إزاي معاليك؟

- كله تمام إزيك أنت يا باشا؟

- والله كله ثام يا سيف .
- شكلك معاك قضية محيرك أنا عارفك لما بترد الرد دا بتبقى في عالم ثاني .
- دا حقيقي قضية غريبة جداً يا سيف الواد متتحر كل الأدلة بتقول كدا وكلام جيرانه بياكد إنه مالوش أعداء والكل بيحبه بس في نفس الوقت في حاجة مش مريحاني .
- يا باشا من كلامك القضية خالصانة أنت بس اللي بتحب القواضي الطويلة هاهاها .
- لا يا سيف في حاجة غلط ، زوايا الشقة فيها أخرام لأماكن كاميرات مراقبة بس منشالة وكمان الكمبيوتر بتاعه مش موجود منه غير الشاشة أنا متأكد إنها كانت للكاميرات مش لجهاز كمبيوتر .
- طب ما ممكن يكون كلامك صح بس الواد لغى الكاميرات قبل ما يتتحر عشان محدش يشوف التسجيلات اللي عليها واتخلص منها هو كان بيشتغل إيه صحيح؟
- دجال ، ممكن برضو بس تفتكر ليه شاب محبوب والناس بتعتبره شيخ وليه كرامات يتتحر؟
- مش عارف بس معتقدش إنها توصل لجريمة قتل وكل حاجة طبيعية زي ما أنت بتقول .
- يمكن بس في حاجة غريبة جداً لاقيتها هناك .
- إيه هي؟
- الواد أو حد ، الله أعلم مين اللي رسمها بس في رسمة مرسومة على الحيط بدقة شديدة جداً تحس إنها جزء من مقبرة فرعونية مجد بيقولوا إنها رسمة لجزء من حاجة اسمها محاكمة الموتى وإن المشهد المرسوم بيبين مشهد وزن القلب في

المحاكمة ومكتوب جنبها عبارة أغرب: " قلبك لم يكن صالحًا فالتهمتكَ أمت " والأغرب كمان رسم جنبها معبد فرعوني .

- لا دي غريبة فعلاً بس ممكن يكون الواد كان بيستخدمها في السحر أو حاجة ، أنت عارف إنهم زمان أيام الفراعنة كان استخدام السحر قوي جداً ومنتشر .

- أنا قولت زيك كدا بس البيت كله مفيهوش أي حاجة تدل على إنه كان ساحر أصلاً .

- أنا شايف يا عصام إن دا سبب يؤكد إنه انتحار والواد اتخلص من كل حاجته قبل ما يموت .

- طب وما شالش الرسمة ليه؟

- ممكن معرفش أو لقي إن محدش هيهتم بيها أو يفهمها فمحبش يتعب نفسه .

- يمكن ، المهم قولني بني سويف عاملة إيه؟

- بتسلم عليك يا خويا مش هنشوفك قريب .

- يا عم هو أنا بلحق أروح لما أجيلك بني سويف أنت لما تنزل إجازة نبقي نقعد مع بعض .

- خلاص تمام لما أنزل هكلمك .

- تمام .

## الفصل الخامس

عاد كبير المهندسين إلى منزله ليجد زوجته في أحضان رجلا آخر.

اشتد غضبه فسحب الخنجر من جانبه وقتل به زوجته.

حزن على وفاتها وفكر فيما سيتعرض له من تعذيب فقرّر الانتحار.

شاهد أيمن الفيديو أكثر من مرة ولم يكن يصدق ما يراه، عامر يشارك في سرقة مقبرة أثرية وهو الموكل لحمايتها كان يشك منذ بداية الأحداث أنه متورط في شيئاً ما لكن لم يتوقع أن يكون مشتركاً في سرقة مقبرة من المفترض أن يحميها وتذكر كلامه في الأقصر . . .

\* مشهد فلاش باك . . .

- بس يا فندم حاجة زي دي خطر جداً . . .

- طبعا خطر وخطر من اتجاهين الأول هو خطر على أثارنا اللي هتوقع في إيد ناس من أصحاب حلم الثراء السريع وتقريباً دا حلم أغلب الناس في مصر خصوصاً أهل الصعيد هنا عارف يا أيمن إحنا لو عملنا إحصائية هتلاقي إن كل بيوت الصعيد في نسبة ٩٠٪ من بيوتها حافرة تحت البيت أملماً في العثور على الآثار دا طبعا غير اللي بيحفروا في الصحرا . . .

- هو في أخطر من كدا يا فندم ؟ أقصد يعني إيه هو الاتجاه الثاني . . .

- طبعا في أخطر يا أيمن وهو الناس دي نفسها متعرفش إنها بتأذي نفسها وبتعرض حياتها وحياة اللي حوالها للخطر أو الموت سواء إنه بيبقى معرض لانهدام البيت فوقه أو انهيار البيوت اللي حواله أو ممكن بعد ما يعدي كل دا يعرض نفسه لخطر أكبر وهو خطر الدجال أو طلبات الخادم للمقبرة زي ما يقولوا : . . .

- إزاي يا فندم هو بيكون ليه طلبات ؟

- على حد علمهم والشائع إنه الخادم بيكون ليه طلبات يعني في قصة حقيقية حصلت إن في مجموعة اكتشفت مقبرة تحت بيتهم وكان الشيخ اللي معاهم مغربي قال للرجال إن الخادم مش هيسمحلهم بفتح المقبرة إلا بدم واحد من



أولاده ومرات الرجل وافقت وفعلاً دبحوا الولد لكن مقدروش يأخذوا اللي في المقبرة واتقبض عليهم والشيخ هرب لبلده .

- يا نهار أسود يا فندم هو في كدا؟ في واحدة ممكن توافق على دبح ابنها؟

- الفلوس بتعمي يا أيمن والذهب لما توقف على بابهِ الشيطان بيتملك منك أكثر من أي وقت في حياتك ، نفسياً متقدرش تحكم إذا كانت ساعتها في وعيها ولا لأ بس أنا بحكم شغلي أقدر أقولك إن الناس دي بتكون تحت سيطرة الشيطان اللي بيتملكهم أول ما بيوقفوا على باب المقبرة .

\*\*\*\*\*

نعم يكونون تحت سيطرة الشيطان كما قال وما هو قد وقع تحت السيطرة ووضع يده في يد الشيطان نفسه ، ولكن من كان الضحية التي يدفعون حياتهم لانتقام أحدهم أم هي اللعنة قد أحاطت بهم وتعاقبهم على إزعاج الملك وتذكر نيهان هل هذه الفتاة التي يتردد اسمها في أحلامه دائماً لها علاقة بكل ما يحدث ، هل هي الضحية؟ يا إلهي هل يمكن أن يكونوا قد فعلوا بها ذلك؟ ولم لا يفعلوا فالأم قد وافقت على ذبح ابنها فلما لا يوافق أناس غرباء عنها على قتلها ولكن لو فعلوا ذلك فالسؤال الأهم ما الذي جعل نيهان توافق على الذهاب معهم ، حيرة كبيرة يقع فيها وأسئلة ليس لها إجابات والإجابات الوحيدة والمنطقية لدى عامر لا بد من المقابلة ولم يعد تأجيلها أمر صحيح لا بد أن تتم في أسرع وقت ، بينما يحدث نفسه إذا بهاتفه يرن فوجيء عندما رأى أن المتصل هو عامر بنفسه إذا فقد اتفق الاثنان بأنه قد حان وقت اللقاء ولا وقت للتأجيل رد على الهاتف حدد عامر الميعاد في السابعة والنصف مساء اليوم في أحد الكافيهات العامة هكذا حدد أيمن المكان فهو لم يعد يثق في أي شخص وخاصة المدعو عامر ، في السابعة والنصف كان أيمن جالساً على إحدى

الطاولات حين دخل عامر ومعه اثنان من الحرس الخاص قام أيمن ورحب به ونظر إلى الحارسين وابتسم وهو يجلس وقال :

- مكنتش أعرف إن حضرتك ليك أعداء؟

- أعداء! اه عشان الجاردين يعني لا دول هدية من واحد حبيبي .

- واضح إن فيه حاجة قلقاك اليومين دول .

- قصدك إيه يا أيمن؟

- قصدي إن اللي قلقك هو اللي خلاك تتصل بيا وتقابلني وأنا عايز أسمعك .

- بتجري ورا قضية المداوي ليه يا أيمن؟

- أنا مبجريتش وراها بالعكس هي اللي بتجري ورايا .

- أنت بتهزر؟

- لا بتكلم جد بدليل إن الفيديو اللي خلاك تكلمني اتبعطني ، مدورتش عليه ،  
الدليل الثاني إنني قاعد معاك بناءً على اتصال منك ، مش طلب مني .

- فيديو إيه اللي اتبعطلك؟

- هاهاها الفيديو اللي رجالتك شافوه أول ما وصل على تليفوني بس عارف  
حلوة حركة ركوب التليفون دي .

- إيه رأيك؟

- عجبتي مع إنني مستاهلش كل الحركات البوليسية دي كان ممكن تبجي  
تسألني وأنا أوريك الفيديو وكل حاجة عندي تخص القضية .

- أنت من ساعة ما ورتني الورقة وأنا عارف إنك مش لوحذك مين معاك يا  
أيمن؟

- معرفش بصراحة هو بيعت المستندات وأنا مجاول أمشي وراها .  
- دا إيه الصراحة دي ؟  
- إيه رأيك ؟  
- عجبتي بس طالما بنلعب على المكشوف كدا ما تقولي عايز توصل لإيه ؟  
- عايز أعرّف إنتوا عملتوا إيه يخلي الشخص دا عايز يتقم منكوا ؟  
- إحنا مين وعملنا إيه ؟  
- أنتوا الأربعة اللي الفيديون لكن عملتوا إيه فدا اللي عايز أعرّفه .  
- عايز كام ؟  
- هاهاهاها مكنتش متوقع إن أنت ذكائك محدود أوي كدا ، فتفكر أنا لو عايز فلوس كنت استنيت لحد ما أنت تتصل بيا وتطلب تقابلني .  
- الموضوع أكبر من ما أنت متخيل أنت لو مقبلتش العرض دا دلوقتي العرض الجاي هيبقي للي هيخلص عليك ومفيش قدامك اختيارات كتير .  
- أنت اللي مش قادر تتخيل أن حياتي بقيت مهمة بالنسبة لك أكثر من حياتك أنا لو جرالي حاجة أنت ميت أكيد سواء بقى هتنتحر لما تنفضح ، أو حد هيخلص عليك ، أو هتتسجن فأنت أكثر واحد هتخاف عليا من دلوقتي .  
- يا حبيبي أنا وأنت وزينا عشر مرات منساويش عند الناس دي أكثر من تمن الطلقة اللي هنموت بيها أنت فاهم غلط ، أنا عايز مصالحتك .  
- طب حيث كدا بقى ياريت تقول للناس دي إنني أعلى من تمن الطلقة اللي هموت بيها لأن الورق اللي معايا والصور والفيديوهات هتفضحهم لو حصلي حاجة بالمناسبة مش كل حاجة بتيجي عن طريق الموبايل أو الإيميل بتاع الشغل فياريت متستعجلوش لأن اللي عندي طايلهم .

- أنت معندكش غير الفيديو وشوية الورق المعيط دا .  
نظر إليه أيمن وهو يقوم من مجلسه وقال بسخرية ! :  
- طب قول للباشا ياخذ باله من صحته عشان شكله كان مرهق في الفيديو اللي جالي .  
صُعق عامر عندما سمع الجملة الأخيرة ، تأكد من أنه لا يتلاعب به ويملك أسراراً لم يعرفوا بها قبل المقابلة ، نظر إلى أيمن نظرة كلها حقد وكرامية وتمالك أعصابه ثم قال بلهجة هادئة :  
- على فين ؟  
- بصراحة زهقت ولازم أروح ، كنت فاكِر إنك أذكى من كدا بس طلعت بلاش أقول ، عندي سؤال أخير إيه اللي حصل لنيهان ؟  
برقت عينيه ووضع فيهم الكره والغضب فابتسم أيمن وتركه ورحل ملوحاً له في استهزاء مستفزاً مشاعره وكرامته ، بعد أن رحل ظل عامر جامداً في مكانه لمدة عشر دقائق ثم أمسك هاتفه واتصل برقمًا ما قائلاً :  
- مش هينفع يموت دلوقتي سيبه وارجع .  
أجرى اتصالاً آخر وعندما فتح الخط من قبل الطرف الآخر اعتدل في جلسته وقال :  
إحنا لازم نتقابل النهارده boss .  
- إزيك يا ؟  
- .....  
- تمام ساعة وأكون هناك .

أغلق عامر الخط وانصرف من الكافيه متجها إلى المكان الذي طلب منه محدثه الذهب إليه وفي الطريق كان يفكر كيف ستكون الخطوة القادمة في اللعبة .

\*\*\*\*\*

انتهى مصطفى من التحضير للجلسة الثالثة التي ستبدأ بعد قليل وطلب من نيهان أن تستعد جيداً وتحاول التركيز في الوصف حتى يستطيعوا أن يصلوا للذهب هذه المرة ، كان محمد يجلس في قلق يظهر على وجوهه ولكنه يأمل أن يصل مصطفى ونيهان لمكان الذهب ، بدأ مصطفى في قراءة الطلاسم ونيهان تغفو استعداداً لرحلتها التي دخلتها بالفعل بعد دقيقتين وبدأت بالكتابة :

" أنا ماشية في اتجاه النور كالعادة بس رجلي ثقيلة أوي المرة دي حاسة إن في حاجة بتشدها لورا مش عايزاني أتقدم ناحية النور، وصلت أخيراً حاسة إنني بقالي كتير ماشية ، الست العجوزة موجودة في مكانها لكن شعرها مغطي وشها كله بندّه عليها لكن مش بترد " .

انتفضت نيهان من مكانها فجأة في فزع وكأنها رأّت وحشاً خيفاً حتى أن القلم سقط من يدها لكن مصطفى أعطاها القلم من جديد ثم أمرها وكأنها تسمعه بأن تكمل الكتابة وبالفعل بدأت تكتب من جديد :

" الست العجوزة رفعت وشها لكن دا أنا، شكلي خيف عينيا بينزل منها دم وإيدي، إيدي، ملفوف عليها تعبانين وشعري كله لونه أبيض ونطقت كلمة واحدة بس الموت، أنا خايفة جداً .

في حاجة بتقولني أكمل مشيت ناحية الباب ودخلت منه، الدنيا ليل بس فيه أنوار كتير .

قلبي يُحدّثني بأنك متلّفي .  
 روحي فداك عرّفت أم لم تعرّف .  
 لم أفضّ حقّ هواك إن كنتُ الذي .  
 لم أفضّ فيه أسيّ ومثلي من يفي .  
 ما لي سوىّ روحي وباذلّ نفسه .  
 في حُبّ من يهواه ليس بمُسرفّ .

دا الصوت اللي أنا سمعاه فيه زحمة كتير تقريبا دخلت مولد، اه هو مولد فعلاً بس مش عارفة أنا في أنهي بلد، ماشية بجبّط في ناس كتير وفيه رايات مرفوعة ألوانها كتير والوشوش باين عليها إنهم صعايدة أو فلاحين لسه مش عارفه أنا فين بدور على أي حاجة تدل على المكان بس مش لاقية مفيش غير الزحمة وألعاب كتير وخيمة فيها شيخ بينشد بالكلمات اللي سمعتها دي بس معدتش قدرة أتنفس من الزحمة .

قعدت على رصيف أنا عرفت أنا فين في قدامي يافطة مكتوب عليها مولد السيدة حورية بس برضو لسه معرفتش أبلد أنا بمحاول أخرج من المولد فعلاً وصلت لأخره .

شارع عادي جداً فيه أسفلت وعريبات واضح إنها مش بلد ريفي شكلها مدينة كبيرة، أنا وصلت لبيت من البيوت رقم البيت ٥٢ طلعت أنا في الدور الثالث دلوقتي وواقفة قدام الباب اللي اتفتح أول ما وصلت، دخلت جوا فيه حاجة بتشدني لأوضة من الأوض وصكت ليها، دي أوضة سلمى وهي قاعدة على

السريـر فيه حاجة بتقولي إن ذهبي في الدرج اللي في مكتبها وصلت للدرج لكنـه مقفول مش عارفة أفتحه ومش عارفة أرجع ولا أعمل إيه؟".

رفض مصطفى عودتها وحاول فعل أي شيء فسأل محمد إذا كان يعرف من هي سلمى فأجاب أنها ابنة عمته الكبرى فطلب منه اسم عمته بسرعة فأخبره به لينطق بعض الطلاسـم وبعد دقيقتين بدأت نيهان تكـتب من جديد:

"فيه حاجة غريبة بتحصل دلوقتي سلمى قامت وبتجيب حاجة من الدولاب، مفتاح الدرج جابته وراحت ناحية الدرج فتحتـه وطلعت علبة حمرا فتحتها، دا ذهبي سلمى هي اللي خدت الذهب بتاعي رجعت العلبة للدرج وقفلته تاني عانت المفتاح تحت هدومها في الدولاب ورجعت قعدت على السريـر، أنا لازم أمشي حالاً".

فاقت نيهان من غيبوبتها وهي تقول:

- مش ممكن سلمى تعمل كدا.

- ليه بتقولي كدا؟

خرجت من مصطفى في تردد:

- عشان أنا عارفة سلمى أكثر من نفسي دي كانت قاعدة عندنا هنا أيام دراستها في الجامعة غير إننا متريين مع بعض وعمرها ما خدت حاجة مننا حتى لو إحنا عرضناها عليها إزاي تسرق بقى.

حاول مصطفى تدارك الموقف فقال:

- يا جماعة كل اللي إحنا شاكين فيهم من العيلة والطبيعي إن أي واحد فيهم مش هتكونوا مصدقين إنه يسرق حتى بعد ما نلاقي الذهب عنده مش هتصدقوا.

- أنت صح يا مصطفى هي بس الصدمة مآثرة علينا شوية وبعدين ممكن نروح ومناقش حاجة زي المرتين اللي فاتوا .

- دا صحيح يا محمد .

- ياريت متكونش سلمى ، يارب .

قالتها نيهان بكل جوارحها فهي تحب سلمى كثيراً ولا تتمنى أن تكون هي سبب تلك المصائب التي تحدث لها .

- المهم بقى سلمى ساكنة فين؟

- بني سوف يعني مشوار مش سهل فياريت ميقاش على الفاضي .

قالها محمد بكل حدة لمصطفى الذي ابتسم وهو يقول :

- متقلقش إن شاء الله خير .

نظر إليه محمد وسأله :

- أنا عايز أعرف بقى أنت عملت إيه لما خدت اسم عمتي وقعدت تنطق حاجات غريبة؟

- ولا حاجة كان لازم أخلي سلمى تفتح الدرج .

- وخليتها تفتح إزاي؟

- بالوسواس ، خليتها تحس من جواها بأن الذهب مش في مكانه ولما قلت قامت تتظمن عليه .

- أنت شيطان يا مصطفى .

قالها محمد بابتسامة وإن كانت تحمل كثيراً من الصدق في داخله :



- ميرسي ، هنروح امتي؟

- بكرة إن شاء الله مفيش وقت .

في الصباح تحركت السيارة التي تحمل ونيهان ومحمد ومصطفى متجهة إلى بني سويف حيث يجب أن يعثروا على الذهب وتنتهي تلك الرحلة اللعينة ، أربع ساعات ونصف حتى توقفت السيارة في زحمة ميدان مولد النبي ببني سويف وهو من أشهر ميادين المدينة .

بني سويف :

الرائعة والبسيطة ربما روعتها تأتي من بساطتها وهيبتها في الوقت ذاته تشعر عندما تتدخل إلى هناك بأن التاريخ يتحدث عن نفسه "بوفيسيا" هو الاسم القديم لها والذي عرفت به حتى القرن الخامس عشر الميلادي مدينة بدأت فيها الحياة قبل أن يبدأ التاريخ فهي تمتلك كهف من أندر ثلاثة كهوف في العالم كهف "سنهور" يرجع تاريخه إلى ٦٥ مليون عام وبعدها أن بدأ التاريخ كانت تلك المدينة في مقدمة المدن التي عرفت الحضارة فهي حاضرة ملوك جنوب مصر قبل توحيد الشمال والجنوب ، هي مدينة الروح أرض أوزير المقدسة ، هرم ميدوم ثاني أقدم هرم مدرج في التاريخ بدأ في بناءه الملك "حومي" آخر ملوك الأسرة الثالثة وأكمل بناءه ابنه الملك "سنفرو" أول ملوك الأسرة الرابعة وبعدها هذا الهرم شاهداً على بداية عصر الأسرات في الدولة القديمة وشاهداً على عظمة "بوفيسيا" كما يوجد بها بيت الإله أوزير المسماة حالياً "أبو صير" نسبة إلى أوزير ، يوجد في منطقة الحبية معبد الإله أمون صاحب مجموعة البردي التي تحكي مغامرات البحار "ون- أمون" من إحدى أقدم حكايات الأدب في التاريخ ، تلك المدينة العظيمة تحمل بين طياتها أيضاً عاصمة مصر القديمة في الأسرتين التاسعة والعاشر من ٢٣٦٠ ق . م إلى ٢١٦٠ ق . م "أهناسيا" التي

أصبحت العاصمة بعد الثورة الجائحة التي قامت بالقطر المصري ضد الطبقات الأرستقراطية التي كان ييُدها زمام الأمور آنذاك، كانت مدن الوجه البحري أكثر المدن هيّاجاً فانتقل البلاط الملكي جنوباً إلى مدينة "حت-نن-نسو" التي تعني مقر الطفل الملكي وكانت هذه المدينة مقر عبادة الإله "حر- حري- شاف" الذي ربط الأغر يق بينه وبين الههم "هرقل" لذلك أطلقوا عليها اسم "هرقليوبوليس" وعرفت في العصر المسيحي باسم "أهنس" وحرفت في العربية إلى اسمها الحالي "أهناسيا" التي خرجت منها قصة الفلاح النصيح إحدى روائع الأدب المصري القديم كما نسب إلى "أهناسيا" أسطورة "خلاص البشر"، ينتقل التاريخ بيني سوف لتكون من أهم المدن في العصر الأغر يق وأطلق عليها القدماء "وادي المرمر" لتمتعها بخام المرمر، يأتي العصر القبطي وتظل المدينة في المقدمة فيخرج منها أبو الرهينة ومؤسس نظام الأديرة في العالم في بلدة "قمن العروس" الراهب "أنطونيوس" وفي منطقة "آثار المضل" عثر على كتاباً نادراً لمزامير النبي داوود باللغة القبطية، يدخل الإسلام إلى هذه المدينة لتسجل اسماً جديداً في التاريخ هو الإمام "شرف الدين أبي عبد الله محمد البوصيري" صاحب "بردة البوصيري" كما دفنت بها "السيدة حورية" التي يعود نسبها إلى الإمام "الحسين رضي الله عنه" وتعود المدينة لتسجل تاريخاً جديداً بالتصدي للحملة الفرنسية وتخلق أسطورة جديدة بطلها الطفل "عبد الستار آدم" الذي حفر اسمه في مذكرات رجال الحملة الفرنسية قبل أن يحفره في التاريخ.

إنها مدينة كتبت تاريخاً في كل شبراً من أرضها.

\*\*\*\*\*

كان الاتفاق أن تكون الزيارة عائلية لمدة يومين دون أن يشعر أصحاب المنزل بشيء أو يتحدثوا في الأمر معهم وأصر مصطفى على الحضور مدعيًا أهمية حضوره وأنه سيكون متواجدًا بالقرب منهم وسينزل في أحد الفنادق القريبة حتى إذا حدث أمرًا ما يستطيع تدارك الموقف فوافق محمد لكن بشرط ألا يظهر في الصورة نهائيًا إلا إذا طلب منه ذلك، بالفعل تركهم مصطفى في منتصف الطريق وذهب إلى الفندق وأكمل محمد الطريق إلى منزل عمته الذي لا يبعد كثيرًا عن ميدان مولد النبي وصلت السيارة أمام المنزل ونزلت العمة لتستقبلهم بنفسها أمام الباب سلمت عليهم ودعتهم للصعود إلى الأعلى، دخلت نيهان ومعها محمد إلى المنزل وسط حفاوة استقبال بالغة من العمة، سألتها نيهان عن سلمى وأشرف ولديها فأخبرتها أن سلمى في الجامعة وقد أبلغتها منذ قليل وهي في الطريق الآن أما أشرف ففي العمل وسيعود بعد ساعات، طلبت العمة من نيهان أن تدخل إلى غرفة سلمى لتبذل ثيابها وفتحت غرفة أشرف لمحمد كي يبدل ملابسه، دخلت سلمى إلى المنزل بعد نصف ساعة وجدتهم يتناولون الشاي أمام التلفاز فرحبت بهم وكان لقاءً حميمًا بين سلمى ونيهان القريبتان جدًا إلى بعضهم وعلى العكس كان لقاءً خجولًا بينها وبين محمد لكنه لم يخل من النظرات المليئة بالشوق من تجاهها والتي لاحظها المتواجدين معهم في الغرفة لكن محمد نفسه الوحيد الذي لم يلاحظها أو هكذا حاول أن يتظاهر، دخلت نيهان وسلمى إلى غرفتها وجلستا يتحدثتا قليلًا حول كل ما حدث في حياة كل واحدة منهما:

- عاملة إيه يا نيهان؟ وحشتيني أوي .

- أنت أكثر والله يا سو فينك يا بنتي مختفية بقالك فترة من على السوشيات ميديا؟

- ولا مختفية ولا حاجة أنا بس مشغولة في المذاكرة شوية أنت عارفة الماجستير مش سهل .

- ربنا يعينك يارب ، بس إيه اللي خلاك تحضري ماجستير؟
- فراغ ههههه .
- لا أنا بتكلم جد .
- ما أنا بتكلم جد أنا من ساعة ما خلصت الجامعة عندكوا وجيت هنا مش لاقية حاجة أعملها وبينني وبينك عشان أخلص من كلام عمته عن الجواز والعيال والكلام الفاضي دا .
- هو الجواز والعيلة كلام فاضي؟
- اه طبعاً
- طب خلاص بقى أقول لمحمد يرجع في كلامه وميكلمش عمته في حاجة .
- هبت سلمى من مكانها في فرحة شديدة واقتربت من نيهان متسائلة :
- قصدك إيه يا نيهان؟ هو محمد بيفكر يتجاوزني فعلاً؟
- هاهاها شوفتي بقى إن الجواز مش كلام فاضي أول ما لاقيتي العريس محمد الجواز بقى حلو على طول .
- أنت بتشتغليني يا نيهان طب أنا زعلانة منك .
- لا لا خلاص حقا عليا متزعليش ، بس أنا عايزة أقولك على حاجة يجد محمد فعلاً لو استنتيه ولا ميت سنة على ما تتجوزي .
- عادي هستنى (قالتها بشيء من الحزن)!
- يخرب بيت جنانك .
- استني عايزة أوريك حاجة .

قامت سلمى من مكانها وذهبت في اتجاه المكتب ثم فتحت الدرج الذي رأته نيهان في الجلسة، خفق قلب نيهان كثيراً وسلمى تخرج علبة من الدرج وشعرت بأن مصيبة على وشك أن تحل بالمنزل الآن، فتحت سلمى العلبة واتجهت ببطء ناحية نيهان التي كاد قلبها أن يتوقف ولا تصدق أنها سترى ذهبها الآن وسلمى هي التي تقدمه لها بنفسها نظرت داخل العلبة ولم تصدق ما رأته عينها، نظرت بحزنٍ إلى سلمى التي بدأت بالبكاء .

\*\*\*\*\*

عاد أيمن إلى المنزل فوجد باب الشقة مفتوحاً هرول إلى الداخل ليجد المنزل وقد بعثر أثاثه بالكامل دلف إلى غرفة النوم فوجد المنظر ذاته السرير مبعثراً ووجد الدولاب وقد خرجت منه ملابسه جميعها وقف وسط هذا المنظر العبيث وضحك ضحكة عالية وظل يضحك ويضحك وتوقف فجأة وقال في سخرية !:

- يخرب بيتك يا عامر مين هينضف كل دا؟ هاهاهاهاهاها .

حينما كان أيمن في مقابلة عامر كان رجاله في نفس الوقت يقلبون منزله رأساً على عقب بحثاً عن المستندات التي بحوزته والفيديو لكن لم يجدوا أي شيء هذا ما قالوه للسيد عامر الذي تلقى الخبر بصدمة عنف على أثرها رجاله وأشدت غيظه من أيمن وتمنى لو أنه يستطيع قتله الآن مائة مرة عقاباً له على كل هذا الإزعاج الذي يسببه له منذ أن رآه .

رن الهاتف الجديد الذي اشتراه أيمن فرد مسرعاً :

- ألو .

- إزيك يا أيمن الإغيبيا زاروك؟

- اه أنت عرفت مينين إنهم هيجوا؟

- يا أيمن أي غبي أو عيل صغير اتفرج على فيلمين عربي هيفكر يعمل كدا وهو  
عشان غبي عمل كدا، المهم أنت عاين الحاجة في مكان أمان؟

- اه متقلقش كله تمام محدش هيعرف يوصل للمكان اللي أنا عاين فيه الحاجة .

- تمام خلي بالك من نفسك يا أيمن لسه اللي جاي أصعب وهما مش  
هيسيوك، حاول تستحمل شوية وفي نفس الوقت أمن نفسك كويس .

- متقلقش عليا المهم أنت كمان حاول محدش يوصلك .

- خلاص هانت يا أيمن مش باقي غير القليل وكله هيتتهي ونرتاح من ولاد  
ال . . . دول . . .

- ربنا يريحنا منهم . . .

- سلام يا أيمن . . .

- سلام يا . . . مش ناوي تقولي اسمك بقى؟

- لسه شوية وهتقابل وأقولك كل اللي أنت عايزه سلام .

- سلام . . .

أغلق الطرف الآخر الخط ووضع هاتفه ثم فتح شاشة عملاقة أمامه ظهرت  
عليها فيلا عامر من كل الزوايا حتى غرف النوم والحديقة الخارجية، ظل  
الرجل يبحث عبر الكاميرات في أنحاء الفيلا بحثًا عنه لكنه لم يجده فتعجب أن  
يكون خارج المنزل حتى هذا الوقت "يا ترى روحت فين يا . . ."

على الناحية الثانية كان أيمن يحاول تنظيم الفوضى التي خلفها رجال عامر  
ورائهم وبعد أن انتهى تذكر أنه لم يحدث أميرة منذ ثلاثة أيام فاتصل بها ولكنها  
لم ترد لأكثر من مرة استاء من نفسه وفكر في طريقة لإصلاح الأمر وقرر  
زيارتها غدًا في المنزل وأصطحبها إلى أحد المطاعم تكفيرًا على إهماله لها، في

مساء اليوم التالي عطف أيمن على حلاً للزهور وأحضر باقة من الورد ليقدمها إلى أميرة ووصل إلى منزلها وطرق الباب ففتحت له الباب بنفسها دون أن يكون لها سابق معرفة بمجيئه فتحول وجهها عندما رآته ، حاول ملطافتها قائلاً :

- وحشتيني .

- والله كويس إنك لسه فاكر إنك خاطب وليك حد يوحشك .

- يا بنتي هو أنا ليا غيرك .

- لا والله دا اللـ . . .

- لحظة واحدة هو أنت طالعة تفتحي الباب بشعرك؟

- ارتبكت أميرة واحمر وجهها وقالت وهي تتحسس شعرها بيديها :

- إيه دا! هو أنا مش لابسة طرحة والله يا أيمن مخدمش بالي .

- مخدمتش بالك طب مفيش خروج ولا ورد كمان عشان تبقي تأخدي بالك كويس بعد كدا .

- لا لا لا خلاص هدخل ألبس طرحة حالاً .

- بعد إيه بقى؟

- هات دا كدا، ثواني وجياالك .

خطفت أميرة باقة الورد من يد أيمن وهي تضحك بصوت عال ودلفت مسرعة إلى الداخل وهي في طريقها دعتة للدخول حتى تخبر والدأيها بقدمه ، ابتسم أيمن بعد أن أذاب حدة الموقف بلطف ودخل إلى الشقة بصحبة أختها الصغيرة التي أجلسته وقالت له بكل طفولة :

- جبتي إيه معاك المرة دي؟

- جبتلك أكثر حاجة بتحببها، اتفضلي يا قمر .

- واو شيكولانة .

حضنته الفتاة ودخلت لتنفرد بمعشوقتها، بعد قليل دخلا والدا أميرة ورحبا بأمين و سألا عن سبب غيابه طوال هذه المدة فأخبرهم بأنه كان مسافراً لأمر متعلقة بالعمل وأنه أخبر أميرة بأن تقدم اعتذاره لهم عن غيابه ولكن من الواضح أنها لم تخبرهم كعادتها، ضحكاً على كذبه اللطيفة وسأله والدها في جدية :

- هنفرح بيكوا امتى يا أمين؟

- هانت يا عمي أنا بس فيه قضية شاغلة بالي اليومين دول أخلص منها وهنحدد الميعاد على طول .

- بس أميرة كبرت يا أمين وأنا عايز أفرح بيكوا بقى .

- والله يا طنط أنا مستعجل أكثر من حضرتك، أخلص بس الموضوع دا وعلى طول إن شاء الله .

- يا بني هو أنت ظابط مباحث!! وبعدين أنت مش في قسم الفن إيه علاقتك بالقضايا؟

- لا ما هي قضية تخص فنان اتقتل بس لسه ماعلنوش عن الحادثة وبعدين يا عمي ما أنت عارف أنا وظابط المباحث طريقنا واحد وقضيتنا واحدة وظابط المباحث بيشفو شغله وأنا كمان بشوف شغلي .

سألته والدتها بفضول السيدات القتاتل :

- ربنا معاك يا بني بس مين دا اللي اتقتل؟



- متزعلش مني يا طنط بس دي أسرار شغل مينفعش أطلعها لأي حد حتى لو حضرتك .

- شكلك بقيت ظابط وأنا معرفش يا أيمن .

ضحك ثلاثتهم وعلا صوت ضحكاتهم أثناء دخول أميرة حاملة صينية الشاي ومعه بعض قطع الجاتو فنظر إليها أيمن ولاحظ أنها قد ارتدت حجابها مما أكسبها جمالاً فوق جمالها فابتسم ابتسامة تعشقها فهو يبتسمها عندما يكون معجباً بشيء قامت به ، أخبرته أميرة بأن العشاء سيكون جاهزاً في خلال دقائق فطلب منها الانتظار قليلاً والتفت إلى والدها وطلب منه أن يسمح لهم بالعشاء خارج المنزل واعدك إياه بأنهم لن يتأخروا كثيراً فوافق وعلى الفور هبت أميرة فرحة لترتدي ملابسها وجلس أيمن ينتظرها مديماً الوقت بمحديث والديها الممتع .

في أحد المطاعم المطلّة على نهر النيل كان يجلس أيمن وأميرة والحب ثالثهم ، ظلا ينظران إلى بعضهما حتى قطع تلك اللحظة نادل المطعم ليعرف ماذا سيأكلان بعدها انصرف ولكن أميرة قطعت الصمت مرة أخرى حين قالت :

- أنت جايني هنا عشان تقعد تبحلق فيا كدا؟

- تصدقي إنك رخمة في واحدة تقول لخطيبها كدا .

ابتسمت أميرة وقالت في جدية :

- عايزة أسألك سؤال بس تجاوب عليا بصراحة .

- اتفضلي اسالي يا وجع قلبي .

- أنا وجع قلبك !!! (قالتها بحزن)!

- متزعلش أوي كدا أنت وجع قلبي بس مش لأنك بتجرحيني لا لكن عشان أنت نقطة الضعف الوحيدة اللي ممكن أي حد يهددني بيها .

- في إيه يا أيمن؟ أنا مش مطمئنة للي بيحصل بقالي فترة بتسافر كثير وفجأة! ودا مش طبعك .

- مفيش ، شغل يا أميرة عادي يعني .

- أيمن أنا عارفك أكثر من أي حد أنت فيه حاجة بتحصل معاك بس مش عايز تقولي عليها ولما كلمتني وأنت في الأقصر أنا مكنتش مرتاحة .

- يا حبيبي مفيش حاجة والله ، اطمني مش بخونك .

- أيمن أنت عارف إن دا مش قصدي وبعدين أنا عارفة إنك متقدرش تبص لحد غيري أصلاً .

- فعلاً !! وجاية الثقة دي مينين؟

- من حبي ليك وبعدين أنت مستغرب كدا ليه !! أيمن هو أنت ممكن تخوني؟

- هاهاها هو أنا بلحق أشوفك لما أخونك يا ماما .

- انفعلت أميرة واحتدت عليه :

- إيه دا يعني اللي مانعك بس إنك مش لاقى وقت تخوني .

- والله أنت عسل يا أميرة .

- ما أنا عارفة هاهاها .

حضر النادل ووضع الطعام أمامهم ورحل ، بعد أن تناولوا الطعام وقفًا أمام النافذة ليطلا مباشرة على نهر النيل وسرحا قليلًا وسألته أميرة :

- أنت بتحلم بيايه يا أيمن؟

- بحلم إننا نتجوز ونبني بيت صغير على قدي أنا وأنت ونجيب بنت جميلة شبهك ونعيش من غير خناق ونكد في هدوء وسلام .

- بجد يا حبيبي .

- بجد يا حبيبي ، أميرة أنا ماليش غيرك في الدنيا دي بعد ما ماما وبابا ماتوا .

- وأنا جنبك يا حبيبي ومش هسيبك أبداً، بس أنا عايزة أعرف إيه أكبر حلم في حياتك بعيداً عني؟

- أمممممم بحلم بمحاجات كثير بالبيت والشغل بس بعيداً عن دا كله فيه حلم بحلمه دائماً هو مستحيل يتحقق بس مش يبطل أحلم بيه .

- حلم إيه؟

- بحلم بمدينة كبيرة جواها العالم كله مدينة فيها شارع من كل عاصمة يعني أكبر شارع سياحي في القاهرة أكبر شارع سياحي في دبي باريس ، روما ، موسكو والشارع يتنقل زي ما هو بكل ما فيه محلات ، مولات ، مطاعم ، ملاهي حتى ساعات بحلم أنه بالمناخ بتاعه كمان سواء برد أو حر يعني بتذكرة واحدة تلفي العالم من غير جواز سفر هو حلم مستحيل يبقى حقيقة لأنه هيجتاج ميزانية ضخمة بس لما يحب أهرب من الضغوط بحلم إنني بدخل المدينة وأفضل أمشي فيها شارع شارع أنفرج على عظمة القاهرة وأنبهر بجمال دبي وفخامتها ولما أجوع أدخل أكل في روما وبالليل أزور باريس وأستمع بسحرها اللي ملوش حدود وكل يوم أدخل بلدين ثلاثة لحد ما أخلص المدينة وأرجع ألفها تاني في رحلة جديدة ومختلفة .

- دا حلم جميل أوي ممكن تبقى تأخذني معاك .

- الرحلة هناك متنفعش غير بيبك أصلاً .

- فعلاً؟

- فعلاً، مش يلا بقى عشان اتأخرنا وكدا الحاج مش هيوافق يخرجنا تاني .  
- هاهاها يلا .

\*\*\*\*\*

أكادُ من فرط الجمال أذوبُ .  
هل يا حبيب في رضاك نصيبُ .  
جعلتُ قلبي يهفو دوما للقاء .  
وإذا ذكرتُ يا حبيبي أطيبُ .  
بمجرد الأذكار قلبي هائـمُ .  
هل فؤادي عنك قط يغيبُ .  
أني الأسيرُ بمجي فيك في شرع الهوى .  
فأرحم قلوبُ نال منها شحوبُ .

كان أحد المنشدين ينشد بتلك القصيدة بينما كان يعبر أحدهم حاملاً حقيبة فوق ظهره من بين المتزاحمين في المولد من الموردين وأهل المدينة الذين يحرصون دائماً على الحضور كل عام إلى مولد السيدة حورية ، عبر الرجل المولد ووصل إلى الشارع المقابل ثم صعد إلى إحدى البنايات وفتح باب شقة في الطابق السادس ، دلف إلى الداخل بعد أن تأكد من أن أحداً لم يراه ، وضع الرجل حقيبته وأخرج منها جهاز لاب توب وفتحه ثم بدأ بتشغيل فيديو من قائمة الفيديوهات الموجودة على الجهاز وثبت الصورة وقام ووقف بجوار النافذة مستمعاً إلى صوت المنشد الذي كان يصله عبر السماعات الكبيرة المركبة في كل مكان

بمحيط مسجد السيدة حورية فالليلة هي الليلة الكبيرة للمولد ويأتي جميع أهل القرى المجاورة وأهل المدينة نفسها إلى هنا ليتباركوا ببركات واحدة من أهل بيت رسول الله السيدة "زينب الحسينية شرف الدين" التي يعود نسبها إلى الإمام الحسين رضي الله عنه، مرت ساعة حتى دخل رجلًا آخر إلى الشقة أضاء النور ودخل إلى غرفة الصالون فوجد الرجل الأول واقفًا أمام النافذة أخرج سلاحًا وصوبه في اتجاه رأسه :

- أنت مين؟ ودخلت هنا إزاي؟؟

- اهدى يا حماد، أنا اللي أنت جاي عشان تقابله ودخلت من الباب عادي .

أنزل حماد سلاحه ولكنه لا زال حذرًا فظل يحمله في يديه وسأل الرجل أمامه :

- طلبت تقابلني هنا ليه وجبتني المشوار دا كله؟

- بدمتك يا راجل حد يسيب مكان مبروك زي دا ويروح يعيش في كومباوند، أأ هي بركة المكان اللي اشترتلك فيلا في الكومباوند يا حماد!

- أنا مش فاضيلك أخلص عايز إيه؟

- إيه راكن صف ثاني ولا إيه هاهها، اتقل يا حماد وعين سلاحك عشان مش هنتحاجه النهارده .

- اخلص يا جدع أنت وقول عايز إيه؟

- مش أنا اللي عايز أنت اللي عايز، دوس كدا على اللاب وشغل الفيديو اللي قدامك .

فعل حماد ما طلبه منه الرجل وشغل الفيديو ولكن بعد دقيقتين بدأت الدماء تغلي في عروقه وصوب المسدس ناحية الرجل وقال في عصبية! :

- مين اللي صور الفيديو دا يا ابن الكلب؟

- تؤ تؤ من غير غلط يا حماد، ابن الكلب اللي صور الفيديو دا مات اللي يحرقه هو نفسه اللي قدامك في الفيديو أصل مصطفى الله يحجمه مطرح ما راح مكنش مأمّن ليكوا فكان ييمسك على كل واحد فيكوا ذلة بس للأسف يا حماد لقاك راجل ملكش في الشمال، بس مراتك ليها:

- أنا هقتلك .

- مش هينفع، أنا لو مت الفيديو دا مصر كلها هتشوفه، اقعد ونزل سلاحك يا حماد عشان تتفاهم .

فكر حماد في كلام الرجل قليلاً وأخفض سلاحه في قهر وذل شديدين!

- بص يا حماد محدش شاف الفيديو دا غير ثلاثة أنا وأنت والراجل اللي مستنيني أرجع لو عقلت وسمعت الكلام أوعدك إن الفيديو دا مش هيبقى ليه أثر .

- وإيه المطلوب مني؟

قالها حماد في ذل وكادت الدموع أن تفر من عينيه وينهار تماماً لم يعد لديه اختيار فأما أن يقبل أوامر ذلك الرجل أو أن الفضيحة التي سببتها له زوجته ستكون مصيره .

- عايزك تحكي لي إيه اللي حصل من خمس سنين .

- قصدك على إيه بالظبط؟

- لا اصحى معايا يا حماد وإلّا هزعل منك أنت عارف أنا بتكلم على إيه بالظبط .

- قصدك المقبرة اللي فتحناها .

- أيوا إيه بقى اللي حصل؟

- دي كانت لعنة ياريتنا ما فتحناها ولا شوفنا اللي جواها أنا مبنمش من يومها،  
المعداوي مات والكلب اللي اسمه مصطفى مات وأنا مستني دوري من  
ساعتها .

- وإيه اللي حصل عشان تتلعنوا كلكوا كدا؟

- أنا هحكيلك .

\*\*\*\*\*

ذهب عصام إلى مكتب مدير الأمن الذي استدعاه ليجث معه قضية انتحار  
مصطفى، طرق الباب ودخل إلى المكتب أدى التحية العسكرية:

- حضرتك طلبتني يا فندم .

- أقعد يا عصام، عملت إيه في قضية الواد اللي انتحر بالحباية الهباب دي؟

- يا فندم كل الأدلة بتقول إنه انتحر بس أنا شايف إنها مش انتحار .

- وإيه اللي خلاك شايف كدا؟

- سعادتك الواد كان حاطط كاميرات في كل مكان وفجأة الكاميرات دي  
اختفت غير الرسمة الغربية اللي لاقيتها على الحيطه هناك .

- الكاميرات أكيد شالها قبل ما ينتحر ومسح كل حاجة عشان اللي عليها  
والرسمة عادية جداً ممكن مجاش في باله إنه يمسخها أو نسيها أصلاً .

- مش عارف يا فندم بس إحساسي بيقول إنها جريمة قتل مش انتحار .

- قفل محضرك وأبعث القضية للنيابة وهي تقرر يا عصام .

- حاضر سعادتك .

- المهم دلوقتي اللي يهمني في القضية دي إنها فتحت علينا باب خطير .

- باب إيه يا فندم؟

- الحباية اللي الواد انتحر بيها دي بدأت تنتشر بين الشباب بطريقة خطيرة جداً ولسه من كام شهر منتحر بيها ٣ بنات في المنوفية غير شابين في البحيرة و٢ في بني سويف و١٠ في الدقهلية وكلهم شباب من سن ١٨ ل٢٥ مجلس الشعب بدأ يناقش سن قوانين إلزامية لبيع الحباية دي .

- المشكلة فعلاً يا فندم إن الحباية بتتباع زي حبوب الصداع وقانونياً مفيش أي حاجة بتمنع تداولها لأنها حباية بتستخدم في الحفاظ على القمح .

- معالي الوزير لسه قافل معايا وطلب مني تحريات شاملة عن الموضوع دا ومدى انتشار الحباية دي عندنا في القاهرة وكمان طلب حصر بكل اللي بيع الحباية دي هنا هي صحيح صعب تنتشر عندنا عشان القاهرة مش بلد زراعي لكن زيادة في التأمين الشباب اليومين دول بقوا طايشين، حتى الموت بقى فيه موضه .

- تمام يا فندم أنا هتحرك أنا والفريق بتاعي ويومين ونتيجة التحريات هتكون على مكتب سعادتك .

- تمام يا عصام افضّل أنت .

- عن إذنك يا فندم .

أدى عصام التحية وخرج من المكتب وعقله يفكر في قضية مصطفى لم يشك للحظة واحدة أنه قتل ولكن لم يستطع إثبات ذلك وربما لن يستطيع نهائياً، وصل إلى مكتبه واستدعى فريق التحريات الخاص به وأملى عليهم أوامر مدير الأمن وأوصاهم بسرعة البحث والتحري وأنه يجب الانتهاء في خلال ٤٨ ساعة على الأكثر، جلس يفكر من جديد في الرسم على جدار الغرفة في شقة مصطفى فلو أن افتراضه صحيح فكيف استطاع القاتل الرسم بهذه السرعة



والدقة في نفس الوقت؟ وكيف لم يقاومه مصطفى أبداً كما يقول تقرير المبدأي للطب الشرعي؟ ولماذا نزع القاتل الكاميرات من مكانها مع أن الأسهل له والأسرع أن يحو البيانات من الهارديسك الخاص بالكاميرات؟ ربما لم يستطع فك كلمة السر التي من المؤكد كانت موجودة فاضطر إلى حمل الجهاز بالكامل، لكن لماذا نزع الكاميرات نفسها؟! ساعة متواصلة من التفكير السلبي مجرد أسئلة تزيد افتراضه لكن لا يوجد دليل مادي واحد يثبت قتل مصطفى، رن هاتفه فوجد المتصل سيف صديقه في مديرية أمن بني سويف رد ساخرًا!:

- لحقت أوحشك يا باشا؟

- تصدق أنا غلطان إني بكلمك.

- ههههه خلاص يا عم متزعلش أنا بس مش متعود أسمع صوتك مرتين في الأسبوع.

- لا أنا مش بكلمك أظمن عليك يا سيدي أنا بكلمك في شغل.

- خير يا سيف.

- من ساعتين جالي بلاغ بأن بعض الأهالي لقوا واحد ميت في شقته ولما روحت هناك لاقيته متحمر بمسدسه الشخصي بس الغريب إني لاقيت رسم فرعوني على الحيطه في أوضة النوم بنفس الطريقة اللي أنت قولتلي عليها.

هب عصام من مكانه واقفًا وسأل بلهفة:

- نفس الرسمة يا سيف؟

- تقريباً هو بس راسم رسمة غريبة جنبها بيقلولوا إنها لحورس باين استنى هبعثلك الصورة.

- بسرعة يا سيف.

- طب اقبل أبعتهالك .

أغلق الخط وبعد دقيقتين وصلت الصورة على هاتف عصام صورة تمثل جزء  
محاكمة الموتى الذي رسم في شقة مصطفى ولكن بدلاً من رمز المعبد الموجود  
بجوارها رسم منظر مختلف للصقر حورس ونفس العبارة: " قلبك لم يكن  
صالحاً فالتهمتكَ أمْت " قال بصوت مسموع: " مصطفى متحرش ، مصطفى  
اتقتل ! "

أخرج هاتفه واتصل بسيف من جديد :

- سيف أنا جايلك حالاً عايز أشوف مكان الحادثة والرسمه على الطبيعة .

- ماشي يا عصام بس حاول تيجي قبل ما نشمع الشقة .

- ساعتين وأبقى عندك .

أسرع عصام إلى مكتب مدير الأمن طرق الباب ودخل إلى المكتب أدى التحية :

- في حاجة لازم سعادتك تشوفها حالاً .

- حاجة إيه يا عصام؟

- الرائد سيف من مديرية أمن بني سويف بلغني من شوية إن حصل عنده حادثة  
انتحار ولقى رسمه موجودة في أوضة النوم بنفس الأسلوب اللي مرسوم في  
أوضة مصطفى ..

- حصل امتي الكلام دا؟

- من ساعتين يا فندم والرسمه أهى .

أعطى عصام الهاتف لمدير الأمن ليشاهد الصورة ، تعجب مدير الأمن من  
المنظر وسأل عصام :

- تفتكر في ربط بين الضحيتين؟
- ضحيتين! يعني حضرتك اقتنعت بوجهة نظري؟
- شكل إحساسك صح يا عصام.
- أنا بستأذن سعادتك أطلع على بني سويف دلوقتي عشان أشوف المكان بنفسي.
- تمام وأول ما ترجع كلمني عرفني عملت إيه.
- تمام سعادتك.
- انصرف عصام وغادر المديرية بسيارته متجها إلى بني سويف وهو يشعر بأن الأمور بدأت تجري في نصابها الطبيعي جريمة قتل وليس انتحار.
- كان سيف في موقع الحادث عندما وصل إليه عصام فرحب به ودعاه ليستريح قليلاً من الطريق ولكن عصام كان متلهفاً لرؤية المكان فوراً، دخل عصام إلى غرفة النوم، وقف أمام المنظر متبهرًا بدقة الرسم ثم سأل نفسه سؤالاً مهماً كيف ترسم تلك الرسومات التفت إلى سيف وقال:
- سيف الرسومات دي بتترسم بإيه؟
- بصراحة يا عصام مش عارف بس ممكن نعرف.
- لازم نعرف دلوقتي حالاً يا سيف، هو دا الخيط اللي ممكن يوصلنا للقاتل.
- مفيش هنا قاتل برضو يا عصام؛ لأن الجثة مفيهاش آثار مقاومة ومفيش أي بصمات على السلاح غير بصمات حماد المعمل الجنائي أكد دا، الطلقة خرجت وحماد ماسك السلاح؛ لأنها دخلت من بوقه وخرجت من راسه وبما أن مفيش بصمات غير بصماته وكمان مفيش أي أثر للمقاومة يبقى انتحر بكامل إرادته:

- يعني إيه يا سيف!!
- يعني دا انتحار بنسبة مية في المية .
- لو اللي هنا انتحار فالتاني متحرش أنا متأكد .
- إيه اللي مخليك متأكد؟
- الرسمة دي والثانية بيجمعهم شيء واحد القاتل بيحاول يوصل رسالة معينة بس إحنا لسه مش فاهمينها ، ابعت هات مختص في الرسم حالًا يا سيف .
- ماشي أنا هعمل كدا عشان أريحك بس ، لكن صدقني دا انتحار ممكن بقى تبجي نستريح برا عشان الناس تشوف شغلها على ما المختص يجي .
- ماشي يا سيف .
- يلا .
- خرج الرائدان من الشقة ونزلا إلى الشارع ، دخلا إلى أحد الكافيهات الموجودة على الناصية ، طلبًا فنجانين من القهوة وبدأ سيف يقص عليه قصة المنتحر .
- اسمه حماد عنده ٤٥ سنة ، بيشتغل مقاول ، كان عايش في الشقة دي طول حياته لحد من ٣ سنين أهل المنطقة انفجأوا إنه خد عيلته ومشى من البلد لكن محدش يعرف راح على فين ولا مشى ليه؟ حتىّ محدش عفش معاه ، زي ما شوفت كدا البيت عفشه زي ما هو .
- يعني الراجل دا يا إما هرب فجأة يا إما اغتنى فجأة .
- بالظبط كدا ، تحرياتنا بتقول إنه راح على القاهرة لكن فين محدش عارف لسه!!!
- عربيته فين يا سيف؟ ممكن توصلنا لعنوانه الجديد .

- للأسف موصلناش لحاجة؛ لأنه مغيرش العربية هي نفس العربية اللي اشتراها قبل ما يمشي من هنا والنمر بتاعتها بني سويف برضو.

- طب ولاده، محدش فيهم ظهر؟

- لا محدش ظهر لحد دلوقتي ولا مراته حتى.

- تفتكر لو الاتنين ليهم علاقة ببعض بناءً على الرسمة الموجودة إيه اللي ممكن يكون الرابط بين دجال ومقاول والاتنين من بلدين ملهمش علاقة ببعض ومفيش أي حاجة واقعية تربطهم.

- دا اللي بيخليني مايل لفكرة انتحارهم أكثر من قتلهم؛ لأن مفيش أي رابط بينهم.

أتى النادل بالمشروبات وأثناء ما كان يضعها على الطاولة فاجأه عصام بسؤال:

- أنت تعرف حماد اللي كان ساكن في نص الشارع هنا؟

- الرئيس حماد (الله يرحمه) وهو في حد ميعرفوش يا باشا!! دا كان من أكبر مقاولين البلد بس قبل ما يموت بكام سنة عدل من هنا.

- متعرفش لما عدل راح فين؟

- لا يا باشا بس في ناس بتقول إنه لقي كنز وهو بيفحر في أرض في بلد جنينا هنا.

ابتسم عصام والتفت إلى سيف الذي فهم على الفور وقال بنشوة المنتصر.

- كنز، كدا صح، الكنز هو اللي ممكن يجمع مقاول بدجال وهو اللي يفسر وجود الصور المرسومة في بيت الاتنين، إيه رأيك جريمة قتل ولا انتحار؟

- والله يا عصام على حسب المعلومة دي كلامك بدأ يبقى منطقي أكثر بس أنت عارف مفيش أدلة، يبقى مفيش قضية .

- ودا اللي هنعمله من دلوقتي هنلاقي الدليل .

- بس تفتكر ليه حماد ضرب نفسه بالرصاص؟

- ممكن يكون متورط في حاجة أو اتهدد بعياله ودا ممكن يفسر اختفاء عياله .

- كلامك منطقي بس مين اللي هدده؟

- هيبان ، لما ندور كويس كل الإجابات هتظهر يا سيف .

أثناء حديثهم رن هاتف سيف فرد على المتصل وأخبره بأنه سيحضر في خلال دقائق انتهى من المكالمة وأخبر عصام بأن المختص قد وصل فقاما على الفور ولم يرض صبي القهوة أن يحاسبهم بعدما عرف أنهم ظابطاً مباحث وأصر أن لا يأخذ مقابل المشروبات فشكره عصام وانصرف إلى منزل حماد، عندما وصلا إلى المنزل كان الخبير قد فحص الرسمة بالفعل وأطلعهم على النتيجة على الفور .

- بص يا فندم الرسم دا بدائي شوية لكن اللي دهنه على الحيطه هو اللي فنان .

- يعني إيه؟

- يعني دا اسمه رسم بالاستنسل عبارة عن ورق زي ورق الأشعة بيتفرغ على شكل الرسم وبعدين بيتلرزق على الحيطه وندهن الفراغات ونشيله يطلعلك الرسم، أي حد ممكن يعمل في البيت حتى بيتعمل في مدارس خاصة كتدريب للأطفال لكن حجم الورق اللي يطلع الرسم دا مش موجود منه في السوق يعني عشان تعمل الرسمة دي ورقها بيتعمل مخصوص .

- (عصام) حلو أوي ودا بيتعمل فين بقي يا هندسة؟

- هما مش كثير الشركات اللي بتعمل الكلام دا أو الحجم دا أربع أو خمس شركات بس في مصر .

- (عصام) جميل ممكن تقولي أسمائهم وعناوينهم؟

- تحت أمرك يا فندم عشر دقائق ويكونوا معاك .

- صحيح يا باشمهندس هي الرسمة دي تأخذ وقت قد إيه عشان تتطلع بالشكل دا؟

- والله يا فندم يعني العادي ساعتين ثلاثة لكن واضح إنه متمرن كويس أوي يعني ممكن نص ساعة كفاية بالنسبة له .

انصرف المهندس وترك عصام وسيف يتحدثان وفجأة رن هاتف عصام وكانت نغمة الرسائل فتح الهاتف وقرأ الرسالة وعينه تتسع من الصدمة ونظر إلى سيف ولكنه لم ينبس ببنت شفة المفاجأة أخرسته وأربكت كل حساباته ظل يدور في المكان كالمجنون لا يستطيع التفكير وسيف يحاول أن يفهم الأمر ولكن عندما سأله ضحك ضحكة عالية لفتت انتباه كل الحاضرين :

- الواد مراقبنا يا سيف ، عارف كل خطوة إحنا بنخطيها .

- واد مين؟ أنا مش فاهم حاجة .

- القاتل ، عارف إحنا بنعمل إيه بالظبط لا ومحضر الخطوة اللي بعدها كمان ، الواد دا محترف مش مجرم عادي والجريميتين دول مش صدقة دا مترتلهم ومترتلهم صح جداً .

- هو إيه اللي حصل بالظبط؟

- الباشا بيتحداني قال إيه مش هيكشف نفسه غير لو سمعت كلامه وغير كدا مش هقدر أوصله .

- طب ما تشوف الرقم اللي بعث منه الرسالة .
- بقولك محترف يا سيف تفتكر هيغلط غلطة زي دي ، باعت الرسالة من موقع من المواقع الصفرا على النت ، صحيح أنت تعرف حد من معارفنا بيخدم في الأقصر؟
- اه اشمعنا .
- لا أصل فيه واحد حبيبي طالب مني خدمة هناك تعرف مين؟
- استغرب سيف من حديثه خاصة أن الطلب قد جاء في هذا الوقت بالذات ولكنه أجاب :
- المقدم عزت كان بيخدم معانا هنا قبل ما ينتقل للأقصر .
- تمام هات رقمه وأنا هكلمه لما أخلص من موضوع الواد دا .
- ماشي ، هنعمل إيه دلوقتي؟
- شوف الراجل هات منه العناوين وأنا هعمل تحريات في الشركات دي ونشوف هنوصل لإيه .
- تمام .
- حضر المهندس وأعطى الورقة التي تحوي عناوين وأسماء الشركات إلى عصام الذي استلمها ثم ودع سيف وغادر عائداً إلى القاهرة، في الطريق أخرج عصام هاتفه وفتح الرسالة "أنا عارف إنك بتدور عليا وأنا مستعد أجيلك بس قبل ما أجبي لازم أعرف إذا كنت بتدور على الحق ولا لا؟ لو بتدور على الحق أنا هسلمك نفسي وعشان تثبت دا هقولك تعمل إيه ، فيه رسمه في الأوضة اللي كان نازل فيها محمود المعداوي قبل ما يموت بتكمل بقيت المجموعة لو وصلتلها وأثبت إن المعداوي مات مقتول مش بأزمة قلبية زي ما قالوا ساعتها هسلمك



نفسى، ملحوظة المداوي مات في الأقصر مش في القاهرة، نصيحة متعمدش على حد من زمابلك" ظل يقرأها أكثر من مرة ويفكر فيما قاله القاتل وماذا سيفعل إذا كان كلامه صحيحاً وتذكر خبر وفاة المداوي الذي سمعه في إحدى القنوات الخاصة به وأنهم فعلاً قد أعلنوا أن سبب الوفاة كان أزمة قلبية وأنه تُؤنّفِي في مستشفى الرحمة الخاصة به أيضاً، لكن ما الداعي أن ينصح القاتل بعدم الاعتماد على زملاء العمل هل هناك أحداً منهم متورطاً في إخفاء حقيقة موت المداوي؟ عقله سينفجر من التفكير هل سيتبع ضابط الشرطة تعليمات مجرم هارب من العدالة!! لكن هناك شيئاً يخبره بأنه ليس مجرمًا وإلا ما طلب أن تتحق العدالة أولاً كي يسلم نفسه هناك سر كبير بين المجني عليهم والقاتل لم يكشف بعد والآن عليه أن يتخار أما أن يتبع حدسه وينفذ تعليمات مجرم هارب أو أن يعمل على القضية من وجهة نظر القانون.

وصل عصام إلى القاهرة حوالي الساعة العاشرة فاتصل بمدير الأمن ليخبره بما حدث ولكنه لم يخبره بأمر الرسالة، طلب إجازة لمدة يوماً واحداً تعجب مدير الأمن فهو لا يطلب إجازات إطلاقاً حتى وإن مات أعز أحيائه فبرر عصام بأنه مرهق ذهنياً أكثر منه جسدياً لذلك لن يستطيع العمل غداً ويحتاج لتصفية ذهنه وسيعود بعد غداً ومعه نتيجة التحريات المطلوبة عن الحبة القاتلة وافق مدير الأمن على منحه الإجازة ثم أطمئن عليه وانتهت المكالمة، صعد عصام إلى منزله فاستقبلته زوجته كماداتها بعناق حار وبعد فترة لاحظت أنه شارد الذهن فسألته إذا كان هناك أمراً ما؟ لكنه أخبرها بأنه يفكر في قضية كبيرة وطلب منها أن تحضر له ملابسه التي سرتديها أثناء السفر لكن لم يخبرها بأنه سيسافر كل ما قاله بأن لديه مأمورية فجرأ وسيعود في منتصف النهار.

مع آذان الفجر كان عصام يركب سيارته متوجهاً إلى الأقصر وعند مدخل طريق الصعيد رن هاتفه برسالة جديدة: "كنت عارف إنك هتروح، أول ما توصل الفندق أسأل علي غرفة ٥٤ على إنك زبون وعازب تجزها وبعدها هتفهم

لوحده كل حاجة، دي الغرفة اللي كان فيها المداوي، توصل بالسلامة" تُرى هل ما يفعله صحيح؟ هل يخالف القانون أم أنه يطبق العدالة؟ لم يعد يدرك الفرق ولكنه يدرك أمر واحد فقط وهو أنه سيكشف السر بين المجني عليهم والقاتل مهما كلف الأمر، في حوالي الساعة العاشرة صباحاً كانت سيارة عصام تقف أمام باب الفندق قابله أحد العاملين وسأله إن كان معه حقائب فأخبره عصام بأنه لا يحمل أية حقائب ودلف إلى الاستقبال، طلب حجز الغرفة رقم ٥٤ نظر إليه موظف الاستقبال نظرة طويلة وأخبره بأن هذه الغرفة محجوزة بالفعل فاعترض عصام على كلام موظف الاستقبال وطلب مقابلة المدير، حضر المدير وعرف نفسه إلى عصام أنه مستر حسين مدير الفندق ثمَّ رحب به وطلب منه أن يشرح له الموقف:

- أنا دلوقتي عايز أحجز أوضة والأستاذ مش راضي يجزلي الأوضة اللي أنا عايزها .

- حضرتك عايز تحجز غرفة رقم كام يا فندم؟

- ٥٤ الأوضة دي أنا ليا فيها ذكريات كثير مع مراتي الله يرحمها .

- الله يرحمها، حضرتك قولتلي اسمك إيه يا فندم؟

- الرائد عصام .

- طب ممكن تتفضل معايا يا سيادة الرائد نكمل كلامنا في المكتب .

- اتفضل .

دخل حسين وعصام إلى مكتب في آخر الردهة وأغلق حسين الباب وتأكد من أن أحدهم لا يسمعهم والتفت إلى عصام وقال :

- حضرتك بتدور على إيه في الأوضة ٥٤؟

- أنا أحب اللي يجي معايا دوغري ، أنا عايز أشوف اللي أنت محبيه في الأوضة .  
- وإن مرضتش؟  
- همشي عادي جداً ولا كان حاجة حصلت ولا كآني شوفتك أساساً .  
- طب أنا مش موافق (قالها بابتسامة سخيفة) .  
- طيب حيث كدا بقى سلاموا عليكم .  
هم عصام بالخروج من المكتب قبل أن يلتفت إلى حسين مرة أخرى قائلاً  
بسخرية! :  
- تفكر التستر على مجرم وإخفاء أدلة الجريمة عقوبتها بكام النهارده؟  
- مجرم إيه اللي متستر عليه وجريمة إيه يا سيادة الرائد؟  
- اه أنا نسيت أقولك أنا متقدملي بلاغ بيقول إن المعداوي مات هنا في الأقصر  
وإنه كان قاعد في الفندق دا في الأوضة ٥٤ اللي سعادتك قافلها وإن آخر مكان  
تواجد فيه قبل الحادث هو الفندق بتاع حضرتك فلو مفتحتش الأوضة دلوقتي  
بيني وبينك هتضطريني أجيب إذن نيابة وأدخل عليك بدوشة وفضيحة ، المكان  
سمعة أنت عارف مش كدا ولا إيه؟  
احتد عصام وبدأ صوته يعلو وفي المقابل بدأ القلق يظهر على حسين وهو يسمع  
هذا الكلام ، تمالك أعصابه قليلاً وقال :  
- هفتحلك الأوضة بس ولا كأنك شوفتها أو شوفتني اتفقنا؟  
- اتفقنا .  
- اتفضل معايا وحاول محدش يشوفك .

صعدا إلى الطابق الثالث، فتح حسين الغرفة ودخل عصام أولاً ومن خلفه حسين الذي أضاء نور الغرفة ليجد عصام ما يبحث عنه النقش على الجدار كان منظرًا خرافياً جعله يقف مذهولاً أمام روعته فنظر إليه حسين وقال:

- عرفت حضرتك ليه أنا قافل الأوضة ومسحتش الرسمة .

- وليه مبلغتش الشرطة؟

- يا سيادة الرائد، الأمانة حلوة صحيح، بس الحياة أحلى بكثير .

- مين اللي هدك؟

- دي كمان مينفعش أقولك عليها ولو حد عرف إنك كنت هنا التمن هيكون حياتي .

- طب قولني مين؟ وأنا هحميك .

- يا فندم الموضوع أكبر مما تتخيل محدش يقدر على الناس دي صدقني .

ألقي عصام نظرة أخيرة على المنظر وأخرج هاتفه وصوره، بعدها طلب منه حسين الخروج ومغادرة الفندق بحجة أنه قد استاء من المعاملة هنا ولا يحاول إثارة شكوك العاملين بأنه قد دخل إلى الغرفة .

طوال طريق عودته إلى القاهرة كان يفكر عصام في المنظر الذي رآه جزء من محاكمة الموتى وبجواره قرص شمس بجناحين وفي المنتصف يوجد ثعبانين ونفس العبارة يجوار قرص الشمس المجنح ماذا تعني تلك الصور التي يرسمها القاتل على الجدار؟ ولكن الأهم الآن ماذا سيفعل هو بعد أن تأكد من كلام القاتل ومن أن المعدواي قد قتل في الأقصر بالفعل ولم يمت في القاهرة كما أذيع، أثناء محاولته للوصول إلى طريقة لحل ذلك اللغز أتته رسالة على الهاتف توقف على جانب الطريق وفتح الرسالة فوجده فيديو أرسل أيضاً عن طريق أحد مواقع الإنترنت فتح الفيديو فوجد لقاءً يجمع بين المعدواي وحامد وشخص ثالث لا

يعرفه كان الفيديو نسخة ثانية من الفيديو الذي أرسل إلى أمين حمايته، بعدما انتهى من مشاهدته أته رسالة أخرى: "الشخص الرابع مصطفى والخامس كمان مش موجود عندك لكن هتعرفه قريب" تباً، هل يعني ذلك وجود ضحيتين لم يقتلوا بعد، ما الذي يفعله أنه يساعد مجرمًا على القتل حتى وإن كان الضحايا مجرمين أيضاً ولكن ما يفعله الآن خيانة للأمانة التي يحملها منذ عمل في جهاز الشرطة، اللعنة على تلك القضية.

كان حسين يجلس في مكتبه يفكر فيما حدث اليوم وكيف سيهدد حياته إذا علم الآخرين بزيارة عصام ودخوله إلى الغرفة ودعا الله أن تمر الأمور على خير ولا يعرف أحداً بأمر تلك الزيارة نهائياً، رن هاتفه فوجد أن المتصل هي زوجته تتسائل عن موعد عودته فقد تأخر عن المعتاد فأخبرها أنه سيعود بعد نصف ساعة، خرج حسين إلى الاستقبال واطمئن على سير العمل وأخبرهم بأنه سيغادر وإذا جد أي جديد يتصلوا به فوراً، كان منهكاً من التفكير أو ربما أتعبه الخوف الشديد الذي بداخله فقد كان يتلفت حوله وهو يسير في اتجاه السيارة وشعر بأن قدمه ثقيلة حتى أن العامل أمام الفندق عرض عليه المساعدة وإيصاله إلى السيارة لكن شكره حسين وطمأنه أنه بخير، ركب السيارة وما أن أدار المحرك حتى انفجرت محدثاً دويًا شديداً هلع العاملين بالفندق وكل الحاضرين من هول الانفجار.

وصل عصام إلى المنزل حوالي الساعة الثالثة عصرًا استقبلته زوجته على الباب كعادتها بعناق حار وقبلة رقيقة وسألته إذا كان يريد أن يأكل أم أكل في الخارج كمعظم أوقاته فطلب منها أن تحضر له الطعام، دخلت الزوجة إلى المطبخ لتحضير الطعام بينما دلف عصام إلى الحمام وبعد ربع ساعة خرج فوجد الطعام على المائدة وزوجته وابنه في انتظاره جلس معهم وبعدهما انتهوا ساعد زوجته في تنظيف المائدة كعادته وخرج ليشاهد التلفاز أتت زوجته بعد قليل ومعها كوباين من الشاي وجلست بجواره تتابع معه التلفاز وقالت:

- بقولك إيه يا حبيبي عايزين نروح لماما النهارده؟
- خليها بكرة عشان أنا تعبان خالص أو روحي أنت ومودي ومتأخروش .
- لا خلاص خليها بكرة بقى .
- أمسك عصام يدها وقبلها في رفق وقال بصوت رقيق :
- يا حبيبي أنت عارفة أنا ببقى راجع تعبان خلي الزيارات في الإجازة .
- حبيبي هو أنت بتاخذ إجازات؟! (قالتها بمزاح) .
- أنا عارف يا حبيبي إن إجازاتي قليلة بس أوعدك لو مخدمش إجازة، اليوم اللي أخلص فيه بدري هنخرج، تعالى في حضني بقى .
- مودي قاعد .
- وإيه يعني عشان لما يكبر يعرف أن أبوه كان بيحب مامته أوي .
- بكاش أوي .
- خبر عاجل : مصرع مدير فندق بالأقصر بعد انفجار سيارته أمام باب الفندق ولا يوجد أي ضحايا أخرى .
- هب عصام من مكانه عندما شاهد الخبر على شاشة التلفاز وسمع المذيعة وهي تردد اسم الفندق، إنه نفس الفندق حسين كان على حق وأيضاً صاحب الرسائل على حق، لم يصدق أن زيارته تسببت في موت أحدهم بالفعل، من الواضح أن كل من اقترب من هذه القضية يعتبر في عداد الموتى ولكن، ماذا يجب أن يفعل الآن؟؟؟



## الفصل السادس

أربعة ظلال واقفون الظل الأول كان يبدو أنه ظل امرأة ينسدل شعرها على كتفها أما الثلاثة ظلال الأخرى فيبدو أنها لرجال، اقترب أيمن أكثر وسط رؤية معتمة خلفها الضباب الذي يغلف المكان محاولاً الاستماع لم يقولون لكنه لم يفلح فظل يراقب الموقف من بعيد والظلال تتحرك كان أصحابها تتعارك، يشعر أنه يعرف أحد تلك الظلال لكنه لا يستطيع التحقق من الوجوه، ظل من الظلال الثلاثة تحرك ناحية ظل الفتاة ورفع يده في اتجاهها، أحس أيمن بشيء قادمًا خلفه ولكنه كان أضعف من أن يلتفت ليعرف القادم، الأنفاس تقترب أكثر، وأكثر، أصبحت في أذنيه تمامًا حاول استجماع قوته والتفت فجأة، لم يجد شيئًا!!! التفت ليتابع الظلال من جديد:

- نبيها!!!!!!!!!!!!!!ان .

أته تلك الصبيحة من فم لم ير له وجهًا لتسقطه أرضاً .

اقتربت سلمى من نيهان الجالسة على السرير مضطربة المشاعر فرحة الوصول للذهب والخوف من أن يكون بالفعل ذهبها في تلك العلبة التي أعطتها سلمى إياها، نظرت في محتواها ورفعت رأسها لتجد سلمى وقد بدأت عيناها تفرغر بالدموع فسألتها:

- إيه دا يا سلمى؟

- دول أغلى حاجة في حياتي بس للأسف ولا حاجة فيهم فضلت أو هتفضل للأخر .

كانت نيهان تقلب في محتويات العلبة فوجدت بعض التذكارات وصور قديمة جداً تعود لطفولة سلمى وفي المنتصف صور لوالد سلمى تلتها صور لوالد نيهان تجمعهم بسلمى وصور لمحمد منذ كان صغيراً وحتى الآن، دمعت عينا نيهان وهي تنظر إلى الصور في تذكر ما لم ولن تنساه أبداً واحتضنت سلمى بقوة: " ربنا يرحمهم يا سلمى " ويكيا سوياً على وجع مشترك يمزق قلوبهما سألتها نيهان وهي تمسح دموعها محاولة الخروج من دراما المشهد الحالي:

- بس أنا مكتتش أعرف إنك بتحبي محمد أوي كدا؟

- أنا عمري ما حبيت ولا هحب غيره يا نيهان أنت عارفة إننا متربين مع بعض وإن لولا شغل بابا الله يرحمه عمرنا ما كنا هنتفرق أبداً بس حتى لما جيت هنا منسيتش ولما قعدت معاكوا في الدراسة حسيت إننا مش هنبعد تاني بس للأسف كالعادة رجعت هنا وبقيت لوحدي .

- سلمى هو محمد وعدك بحاجة؟

- لا بس أنا عارفة إنه بيحبني بس مش عايز يظلمني معاه فاكر إنه كدا بيريجني .

- طب وآخرتها يا حبييتي أنت مش هينفع تفضلي كدا مستنية حاجة ممكن متجيش .

- لا هستنى يا نيهان إن شالله العمر كله وهو هيجي أنا عارفة .



ضممتها نيهان إلى صدرها في حنان وهي لا تعرف هل تواسيها أم تعتذر لها عن موقف لا تدركه المسكينة حتى ولكنها شعرت من داخلها أنها مدينة بذلك الاعتذار لها يوماً ما .

اليوم الثاني :

خرجت نيهان وسلمى من الغرفة تلبية لنداء العمة التي ضاع صوتها في الهتاف عليهن لكن كانتا مشغولتان في الحديث ولم يسمعن نداءها، ذهبتا إلى المطبخ حيث كانت تقف العمة تحضر الغداء طلبت منهن المساعدة للانتهاء قبل أن يعود الشابان من الخارج فسألت نيهان باستغراب :

- هما راحوا فين أصلًا يا عمتو؟

- معرفش يا بنتي والله أشرف اتصل بمحمد وبعدها نزل .

- تفتكري راحوا فين يا سلمى .

همست نيهان بجنح إلى سلمى التي ردت باستنكار :

- وأنا معرف منين يعني ما أنا كنت معاك في الأوضة طول اليوم .

ضحكت نيهان بصوت عال فالتفتت إليهم العمة :

- في إيه يا بنات .

- ولا حاجة يا عمتو سلمى اتلست بس .

نغزتها سلمى في كتفها وهي تتمتم :

- حسابك معايا لما نبقى لوحدنا .

ضحكت نيهان مرة أخرى بعد تلك الجملة، لأول مرة تشعر بذلك الارتياح منذ وفاة والدها ولأول مرة منذ ضياع ذهبها تفرح لأنها لم تجده قررت أن تنسى الذهب والأحداث التي تمر بها ولو لمدة يوماً واحد تقضيه مع أقرب الناس إليها وأحبهم إلى قلبها .

عاد أشرف ومحمد بعد حوالي ساعتين وكانت العمّة بمساعدة البنات قد انجزا الغداء فوضع على السفرة واجتمع حولها الخمسة أفراد يتناولون طعامهم وهم يتناوبون الحديث عن المواقف المضحكة التي جمعتهم سابقًا فيعلو صوت ضحكاتهم، ضحكات لم تسمع منذ مدة طويلة ربما كانت نيهان قد نستها منذ أن فقدت الذهب وبعدها فقدت الأعلى والذي لن تستطيع إعادته أو حتّى تعويضه بأي شيء .

انتهى الجميع من الغداء وبدأوا بتنظيف السفرة ودخلت سلمى إلى المطبخ لتغسل الصحون ونادت نيهان على محمد وأخذته ودخلت به إلى غرفة سلمى وسألته :

- أنت كنت فين طول النهار؟

- مفيش زفت دا كلمني عديت عليه وقولتله إنه مفيش حاجة هنا وبعدين روحت لأشرف .

- محمد أنا عايزة أتكلم معاك في موضوع .

- موضوع إيه؟

- أنت هتعمل إيه مع سلمى؟

يعني دا وقته ولا مكانه يا نيهان!!

اه يا محمد وقته ومكانه البت متبهدة على الآخر وأنت كمان بتحبها مستني إيه بقى؟

- لما أظمن عليك الأول نبقي نشوف الموضوع دا .

- يا محمد طب رسيها على بر حتّى .

- أنتى عارفة يا نيهان أنا مبجش أعلق حد بيا أنا لما أكون جاهز هتكلم مع عمته على طول .

- لا يا محمد هتكلم عمته النهارده قبل ما نسافر .
- أنت مجنونة يا نيهان إزاي يعني؟ إحنا في إيه ولا في إيه؟
- محمد أنا بقالي كتير مفرحتش بالله عليك فرحني وأفرح أنت وسلمى كمان .
- يا حبيبي مش وقته .
- لا وقته وبعدين هو إحنا هنعمل فرح يا محمد دي قراية فاتحة بس يا حبيبي .
- والله العظيم أنت مجنونة .
- هاهاها ما وايه الجديد يعني يلا عشان عمك بقالها ساعة بتنده .
- تعانقا قبل أن يخرجوا من الغرفة وشعرت نيهان بداخلها بشيء من الارتياح وإن هذا أفضل اعتذار تقدمه لسلمى على ما اقترفته في حقها ومن ناحية أخرى فهي حقاً تريد أن تشعر بالفرحة تدخل إلى بيتهم بعد أن غابت لفترة طويلة، جلس محمد بجوار العمه وطلب أن يتحدث معها هي وأشرف على انفراد فطلب أشرف من سلمى الدخول إلى غرفتها وتبعها نيهان بعد أن شعرت بإحراج أشرف من أن يطلب منها ذلك، بعد أن تأكد محمد من دخولهن إلى الغرفة التفت إلى عمته وأشرف قائلاً بخجل :
- عمته أنا عايز أتكلم معاك في موضوع بس مش عارف أبدأ منين .
- خير يا حبيبي .
- بصراحة يا عمته أنا .
- لا يستطيع أن يكمل الجملة ونظر في الأرض خجلاً فابتسمت عمته ولكن أشرف لم يستوعب شيئاً فسأله :
- فيه يا محمد ما تتكلم يا جدع .
- حاول الهدوء واستجمع شجاعته وقال بسرعة حتى أنهم فهموا الجملة بصعوبة :

- بصراحة أنا عايز أتجوز سلمى .

فوجئ أشرف بكلامه على عكس والدته التي كتمت سعادة بداخلها (الأسرار دائماً لدى السيدات، يجتمع مائة رجل في مجلس ولا يدركون شيئاً أدرسته السيدة الوحيدة في الغرفة) نظرت إليه وسألت سؤالاً تعرف إجابته مسبقاً :

- وسلمى عارفه إنك هتطلب مني طلب زي دا؟

- والله أنا وسلمى ما اتكلمنا في حاجة زي دا أبداً أنا حتى مقولتهاش إنني عايز أتجوزها .

ابتسمت العممة ونظرت إلى ابنها الذي لم يستوعب بعد :

- إيه رأيك يا أشرف؟

لم يتوقع أن تسأله والدته سؤالاً صريحاً أمام محمد فارتبك قليلاً قبل أن يرد بنجمل :

- والله يا أمي محمد ابن خالنا وراجل محترم وميتعايش وبعدين الرأي رأيك يا حاجة .

نادت الأم على سلمى فخرجت ومعها نيهان التي لم تخبرها بما يحدث في الخارج حتى يرى محمد تلقائية المفاجأة عليها فهي لا تحدث إلا مرة واحدة في العمر .

- نعم يا ماما .

- محمد ابن خالك طالب إيدك إيه رأيك؟

لم تكن الأم لتسأل سؤالاً كهذا أمام محمد إلا لأنها تعلم الإجابة مسبقاً رغم أن ابنتها لم تفصح عن حبها لأحد ولكن من يشعر بالفتاة سوى الأم، وقفت سلمى مصدومة بعض الشيء وكأنها لا تصدق ما تسمع إعادة عليها الأم سؤالها فنظرت سلمى إلى الأرض في خجلود خلت إلى الغرفة مهرولة وأغلقت الباب خلفها وبدأت تقفز في الغرفة في سعاد كبيرة أما في الخارج فكان محمد هو

الآخر يقفز بسعادة في داخله ولم يسعفه المكان ليفعل مثلها نظرت نيهان إلى عمته في سعادة وهي تقول :

- أظن يا عمته ردها واضح نقول مبروك بقى؟

- أنا عمري ما هأمن لحد على بنتي غير لمحمد .

قالتها وهي تنظر إليه بودٍ وحب يطلان من عينيها فضمها محمد إلى صدره وقال بلهفة :

- نقرأ الفاتحة بقى .

- ماشي هنقرأ الفاتحة بس هتيجي ونقرأها تاني عشان أعمامها ميزعلوش دي الأصول .

- يا عمته أنا مستعد أنزل أقرأها مع واحد واحد في الشارع .

ضحك الجميع على ما يقوله حتى أشرف الذي تفاجأ من قصة الحب السريعة التي شهدها الآن ولكنه كان يعلم كوالدته بأن محمد هو الوحيد الذي يستطيع الحفاظ على أخته، دخلت نيهان إلى غرفة سلمى لتخبرها بأنهم سيقراون الفاتحة وحينما دخلت وجدتها تقفز في سعادة غامرة وما أن رأتها سلمى حتى احتضنتها بشدة وقبلتها وهي تبكي من الفرح :

- أنا مش عارفه أقولك إيه يا نيهان .

- تقولي لي إيه في إيه يا بنتي هو أنا اللي هتجوزك هاهاها .

ضمتها سلمى مرة أخرى ولم تخبرها بأنها كانت تنصت إلى حديثها مع محمد من خلف الباب ولكنها ستظل تدين لها طوال عمرها بذلك الفضل ، بعد قراءة الفاتحة اتصلت نيهان بأختها نور لتصل السعادة عبر الأثير إلى القاهرة .

" إذا لم تمنحك الحياة السعادة، فلتنصع أنت عالمًا من السعادة حولك " هذا ما فعلته نيهان صنعت عالمًا من السعادة حولها حتى وإن كانت تعرف بأنها سعادة

مؤقتة لن تدوم فبالنسبة لها بعد يوم واحد ستعود إلى القاهرة لتبدأ رحلة جديدة مع ذهبها المفقود وعالمًا غريبًا دخلت إليه أو هو من أدخلها عنوة إليه لا تدري أيهما أصح ولكن في النهاية هي موجودة في ذاك العالم .

\*\*\*\*\*

لم يستوعب أيمن ما رآه في المنام ولكنه سئم تلك الأحلام أو بمعنى أصح تلك الكوابيس نهض من فراشه فوجد الساعة تشير إلى الرابعة فجرًا وضع " الكناكة " على النار ودخل إلى الحمام وخرج بعدها ليصب الشاي وجلس على الطاولة وفكر في أمر الحلم الذي رآه وخطرت له فكرة لماذا لا يدون تلك الأحلام في مفكرة ربما يرسم منها حدثًا معينًا أو يعرف من هي نيهان إذا تتبع ترتيبها أعجبته الفكرة وإن كانت ستسغرق وقتًا ولكنه اعتدل في جلسته وأحضر مفكرته " لا المفكرة يمكن تتضيع أنا أكتبها على اللاب أحسن " شيئًا ما ارتاح لهذا الهاجس الذي غير رأيه عن الكتابة في المفكرة فتح اللاب وقرر أن يكتب منذ الحلم الأول وصولًا إلى الحلم الذي رآه منذ قليل، بعد فترة شعر بأن أحدًا يراقبه أو ينظر إليه من الخلف لكنه حاول أن يبعد الفكرة عن رأسه وأقنع نفسه بأنه تأثير الكابوس الذي راوده منذ قليل رفع كوب الشاي كي يرتشف منه رشفة قبل أن يبرد لكنه وجد أن الكوب قد فرغ نصفه انتفض في فزع نظر إلى الكوب مرة أخرى لكنه حاول تمالك أعصابه ربما قد شرب وهو منهمكًا في الكتابة ولم يتذكر وبالفعل أخذ رشفة ولكن وجده قد برد بالفعل فوضعه جانبًا وعاد ليكمل الكتابة، بعد عشر دقائق لاحظ بطرف عينيه دخانًا خفيفًا نظر ليرى مصدر الدخان فوجد كوب الشاي وقد امتلأ ويخرج منه بعض البخار الخفيف " وبعدين بقى " قالها في نفسه بخوف وإن كانت تبدو بنفاذ صبر، الخوف تملكه ولم يستطع السيطرة على أعصابه هذه المرة، قرر أن يسمع بعض القرآن وإذا كان هناك روحًا أو شيطانًا فسيخرج وإن كانت هواجسه هي التي تسيطر عليه فسيطمئن قلبه مرت ربع ساعة وبالفعل اطمئن وهذا المكان ولم يعد يشعر بشيء، احتاج إلى دخول الحمام قام من مكانه ودخل إلى الحمام أفرغ مثانته وخرج، عند باب الحمام لمح خيالًا على المقعد أمام اللاب توب ثم بدأ

يسمع صوت طقطقة أزرار لوحة المفاتيح وقف مكانه مذهولاً وهو ينظر إلى الخيال ويسمع الصوت الذي يعلو أكثر فأكثر من سرعة الكتابة شعر وكان لوحة المفاتيح تنتكسر من قوة الضغط وسرعته مرت حوالي خمس دقائق حتى توقف الصوت تماماً وتلاشى الخيال، اقترب من الطاولة ببطء محاولاً أن يطل على شاشة اللاب من بعيد لكنه لم يستطع الرؤية اقترب أكثر ولكن الصفحة فارغة ولم يكتب بها سوى كلمة واحدة بخطاً كبير في منتصف الصفحة فيها!!!!!!!!!!!!!!!!!!!!!!ان وقف أيمن في مكانه ولم يحرك ساكناً يشعر بأنه قد فقد النطق وربما القدرة على الحركة أيضاً عينيه معلقة على الصفحة الفارغة إلماً من اسمها (نيهان) من هي تلك الفتاة التي تزوره مستيقظاً أو نائماً وماذا تريد؟

اقترب أيمن من الطاولة وجد كوب الشاي فارغاً شعر بدوار فاستند إلى الكرسي ولكنه أبعد يده سريعاً عندما شعر بحرارة المسند لم يعد يتحمل أكثر ارتدى ملابسه ونزل سريعاً إلى الشارع، في لأحد المقاهي كان يجلس وأمامه فنجاناً من القهوة محاولاً تهدئة أنفاسه أشعل سيجارته وأخرج اللاب توب الخاص به بتردد وخوف ووضع على الطاولة وبدأ يتحسس أزرار لوحة المفاتيح وكأنه يطمئن بأن الروح لم تعد فيها وضغط زر التشغيل وعندما فتح الملف وجده فارغاً ولا توجد أي كلمات مكتوبة فيه "إيه الجنان دا" قالها بصوت مسموع وبدأ في تكلمة الكوابيس التي تراوده كما يراها حتى انتهى من كتابة كل شيء وجد الشمس قد سطعت بوضوح في السماء فلملم حقيقته ودفع حساب ثلاثة فناجيل من القهوة كان النادل قد أحضرها بناء على طلبه، غادر متجهاً إلى العمل وكان أول الواصلين إلى الجريدة دخل إلى مكتبه، مرهقاً من قلة النوم استلقى على المقعد وغط في نوم عميق حتى أيقظه شاكر ضاحكاً على منظره وساخراً منه:

- إيه يا بني هي طردتك ولا إيه؟

- هي مين؟ قالها أيمن بجديّة .

- أنا عارف!! بس دي نومة واحد مطرود من البيت .

- لا أنا معنديش حد يطردني زيك .
- ومين قالك إني بتطرد عمرك جيت لاقيتني نايم في المكتب !!
- شاكر فكك على الصبح وشوف وراك إيه أنا مش ناقصك .
- رن التليفون الموضوع على مكتبه منذ عام ١٩٩٠ تقريباً، رفع أيمن السماعة ليجد رئيس التحرير يستدعيه إلى مكتبه فقام بكسل متمماً " عايز إيه أنت كمان على الصبح " دخل إلى رئيس التحرير وألقى التحية بعدم اهتمام لاحظته رئيس التحرير لكن لم يعلق عليه :
- مالك يا أيمن ! منمتش كويس ولا إيه؟
- لا منمتش كويس .
- طب تحب تروح ترتاح؟
- لا شكراً ياريس أنا تمام .
- سمعت عن قضية بني سويف؟
- قضية إيه؟
- فيه راجل انتحر هناك بس الغريب إنهم لقوا نفس الرسمة اللي كانت موجودة في شقة الراجل اللي انتحر هنا فآكره؟
- اه مصطفى ماله!
- ماله إيه يا أيمن !! أنت اللي مالك يا بني أنت منمتش كويس ولا شارب حاجة ولا فيك إيه؟
- معلش يا ريس بس أعصابي تعبانة شوية، حضرتك قولتلي إنهم لاقوا نفس الرسمة في الشقة برضو دا معناه إن مصطفى ليه علاقة بمحماد صح؟
- نظر إليه رئيس التحرير باستغراب وسأله :



- أنت عرفت منين إن اسمه حماد؟
- أنا قولت حماد!! مش عارف يا ريس أهو اسم جيه على لساني ممكن أكون شوفت أخبار القضية إمبراح بس مش مركز .
- ممكن برضو ، المهم أنا باعتلك عشان تعمل تحقيق عن علاقة مصطفى بجماد لو فيه علاقة بينهم أو تجيلي سر الرسمة المشتركة بينهم .
- حضرتك أنا صحفي فن مش تحقيقات .
- لا ما هو أنا نقلتك من النهارده هتبقى صحفي تحقيقات ودي أول قضية ليك .
- تمام يا ريس هتكل أنا بقى عشان أخلص التحقيق .
- هتكل !! أنت مش مطبوط يا أيمن النهارده .
- عادي يا ريس عن إذنك .
- خرج أيمن وانجه إلى مكتبه في قسم الفن ليللمم أشياءه فوجد شاكر لا زال يتحدث مع زملائه في مواضيع ساخرة فتجنبهم وجمع كل ما يخصه في المكتب وسط استغراب الموجودين وقبل أن يغادر سأله شاكر :
- أنت ماشي ولا إيه؟
- اه ماشي بس متخفش في مصر مبيطردوش اللي بينام في الشغل .
- يعني إيه؟
- يعني لو أعرف كدا كنت نمت هنا من زمان هاها اليوم اللي أنام فيه في المكتب عملي اللي أنا عايزه ويوديني التحقيقات .
- ألف مبروك يا أيمن .
- الله يبارك فيك يا شاكر ومتزعلش مني عشان اتعصبت عليك الصبح أنا بس مزاجي وحش شوية .

- ولا يهملك يا عم وبعدين كلنا بتأكل عيش مع الحريم هما دول حد بيقدر عليهم .

\*\*\*\*\*

في مبني مديرية أمن القاهرة كان عصام يجلس بجوار مدير الأمن وأمامهم صور الرسومات الثلاث التي وجدت في غرف الضحايا والي جانبهم ملفي قضية مصطفى وحماد جلسا يتفحصان الصور والملفات وقال عصام :

- إحنا عندنا ٣ رسومات يا فندم بيجمعهم شيء واحد وهو المنظر دا واللي اتضح إنه جزء من محاكمة الموتى بيتسمى وزن القلب والثلاثة مرسوم قلبهم أنقل من ريشة ماعت ودا معناه أنهم كانوا فاسدين بس بقيت الرسمة مختلفة عند الثلاثة مصطفى اترسم جنب الجزء دا معبد وحماد اترسم جنبه الصقر حورس زي ما عرفنا والمعداوي اترسم جنب الجزء بتاعه قرص الشمس المنحج والثلاثة اتكتب جنبهم بالهيروغليفي برضو " قلبك لم يكن صالحا فالتهمتكت أمت " أظن يا فندم إننا قدام قضية انتقام واضحة بدون شك بس الغريب ليه القاتل بيرسم الرسم الفرعوني دا وإشمعنا اختار محاكمة الموتى بالذات؟

- طبعي يا عصام واحد بيتتقم يبقى أكيد واخذ الرسمة كرمز لمحاكمتهم بس مش دا السؤال المهم ، السؤال المهم دلوقتي هو إيه الربط بين الأربعة والفراعنة؟

- وأنا في بني سويف القهوجي قالي إن في إشاعة طلعت على حماد لما ساب البلد إنه لقي كنز واعتقد أن دا بيوضح إيه العلاقة بينهم هما الأربعة لكن اللي مش فاهمه هو علاقة القاتل بيهم لأنه لو كان شريك معاهم فأعتقد احتمال أنهم قسموا هما الأربعة وسابوه فحب ينتقم منهم احتمال مستبعد جدا .

- دا صحيح لأن صعب أربعة يتفقوا على واحد أو ملهاش داعي لأنهم لو عملوا كدا فكان الأسهل إنهم يتخلصوا منه سيبك من علاقتهم بالقاتل دلوقتي إحنا عندنا مشكلتين أكبر حاليًا الأولى أن عامر هو الضحية الجاية ولازم نلحقه

عشان يتحاسب بعد ما نقبض على القاتل والثانية قتل المداوي ليه اتكتموا عليه ومين عمل كدا بالسهولة دي؟

- قتل المداوي محدش يقدر يتكتم عليه غير واحد بس حضرتك عارفه .

- أبوا طب وهو ليه عمل كدا هيستفيد إيه؟

- دا اللي أنا مش فاهمه بس هروحله يمكن أقدر أفهم أي حاجة؟

- معقدش إننا هنطلع منه بحاجة .

- هحاول يا فندم ولازم أخليه يتكلم إن شاء الله .

- ربنا معاك يا عصام، اه ياريت نخلي الزيارة ودية لأبعد حد مش عايزين مشاكل مع مجلس الشعب .

- حاضر يا فندم، بعد إذنك عشان لسه ساعة على ميعادي معاه .

- اتفضل يا عصام .

لمم عصام ملفات القضية وخرج من المكتب بعد أن أدى التحية لمدير الأمن ونزل إلى الشارع راكباً سيارته في اتجاهه للقاء الشخص الوحيد الذي يعرف السر وراء إخفاء قتل المداوي في الأقصر .

أمام أحد القصور الفخمة الموجودة في مدينة ٦ أكتوبر توقفت سيارة عصام الذي لفت انتباهه الثراء الفاحش الذي يظهر في أشكال البناء والقصور وسأل نفسه سؤالا يعرف إجابته جيدا " هل يمكن أن يسكن المرء هنا يوماً ما؟ " وكانت الإجابة بالطبع لا فتلك البناءات ليست لمن يقبض مرتبه من موظف الحسابات أو من شؤون الموظفين بل هي لمن يحول ربحه من البورصة على إحدى حساباته في البنوك أو لمن يبيع بلده في تابوت ليقبض حفنة من تراب وإن كانت تلك الحفنة تقف أمامه شاحنة في هيئة قصر ولكنها في النهاية لا تسوي أكثر من حفنة تراب أمام شموخ بلده، أتاه فردين من الأمن فأخبرهم بأن لديه موعد ثم أخبرهم باسمه لينقله أحدهم إلى شخص آخر عبر اللاسلكي الذي

يحملة لثأتيه الموافقة بدخوله عبر نفس الجهاز، دخل عصام وتوقف أمام باب القصر ليصطحبه أحد الحراس الواقفين بعد أن طلب منه أن يترك سلاحه في السيارة حتى يعود كإجراء أمني فوافق عصام على مضمض، أوصله الحارس إلى داخل القصر وتركه في الصالون مخبراً إياه بأن سيده سيأتي بعد قليل، ظل عصام يقف متفرجاً على روعة القصر وفخامة ديكوره فكل قطعة فيه تأخذه إلى بلد مختلفة بثقافة مختلفة فأمامه يشاهد بعض التماثيل التي تشهد على عظمة المصري القديم وفي الزاوية تماثيل تحت في إيطاليا وتحت قدميه سجادة مصنوعة في فرنسا أشهر دول أوروبا في صناعة السجاد وعلى الجدار لوحة رسمت في إسبانيا تجسد إحدى معارك الأندلس مع تناسق مبهر في الألوان وتجسيد رائع للأشخاص بدأ يشعر وكأنه في متحف وليس في قصر يمتلكه أحد الأفراد، رغم عدم معرفته بالدول التي أتت منها كل تلك القطع إلا أنها تكشف عن عظمة وفخامة واضحين، بعد قليل دخل شخص طويل أبيض الوجه وسيم إلى حد ما يمتلك هيئة شعر بها رغم كونه ضابطاً في الشرطة وبجانبه يسير رجل يبدو أنه الحارس الشخصي له، دخل الرجل وسلم عليه في لطف ثم سأله:

- حضرتك طلبت تقابلني، خير؟

- ممكن نتكلم على انفراد.

أمر الحارس الشخصي بالخروج والتفت إلى عصام في نظرة تشير إلى تكلمة الحديث.

- أمير بيه أولاً البقاء لله على وفاة الوالد.

- شكراً يا سيادة الرائد، خير؟

- كنت حابب أعرف الوالد مات إزاي؟

- البلد كلها عارفة الوالد مات إزاي يا عصام بيه، حضرتك أكيد مش جاي عشان تسألني هو مات إزاي.

- لا هو في الحقيقة أنا جاي عشان كدا فعلاً .
- مش فاهم ، الناس كلها عارفة إن والدي مات بأزمة قلبية في المستشفى .
- اه فعلاً البلد كلها عارفة دا ، بس أنا بسأل عن اللي الناس متعرفوش .
- مش فاهم قصدك !!
- أخرج عصام علبة سجائره ومد يده بواحدة إلى أمير لكنه رفض فأشعلها هو ، أخرج أمير سيجاراً كوييا من علبة موضوعة على الطاولة بجواره وأشعله فنظر إليه عصام وقال ساخرًا:
- ساحني معلش فاتتني دي ، فعلاً السجاير متركبش مع القصر .
- عصام بيه حضرتك عايز إيه بالظبط؟
- ما أنا قولت لحضرتك ، عايز أعرف الوالد مات إزاي؟
- مات بأزمة قلبية حاجة تانية؟
- وهي الأزمة القلبية تخليه يقدر يجي سايق عربيته من الأقصر للمستشفى بتاعته؟!
- ملح عصام توتر بسيط بدا على أمير بعدما أنهى جملته لكن سرعان ما بدده أمير وقال بنبرة واثقة وساخرة:
- الاقصر . . وايه اللي هيخلي والدي يروح الاقصر ولو مات هناك ايه اللي يخليني اخبي حاجة زي دي؟
- ما دا اللي حضرتك هتقوله دلوقتي .
- عصام بيه واضح إنك جاي تهزر وأنا مش فاضي للكلام دا .
- قام عصام من مكانه ووقف مباشرة أمام أمير الذي ظل جالساً وانحنى بجسده لتصبح عينيه في عين أمير مباشرة وقال بكثير من الجدية .

- أمير بيه أنا مبهزرش ولا بقول كلام فاضي والدك اتقتل في الأقصر وأنا وأنت عارفين إن دي الحقيقة بس أنا مش فاهم أنت عملت كل دا ليه؟

- اتفضل يا عصام بيه الزيارة انتهت وأكثر من كدا أنا هصعد الموضوع، واضح أنت مش عارف بتتكلم فين ولا مع مين .

قالها أمير وهو يقف من مكانه ويبدو على وجهه غضب شديد .

- لا عارف، بتكلم مع أمير محمود المعداوي في قصره الفخم أمير ابن محمود المعداوي اللي اتقتل في الأقصر ومحدث يعرف اتقتل ليه ومين قتله وابنه مش عايز يعرف مين اللي قتله حتى، مش غريبة دي؟

- اتفضل يا سيادة الرائد .

خرج عصام من الغرفة وتبعه أمير ببصره حتى اختفى عن ناظريه بصحبة الحارس الشخصي، أخرج هاتفه وأجرى اتصالاً لم يحو سوى جملة واحدة فقط قالها للشخص على الطرف الآخر بهدوء يسبق عاصفة ستحدث قريباً "تعالالي حالاً" وأغلق الخط في وجهه، لم يخرج عصام من المقابلة خالي الوفاض وبالرغم من أن أمير مصمم على أن والده لم يقتل إلى أنه فهم الآن لماذا ينكر أمير مقتل والده أو الأصح أن أمير قد أكد له شكوكه، في طريقه إلى مديرية الأمن رن هاتفه برسالة جديدة " أمير مش هيتكلم بس أنا هقولك تخليه يتكلم إزاي " لم يفهم شيئاً من الرسالة فهي لغز وليست وسيلة مساعدة كيف سيحبر أمير على الأدلاء بالحقيقة كما يدعي صاحب الرسالة!!

\*\*\*\*\*

في الصباح أنت رسالة إلى أيمن تحتوي على رابط لأحد المواقع فتحه ليجد تقريراً يتسائل صاحبه عن حقيقة مقتل المعداوي ومرفق معه الصور التي أرسلت له سابقاً لجثة المعداوي وسيارته المحطمة ومعها صورة توضح جدار الفندق الذي اصطدمت به السيارة بينما يقرأ أيمن التقرير رن هاتفه الجديد ليخبره صاحب الرسائل بأن يكتب الموضوع نقلًا عن ذلك الموقع وأيضاً سيرسل له بعض

الصفحات على الفيس بوك تتحدث عن الواقعة وتحمل بعض الصور على أن يشمل تقريره الربط بين تلك الحادثة وحادثتي مصطفى وحماة بصور الرسومات على جدران منازلهم وأخبره بأن عليه التواصل مع الرائد عصام في مديرية أمن القاهرة، انتهت المكالمة وأكمل أيمن قراءة التقرير وبدأ في كتابة تقريره الشخصي عن الحادثة محاولاً المحافظة على عدم إظهار معرفته السابقة بالحادث حتى لا يعرض نفسه للخطر أو المسائلة القانونية.

\*\*\*\*\*

رن هاتف عصام وهو في مكتبه فتح الرسالة ليجدها رابطاً لأحد المواقع وبالأسفل كتبت جملة واحدة "أنا مهخلي أمير يتكلم بس ياريت تحقق العدالة" ضغط على الرابط بسرعة ليجد ما لم يصدقه صور للمعداوي وهو داخلاً وخارجاً من الفندق وصور أخرى للحادثة من بداياتها وحتى الدماء التي تغطي وجه المعداوي وفي النهاية فيديو للحادثة بالكامل ويظهر فيه عامر واقفاً أمام السيارة متأثراً بموت المعداوي، حفظ عصام الفيديو والصور على هاتفه وذهب إلى مكتب مدير الأمن وأطلع على الموقع والرسالة طلب منه مدير الأمن أن يرسل الرابط سريعاً إلى اللجنة الإلكترونية لمتبعه ومعرفة مصدر الموقع أو الناشر أخبره عصام أنه فعل ذلك بالفعل عندما أطلع على الموقع لكن النتيجة كانت سلبية الموقع مصدره إحدى الدول الأوروبية وليس في مصر وذلك متوقع بالنسبة للتعامل مع شخص محترف في الاختراق، نحى عصام التفكير في القاتل جانباً وركز على أهمية الرسالة فهما الآن يملكان دليلاً قوياً يجعلهم يفتحون قضية المعداوي قانونياً واستدعاء أمير ابنه للإدلاء بأقواله حول الصور والفيديو الذي يوضح وجود المعداوي في الأقصر والحادثة بالتفصيل وافقه مدير الأمن الرأي ولكن طلب منه عدم التسرع قبل معرفة صحة الصور والفيديوهات، عاد عصام الي مكتبه ليجد في انتظاره أيمن واقفا امام الباب عرفه بنفسه بأنه صحفي تحقيقات يبحث في قضية مقتل المعداوي صدم عصام عندما سمع تلك الجملة وطلب منه الدخول إلى المكتب خلفه، دخل أيمن المكتب متردداً أو خائفاً

من نظرة عصام حينما أخبره بقتل المداوي ولكن عصام أزال خوفه قليلاً عندما سأله :

- تشرب إيه يا استاذ أيمن؟
  - لا شكراً يا فندم مش هقدر .
  - يا راجل قول تشرب إيه عيب أنت في مكنتي .
  - لو ضروري يبقى قهوة مطبوظ يا فندم .
  - صول محمد يا صول محمد .
- دخل الصول محمد وأدى التحية العسكرية بحماس فطلب منه عصام فنجارين قهوة مطبوظ وأن لا يزعجه أحد حتى ينتهي من مقابلته مع استاذ أيمن .
- خير يا استاذ أيمن قولتلي إنك جاي بخصوص المداوي؟
  - أنا هحكى لحضرتك الحكاية من أولها يا فندم .
- روى أيمن الحكاية منذ زيارته الأولى إلى الأقصر لتغطية اكتشاف المقبرة مروراً بالحادثة وما حدث معه أثناء الزيارة الثانية ومطاردة الأمين سعيد له والشخص الذي يرأسه وحتى الرسالة الأخيرة التي تحمل رابطاً لأحد المواقع .
- بس يا فندم دا كل اللي حصل .
- كان عصام يستمع إليه في اهتمام شديد وهو يفكر في الشخص الذي يرأسهم معاً والأحداث الغريبة التي حدثت في الأقصر وكيف تمت عملية إخفاء موت المداوي وسأله :
- إيه اللي خلاك متأكد أنه اتقتل مش ممكن تكون حادثة عادية؟
  - لو حادثة عادية يا فندم يبقى مين اللي رسم الصورة اللي على الحيطه ونفس الرسمة في الشقتين التانيين، فيه ترتيب وتسلسل واضح يا فندم .



- دا صحيح ، متعرفش أي حاجة عن الشخص اللي بيعتلك الحاجات دي؟
- خالص يا فندم حتى بيكلمني من رقم برايفت .
- أممممم هو واضح إنه عايز يوصلنا لسر كبير وغالبًا هيكون هو الدافع ورا قتله ليهم .
- اعتقد السر ليه علاقة بالآثار خصوصًا أن الرسم في الـ ٣ مرات واحد .
- دا نفس اللي كنت بفكر فيه بس مش عارف هو ليه بيقتلهم وملجاش للقانون!
- هو بيحارب ناس أقوى منه بنفوذهم وعلاقاتهم ممكن يكون مش عارف يأخذ حقه منهم بالقانون متزعلش مني يا فندم بس اللي أنا شوفته في الأقصر بياكد دا .
- أمممم في تجاوزات بتحصل دا صحيح بس دا مش معناه أن كل واحد ياخذ حقه بدراعه وإلا هتبقى فوضى وبلطجة .
- عندك حق يا فندم ، بس حضرتك هو طالب مني أكتب مقال عن الموضوع دا أسأل فيه عن قضية المعدادوي وإزاي الحادثة ما تمش الإعلان عنها وأطالب الداخلية بالرد على الأسئلة دي .
- أنا كمان عايزك تعمل كدا دا هيفيدنا في فتح التحقيق باعتبارها قضية رأي عام وساعتها أمير هيقى مطالب بالإجابة على اللي حصل في الأقصر .
- يعني أكتب المقال يا فندم؟
- أنت قلقان كدا ليه يا أستاذ أمين؟ متخافش إحنا من دلوقتي هنشغل في القضية مع بعض وهنتسق كل حاجة سوا .
- تمام يا فندم ممكن أسأل سؤال .
- أكيد طبعًا افضل .

- تفتكر حضرتك أمير ليه علاقة بالموضوع دا؟

- مش عارف بس أعتقد إنه ممكن يكون ليه علاقة أو إنه بيخبي حاجة كبيرة أبوه كان متورط فيها ودا الاحتمال الأقرب؛ لأن أمير مفيش عليه أي غبار لحد دلوقتي .

- أنا كمان دا إحساسي .

- بص يا أيمن من دلوقتي هتواصل مع بعض واللي بنقوله هنا غير قابل للنشر مفهوم .

- مفهوم يا فندم .

- اه وأول ما القاتل يكلمك تعرفني على طول .

- حاضر يا فندم .

\*\*\*\*\*

قاتل بلا سلاح :

نحن اليوم بصدد حادثة تمتلك من البشاعة ما يكفي لتكون حادثة العام، نحن أمام قاتل متسلسل جديد في مصر التي نادراً ما نرى فيها ذلك النوع من الجرائم، القاتل يملك في رصيده اليوم ثلاث ضحايا ولكن ما يجعل تلك القضية هي الأبعث أن القاتل لم يقتل ضحاياه بيده! نعم القاتل لم يغمس يده في دم الضحايا بل برأ من دمهم براءة الذئب من دم ابن يعقوب ولولا تلك الرسومات على جدران غرف الضحايا المتشابهة أو لنقل بأنها متطابقة سوى في اختلاف بسيط ما كنا لنعرف أنها جرائم قتل لقاتل متسلسل محترف، القاتل لم يترك أي أثر له في مواقع الجرائم الثلاث لم يترك سوى رسماً على الجدار يشير إلى محاكمة الموتى في العصر الفرعوني كما نرى في الصور بالأسفل ولكن ماهو أبعث من الجريمة أن إحدى تلك الجرائم قد تم إخفائها بواسطة شخصاً ما! لم يتم معرفة سر الحادث إلّا عن طريق موقع غامض لم يستدل على صاحبه حتى الآن ولكنه رجلاً أراد للسر أن ينكشف، رجل الأعمال المعروف محمود

المعداوي أول ضحايا القاتل وجد الرسم في غرفته التي كان يقيم بها قبل وفاته إثر اصطدام سيارته بجدار أحد الفنادق كما يوضح الفيديو بالأسفل ، السؤال هنا لماذا تم إخفاء الحادث؟ لماذا تم الإعلان عن وفاة رجل الأعمال بأزمة قلبية في إحدى المستشفيات التابعة له؟ من وراء إخفاء الحادث وإعلان خبر الوفاة بأزمة قلبية؟

الضحية الثانية هو مصطفى ٣٥ عاماً أحد الدجالين المشهورين في منطقة شعبية بالقاهرة وجد متحرراً بالحبة القاتلة كما أخبرت التحقيقات وجد الرسم على جدار غرفة نومه أيضاً الضحية الثالثة حماد ٤٥ عام مقاول من بني سويف وجد متحرراً برصاص مسدسه ووجد الرسم للمرة الثالثة على جدار غرفة بمنزله .

من هو القاتل؟ ولماذا يقتل الضحايا أنفسهم؟ كيف يوصلهم للانتحار دون أن يغمس يده في دمهم؟ ولعلنا يجب أن نسأل سؤالاً أهم من كل تلك الأسئلة ما علاقة الثلاث ضحايا ببعضهم ما الرابط الذي يجمع دجال مشعوذ من العشوائيات ورجل أعمال مرموق ومقاول من صعيد مصر؟

أنا نطالب وزارة الداخلية بالإجابة عن تلك الأسئلة وإطلاعنا على مستجدات القضية ليعرف الشارع المصري الحقيقة .

بقلم أيمن الكردي :

كانت تلك الكلمات كفيلاً لتجعل القضية قضية رأي عام كما أراد عصام الذي كان يقرأ المقال في سعادة منتظراً تحدث الفضائيات عن القضية لتكتمل المشهد ويستطيع بعدها معرفة السر من أمير المعداوي ولكن في محضر رسمي .

\*\*\*\*\*

كان الوضع في قصر أمير المعداوي يختلف عنه في مديرية الأمن ، كان أمير يستشيط غضباً عندما دخل الشخص الذي حدثه في الهاتف والذي لم يكن سوى عامر وما إن رآه أمير حتى انفجر فيه صارخاً .

- أنت بتلعب يا عامر، إزاي اتصور الفيديو دا؟  
- أنا مش عارف الفيديو دا اتصور إزاي بس بمحاول أوصل للي عمل كدا .  
- توصل لمن يا عامر هو هيستناك لما توصله ما خلاص هو عمل اللي هو عايزه  
والبلد كلها عرفت إن الباشا اتقتل في الأقصر .  
- ما أنا قولت يا أمير من الأول منخبش ومحدش كان هيشك في حاجة .  
- اه محدش فعلاً كان هيشك في حاجة أنت نسيت يا عامر اللي حصل قبل  
الحادثة ولا إيه؟

\*\*\*\*\*

- إزيك معداوي؟  
- عامر أنا اتبعثلي فيديو متصور لنا إحنا الثلاثة بتتفق على فتح المقبرة .  
- إيه؟ إزاي ومين اللي صوره؟  
- مش عارف بس هوصله قريب المهم دلوقتي إحنا مينفعش نتقابل الفترة دي في  
القاهرة نهائي والأحسن منتقابلش خالص .  
- أبو يا معداوي بس المقبرة اللي هناك هنعمل فيها إيه؟  
- لا اللي هناك دي بسيطة أنا هاجيلك ومحدش هيشوفني هنخلص بسرعة  
وأرجع ، المهم مينفعش حد يثبت إن أنا وأنت بنقابل بعض لأن الفيديو دا لو  
ظهر هتبقى مصيبة .  
- خلاص هستناك هناك .  
- محدش كان هيعرف إنه جاي يقابلني .

- اه بأمانة إنه خبط في سور الفندق اللي أنت قاعد فيه وأنت الشخص الوحيد اللي يعرفه في الأقصر، تصدق محدش كان هيعرف فعلاً تفتكر يا عامر اللي عمل كذا اختار يقتله في التوقيت دا ليه بذكائك كذا؟
- مش عارف بقي يا أمير أنا زهقت من الموضوع دا ولازم نخلص منه بسرعة.
- نخلص من إيه أنا المفروض أقدم للمباحث سبب الحادثة وليه خبيت وقولت إنها أزمة قلبية، وأنت كمان هيطلبوك للتحقيق لإنك ظهرت في فيديو الحادثة.
- وأنا مالي أنا هقولهم إني كنت هناك بالصدفة وخرجت لما سمعت الصوت واتفجئت لما لاقيته المعداوي لأنني أعرفه بحكم شهرته واتفابلنا في حفلات كثير بالصدفة كذا مرة.
- بالظبط دا اللي لازم تقوله ولو سألوك مقولتش ليه قولهم إنك قولت ماللكش دعوة بالموضوع.
- ماشي يا أمير.
- اقترب أمير من عامر الذي فقد كل اعصابه وهو ينظر في عينيه.
- أنت عارف الفيديو الثاني لو ظهر دلوقتي بعد كل دا إيه اللي هيحصل؟
- عارف يا أمير بس برضو مش عارف المفروض نتصرف إزاي تفتكر مين اللي بيعمل كل دا؟
- مش عارف بس اللي بيعمل كذا عارف كل حاجة عننا ومذاكرنا كويس وسابقنا بخطوة عشان كذا لازم تسافر بأسرع وقت وتختفي.
- اختفي!! اختفي أروح فين.
- أنا هكلملك الناس بتوعنا برا يظبطوك مؤتمر ويبعتوك دعوة تحضره هتسافر ومترجعش ثاني لحد ما الأمور تهدي.
- أمير أنا ورايا حاجات كثير هنا الموضوع مش بالبساطة دي.

- لا بالبساطة دي يا عامر أنت لو قعدت لحد ما الفيديو دا يظهر كلنا مش هيبقى ورانا غير قراية الجرايد في السجن .
- طب أنا المفروض هسافر الأقصر بكره عشان أخلص الشغل اللي في الموقع هناك وأرجع بعد يومين .
- خلاص خلاص حاجاتك في اليومين دول على ما الناس هناك يظبطوا المؤتمر ، يومين بس يا عامر .
- يومين يا أمير .

\*\*\*\*\*

- دخل أحد المخبرين إلى مكتب عصام ووضع ملفاً على مكتبه بعد أن أدى التحية :
- سعادتك دي تحريات شركات الإستنسل اللي طلبتها .
- ها وصلنا حاجة يا خيرى .
- للأسف يا فندم كل الشركات متعرفش حاجة عن الرسمة ومحدث عملها قبل كدا .
- أعمممم كنت متوقع حاجة زي دي ، روح أنت يا خيرى .
- أوامر سعادتك .

أدى التحية مرة أخرى وانصرف ، كان عصام يتوقع أن مجرمًا بكل هذا الدهاء لا يمكن أن يقع في خطأ كبير كذلك ولكن أين صمم تلك الرسومات؟ سؤالاً ربما لن يعرف إجابته قبل القبض عليه وربما لن يقبض عليه إلا إذا عرف الإجابة ، نهض عصام وخرج من مكتبه مغادراً إلى منزله وعندما وصل إلى المنزل وجد زوجته في المطبخ فدخل إليها ليحدها تعد الطعام وقف خلفها وضمها إلى صدره :

- وحشتيني . . .
- وأنت كمان يا حبيبي راجع بدري يعني النهارده؟
- تعبت من التفكير في القضية دي . . .
- طب أدخل أستريح أنت شوية على ما أخلص . . .
- ضمها أكثر وهو يقبلها في رقبتها وهي تحاول التملص منه بحجة انشغالها في أعمال الطبخ . . .
- هو مودي فين؟
- مودي جوا بيذاكر . . .
- طب خلاص هريح أنا بقى على ما تخلصي . . .
- هاهاها ماشي يا حبيبي . . .
- أثناء خروجه لاحظ عصام أن هناك شيئاً ما مكسوراً على الطاولة . . .
- إيه دا يا حبيبة . . .
- دا الكاتل يا حبيبي وقع مني إمبراح غضب عني . . .
- ولا يهمك يا حبيبي المهم إنك كويسه ، لما ننزل نجيب واحد غيره . . .
- ما هو أنا حجزت واحد هيجي بكره . . .
- حجزتيه منين؟ . . .
- من على الثت والمفروض أستلمه بكره . . .
- نظر إليها عصام نظرة طويلة حتى أنها شعرت بالارتباك . . .
- في إيه يا حبيبي هو أنا عملت حاجة غلط؟
- إزاي مجتش في بالي !!

- هي إيه دي؟
- تعرفي إني بحبك أوي .
- مالك يا عصام!
- حبيبة أنت شكلك هتحلي أكبر قضية في حياتي
- اقرب منها وقبلها على خدها وطلب منها أن تترك ما في يدها وتأتي معه إلى
- أصالون .
- قوليلي بقي بتطلبي الحاجات دي إزاي؟
- بتدخل على مواقع التسوق وتعمل طلب وتسجل الاسم والعنوان وبعدها
- يقولوك هتستلم امتي .
- طب ولو اشتريت الحاجة دي من برا مصر؟
- نفس الفكرة برضو .
- طب بتوصلك إزاي؟
- عصام أنت متعرفش أي حاجة عن الأون لاين؟
- لا ، معلىش يا حبيبة مكتتش فاضي أقعد على النت فهميني بتوصلك إزاي؟
- شركة الشحن بتستلم الأوردر بتاعك من الشركة صاحبة الموقع
- وبتوصلهولك لحد البيت .
- وطبعاً اللي بيستلم لازم يكون معاه بطاقة وبيمضي على الاستلام .
- أكيد طبعاً يا حبيبي .
- أنا مش عارف أشكرك إزاي يا حبيبة أنت ، أنا لو حليت للغز دا هجبلك هدية
- حلوة أوي .



- تسلم يا حبيبي ، هقوم أنا بقى أشوف اللي على النار .

رفع عصام هاتفه متصلاً بحسام وطلب منه أن يبحث في جميع شركات الشحن عن طرد وصل بمواصفات الرسمة أو نوع الورق المستخدم في الرسم من الفترة قبل أول حادثة وحتى الآن ، تمنى عصام أن يكون المجرم قد وقع في خطأ واحد هذه المرة وسيكون آخر خطأ يرتكبه في حياته .

\*\*\*\*\*

في الصباح كان أمير يجلس في مكتب وكيل النائب العام وبرفقته المحامي الخاص به بعد أن أتاه استدعاء الحضور بالأمس ، لم يذكر سبب الاستدعاء ولكنه على الأرجح بسبب الفيديو الذي نشر مؤخراً عبر مواقع التواصل الاجتماعي أو في الجرائد :

- الاسم؟

- أمير محمود المعداوي .

- السن؟

- ٣٦ سنة .

- المهنة؟

- رئيس مجلس إدارة مجموعة شركات المعداوي وعضو مجلس شعب .

- لا عضو مجلس شعب دي خليها على جنب دلوقتي .

- يعني إيه يا فندم؟

- إحنا إمبارح بعتنا للمجلس طلب لرفع الحصانة عنك وصدر قرار النهاده الصبح برفع الحصانة لمباشرة التحقيقات .

- نعم ! ليه يا فندم هو أنا متهم في إيه؟

- أمير بيه حضرتك متهم بقتل المدعو محمود المعداوي ، والدك

وقف أمير في هلع لا يصدق ما يقوله وكيل النيابة، سأل المحامي .

- مين اللي مقدم البلاغ سعادتك؟

- البلاغ متقدم من أخو أمير بيه المدعو جاسر محمود المعداوي .

- جاسر بيتهمني أنا بقتل بابا!!! إزاي؟

- متقدم مع البلاغ أدلة بتفيد الخلافات الكثير اللي كانت بينك وبين والدك قبل الحادث اللي وصلت لأنك هددته لو مرجعش عن اللي بيعمله مش هتسكت وكمان في تسجيلات صوتية بالكلام دا زائد الفيديو اللي انتشر لحادثة الوالد في الأقصر على الرغم أننا لما رجعنا للمستشفى والقناة أكدوا أن أنت اللي طلبت إعلان الوفاة بأزمة قلبية في مستشفى الرحمة التابعة لوالدك .

هو أمير على المقعد، لا يستطيع تصديق ما يحدث، أخيه الأصغر يتهمه بقتل أبيه!! لكن لماذا يفعل جاسر ذلك؟ فقد عقله تماماً .

- افتح المحضر يا بني .

\*\*\*\*\*

## الفصل السابع

استيقظ أيمىن في الصباح ليجد رسالة على الهاتف أُرعبته، لم يكتب في الرسالة سوى سطرًا واحدًا يدل على عنوان في أحد الأحياء الشعبية وبجانب العنوان كتب كلمتين فقط " السر هناك " لم يستطع التعرف على العنوان ولا صاحبه، قرر أيمىن الذهاب إلى العنوان فأياً كان من أرسل الرسالة فهو بالطبع يريد أن يكشف له سرًا ما، لكن لا يعرف عن من سيبحث هناك فهو لا يعرف من صاحب العنوان قفز إلى رأسه اسمًا واحد " نيهان " ترى هل هو عنوانها؟ هل السر متعلق بها؟ ارتدى ملابسه ونزل من المنزل ذاهبًا إلى العنوان . . .

دخل عصام إلى مكتبه ثم اتصل بحسام طالباً منه الحضور الآن بعدها فتح ملف القضية ليتفحصه من جديد بحثاً عن أي ثغرة تمكنه من الوصول إلى خيط ولو ضعيف يربط به الأحداث ببعضها، طرق حسام الباب ثم دخل:

- تحت أمرك يا فندم .

- وصلت لإيه يا حسام؟

- جاري البحث سعادتك، دورنا في شركتين وموصلناش لحاجة لسه والنهارده هنكمل في باقي الشركات .

- تمام، إن شاء الله هنوصل لحاجة .

- تمام سعادتك .

\*\*\*\*\*

وصل أيمن إلى العنوان المكتوب في الرسالة، وقف أمام البناية التي تحمل نفس الرقم المحدد بها، منزل قديم متهالك ربما مر على بناءه ستون عاماً أو أكثر، وقف أمامه لا يدري ماذا يفعل؟، لمح رجل مسن يخرج من أحد المحلات ساحباً كرسيّاً في يده ثم جلس عليه وفتح جريدة كانت مطوية في اليد الأخرى وبدأ في تصفحها، قرر أن يذهب ويسأله عن نيهان، اقترب من الرجل المسن:

- صباح الخير يا حاج .

- أنزل الرجل الجريدة ليتطلع في وجه محبه .

- صباح النور يا بني، أوامر .

- بقولك يا حاج، في بنت كانت عايشة هنا زمان كان اسمها . . . اسمها . . . نيهان باين؟

- نيهان!! نيهان، نيهان، نيهان!!!!!!ان .

- بدأ وكأنه يحاول استعادة الاسم من ملفات الذاكرة .
- اه اه، نيهان بنت الحاج فتحي .
- انفجرت أساريره فقد وجد ضالته، أكمل الرجل ليهدم أمله من جديد .
- بس دول مشيوا من زمان يا بني .
- متعرفش راحوا فين يا حاج .
- لا يا بني معرفش والله، إنما أنت بتسأل عليهم ليه؟
- مفيش أصل كان ليهام أمانة معايا وصاحب الأمانة إداني العنوان دا مكنش يعرف أنهم عزلوا .
- دخلت امرأة مسنة إلى المحل متجاهلة الرجلين على بابهِ حتَّى وصلت إلى الرف الموضوع في الأصل ليمنع تطفل الزبائن إلَّا أنه ظاهرياً وضع عليه بعض معلبات " التونة " والعلب الكرتونية التي تحوي البسكويت، وقفت المرأة أمام الحاجز منادية على صاحب المحل :
- يا صبحي .
- أيوا جايلك أهو يا حاجة، عن إذنك يا بني .
- ترك الرجل أيمن ودخل إلى المحل كي يتابع عمله، وقف في مكانه لا يدري ما يجب عليه فعله، دخل أيمن إلى المحل محاولاً الوصول إلى أي معلومة من عم صبحي .
- ياعم صبحي حاول تقولي أوصلهم إزاي؟
- يا بني والله لو أعرف هقولك بس هما من ساعة ما مشيوا محدش يعرف عنهم حاجة، ولا الحاج فتحي ولا نيهان .
- انتبهت المرأة عند هذه النقطة ثم نظرت إلى أيمن موجهة سؤالها إليه :

- أنت بتدور على الحاج فتحي ونيهان ليه؟  
- ليهم معايا أمانة يا حاجة ولازم أوصلها .  
- طب تعالى معايا يا بني .  
صعدت به المرأة ثلاث طوابق حتّى وقفت أمام باب متهاالك ، وضعت المفتاح في كالون عفى عليه الزمن ، فتح الباب ليكشف عن محتويات المنزل البالية ، أجلسته السيدة على أريكة مر عليها عقود لم تستعمل :  
- معلش يا بني البيت مش قد المقام .  
- لا يا حاجة مفيش حاجة ، قوليلي بقى أوصل لنيهان إزاي؟  
- قولي أنت الأول ، أنت عايز توصلها ليه؟  
- ما أنا قولت لحضرتك ، عايز أديلها أمانة .  
- أمانة إيه؟  
- ما أنا لو قولت مش هتبقى أمانة يا حاجة .  
- خلاص بقى أبقى إديها لها لما تروح لها .  
- أروح لها فين؟  
- في الآخرة .  
- هي نيهان ، ماتت !!  
تظاهر أيمن بعدم معرفته بوفاة نيهان من قبل فأبدى قليلاً من التأثر .  
- ماتت من خمس سنين .  
قالتها السيدة بحزنٍ بالغ!

- ماتت إزاي يا حاجة؟

- لقوا جثتها هي وخطيبتها في عربيته كانوا متفحمين .

بكت السيدة بكاء شديد ولم تستطع إكمال الجملة، واساها أيمن ببعض الكلمات حتى هدأت وطلب منها أن تكمل .

- كانوا في رحلة كلهم نيهان وأخواتها محمد ونور وجوزها ومعاهم مالك خطيب نيهان، كانوا في الأقصر، وهما هناك مالك طلب من محمد يخرج هو نيهان يتغدوا برا، وافق، وياريته موافق، عدا خمس ساعات ومرجعوش ومحمد يتصل بيهم مبردوش، ست ساعات، سبع ساعات، عمال يدور عليهم ومفيش فايذة، راح بلغ البوليس قالوا إنهم مش هينفع يعملوا محضر قبل ٤٨ ساعة، بس ممكن يدور في المستشفيات، الظابط اللي هناك ساعده وسأل في المستشفيات لكن ملهمش أثر، الظابط قاله يسبب صورهم ورقم العربية وهو هيدور عليهم وهيبغ الدوريات كمان تدور عليهم بشكل ودي لحد ما يعدي ٤٨ ساعة ويعملوا محضر رسمي، ثاني يوم دورية من الدوريات بلغت عن عربية متفحمة بنفس الأرقام اللي الظابط بلغهم بيها، كان في العربية جثتين مقدروش يحددوا ملاحهم، مقدروش يوصلوا للفاعل وقيدوا القضية ضد مجهول

- أنت عرفتي كل دا إزاي؟، عم صبحي قال إن محدش يعرف عنهم حاجة من زمان .

- محمد كان هنا بعد الحادثة بكام شهر حكالي اللي حصل، بعدها قعد يقول . . .

توقفت عند هذه النقطة مما آثار استغراب أيمن فطلب منها أن تكمل :

- بعدها قال إيه يا حاجة؟ كملي .

نظرت إليه السيدة في حزن واضح!

- لا مش مهم .

- طب ممكن حضرتك تقوليلى أوصل لمحمد إزاي؟

- اه معايا رقمه ، ثانية واحدة أطلععه من الموبايل ، أعطته الرقم طالبة منه ألاً  
يفصح لمحمد بأنها مصدر الرقم وهو الأمر الذي تعجب منه أيمن لكنه وافق  
رغم ذلك ، شكرها على استقباله ومساعدته ثم ودعها ولكن توقف عند الباب  
سائلاً :

- صحيح هو أنت اسمك إيه يا أمي؟

- هويدا .

\*\*\*\*\*

قررت النيابة حبس المتهم أمير محمود المعداوي خمسة عشر يوماً على ذمة  
التحقيق على أن يراعى التجديد له في الميعاد .

\*\*\*\*\*

دخل حسام بسرعة إلى المكتب بعد أن طرق الباب :

- عصام بيه وصلنا لشركة سلمت طرد بنفس المواصفات واللي استلم  
الطرد . . .

- مين يا حسام؟

- واحد اسمه محمد يا فندم .

\*\*\*\*\*

اتصل أيمن بمحمد وبعد عدد كبير من الاتصالات رد محمد أخيراً .

- ألو ، أستاذ محمد؟



- أيوا مين معايا؟
- أنا أيمن الكردي صحفي وكنت عايز أقابل حضرتك ضروري .
- خير يا أستاذ أيمن؟
- لما تيجي هتعرف ممكن تقابلني عند بيت الوالد؟
- بيت الوالد!! وأنت عرفت بيت الوالد مين؟
- بصراحة سألت لحد ما وصلت للعنوان دا وبعدها قالولي إن حضرتك مبتجيش هنا من زمان فخذت نمرك وقولت أكلمك .
- طب إحنا ممكن نتقابل في أي قهوة قريبة عندي .
- لا ياريت بيت الوالد يكون أحسن .
- أستاذ أيمن فيه إيه؟
- لما تيجي هشرح ل حضرتك بالتفصيل .
- تمام، كمان ساعتين نتقابل هناك .
- طب ممكن العنوان .
- .....
- تمام، كمان ساعتين، مع السلامة .
- جلس أيمن في أحد المقاهي القريبة من منزل الحاج فتحي منتظراً مرور الوقت بفارغ الصبر، بعد حوالي ساعتين إلّا خمسة عشر دقيقة وصل محمد إلى المنزل واتصل بأيمن الذي هب واقفاً فور إنهاء المكالمة ليدفع حساب المشروبات، يريد أن يهرول ليصعد إلى المنزل الذي كانت تسكن فيه نيهان تلك الفتاة البريئة التي كانت ضحية لأناس عثوا في الأرض فساداً وخراباً، وصل أيمن وصعد درجات

السلم حتى توقف أمام باب المنزل ثم رن الجرس، فتح له محمد وطلب منه الدخول، جلس أيمن على الأريكة بعد أن نفض الغبار من عليها تلك الأريكة التي لم يجلس عليها شخص منذ حوالي خمسة أعوام، بالمثل نفض محمد الغبار من على أحد المقاعد ثم جلس وسأل أيمن في تعجب:

- ليه صممت نتقابل هنا؟

- عشان السر كله هنا.

- سر إيه؟

- أستاذ محمد أنا لو حكيت لحضرتك هتصدقني؟

- اتفضل احكي وأشوف.

- أنا بقالي أكثر من أربع شهور بشوف أحلام غريبة ودايمًا الأحلام دي بتوصلي رسالة واحدة هي إن نيهان حصلها حاجة في الأقصر وهي عايضة تعرفنا إيه اللي حصل، حضرتك سمعت عن القضية بتاعت الثلاثة اللي انتحروا وفي رسم فرعوني طبق الأصل موجود في أوضاعهم؟

- اه كنت سمعت عنها في التلفزيون.

- نيهان كانت ضحية الثلاثة دول لفتح مقبرة فرعونية.

هب محمد واقفًا من مكانه وصرخ فيه!

- أنت بتقول إيه؟!

- اهدى بس، اللي بقوله دا الحقيقة واللي جايبك هنا عشان أتأكد منها أنا وأنت.

- حقيقة إيه؟ إيه علاقة أختي بمقبرة، وكلام من دا؟

- هقولك...

قص أمين على محمد كل ما حدث منذ ذهابه إلى الأتصر وحتى اللحظة التي يجلس معه فيها، لم يكن محمد يصدق أغلب كلامه ولكن بدأ بتصديقه عندما وصف له السيدة العجوز التي كانت نيهان تصفها دائماً في كتابتها أثناء رحلة البحث عن الذهب، استمع محمد بكل اهتمام إلى ما قاله أمين الذي نظر إليه بعد أن انتهى.

- دلوقتي المفروض إن حل اللغز دا هنا على حسب الرسايل اللي اتبعثلي من نيهان.

- وإحنا هنعرف الحل دا عبارة عن إيه إزاي؟

- معرفش بس أكيد هنعرفه أول ما نلاقه .

- والمطلوب دلوقتي؟

- تسمحلي أدور في الشقة علي أي حاجة تدلني على الحل .

- ماشي اتفضل .

قام الاثنان وبدئا معاً عملية البحث عن الحل المجهول الذي ربما يكون أمامهم ولكن لا يعرفونه، استمرت عملية البحث لأكثر من ساعة ولكن دون جدوى حتى تعبوا فجلسا يستريحان قليلاً ثم يعاودان البحث مرة أخرى وبينما كان أمين متكئاً على الأريكة تذكر شيئاً مهماً "نيهان تتواصل معه عن طريق الورق" الرسائل جميعها تأتي مكتوبة فلماذا لا يكون الحل أيضاً مكتوباً نظر إلى محمد:

- هي نيهان كانت بتحب الكتابة؟

- جداً، دي كانت بتسجل كل لحظة في حياتها بالورقة والقلم .

- عظيم . . . الورق اللي كتبته فين؟

- أعتقد كل حاجتها تحت السرير بتاعها .

- طب ممكن أشوفه؟

- ماشي .

قام الاثنان بسرعة وأخرجوا كل المتعلقات الموجودة أسفل السرير والتي كانت عبارة عن كراتين ورقية كثيرة، بدأ أيمن في فتح الكراتين واحدة تلو الأخرى ومحمد على طريقته هو الآخر . . . وجد أيمن ضالته في كرتونة منهم فجذبها وبدأ بإفراغ محتوياتها التي كانت عبارة عن مجموعة من المذكرات كتب على كل مذكرة تاريخها بالعام ومن الداخل كتب على كل ملاحظة أو ذكرى تاريخها باليوم والشهر، ظل أيمن يبحث حتى وصل إلى مذكرة كتب عليها " السر " فتحها فقرأ في الصفحة الأولى " لكي تعرف السر عليك أن تقرأ القصة كاملة " قلب صفحات المذكرة فلم يجد سوى كتابات ورموز بالهيريوغلفية، لم يفهم شيئاً ولكنه فكر بأنه ربما كان المقصود قصة نيهان من البداية، بدأ البحث عن مذكرة ٢٠١٤ العام الذي وقعت فيه الحادثة، جلس أرضاً بجوار الكراتين وبدأ يتصفح المذكرة .

" النهارده أول يوم ليا في الشغل، تقريباً كدا مكلمتش حد، شكلهم خدوا عني فكرة وحشة إنني خنيقة بس مش مهم أنا أصلاً مش عايزة حد يقربلي ولا أقرب من حد . . . ١/٩ "

استغرب أيمن من تلك الملاحظة ولكنه أكمل الصفحة التالية :

" عدا أكثر من أسبوع . . . اتعرفت النهارده على يُمى عجيني فيها أنها مش رغاية وفي نفس الوقت مش حشرية يعني مفيهاش الصفات اللي بتكرهني في الناس، الحمد لله إنني لاقيت واحدة أقدر أتكلم معاها . . . أنا مبسوفة عشان مبقيتش لوحدي هناك . . . ١/١٧ "

فهم أيمن لماذا لم تتحدثُ نيهان إلى أحد في البداية، هي تكره خصال معينة في البشر لذلك تتفحصهم أولاً لتتقّي منهم من يكون صديقها، قلب الصفحة وأكمل القراءة .

"أنا غلظت غلظة كبيرة لما حكيت ليمنى على رامي . . . الناس كلها عرفت وبقوا يبصولي إن وشي نحس عشان عريسي مات قبل الفرح بيومين . . . يُمنى مينفعش تبقى صاحبتني تاني، أنا بفكر أسيب الشغل . . . ٢/١ ."

فوجئ أيمن بتلك الملاحظة ولكنه شعر بالألم ربما تعاطف معها أو أنه كره تصرف صديقتها المهم إن الملاحظة كانت حزينة بشكل مؤلم!

"النهارده فيه شاب جديد اتعين عندنا شكله وسيم جداً لكن مغرور في نفس الوقت، بصراحة عنده حق، حسيت بحاجة غريبة بتشدني ليه وعازية أتكلم معاه لكن مينفعش أعمل كدا . . . ٢/٣ ."

ابتسم أيمن وتذكر أميرة، ترى ماذا كتبت عنه عندما رأته، سيسألها فور عودته .

قلب الصفحة وأكمل قراءة اليوميات :

"لسه مش عايز يتكلم معايا وشايف نفسه، أنا خلاص مش هعبره تاني، بس لا مش هينفع، أنتِ حبيته ولا إيه؟، لا حب إيه لا لا . . . ٢/٢٨ ."

قلب أيمن بعدها الصفحة لكنه وجد الصفحة فارغة والتي تليها أيضاً حتى عد ٣ صفحات فارغة، تعجب لما قد تكون تركتها نيهان ولم تكتب فيها شيئاً، قرأ الصفحة الرابعة .

"مالك اتكلم معايا النهارده، صحيح مقالش حاجة لكنه عاملني بأسلوب مختلف عن اللي بيتكلم بيه مع البنات زمايلنا، تفتكري بيحبني؟ . . . ٣/٤ ."

"أخيراً!!!!!!!!!!!! مالك اعترفتلي بحبه، بس أنا عملت نفسي ولا كان في بالي، طبعاً من جوايا كنت عايزة أصارحه وأقوله أنا بحبه قد إيه، بس الحقيقة أول ما قالي كدا سبته ومشيت ومش عارفة هقابله بكرة إزاي تفتكري يكون زعل؟ ٣/١١".

تعجب أمين من تطور العلاقة سريعاً بين نيهان ومالك وبشكل غريب فرجال لم يكلمها كما كتبت وفجأة يعترف لها بحبه امر في غاية الغرابة

"اليوم كان صعب جداً، مالك زعل إنني أخرجته وسيبته ومشيت إمبراح، عايزة أصالحه بس مش عارفة أعمل إيه؟، بس لاقيتها أنا هسييله هدية على المكتب، لالا مش هينفع أنا ممكن أروح أقوله إنني موافقة، موافقة على إيه هو مقليش إنه عايز يتجوزني، خلاص أنا هسيبه شوية يتعذب زي ما أنا اتعذبت، إيه رأيك؟ ٣/١٢".

تُرى من التي تسألها نيهان في كل ملاحظة؟! لم يجد رداً سوى أن يكملُ القصة.

"عدا خمس أيام ومالك مش بيصلي حتى، أنا لازم أتصرف قبل ما يشيل الفكرة من دماغه، أنا هصارحه بكرة إن أنا بحبه بس لازم يجي يقابل بابا. ٣/١٧".

أفاق أمين من بين سطور نيهان على صوت محمد ينادي عليه من غرفة والده الحاج فتحى فنهض وأسرع إليه ليجد محمد يسلمه مجموعة من رزم الورق التي تشبه إلى حدك كبير الورق الذي وجده في منزله، على الطاولة ناوله محمد الورق:

- دا الورق اللي نيهان كانت بتكتب فيه ساعة الجلسات.

- جلسات إيه؟

شرح له محمد رحلة نيهان في البحث عن الذهب من البداية وحتى النهاية وأمين يقف مذهولاً أمام ما يسمعه متعجباً كيف يصدق أناس في مثل ثقافتهم مثل ذلك الدجل والخرافات ولكن محمد رد مدافعاً عنهم .

- لما تبقى حياة أختك في خطر هتعرف ساعتها إنك ممكن تمشي ورا أي حاجة عشان بس نحميها .

- وهي حياتها مبيقشش في خطر غير لما إنتوا فتحتوا الباب دا من البداية .

- إحنا لما فتحنا الباب دا كنا برضو فاتحينه عشان نحافظ على حقها .

- واهي ماتت ، وأنت لا جيتلها حقها وهي عايشة ولا وهي ميتة .

نظر محمد إلى الأرض في قهر وضعف لم يستطع أن يكذب أمين ولو على سبيل حفظ ماء الوجه فكل ما يقوله صحيح هو يرى أنه الأخ الضعيف المتخاذل عن حق أخته والذي لم يبحث عن سر مقتلها طوال الخمس أعوام الماضية ، خان القسم وخذل والده ، طلب منه أمين أن يحتفظ بالأوراق والمذكرتين معه وسوف يتصل به بعدما ينتهي من قراتهم ويحدد من الذي قتل نيهان ، وافقه مع محمد على طلبه .

\*\*\*\*\*

- يعني إيه مفيش أي بيانات غير اسمه يا حسام .

- يا فندم الأجهزة مش عليها أي بيانات للطرد ، دا حتى اسمه أمين المخازن جابوا من الدفاتر عشان بيقتي مكتوب قدام الطرد .

- المندوب سلمه الطرد فين؟

- المندوب مش موجود في الشركة أصلاً .

- يعني إيه؟

- ساب الشغل من شهر، روحنا بيته أمه قالت إنه سافر يشتغل في شرم الشيخ من شهر ومتعرفش عنه حاجة .

- يعني اختفى في الوقت اللي بدأنا التحري عن الشركات دي، الواد دا مفتاح القضية، تفتكر يا حسام في ناس ابنهم هيبقى مسافر ويقعدوا شهر ميعرفوش عنه حاجة، وعادي كدا؟

- أنا مصدقتش أكيد يا فندم، بس الحل الوحيد إنني حطيتهم تحت المراقبة .

- هات العنوان يا حسام .

اتفضل يا فندم .

نهض عصام خارجاً من مكتبه في غضب، ركب سيارته في طريقه إلى منزل المندوب .

\*\*\*\*\*

عاد أيمن إلى المنزل، فتح باب الشقة ودخل وهو يشعر بحزن شديد على تلك الفتاة التي لم تستحق أن يفعل بها كل ذلك، جلس على المكتب وبدأ يتصفح المذكرة حتى وصل إلى الصفحة التي انتهى عندها في منزل نيهان، بدأ يقرأ السطور .

"أنا اعترفت لمالك إنني بجهه بس لازم يجي يقابل بابا، سابني ومشى مش عارفة ليه؟ شكله مش جد أو ممكن يكون بيردلي الحركة اللي عملتها فيه . . . " ٣/١٨

"أنا فرحانة جداً، مالك قرر يجي يقابل بابا النهارده بالليل، يارب بابا يوافق، أنا عارفة إنه هيوافق مالك ما يترفضش، غير إن بابا بيحبني ومش هيرضى يزعلني . . . " ٣/٢٠



"إمبارح كان أسعد يوم في حياتي، أنا ومالك انخطبنا وبقي ملكي أنا لوحدي، محدش هياخده مني أبداً... ٤/٦".

كان أمين يقرأ يوميات نيهان ويتنقل بين السطور ليعيش معها أحزانها وأفراحها التي بدت قليلة إلى حد كبير.

"النهارده المفروض كان يوم جميل، فرح نور أختي لكن للأسف بقي أسوء يوم في حياتي، دهبي اتسرق ومش عارفة مين اللي سرقه... ٦/٥".

"بابا قرر يجيب شيخ عشان يعرف مين اللي خد الذهب، بس للأسف طلع نصاب... ٦/٨".

"علاقتي بمالك مبقيتش زي الأول، بصراحة هو مسبنيش، بس أنا مبقيتش قادرة أسعده الذهب من ساعة ما اتسرق وأنا مش زي الأول... ٦/٢٠".

"محمد قال إن فيه واحد صاحبه هيجي بكره عشان يساعدي ألاقي الذهب، يارب ميقاش نصاب هو كمان... ٧/٨".

"صاحب محمد جيه، اسمه مصطفى بيقول إن جارتنا عملالي سحر وهو اللي مبوظ علاقتي بمالك وخليني حزينة، مكتتش أنخيل إن طنط هويدا تعمل كدا...".

تذكر مالك هويدا جارتهم، رأها هناك في الصباح عندما ذهب ليقابل محمد ولكن لهفتها واشتياقها لمعرفة أخبار محمد والاطمئنان عليه لا تدل أنها بذلك السوء إطلاقاً، أكمل أمين قراءة ما تبقى من ملاحظة ذلك اليوم.

"مصطفى بدأ الجلسة، بعدها شوفت إنني ماشية في مكان غريب طلع في الآخر إنه بيت عمي، ليه ممكن حد فيهم يكون السارق... ٧/٩".

"النهارده روحنا بيت عمي لكن الذهب مطلعش هناك، الحمد لله رغم إنني زعلانة إنني ملقتوش لكن فرحانة إن محدش منهم اللي خده، نفسي أصحى ألاقي كل دا كان كابوس... ٧/١٠".

"حلم غريب بقالي ٣ أيام بجلمه لكن أول مرة أكتبه النهارده، بحلم إن فيه حد يقول إنني لو دورت على ذهبي هياذيني بس مش عارفة ليه، ولا عارفة هو مين، بس شكله خيف جداً... ٧/١٢".

"دانس الحلم" نطقها أين بصوتاً مسموع، أكمل أين للصفحة التالية.

"النهارده كانت الجلسة الثانية، رضوى هي اللي خدت ذهبي، اللي شوفته يقول كدا، بس لا رضوى متعملش كدا، بس مصطفى يقول إن اللي معاها هو اللي بيعمل كدا، مبيقتش فاهمة حاجة... ٧/١٣".

"روحنا النهارده وملقناش حاجة برضو، الحمد لله بس الموضوع بقى صعب أوي، أنا تايهة... ٧/١٤".

"بابامات... ٧/٢٠".

شيتاً ما اهتز بداخل أين عند قرأتك الملاحظة، شعر بقبضة في قلبه أوجعته، تذكر والديه، تُؤمِّي وهو في عمر الثالثة عشر، كان عائدًا من الإسكندرية بعد إجازة صيف هي الأجل في حياته عندما التقى بالقدر، القدر كان سيارة نقل كبيرة جاءت في الجهة المعاكسة لاتجاه السير بسرعة جنونية اصطدمت بسيارة والده الذي لم يستطع فعل أي شيء، تذكر كيف أخبره طبيب الطوارئ ليلتها بأن بقاءه على قيد الحياة كان معجزة إلهية، انتقل بعدها للعيش في بيت الجد مع عمته العانس حتى لحقت بهم هي الأخرى تاركة له بيتاً بلا روح، تسلفت دمعة خبيثة إلى عينيه وطالبته السماح لزميلتها بأن تنساب لتشاركها تلك اللحظة التي لا تتكرر كثيراً في حياته لكنه رفض استدراجها له، مسح على وجهه وأكمل القراءة:

"بقالي كتير مكتبتش، لما مالك غاب سيبت صفحات فاضية عشان لما تتجوز أوريله قد إيه بحبه وحياتي كانت فاضية في غيابه، من ساعة ما بابامات مش عارفة أكتب بس برضو مش عارفة أسيب صفحات فاضية؛ لأن مفيش حياة أصلاً عشان تبقى فاضية واللي غاب عمره ما هيرجع، عمره ما هيشوف

الصفحات الفاضية ويعرف بجه قد إيه، نور ومحمد فكرونى اتجننت وحجزولى عند دكتور نفسى، ميعرفوش إن اللى بيتجنن دا لازم يكون عايش الأول عشان نقول عليه مجنون لكن أنا، أنا جسد بلا روح، جسد بيمشى وبيقوم ويقعد وينام لكن مفيهوش حياة، وحشتنى أوى... ٧/٣٠ .

سمح لدموعه الخبيثة أن تستدرجه هذه المرة فبكى كما لم يبك منذ ٢٢ عاماً.

\*\*\*\*\*

في الطريق كانت الأفكار تتزاحم بداخل رأسه توقيت اختفاء المندوب متزامن مع التوقيت الذي بدأوا البحث فيه عن الشركات مما يعني أن هناك من يعرف خط سيره جيداً، تذكر الرسالة التي نصحته بعدم الاعتماد على زملائه، تذكر أيضاً مكالمة سيف له بعد حادثة مصطفي بساعتين فقط وأيضاً سيف هو مكتشف حادثة حماد، كما أنه مصمم على أنهم حوادث انتحار وليست جرائم قتل، هل يعمل سيف لحساب القاتل؟ وصل مع هذه النقطة إلى عنوان مندوب الشركة، استغرب هروب شخص يسكن في مكان كهذا، اعتقد أن وجوده في هذه المنطقة أمن أكثر كي لا يستطيع أحداً الوصول إليه، سأل طفل من الأطفال الموجودين في الشارع عن منزل المندوب فشاور له على إحدى العشش القريبة، وصل عصام وطرق الباب، انتظر قليلاً حتى فتحت له سيدة بدا أنها بلغت الستين منذ وقتاً بعيداً:

- سلاموا عليكم يا حاجة .

-وعليكم السلام، أنت مين يا بني؟

- أنا الرائد عصام .

- يا بني زميلك كان هنا ولسه ماشي من شوية وقولتله إني معرفش حاجة .

- ممكن أدخل نتكلم شوية يا حاجة؟

- اتفضل يا باشا .

- بلاش باشادي، ابني كانت أحلى .

قالها عصام وهو يدخل إلى المنزل محاولاً كسب ثقتها أو لنقل أنه بطبيعته اعتاد التعامل مع الناس بإنسانية بعيداً عن رسميات عمله، أجلسته السيدة ثم طلب منها عصام كوباً من الشاي فقامت باستغراب لتحضره له، عادت بعد عشر دقائق حاملة صينية عليها كويين من الشاي وضعتها أمامهم ثم نظرت إليه منتظرة أن يفصح عما بداخله :

- تسلم إيدك .

- عيشت يا بني .

- إبراهيم فين يا حاجة؟

- ما أنا قولت لزمالك، في شرم الشيخ ومنعرفش عنه حاجة من يوم ما سافر .

- تفتكري يا حاجة وأنا قاعد معاك دلوقتي، أمي بتعمل إيه؟

- وأنا هعرف منين يا بني؟

- أنا أقولك، بتعمل نفس اللي أنت بتعمله كل يوم، زمانها بتسأل نفسها مية سؤال، ابنها عامل إيه؟ راح فين؟ حصله حاجة ولا كويس؟ ومش هترتاح غير لما تشوفني قدامها أو على الأقل تسمع صوتي

نظرت إليه السيدة في ضعف شديد وبدأ وكان الدموع عرفت الطريق إلى عينيها، استغل عصام نجاح خطته وأكمل .

- صدقيني يا أمي هروب إبراهيم مش هيفيده بالعكس هيشيله القضية لوحده، إحنا هنفضل ندور عليه لحد ما نجيبه وأنت هتفضلبي كل يوم تسألني نفسك ابنك اتقبض عليه ولا لسه؟ ولما يتقبض عليه مش هيلاتي حد يصدقه لكن أنا مستعد أصدقه دلوقتي .

- إبراهيم معملىش حاجة يا باشا .

- أمال هريان ليه؟

- عشان يحميني ويحمي نفسه، هددوه لو اتكلم هيقتلوني وفي نفس الوقت لو قبضتوا عليه مش هتصدقوا كلامه، كان لازم يهرب .

- مين اللي هدهه يا حاجة؟

- من حوالي شهر كدا في واحد كلمه في التليفون وقال إنه لازم يقابلوا، إبراهيم راحلوا قال يمكن شغل ولا حاجة، طلع إنه الراجل اللي استلم من إبراهيم حاجات قبل كدا الله أعلم حاجات إيه، المهم قال لإبراهيم إن البوليس بيدور في شركات الشحن ولو وصلوله وجاب سيرته هيموتني وهيلبسهاه، إبراهيم بيقولني إنه باين عليه راجل ثقيل أوي يا باشا .

- مقلكيش اسمه إيه يا أمي؟

- مقالش يا بني هو خد بعضه واختفى من ساعتها .

- أنا عايز أكلمه ومتخافيش مش هيحصله حاجة، صدقيني .

نظرت إليه السيدة في تردد ولكنها في نفس الوقت كانت تشعر بصدق كلامه وإنه سيساعد ابنها حقاً، أخرجت هاتفاً من الصندوق الموجود في الأريكة ثم طلبت رقمًا لم يكن يوجد غيره في ذاكرة الأسماء، ناولت عصام الهاتف بعدها وهي تنظر إليه في خوف وقلق .

- أيوا يا إبراهيم اسمع اللي هقولك عليه ونفذه بالحرف الواحد .

\*\*\*\*\*

"تعبت اليومين اللي فاتوا جداً، محمد وداني المستشفى بس معرفوش سبب تعبتي، كلم مصطفى عشان يجي يحاول يعرف السبب، مصطفى خلى دكتور من الجن يكشف عليا أنا مش عارفة إزاي دا حصل، بس الحقيقة إنني حسيت بكل حاجة في الكشف كأنني عند دكتور بالظبط ودا اللي مش فاهماه!!، الدكتور كان اسمه عبد الله وقالني بعد ما خلص إنني معمولي سحر يمنعني

أخلف، مصطفى يقول إن طنط هويدا هي اللي بتعملي السحر لكن أنا مش مصدقة... ٨/٥ .

توقف أيمن عن القراءة عند تلك النقطة متسائلاً في نفسه كيف يتم الكشف عن طريق طبيب من الجن؟! ولكن ما تعجب منه فعلياً هو إن نيهان كتبت أنها شعرت بالفحص وكأنها لدى طبيب بشري بالفعل، لم يعد يفهم ما يحدث، نهض ليحضر فنجاناً من القهوة ليستطيع استيعاب ما يقرأ، وضع "الكنكة" فوق الشعلة ووقف ينتظر حتى تنتهي، رن هاتفه فوجد صديقه يتصل:

- ألو .

- إيه يا بني عامل إيه؟

- تمام الحمد لله، أنت أخبارك إيه؟

- كله تمام الحمد لله، هعدي عليك كمان شوية عشان ننزل .

- النهارده!! لالا خلاص مستنيك، ماشي سلام .

أفرغ القهوة في فنجانها، قبل أن يخرج من المطبخ أوقفته فكرة قفزت إلى عقله فجأة، ظل ساكناً في مكانه لفترة ثم أخرج الهاتف وعاود الاتصال بصديقه مرة أخرى:

- بقولك إيه، خليك وأنا هعدي عليك عشان عايز أغير جو .

- طب ما أعدي عليك ونزل .

- لا أنا عايز أخرج عندك في مصر الجديدة .

- خلاص مستنيك .

- تمام، يلا سلام دلوقتي .

- سلام .

عاد أمين إلى غرفته، وضع القهوة بجواره على الطاولة وفتح المذكرة ليكمل ما تبقى منها.

"حلمت حلم غريب النهارده، الست العجوزة رجعت في أحلامي ثاني، كانت قاعدة على الأرض وأنا واقفة قدامها لابسة فستان أبيض زي فستان فرح، اتكلمت معايا لأول مرة بس ياريتها ما اتكلمت، بتقول إني ماشية في طريق الموت، فستاني كان مليون دم ولاقيت تعبانين بيتلفوا على أيدي، رجلي غارسة في الأرض مش عارفه أتحرك، الغريب لما فوقت من الحلم لاقيت أيدي فيها دم ورجلي مليانة طين، اكتشفت بعد كدا إنه كان حلم، أنا خايفة جداً... ٨/٧".

بعد هذه الملاحظة تأكد أمين إن الأحلام التي كان يراها لم تكن أحلامه هو بل "نيهان" أو روحها التي تبحث عن قاتلها هي من كانت تدخله إلى أحلامها ليرى كل ما مرت به، عليه أن يكمل القصة ليفهم ما حدث.

"مصطفى عمل الجلسة الثالثة النهارده، اه في حاجة نسيت أكتبها، مصطفى علمني إزاي أقدر أتحمك في الجلسة يعني أبقى في وعيي وأقدر أتحمك في كل حاجة كأنني في الحقيقة، الجلسة بدأت واكتشفت إني في بني سويف في بيت عمته، بعدها دخلت أوضة سلمى ولاقيتها بتخرج علبة من مكتبها فيها الذهب بتاعي، سلمى مش ممكن تعمل كدا أكيد هيطلع كذب زي اللي فات، أنا مبقيتش عارفه أعمل إيه كل اللي بيطلعوا في الجلسات أقرب ناس ليا، ياريت الموضوع دا يخلص بقي، أنا تعبت... ٨/٩".

أي معاناة عانتها تلك المسكينة، لا يوجد من يتحمل ذلك.

قلب الصفحة ليكمل قراءة معاناتها:

"سلمى طلعت بريئة الحمد لله، أنا فرحانة جداً بس برضو حاسة بالذنب ومش عارفه أعمل إيه عشان أكفر عن شكلي فيها... ٨/١٠".

"أنا طلبت من محمد إنه يطلب إيد سلمى، هما يبجوا بعض من زمان ومالوش لازمة يستنوا أكثر من كدا، فعلاً محمد طلب إيدها وعمتو وافقت وقرينا الفاتحة، مش عارفه إذا كنت عملت كدا عشان أكفر عن ذنبي ناحية سلمى؟ ولا عشان محتاجة أفرح؟ ولا عشان هم يستحقوا الفرحة، المهم إن النهارده يوم جميل، من زمان مفرحتش كدا... ٨/١١".

ابتسم أيمن بعدما أنهى قراءة الملاحظة وكأنه يشاركها الفرح.

"علاقتي بمالك بقيت مملّة جداً، معتش بشوفه تقريباً من ساعة ما سييت الشغل، مش بشوفه غير ساعة الجلسات بس، أنا حاسة إنني بظلمه معايا، بصراحة مش عارفه هو مكمل معايا ليه، لو حد تاني كان سابني ومشى... ٨/١٦".

"مالك طلب من محمد إننا نطلع رحلة كلنا نغير جو، بيقول هنروح الأقصر، أنا مش عارفة أعمل إيه عشان أعوضه على اللي استحمله معايا، بس إن شاء الله هعرف أسعده وأرجع زي الأول... ٨/٣٠".

"هنسافر بكره الصبح، مالك بجد إنسان ميتعوضش، حجزلنا تذاكر طيران وقال إن الرحلة بالعربية هتبقى طويلة عليا، أنا بجه جداً... ٩/٥".

دمع أيمن وهو يقرأ آخر سطر كتبته المسكينة، تمنى لو يستطيع أن يحذرها من تلك الرحلة، تمنى أن يفعل أي شيء ولا تذهب لكنه عاجز يقرأ مذكرات فتاة عذبت في حياتها أكثر ممّا تنفست، بهذا السطر يكون قد وصل لنهاية القصة ويستطيع قراءة المذكرة الثانية، فتحها لكنه تفاجأ بوجود نفس الكتابة والرموز، هل هناك قصة أخرى أم أن القصة لم تنته بعد؟ عاد وفتح مذكرة العام ٢٠١٤ من جديد وقلب حتى الصفحة التي توقفَ عندها ليجد شيء لا يصدق.

\*\*\*\*\*



- وصلت لإياه يا هندسة؟

- التليفون مركوب فعلاً يا باشا .

- تمام ، سيبه زي ما هو متعملش فيه حاجة .

عندما شعر عصام بخيانة سيف لم يستطع تقبل الفكرة رغم منطقيتها ففكر أولاً أن يختبر هاتفه قبل أن يشك في سيف أو غيره وصدق حدسه ، الآن عليه أن يجعل من يراقبه يظن بأن الخطة تسير كما وضعها ويتحرك هو في الاتجاه الآخر ، اشترى هاتفاً من طراز قديم ورقم آخر ليتواصل مع إبراهيم من خلاله حتى يلتقا ، ركب الشريحة في الهاتف واتصل برقم إبراهيم :

- أيوا يا إبراهيم ، أنا الرائد عصام .

- أيوا يا باشا .

- أنت فين دلوقتي؟

- أنا هتحرك كمان ساعتين ، يعني الصبح إن شاء الله هكون عندك يا باشا .

- تمام ، خلي بالك من نفسك يا إبراهيم .

- حاضر يا باشا .

ساعات قليلة ستمر عليه وكأنها دهرًا كاملاً لن يطمئن قبل أن يرى إبراهيم ويصبح تحت حمايته الشخصية ليعرف منه من استلم الطرد ، لم يرد أن يسأله على الهاتف ؛ لأنه لن يستطيع القبض على القاتل حتى لو عرفه قبل أن يؤمن إبراهيم الشاهد الوحيد في القضية فكما عرف منه القاتل ذو نفوذ قوي لذلك عليه أن ينتظر .

بينما كان عصام يؤمن حياة إبراهيم وأيمن يبحث عن القاتل بين السطور ، كان عامر يستقل الطائرة متوجهاً إلى إحدى الدول الأوروبية لحضور المؤتمر الذي نظمه له أمير ، كانت تذكرة ذهاب بلا عودة .

قلب أيمن الصفحة ليجد مكتوباً فيها :

" وصلنا النهارده، كان يوم جميل جداً، خرجنا وانفسحنا، كلنا كنا مبسوطين، مالك قالي إننا هنروح مشوار بكرة بس طلب مني مقولش لحد... ٩/٦ "

صدم أيمن بعدما قرأ تلك الملاحظة، كيف أنت المذكرة من الأقصر إلى القاهرة؟ أخبرته هويدا بأن محمد كان يعرف وجهتهم ونيهان لم تخبر أحداً أنها مع مالك!! هل خشي محمد على موقفه أمام الناس فادعى علمه بخروجهم؟ أسئلة بلا إجابات كالعادة ولكن الآن يستطيع أن يقرأ السر، فتح المذكرة فوجد الجملة قد تبذلت "الآن يمكنك أن تعرف السر" بدأت الأحرف تتبدل أمامه من الهيروغليفية إلى العربية وتتقلب الصفحات من تلقاء نفسها مع تغير سريع للحروف والرموز حتى توقفت عند الصفحة الأولى من جديد.

" كتبت هذه الكلمات ليقراها شخص واحد هو أنت، لن يستطيع غيرك أن يقرأ أو يفهم الرموز الموجودة هنا، انتبه، ستدخل إلى عالمك أنت من اختار الدخول إليه، لا سبيل للتراجع، لا مكان للخطيئة.

الحكاية الأولى :

" كمت " فتاة في غاية الجمال والطيبة، تذهب إلى المعبد كل صباح تقدم القرابين وتقوم بالطقوس، ذات يوم رأها "ست" فتن بجمالها، قرر أن تكون ملكه، لكنه يعرف بأنها متدينة ولن تقبل بأن تكون زوجة آله الشر، قرر أن يتجسد لها في صورة فتى طيب ومتدين، ظهر لها في أحد الأسواق يقوم بعمل الخير ومساعدة الناس، تعمد أن يذهب إلى المعبد ويقف أمامه وعندما تخرج يفتعل بأنه كان داخلاً ليتعبد، ظل يطاردها على هذه الحال لمدة من الزمن حتى أحبته كمت وقبلت الزواج منه، ليكمل ست الخطة ويضمن بقائها معه إلى الأبد أراد أن يوقعها في الخطيئة حتى لا تستطيع أن تدعي البراءة والتدين، تجسد كمحارب نبيل وأصبح يلاحقها في كل مكان حتى تقع في حبه كما فعل في المرة الأولى، كمت كانت ترفضه وتقول بأنها مخلصه لحبيها الفتى الطيب، لم يهدأ ست، بدأ يتجسد في صورة الفتى ويعاملها بقسوة ويتجسد في صورة المحارب

ويعاملها بلطف، بدأت كمت تشعر بأن الفتى الطيب لم يعد يجبها وأنها كانت مخطئة عندما سلمت قلبها له، بعد مرور فترة من الوقت وست يتحول من الفتى الطيب الذي أصبح قاسياً إلى المحارب النبيل المحب بدأت كمت تنجذب إلى المحارب وكلامه، في لقاء بين كمت والمحارب قبلت كمت الزواج منه واعترفت بحبها، في تلك اللحظة تحولت إلى صورة الفتى الطيب وأخبرها بأنه كان يختبرها وقد وقعت بالخطيئة وخائنه، صدمت كمت وبدأت تدافع عن نفسها، بررت حبها لشخصية المحارب؛ لأنه كان محباً لها ويعاملها بلطف أما الفتى الطيب فقد أحبته بالفعل وحافظت على العهد بينهم ولكنه لم يوف إلى ذلك الحب وكان يعاملها بقسوة، لم يقبلت كمت كلامها وأصر على أنها قد وقعت بالخطيئة وأن قلبها لم يكن طاهراً، كشف لها عن حقيقة بأنه ست إله الشر وستبقى معه إلى الأبد بعد أن أصبحت تحمل قلباً آثماً مثله، رفضت كمت محاولات ست وهربت منه إلى المعبد الذي لم يكن يستطيع الدخول إليه، هناك تضرعت إلى الآلهة وطلبت منهم حمايتها من ست، أخبرتها إيزيس بأن عليها أن تلجأ إلى ابنها حورس هو الوحيد الذي يستطيع حمايتها من ست ولكن الرحلة إلى حورس ستستغرق وقتاً طويلاً، أعطتها خاتماً عليه تعاويذ الحماية من ست وأخبرتها بأنه لن يستطيع الاقتراب منها ما دامت تلبس هذا الخاتم، خرجت كمت من المعبد وظل ست يراقبها من بعيد ولم يقترب منها خوفاً من قوى الخاتم، في الطريق استراحت كمت تحت ظل شجرة لبعض الوقت وعندما غلبها النعاس أرسل إليها ست أحد أعوانه فاقترب منها على هيئة ثعبان ثم التف حول ذراعها وسرق الخاتم، استيقظت كمت من النوم، فزعت لما رأت أن الخاتم ليس بيدها، أصبحت تبحث عنه يميناً ويساراً لكنها لم تجده، تضرعت كثيراً لإيزيس حتى ظهرت لها وأخبرتها بأن ست هو من سرق الخاتم أثناء نومها والآن عليها أن تكمل الرحلة بمفردها دون حماية، بكت كمت وتضرعت إلى إيزيس راجية منها أن تقف إلى جوارها وتحميها من شر ست، قررت إيزيس مساعدتها ولكن عقاباً لها على فقدان الخاتم ستسير إلى "بر باستيت" وهناك ستجد الحماية من صاحبة السيدات الآلهة "باستيت" وإن قبلت حمايتها ستكمل رحلتها إلى حورس في أمان وإن لم تقبلت فستكمل بمفردها

وتقابل مخاطر الشر الذي سيقوم به ست ، ذهبت كمت إلى بواستيس وعندما وصلت إلى المعبد بدأت تتضرع إلى باستيت حتى ظهرت لها وأخبرتها كمت على كل ما حدث منذ أن قابلت ست في هيئة الفتى الطيب وحتى وصلت إليها ، استاءت باستيت كثيراً وأخبرتها بأنها يجب أن تصل إلى حورس في أسرع وقت هو الوحيد القادر على حمايتها ، هو العقاب الحارس الذي يدمر كل من أراد شركاً ، أخبرتها كمت بأنها تحتاج إلى الحماية من باستيت الخنونة الوديمة حتى تصل إلى "حت- ن- نسو" أرسلت معها "باستيت" سبع قطط نظرت إليهم كمت وسألته هل سبع قطط كافية لمواجهة شر ست؟ أخبرتها باستيت بأن هذه القطط هي سخمت المفترسة في الغضب ولن يستطيع ست مواجهتها مهما فعل ولكن عليها أن تتبته ، هذه القطط حاميتها ما دامت لم تقع في الخطيئة وإن وقعت فستركها للشر أو تلتهمها .

#### الحكاية الثانية :

كانت هناك امرأة تعيش مع زوجها في المدينة ، كان الزوج ميسور الحال وتجارته توسعت لتشمل مدن عديدة ، المرأة كانت تملك من الجمال ما جعلها مطعماً للكثيرين ولكن كان هناك شخصاً بعينه أرادها وبشدة ، خرج الزوج لياشر تجارته خارج البلاد ، علم الرجل الذي لم يكن سوى الوزير علم بسفر الزوج فاستغل الفرصة ، ذهب إلى المرأة وراودها عن نفسها لكنها لم تستسلم لرغباته ، زاد تعلق الوزير بها وفي نفس الوقت أراد أن يثار لكرامته ، جمع أصحابه الثلاثة وهم الساحر وكبير المعمارين والتاجر وعرض عليهم ما يدور في رأسه وطلب منهم أن يساعده في خطفها دون أن يدري أحد ، كان يحضر المجلس خادم الوزير لذلك انضم إليهم إجبارياً ، وفي الليلة التالية نفذ الخمسة رجال الخطة وقاموا بخطفها ، كانت كمت تقاوم بشدة سل أحدهم خنجره وطعنها ماتت في الحال ، كان الساحر هو من قتلها لذلك طلبوا منه أن يتخلص من جثتها حتى لا ينكشف أمرهم ، طلب الساحر أن يحملوها إلى منزله وسيقوم

بإحراق الجثة ولن يظهر لها أثر وبالفعل قام بالتخلص من الجثة بعد أن ألقاها في النيران، عاد كلاً منهم إلى منزله .

في الصباح مر الساحر على التاجر في مكان عمله وطلب منه الحضور إلى منزله مساءً لأمر عاجل ثم مر على الوزير طالباً منه هو كذلك أن يحضر إلى منزله مساءً ومعه الخادم، لم يتبق سوى كبير المعمارين مر عليه الساحر أيضاً ليخبره بضرورة الحضور إلى منزله في المساء، مر النهار سريعاً وثلاثتهم يتساءلون عن سر تجميع الساحر لهم وفي الليل في جنح الظلام توافدوا واحداً تلو الآخر إلى بيت الساحر الذي كان جالساً في انتظارهم، بعد أن اجتمع خمستهم طلبوا من الساحر أن يفصح عن سر تجميعهم بتلك الطريقة .

تكلم الساحر بخوف شديد " عندما غادرتم بالأمس ذهبت كي أنام وعندما نمت رأيته كانت كمت التي قتلناها جاءت إلى وأخبرتني بأنها ستعود لتنتقم على ما فعلناه بها، أخبرتني بأن اللعنة ستحل علينا جميعاً " انتهى الساحر من قص حلمه على أصدقائه الذين علت ضحكاتهم وسخروا منه وتعجبوا كيف يكون هناك ساحراً جباناً، الساحر رأى أنهم لا بد أن يخافوا من كمت وانتقامها، وحذرهم بأنهم لم يروا الحقد في عيونها كما رآه هو، طلب منه الأصدقاء أن يهدأ وينام قليلاً ولا يستدعيهم ثانية إلا لأمر مهم ثم تركوه وانصرفوا . . .

مرت ثلاثة أشهر وعاد الزوج إلى المدينة لكنه لم يجد كمت، سأل عنها كثيراً حتى يأس، استدعى الوزير الزوج وأخبره بأنه عرف أين ذهبت ثم أمر الحرس أن يدخلوا أحد الأفراد، بعدها قال الوزير بأن هذا الشخص كان عشيقها وعندما كشف أمرهم هربت كمت وألقى القبض على الخائن وسيقدم إلى المحاكمة الآن، حكم على الرجل بالموت نظراً لخيانته وارتكاب الفاحشة، لم يستطع الزوج المسكين أن يتحمل العار الذي ألحقته به كمت فرحل عن المدينة . . .

بعد مرور شهر وفي إحدى سهراتهم وبينما يتحدثون إذا بالوزير يذكرهم بذلك اليوم الذي جمعهم الساحر في منزله مرعوباً من روح فتاة قد ماتت

ضحكوا جميعاً على الساحر حتى هو سخر من نفسه، بعد ذلك الوزير روى مستعرضاً ذكائه كيف نجح في إنهاء الأمر مع زوجها.

في الصباح كان هناك موكب مكون من عشر عربات تجرها الخيول، فوق إحدى العربات كان يقف الوزير مرتدياً لباساً أبيضاً ترصعه حلية ذهبية على الصدر ويضع معصماً ذهبياً في اليد، فوق رأسه كان يرتدي خوذة مصنوعة من الذهب الخالص، فجأة صهلت خيول الموكب جميعها وركض الفرس الذي كان يجرع عربته بسرعة كبيرة، حاول السيطرة عليه لكن لم يستطع، ركضت باقي العربات هي الأخرى بسرعة غريبة، حاول الوزير التمسك لكنه لم يستطع المقاومة وسقط من فوق العربة لتدهسه خيول العربات التي كانت تتبعه.

انتشر الخبر في أرجاء المدينة شعر الساحر بالخوف من جديد وأخبر البقية بأنها لعنة كمت قد بدأت لكن كبير المعمارين أخبره أنه حادث عابر وليس له علاقة بكم.

كان قد مر أسبوعين عندما عاد كبير المعمارين إلى منزله ودخل ليجد زوجته في أحضان رجل غريب اشتد غضبه فسل خنجره وقتلها، بعدما ماتت نظر إلى الرجل وقبل أن يقتله تحول الرجل ليجد كبير المعمارين كمت تقف أمامه ناظرة إليه وهي تضحك علم بأنه وقع في لعنتها، ندم على قتل زوجته، قتله الندم وخشي التعذيب أيضاً فقتل نفسه.

قرر الساحر الفرار خارج المدينة لكن وقبل أن يرحل طرق باب منزله ففتح ليجد امرأة شديدة الجمال يبدو من هيئتها أنها ليست من سكان مصر تطلب منه المساعدة، بعدما دخلت المرأة حدثته أنها من بابل وأن زوجها قد أتى إلى مصر للتجارة ولم يعد منذ فترة وتريد منه أن يعرف لها مكانه، بينما تتحدث كان الساحر مشغولاً في النظر إلى مفاتنها، لاحظت المرأة ذلك فأخبرته بأنها لا تمنع أن تعاشر ساحراً عظيماً مثله ولكن عليه أن يثبت لها قوته أولاً، سألتها كيف يستطيع أن يثبت لها ذلك؟ قالت بأنها تملك نبيذ من نوع خاص أحضرته معها

من بابل لا يستطيع رجلًا مقاومته، إذا استطاع هو أن يشرب منه كأسًا واحدًا ولم يطلب المزيد سيحصل عليها، سحر الساحر منها ومن نبيذها وأحضر كأسه، تجرع الكأس، تعجب لطعم النبيذ فهو لم يذق في حلاوته من قبل، طلب منها كأس آخر، أخبرته بأنه إذا حصل على الكأس الثانية فلن يحصل عليها وسينفذ طلبها، وافق الساحر تحت خمرت النبيذ، ملأت كأسه من جديد وبينما كان يتجرعها طلبت منه الفتاة أن يستمع إلى حكاية من حكايتها، وافق الساحر على أن تملأ له كأسًا ثالثة، كان يشرب مستمتعًا بالنبيذ بينما كانت تروي له حكاية يعرفها جيدًا، سقط الكأس من يد الساحر، أدرك أنه قد وقع في لعنة كمت، بدأ يشعر بالسم ينهش أمعائه، وفجأة رأى وجه كمت الحقيقي.

بعد موت الساحر هرب الخادم خارج المدينة.

أما التاجر فبعد أن تأكد من اللعنة قرر أن يقدم نفسه إلى المحاكمة قبل أن تقتله كمت.

\*\*\*\*\*

العطايا . . .

العطية الأولى:

تدخل سيدة الشمال إلى معبد أون وتقابل كبير الكهنة الذي تعرف عليها وطلب منها أن تنقل النقش الموجود على جدار المعبد "عين حورس هي حاميتك، أوزوريس إله القرابين هو حارسك، سيهزم كل أعدائك وكل أعدائك هم جزء منك" بعد ذلك أعطاها الكاهن خاتم إيزيس الحاوي على كل القوي السحرية التي تحميها من ست.

العطية الثانية :

تصل سيده الشمال إلى بر باستيت وتتضرع فتظهر له باستيت الوديعه ، تروي سيده الشمال على لسان كمت قصتها مع ست فتعطيها سبع قطط حامية لها وتخبرها بأن حور مجدتي قرص الشمس المجنح سيصاحبها في رحلتها ، سألتها سيده الشمال كيف ستنقذها القطط من ست ، فأخبرتها " إذا أردتي أن تكون حالك طيبة فامتنعي عن كل خطيئة ، احفظي نفسك من كل جشع فهذا مرض مؤلم وهو محض حية سامة ، الجشع هو مجموعة كل المساوي وتكديس كل الخطايا " .

العطية الثالثة :

وصلت سيده الشمال إلى حتت نن نسو ، بعد أن باتت ليلتها الأولى تجسد لها حورس في المنام وأخبرها بأنه سيحميها من أعدائها وبأن أعدائها هم جزء منها .

العطية الرابعة :

بعد أن انتهت رحلة سيده الشمال وتأكدت كمت من أنها تحمل السر وتعرفت إلى قلبها قررت أنها تستحق الكنز ، أخبرتها بمكانه الذي احتفظت به منذ انتقامها من أصحاب النفوس الشريرة ، وأخبرتها بأن الرموز حمايتها ما دامت كم تقع في الخطيئة ، حذرتها بأن اللعنة ستحل عليها وعلى كل من يرتكب خطيئة وستنتقم منهم جميعاً .

كل ما حدث هو أن اللعنة حلت على من قتلوا نيهان لارتكابهم الخطيئة فعاقبتهم كمت أو حلت عليهم اللعنة لكن هناك شخصان لم تحل عليهم اللعنة بعد وهما عامر و . . . ؟ لا يعرف هوية الشخص الخامس ، أعاد قراءة المذكرة ثانية ، لقد عرف هويته ولكن كيف يكون هو؟! !!

- صباح الخير يا باشا .



- إزيك يا إبراهيم؟ ، اتفضل أعدد .

- تسلم يا باشا .

- تشرب إيه؟

- لا ولا أي حاجة يا باشا ، تسلم .

- قول يا إبراهيم إحنا لسه قاعدين شوية حلوين .

- خلاص يبقى شاي يا باشا .

ضغظ زر بالمكتب فدخل العسكري الواقف أمام الباب :

- اتنين شاي يا بني ، ها قولني بقي يا إبراهيم إيه اللي حصل؟

- أنا يا باشا كنت بشتغل في شركة الشحن وفي يوم ربنا ما يعيده جالي مشوار لمصر الجديدة عشان أسلمم أوردرد ، روح وديته وخذت حسنتي ومشيت ، عدا كام شهر ولاقيت واحد جايلي بعربية فخمة أوي يا باشا والله ما قدرت أعرف نوعها وقالني إن سعادتك بتدور على اللي سلمله الطرد وهددني لو فتحت بوقني هيخلص عليا أنا وأمي وطبعاً الناس اللي زي دي لو جيت بلغت محدش هيصدقني ويكذبهم فقولت أخذها من قصره وأخلع ، طلبت منه يوديني شغلانة برا القاهرة والراجل نفذ وقتي ، لحد ما سعادتك كلمتني .

- أنت سلمتله الطرد في بيته؟

- لا يا باشا ، استلمه مني في الشارع .

- طب العنوان اللي هو كان كاتبه إيه؟

- مكنش كاتب غير الكورية - مصر الجديدة .

- تقدر توصفه؟

- طبعاً يا باشا هو أنا أقدر أنساه .

- رفع سماعته وطلب من أحد المختصين الحضور ثم التفت إلى إبراهيم ثانية .
- في مختص هيجي دلوقتي عايزك تركز معاه وتوصف الواد دا صح عشان نعرف نوصله بسرعة .
- تحت أمرك يا باشا ، المهم أمي بس ميحصلهاش حاجة .
- أنت قولتلهم إيه في الشغل؟
- قولتلهم زي ما سعادتك قولتلي ، أمي تعبانة ولازم أشوفها وهرجع بالليل .
- طب زي الفل ، خلص مع المختص وروح شوف الحاجة ومن هناك تطلع على شرم ثاني لحد ما أكلمك .
- تمام يا باشا .
- دخل المختص إلى مكتب عصام وجلس لمدة ساعة يحاول رسم صورة مقربة للأوصاف التي يملها عليه إبراهيم الذي هتف بصوت عال :
- هو دا هو دا يا باشا ، تسلم إيدك يا فتان .
- ابتسم المختص وعصام أيضاً الذي سأله :
- أنت متأكد يا إبراهيم؟
- عمري ما أنسى خلقته يا باشا .
- تمام استنى هنا خمس دقائق وراجعلك .
- ذهب عصام والمختص إلى غرفة البحث الجنائي لمعرفة هوية صاحب الصورة وفي خلال دقائق كانت بياناته في يد عصام ، عاد عصام مسرعا إلى المكتب وطلب من إبراهيم العودة إلى منزله وإكمال الخطة حتى يعاود الاتصال به ، خرج عصام من المديرية وهو يركض بكل سرعته وانطلق بسيارته متجها إلى مصر الجديدة .

---

لعنة الذهب

---

\*\*\*\*\*

كان أيمن يقف أمام إحدى البنايات الفخمة نظر إلى أعلى البناية ثمَّ صعد درجات المدخل متجهاً إلى الأسانسير، ضغط على زرٍ يحمل الرقم ١٠، ظل يزفر في توتر طوال صعود الأسانسير، لا يصدق حتى الآن بأن صديقه هو المتورط في كل تلك الأحداث.

\*\*\*\*\*

\*مشهد فلاش باك\*

- اصحى يا بني كل دا نوم؟
- يا عم اقلل النور وسيني أنا منمتش من إمبراح.
- أنت مش عندك شغل؟
- هي الساعة كام؟
- الساعة الثامنة صباحاً بتوقيت القاهرة يا أستاذ.
- يا نهار أسود أنا أتأخرت جداً.

\*\*\*\*\*

- إيه ياسطي، أنت فين؟
- في الأقصر بغطي حفلة هناك.
- ربنا معاك يا معلم، طمني لما ترجع.
- ماشي، حبيبي سلام.
- سلام يا صديقي.

\*\*\*\*\*

وصل الأسانسير إلى الطابق العاشر، خرج منه أيمن وطرق الباب، تمنى إلّا يفتح وإلا يخرج صاحب المنزل أبداً، فتح أيمن الباب ليجد صديقه ممدداً على الأريكة، لاحظ صديقه التعب على وجهه فسأله في لهفة:

- مالك يا أيمن فيك إيه؟

- مفيش أنا بس تعبان شوية، ضغطت الشغل أنت عارف من ساعة قضية المعداوي وأنا بقيت شايل شغل كثير.

- ربنا يعينك يا صاحبي.

- أنا هقوم اعمل شاي.

- طب استني اعملك أنا.

- لا أنا هعمل تشرب معايا؟

- ماشي ياعم اعلمي معاك.

أحضر أيمن الشاي ثم جلس بجوار مالك تناولاً إيّاه كوباً من الاثنين ثم تابع التلغاز في صمت وهو يحتسي مشروبه، نظر إليه صديقه باستغراب بعد أن رشف رشفة من الكوب:

- أنت هتفضل مبلم كدا؟

- شوية وهبقي كويس متقلقش.

- مقلقش إيه ياعم، دا أنت مش شايف خالص.

- صدقني لما أشرب الشاي هبقي كويس.

- ماشي.

أخذ رشفة أخرى من الكوب وكذلك أيمن، بقياً صامتين حتى أنهوا الشاي، نظر أيمن له بطرف عينه دون أن يلتفت:

- قتلتهم ليه يا مالك؟
- عشان كان لازم يموتوا .
- دا أنت مستنيني أسالك بقى !!
- من ساعة ما قولتلي إنك حلمت بنيهان وأنا عارف إنها هتوصلك ليا .
- قتلتهم ليه؟
- تفتكر لو قدامك مليار دولار تقسمه ولا تأخده لوحداك ، مكنش ينفع يتقسم .
- إزاي قدرت تقتلهم وتبين إنه انتحار؟
- بسيطة جداً على فكرة ، مصطفى كان بياخد حبوب مسكنة كثير وكنت متأكد إنه هيستخدم الحبوب دي لما أضغط عليه ، دخلت الشقة وهو في الحمام لاقيت العلبة على الكومودينو بتاعه غيرت الحبوب اللي في العلبة بحبوب السم ، بعدها بدأت أوتره عشان ياخذ الحباية وفعلاً خدها ومات بعد نص ساعة وأنا قومت رسمت الرسمة اللي على الحيطه وبعدين لميت كل حاجة وخرجت .
- طب وحماد إزاي خليفته يتنحر بالمسدس؟
- مصطفى كان مقلق يغدروا بيه فكان بيحاول يمسك عليهم ذلة ، حماد مكنش ليه في الحریم ، بس مراته كان ليها في الرجالة ومصطفى عرف بوقعها وصورها في شقته ، لما خدت الهارد بتاع تسجيل الكاميرات لاقيت الفيديو ووريته لحماد ، خاف من الفضيحة فموت نفسه شوفت سهلة إزاي ، هاهاهاها .
- طب والرسم اللي لقوه هناك رسمته إزاي وهو انتنحر بعد ما أنت نزلت؟
- رسمته قبل ما يوصل كنت متوقع انتنحاره ، قولت أهو لو انتنحر يكمل الخطة ولو منتنحش مش هخسر حاجة لأنه مش هيشوف الرسم .
- ليه مقتلتش عامر وأمير؟

- عامر كان رأس الحية فقررت أنه لازم يتعذب أطول وقت، لو مات هيرتاح  
عشان كدا كان لازم أسييه للأخر لحد ما أعصابه تبوظ خالص بعدها اقتله،  
أصل هو بس اللي قرأ التحذير اللي على الخريطة وعارف موضوع اللعنة .  
- وأمير؟

- أمير عيل غلبان لما قربت من أبوه عرفت إن بينهم خلافات كثير، واد نضيف  
بس أبوه راجل وسخ، أمير كان بيعس أن أبوه جايله العار عشان كدا خبي  
الخبر لحد ما ينقله القاهرة فقولت استغل الفرصة دي ويشيل هو الليلة كلها،  
هاهاها والله صعب عليا .

- عامر مجبش سيرتك في التحقيقات، مش غريبة!!

- عشان ميعرفنيش، محدش فيهم كان يعرف اسمي أو شكلي غير مصطفى  
والمعداوي اللي كان مسكتني كل حاجة تخص الكاميرات والسيستم الأمني بتاع  
شركاته وساعات كان بيخلمي أهكر حسابات لمنافسين تقال وأجيب بيانات  
الصفقات بتاعتهم، هاهاهاها مكنش يعرف أنه في يوم من الأيام هيكون عميل  
عندي، حتى لما بعته الفيديو وهددتوا بيه مقدرش يقول لعامر إنه عارف مين  
اللي صورهم، هيقولهم إيه؟ إنه كان بيصورلهم ويسجلهم طول الوقت  
ومقدرش طبعاً يفضح نفسه قدام ابنه اللي مش طايقه، مكنش قدامه حل غير  
إنه يسكت، بس أنا مجبش أسيب حاجة للصدفة .

- عشان كدا بدأت بيه، صح؟

- صح، كان لازم أخلص منه قبل ما يوصلني خصوصاً إن هو الوحيد اللي  
عارف بموضوع الفيديوها دا ومصطفى مات في نفس اليوم اللي كان هيقابل  
فيه عامر فملحقتش يقوله .

أشعل مالك سيجارته وهو ينهض واقفاً من مكانه .

- كنت عارف إنها هتجيبك هنا بس مكنتش متخيل إنه بالسرعة دي .

-إيه اللي حصل لنيهان؟

\*\*\*\*\*

وقف عصام في وسط زحمة كوبري أكتوبر محاولاً تحريك السيارات وإخلاء الطريق ولكنها عملية شبه مستحيلة في وسط النهار فاضطر إلى الجلوس في مقعده منتظراً أن يفتح الطريق .

\*\*\*\*\*

- نيهان أطيّب إنسانة عرفتها في حياتي وعشان كدا ماتت، الطيبة في الزمن دا معناها الموت يا أمين، كانت بتشتغل عند المعداوي وبالصدفة عرف أنها اتكتب كتابها بس عريسها مات قبل الفرح بيومين، حظها كان وحش أوي إن المعداوي عرف حاجة زي دي، لما حماد لقي الدليل كان مكتوب شرط إن البنت لازم تكون "عزباء متزوجة عذراء وتحمل السر" محدش فيهم كان فاهم حاجة بس لما فكروا فيها واحدة واحدة المعداوي افكر إن نيهان فيها المواصفات دي بس لسه ميعرفوش إيه السر اللي المفروض يكون مع البنت المقصودة، لما عامر سأله على اسمها وعرف إن اسمها "نيهان" اتأكد أنها البنت المطلوبة، كانت منحوسة حتى في اسمها، بعد ما اتأكدوا إن عندها قراب في الأماكن المحددة في الدليل قرروا إنها تنفذ الخطة، بس لو قالولها فيه خطر إنها متوافقش فكانت الخطة إني أخليها تحبني وتبدأ تسمع كلامي :

- وهي حبتك بس رغم كدا مسمعتش كلامك .

زفر دخاناً ملأ رئتيه ليصنع سحابة أمامه ثم قال :

- بالظبط لما كنت بكلمها عن الموضوع كانت بتقول إنها بتعتبر تجار الآثار خاينين لبلدهم ولازم يكون فيه قانون يسمح بإعدامهم بتهمة الخيانة العظمى، والكلام الوطني اللي مبيجش همه دا، المعداوي قرر بعدها أنها متعرفش حاجة وبعد ما تجمع المطلوب ينتهي دورها عشان كدا عملنا عليها لعبة الذهب المسروق، مصطفى كان دوره إنه يخليها تزور الأماكن اللي في الدليل بجهة إن

الذهب بتاعها هناك وكان بيخلي خدامه يعملوا كل اللي هي بتشوفه في الجلسة والكوابيس اللي بتشوفها عشان تقتنع وتروح وفعلاً كانت بتستلم المطلوب في كل مرة ولما خلصت المعداوي طلب مني أسلمهاله في الأقصر، يعرف مكان الخريطة ويرجعها ثاني وتبان إنها عملية خطف عشان لما ترجع متشكش في حاجة .

- أمال ماتت ليه؟

- اللي مكناش عاملين حسابه أو نعرفه بمعنى أصح إن المطلوب دا هيصحي روح غريبة غحنا منعرفهاش وهي صاحبة المقبرة، الروح لبست نيهان وفجأة بقوا بيواجهوا وحش كاسر، مكنش قدامهم غير إنهم يقتلونها .

\*\*\*\*\*

\* مشهد فلاش باك \*

أربعة ظلال واقفون، الظل الأول كان يبدو إنه ظل امرأة ينسدل شعرها على كتفها أما الثلاثة ظلال الأخرى فيبدو أنها لرجال، اقترب أكثر وسط رؤية معتمة خلفها الضباب الذي يغلف المكان محاولاً الاستماع لما يقال لكنه لم يفلح، وقف يراقب الموقف من بعيد والظلال تتحرك كان أصحابها تتعارك، يشعر بأنه يعرف أحد تلك الظلال لكنه لا يستطيع التحقق من الوجوه، ظلًا من الظلال الثلاثة تحرك ناحية ظل الفتاة ثم رفع يده في اتجاهها .

\*\*\*\*\*

- أنت كداب يا مالك، أنت مسلمتش نيهان للمعداوي ومفيش روح لبست نيهان ولا أي حاجة من دي حصلت .

- ارتبك مالك ونظر إلى أيمن في ذهول وخوف .

- ا، أنت بتقول إيه؟

- أنت كنت معاهم ولما رفضت تشترك معاكوا في اللعبة الوسخة دي قتلتها .



أنهار مالك وهوى يجسده على أحد المقاعد وقال باكياً:

- مكنتش عايزها تموت، لما روحنا هناك ومصطفى عمل الجلسة وعرف مكان الخريطة، اكتشفت الحقيقة فعدت تزق وتقول أنها مش هتشارك في حاجة زي دي وهددت إنها هتبلغ عننا، بعدها المعداوي قالي لازم تموت حاولت أمنعه كثير لكن هي كانت مصممة تبلغ عننا وقعدت تصرخ وأنا بمحاول أقنعه إني هقدر أسيطر عليها لما نرجع بس يسيبها تعيش وهي بتصرخ وبدأت تشتمني كثير، وقدام تهديدها وإصرار المعداوي مقدرتش أعمل حاجة، قال لمصطفى يقتلها وفعلاً قرب منها ورفع السلاح في وشها، بصيت في عيني ساعتها باصة عمري ما نسيتها كانت خايفة مني وفي نفس الوقت بتستجد بيا، بس مقدرتش أعملها حاجة حسيت إني اتشليت في مكاني فوقت على صوت الرصاصة خارجة من سلاح مصطفى، مكنتش عايزها تموت، مكنتش عايزها تموت .

- أنت مش طبيعي!! أنت أكيد مجنون، بتبرر لنفسك كل جريمة، حتى قتلك لأكثر إنسانة حبتك وكانت مستعدة تعمل أي حاجة عشان ترضيك .

- ممكن أكون مجنون زي ما بتقول بس أنا حبيتها، والله العظيم حبيتها .

لم يعقب على كلامه واكتفى بنظرة تحمل الكثير من الكره والاحتقار، نظر إلى ساعة يده وشعر بأن الوقت يداهمه .

- متخفش لسه شوية .

- لسه شوية على إيه؟

- عارف الحركة دي نفس الحركة اللي عملتها بعد ما مصطفى خد الحباية، كنت عارف إن اللعنة هتصيبني، بس متخيلتش تبقى على إيدك .

- ولا نيهان كانت متوقعة إنها تموت على إيدك .

- صح، كل أعدائك هم جزء منك .

مرت أكثر من عشرون دقيقة ولا زال عصام عالقًا في كوبري أكتوبر منتظرًا ينظر إلى ساعته في مللٍ .

\*\*\*\*\*

لم يفهم أيمن ما قصده مالك ولكنه تذكر الجملة ، كانت في المذكرة ولكن يجب أن يعرف كل شيء قبل موت مالك ، سأل متسرعًا :

- كنتوا بتهربوا الآثار إزاي؟

- دا كان دور المعداوي ، يتعامل مع السفارات في مصر ورجالة المافيا برا ، بعد ما بيتفقوا على السعر الناس دي بتبعك واحد من عندهم بعدها بيومين بتخبطوا عربية ويتنقل على مستشفى الرحمة بتاعت المعداوي وطبعًا بيكون مات ، بيعتوا للسفارة تبعت لأهله يستلموا الجثة وأنت عارف ، سفارة وجواز أسود ، يبقى مفيش تفتيش وطبعًا التابوت مكنش بيبقي فيه غير الآثار ، وأهله هما رجالة المافيا ، والجثة بتدفن في تربة الغفير حد كان يصدق جثة بجواز أسود تدفن في تربة الغفير !!

- طب والمعداوي مات إزاي؟

- تفتكر إيه أسوء حاجة ممكن الواحد يحس بيها يا أيمن؟

- الخوف مثلاً .

- توّ ، الخوف ساعات كثير بيكون دافع للنجاح يعني دايماً يقولك لازم تخاف عشان تنجح لكن مفيش أسوء من إحساسك بإنك تكون السبب في موت شخص ، دا الإحساس اللي حسه نوبل ، بعد ما نشرت الصحف نعي ليه بالغلط وقالت " تاجر الموت ميت " نوبل ساعتها حس قد إيه هو مكروه من العالم وحاول تحسين صورته بإنه كرت ٩٠٪ من ثروته لجوائز نوبل ، عارف مين كمان كان المفروض يحس الإحساس دا ؟

- أنتن مثلاً؟! قالها بسخرية !

- تو، ألبرت هوفمان سمعت عنه قبل كذا؟

- مين ألبرت هوفمان؟

- دا الشخص الموازي لإلفرد نوبل لكن التاريخ ماحسبوش زي ما حاسب نوبل مع إنه عمل نفس اللي نوبل عمله، ألبرت هوفمان العبقري سنة ١٩٣٨ اكتشف عقار خطير جداً من مادة ثنائي إيثيل أميد حمض الليسرجيك، العقار دا بيأخذك لعالم ثاني خالص، بتحس بسعادة رهيفة لمدة حوالي من ٣ إلى ٩ ساعات لكن بعد كذا بيأخذك لرحلة طويلة من الاكتئاب بتوصلك للانتحار، أسوأ لحظات حياتك بتشوفها بوضوح من جديد بيسموها "رحلة الموت" دا لو الجرعة مضبوطة، لكن لو زادت شوية فأنت ميت أكيد، الغريب بقى إنه بعد ما عرف كل دا صمم على إنه ينزل الدواء للسوق سنة ١٩٤٧، في الخمسينات اكتشفت المخبرات الأمريكية خطورة العقار على الشباب فمنعته واتحط جدول لكن بيتباع لحد دلوقتي، عظيم ألبرت هوفمان.

- عظيم!!؟

- ما هو من غيره مكتش هخلص من المعداوي (ضحك هيسثيري).

- أنت قتلتها بالدوا دا؟

- المعداوي أكثر واحد حيرني فيهم مكتش عارف أقتله إزاي من غير ما أسيب دليل ورايا، صعب إنني أوصله للانتحار زي حماد وفي نفس الوقت مش بياخذ أدوية ممكن أبدلها بالحباية زي مصطفى فكرت كثير على ما قدرت أوصل لحل، المعداوي كان مدمن ويسكي قررت أحطله المادة دي في الويسكي، نص جرام كان كافي إن الرحلة توصله للانتحار في نص ساعة بس اللي مكتش أعرفه إن الويسكي بيضاعف مفعول المادة ويخليها تنتشر في خلايا الجسم أسرع، دقايق وكنت بتفرج عليه في شاشة اللاب بدأ يعمل حركات غريبة اتأكدت إن المفعول اشتغل لكن بدأت أحس وكأنه بيتكلم مع حد واقف قدامه بيدافع عن نفسه ويبطلب السماح من الشخص دا، قعد يعيط كثير ويترجاه،

بعدها لاقيته بينطق اسم كمت . نزل جري بهدوم البيت زي ماشوفته مكنش قدامي وقت دخلت أوضته وبدأت أرسم الرسمة وأنا متأكد إنه مش هيرجع ثاني .

\*\*\*\*\*

وصل عصام إلى مبنى وزارة الدفاع والطريق لا زالت مزدحمة ولو بقى على هذه الحال لن يصل قبل نصف ساعة .

\*\*\*\*\*

- ليه يا مالك؟

- وليه لا يا أيمن ، فلوس ، نفوذ واحترام ، ليه لا!!

- كانت مقبرة مين؟

- المقبرة كانت زي مقبرة جماعية فيها أكثر من عشر توابيت عشان كدا لسه مخلصتش لحد دلوقتي ، اللي قدروا يبيعوه لحد ما ماتوا حوالي ٤ توابيت بس .

- يا ولاد الكلب ، بتاجروا بأرواح الناس وتاريخ البلد بالبساطة دي .

- هاهاهاها البلد!! ، أنت مصدق إن دي بلدك يا أيمن؟ يا بني دي بلد اللي معاه فلوس ، أنا لو مش معايا فلوس مكنتش هقعده هنا ولا الناس اللي هنا هتبصلي من أساسه ، لو مش معايا فلوس مكنتش هعرف أعينك في الجريدة اللي خلثك تحس إنك بني آدم ثاني كان زمانك شغال في محل إكسسوارت ولا مطعم من اللي كنت بتشتغل فيهم وكان زمانك سايب أميرة عشان أهلها رافضين واحد شحات زيك ، وبعدين كانت فين البلد دي وأنا وأنت مش لاقين أكل؟ قولي أنت كدا البلد عملتلك إيه؟

- البلد يا مالك متعملش ، إحنا اللي بنعمل ، البلد عمرها ما كانت سبب في الفقر أو الغنى ، البشر اللي عايشين فيها هما السبب في كل حاجة ، الحلو

والوحش، لكن البلد هي المكان اللي بتتتمي ليه بعيد بقى عن الحكومات والمصالح وبعيد عن حالتك المادية سوء غناً أو فقر.

- وأنا بقى مشوفتش حاجة عدلة تخليني أفكر في البلد اللي عمرها ما فكرت فياً.

- مشكلتك إنك متعرفش يعني إيه انتماء زيك زي أي خاين، عشان كدا عمرك ما هتفهم كلامي يا مالك.

-أنا بفهم يعني إيه فلوس وبس، الله، اه، إلخني . . . يا . . . أيمن.

سقط مالك على الأرض ممسكاً بطنه في ألماً شديد فنظر له أيمن في غضب!

- عارف إيه أوسخ إحساس ممكن الإنسان يحسه يا مالك يجبد، مش الخوف، توتؤ، الغدر، الغدر اللي نيهان حسيت بيه قبل ما تموت لما شافت أكثر إنسان حبته في الدنيا بيسلمها للموت، لما لاقت الإنسان اللي كانت مستعدة تموت عشانه هو اللي بيقتلها ولتاني مرة، أنا قررت أحاكمك زي ما أنت حاكمتهم، دوقتك الغدر قبل ما تموت عشان أشوف في عينيك نفس النظرة اللي كانت في عيون نيهان، متقلقش هرسملك رسمة حلوة.. هحطلك حية.

- إيدك بقى فيها دم يا أيمن، اللعنة هتصيبك.

لفظ مالك أنفاسه الأخيرة وخرجت مادة بيضاء من فمه، قام أيمن وثبت لوح الإستنسل الموجود بجوار المكتب على الجدار ثم شرع في الرسم.

\*\*\*\*\*

كان عصام أمام جروبي بينما كان أيمن يغادر العمارة عائداً إلى منزله، بعد عشر دقائق وصل عصام إلى المبنى ركب الأسانسير وصل إلى الطابق العاشر، وقف أمام الباب ولكن لم يفتح له أحد، اضطر إلى كسر الباب، دخل عصام إلى الشقة ليجدها فارغة تماماً، ليس هناك سوى كوب واحد من الشاي موجود على الطاولة ويجواره مظفأة ثقاب ملئت بأعقاب السجائر، تجول في الصالة

قليلاً ثمّ فتح باب غرفة المعيشة ليجد صوراً للضحايا وجهاز كمبيوتر، وجد على الجدار رسم محاكمة الموتى وبجواره رسم رمزاً لثعبان كبير وكتب بجانبه: "لا تستحل حقوق الناس حراماً، ما كان الشر بموصل مقترفه إلى شاطئ الأمان، قد يحصل المرء على شيئاً من الثروة عن طريق الشر، لكن قوة الحق تبقى ثابتة" حاول العثور على الجثة لكنه لم يجد أي شيء، علي طاولة السفرة وجد بطاقة تحمل اسم محمد عبد الرحمن وبها نفس صورة الشخص الذي وصفه إبراهيم، الشخص الذي لم يكن سوى مالك، اتصل عصام وطلب دعماً من المديرية .

\*\*\*\*\*

دخل إلى المنزل، وضع هاتفه على المكتب، بدل ثيابه ووقف أمام المرأة كان يشعر مجزناً عميق بداخله لم يفصح عنه لأحد .

\*\*\*\*\*

- محمد عبد الرحمن، ٣٥ سنة، عايش هنا من أربع سنين بس، لكن حياته قبل كذا مفيش أي معلومة عنها، جيرانه يقولوا إنه كان شاب في حاله ميعرفوش عنه كثير، لما دورنا في الكمبيوتر بتاعه لاقينا فيديوهات للتلاتة اللي اتقتلتوا وبرضو لاقينا جنب المكتب الورق اللي كان بيستخدمه للرسم ولاقينا صور كثير للضحايا معلقها في الأوضة جوا .

أدرك عصام بعد تلك التفاصيل بأن مالك رجله الذي يبحث عنه، فهو من استلم الطرد من شركة الشحن كما أخبره إبراهيم وهو من كان يقوم بجرائم القتل، وصل لرأس الحية، لكن أين هو؟ وجود الرسم على الجدار يعني وفاته فأين الجثة إذًا؟

\*\*\*\*\*

أمرنا نحن صالح الشهاوي وكيل النيابة بإخلاء سبيل المتهم أمير محمود المعداوي ما لم يكن مطلوباً على ذمة قضايا أخرى .

\*\*\*\*\*

باريس ، بعد مرور شهرين :

كان يترجل في الشارع منذ ساعتين حينما قرر أن يعود إلى منزله ، في الطريق عطف على أحد المحلات ابتاع منه الزهور المفضلة لديه ثم أكمل الطريق إلى المنزل ، دخل ووضع الزهور في مكانها ثم انتبه لوجود رسم على جدار الصالة يشير إلى نفس الجزء الذي لم ينسأه أبداً ، رن هاتفه برسالة جديدة :

" انتبه اللعنة لم تنته بعد " .

\*\*\*\*\*

إنتهى الجزء الأول وقريباً الجزء الثاني . . . . .

شادي إسماعيل